

臨時抽印本

鄧縣通志人物編 下

武功 忠烈 孝義

節概 遺佚 附方外

方聞 義行 學術



上海图书馆藏书



A541 212 0018 6683B

人物類表第四 武功

唐 黃晟

宋 馮湛 趙善湘

史肯之 弟能之

明 陸健 萬表 史元中 萬邦孚 李樞

高斗樞

清 李涵 董元楠 王睽 金相 李鉞

董鎮陞 沈烜 楊坊 黃維煊 徐傳隆 項明鑑

右自唐迄清凡二十一人皆以武功顯者其成就小大雖不可同
量以概要皆國之干城非一概材官者比也攷國之為宇从戈从
口从一一者土地也口會人意戈所以成武也謂徒土不足以立
國必也有人斯有土徒人不足以守土必也得其人之力斯得其
人之用苟非然者其國或為異族所侵害或自陷於紛論攘奪而
不可止則土非人有人非國有尙足稱乎哉故土地人口武力三

者為立國之大本而武力尤為衛人與土之要質也濱海之鄉民性流動之堅毅之氣鄞又當市舶交通之會善柔無競奉為習訓自古以儒懦見輕天下然以地理關繫甬人之冒險性實較他邦為富且兵事之得當不必盡出于材武一人之敵非國家所貴觀乎萬表董元楠諸人之功績可知也楊坊一海僧耳引犬羊以噬同族其人不足稱然吾國軍事之知練火器講步伐則自坊始其功亦不可沒云述武功第四

時代	唐	姓名	事	狀	黃 晟	字 明 遠	少伉勇集衆據平嘉權知州事羊僕補為平嘉鋪將台人劉文寇明州僕擊走之其黨杜宗自寧海據奉化晟以所部擊之執杜宗等不殺盡驅之使還台州獲其粟帛悉屬於本道遷奉化都護防遏兼飲飛都副兵馬使及餘姚鎮將相嘉侵越州董昌不能禦刺史鍾季文遣晟領兵攻相嘉禽殺之昌奏授晟散騎常侍浙東道東面副指揮使景福元年季文卒衆乃戴晟攝守討平鄰寇保護鄉井辟前進士陳鼎羊紹素為門賓江東文學之士咸往依焉時董昌錢鏐更王晟皆善事之表奏為真昌僭稱帝晟移書諭之錢鏐起師討昌晟遣指揮使梁從旺率兵應之昌誅晟與有力在任十八年伐石包羅城十八里重置甬江	子爾肅為錢鏐贅婿孫永階官象山鎮遏副使	晟嘗涉桃花渡有二蛟為虐晟仗劍下持蛟頭從江中出
----	---	----	---	---	-----	-------	--	--------------------	------------------------

宋

馮湛

字瑩中

浮橋境內以安累官至明州刺史封江夏縣開國子卒遺疏不請其子為嗣府庫所蓄必題曰送使其忠順如此

姿貌偉傑涉獵書傳不從蔭補期於自奮舅劉錡深愛之教以兵略順昌之役鎔破烏珠兵二十萬湛在行間身先士卒陷陣卻敵由是以驍勇顯烏珠再攻淮西復從錡於炎山青溪柘皋戰比有功齊述據虔叛湛從陳敏討之擐甲先登遂入其郛以功陞馬軍第五將益盡力深入瘴鄉平何白旗等七十餘族俘酋豪黃大老謝二化等六郡以清會召還明之定海統制范榮請為將佐紹興三十一年金亮渝盟欲以舟由海道襲我詔湛措置山東借補忠翊郎權破敵軍統領率兵八百人海船二十艘中流遭颶風漂溺過半是冬與總管李寶入海州金遣尙書蘇保衡孟都統及母弟阿瓦率舟千餘泊膠西衆十餘萬別以萬人趨海州湛請先擊之以挫其鋒寶許諾即勒兵四百五十人及左翼軍李寶魏勝所統千三百人結陳而行至新橋與金五千人遇力戰克之夜半還城密與寶謀我師新至幸而捷敵必益兵而來何以禦之不如登舟用我所長攻其無備可以得志寶然之詰朝偕行次於石白關趙友來降言膠西敵舟兵數甚悉湛請以三舟為先鋒友為鄉導尋至唐島望敵舟率五十為陳有張蓋危坐者友以蘇保衡告湛計獨翦滅此賊其餘不攻皆破遂乘之縱橫若神俄有七星黑旗褐裘衷甲駕巨船率銳卒而至者友復以阿瓦告湛挾一矢斃之奪其金牌獲百尺船敵人膽喪投戈請命湛即躍入番船以刀擁千戶張廣邢諤韓宗愈及大漢軍百五十餘人來即其船實薪草沃以膏油乘

子拱沿海制置司水軍統領梓江陵府副都統司書寫機宜文字榘嘉定中權殿前司職事

湛嘗從父過危橋父隕深澗即躍入抱持以出時人美其孝湛精射藝矢無虛發著有射譜行世作大字遒勁有法兼善行草

風熾火縱之北岸延及餘船敵兵驚潰溺死者甚衆寶至嫉其功將執之湛卽脫身去至牢山卽墨人王彥于宜與其父老請乘兵威糾合諸州忠義收復山東湛見其誠懇與之約不出三日以萬人至則可衆踴躍從命越二日至者五千餘人湛登岸部分隊伍申嚴約束躬督所部俱發破卽墨忠義士爭歸之衆至五萬咸有奮志湛獨念主帥嫉我不獲乎上事何由集不如姑歸遂引兵還自海抵明獻俘闕下天子嘉其功賜金帶銀千兩官承信卽護聖馬軍裨將明年邊成忠卽擒李承富五百餘衆遂以爲統領代寶屯江陰隆興元年海寇朱百五聚二千人丞相舉湛討之使選水軍及步兵各三百人率之以往至黑水洋交鋒屢捷擒八百餘人遷忠翊卽詔選精兵二百戰船一艘與戚方往濠州措置邊面以所將寡弱守禦不足招符離潰兵得五千餘人權知濠州改建康左軍司統制明年金犯淮東西湛以兵扼宣化定山壙口三渡說都督府分遣諸將邀敵歸路絕其糧道而縱兵以擊之三請不從無何敵四騎來以講和告湛疑焉索之得江面圖靴中請督府誅之督府反勞遣之還湛以爲敵情叵測釋此不誅彼悉吾虛實有輕我心因集軍士櫛之敵人警服師還爲建康水軍統制尋添差隆興鈐轄乾道初除環衛宮殿司統領轉忠訓卽歷樞密院定海水軍統制五年召對言自古名將無非出奇上問奇兵若何對曰今海道是也異時六師順動臣請以千艘數萬兵乘便風徑指敵巢糾率豪傑可以全勝上壯之於是水軍始隸御前以萬人三軍十將爲額轉從義卽閣門宣贊舍人御前水軍統制湛復言定海之屯

止於備禦難以進取楚之鹽城密邇海州信宿可至請徙屯焉或以迫近鄰境爲疑湛乃請屯平江之許浦六年以湛爲御前水軍諸軍統制詔從其議立四寨去鎮三里許占民田三千五百畝償以公田築堤捍海爲屋萬間規制恢廣隱然爲東南巨防明年遷所部三千人於新寨益以江陰屯兵爲五千人又言諸州黥徒類多勇壯及海道鬻鹽者其人熟於舟楫請皆補以爲兵上許之增三千餘人而萬人之額至是足焉會羊舜韶之衆攻劫海州舜韶本土豪始欲取金州旣而兵糧俱缺途窮爲寇湛表奏其故親往招撫舜韶感服散遣徒黨與其儕十八人束身歸朝授湛右武郎有沮之者遂主管崇道觀起爲浙東兵鈴淳熙二年除御前副都統復領許浦治軍一踵故迹節財用剔姦蠹大修戰艦開梅里河五十里號令嚴肅四年被旨入覲未及奏事而怨湛者中以危法飛語上聞大理案驗累月事具獄上謫居潭州六年山賊陳峒起郴連破州縣湖南騷動安撫使王佐奏請起湛爲兵鈴統制軍馬選兵八百人躬教之浹旬度可用合土軍弓手義兵三千餘人進至黃沙寨伏精銳林莽爲之備峒黨大集伏發射峒弟殺之賊始卻乃築室聚糧爲久駐計控險要覘虛實每出戰必克又益募死士得八百人名敢死軍豐犒而旌別之戰於竹子塘賊徒摧敗軍聲大振湛謂此窮寇急之則致死不若以計困之斂兵閉壘有所擒獲縱之使去曰吾渠魁是殲脅從何爲汝能誅滅首惡不惟宥罪抑有醜賞務以是壞散其黨賊欲戰不得且內自相疑無復固志於是使劉橫張立李獻將奇兵三百人從間道走空岡焚其巢窟積

聚夏俊田昇各以兵進擊而身率敢死等軍徑抵律頭洞爲之援兵始接賊巢四面火起峒黨倉猝不知所爲遂大潰官軍乘之橫尸蔽野窮追數日斬峒英州境上賊將大懼殺副首領李念九降餘黨悉平敍武功郎添差潭州兵鈐改隆興府又改浙東路鈐十四年除左衛將軍殿前司策選鋒軍統制尋爲鎮江軍副都統天寒以私錢助給軍士醫藥被讒徙建康主帥卒攝軍事蠲軍運二十萬緡紹熙五年改荆鄂副都統制屯襄陽慶元元年被召至九江得旨奉祠以疾卒

宋

趙善湘

字清臣

慶元二年進士由丞令積官至右文殿修撰知鎮江府封祥符縣男賜食邑後累進至寶章閣待制沿海制置使兼建康府江東安撫使進封子加食邑嘗教浮水軍五百人製多槳船五百艘無間風勢逆順疾捷如飛赤馬白鷁二大舟可載二千人每蒐閱諸軍犯波濤如陟康莊李全將反謀習水戰大治船自淮及海相望於是善湘禁桐油楳筏下江嚴甚翟朝宗市楳木往揚州善湘聞於朝止之全不得已代以榆木板舟成多重滯六月試舟射陽湖善湘恐其乘便擣通秦頓牒池州求通泰入湖之路尋以剋防江軍寧淮軍及平楚州叛寇劉福慶等功進龍圖閣待制仍任兼江東轉運副使三年進煥章閣直學士仍任進封伯加食邑李全開馬擺港壽河引淮船入河爲攻撓水砦計復言於制置司詞甚悖驚善湘見之憤趙范亦請調兵會參知政事鄭清之力贊討全進善湘煥文閣學士江淮制置使命專討許便宜行事時善湘見趙范趙葵進取慰藉殷勤餽問接踵有請必應選諸子屯寶應以從四年進封侯加食邑及

弟善潼字南仲慶元五年進士溧水縣丞遷知繁昌子汝樞知江都縣汝樸嘉定十年進士通判揚州汝棣寶慶二年進士開慶初以朝散郎直寶章閣封祥符縣開國男終戶部侍郎汝棣爲宰相史彌遠掇能卑退自修承善湘學精易象

善湘爲濮安懿王之後父不陋武翼郎從高宗南渡聞明州多名儒徙居焉善湘治易用力最深

<p>宋</p>	<p>明</p>
<p>史肯之 字子堂</p> <p>戮全趙葵讓功督府善湘遣使以露布上進兵部尚書仍兼任以平閩寇功轉江淮安撫制置使五年復泰州淮安州鹽城淮陰縣四城及策應京湖功進端明殿學士與執政恩例仍任六年為光祿大夫升留守加食邑以受金樞密副使納合買住降復盱眙軍泗壽二州功進資政殿學士加食邑賜手詔金器等物九疏乞歸皆不許請愈力進大學士提舉洞霄宮封天水郡公加食邑御史劾善湘御筆以善湘有討逆復城之功寢其奏嘉熙二年授沿海制置司兼知慶元府即乞祠改知紹興府兼浙東安撫使三年兩請休致四乞歸田復提舉洞霄宮淳祐二年帝手詔求所解春秋進觀文殿學士守本官致仕卒贈少師</p>	<p>陸健 字文順 一字文柔</p> <p>少貧讀書招提達曙不就榻以為恆僧供茶闌健屹坐如立驚為神弘治十五年進士供職吏曹當事多器重之面語當臺省健謝曰誠得一官自効惟命何必要津於是為比部郎侃侃守職絕不與人親疎人亦無延譽者正德間陞貴州按察僉事會</p>
<p>寶慶二年以周禮魁漕舉由父恩補官調漢陽尉熟邊事折衝料變有將帥才北兵攻陽臺領弓手隸孟瑛營戰勝赴軍前商榷進師解黃州圍繼受督府命監軍援夔門復從別之傑援安豐淳祐中知江都縣兼淮東制置司主管機宜文字率兵與北兵戰獲捷差知高郵軍壽春被圍監軍赴援戰於茅澗以親兵自隨連戰攻其柵拔之北兵併力來攻戰於黃橋北軍潰去降詔獎諭以功遷知岳州畧轉湖北提刑兼知常德軍府事荆湖北路提點刑獄事時相尼之奉祠致仕肯之自將仕郎累十有八階至中奉大夫爵鄞縣開國男食邑三百戶贈太中大夫</p>	<p>弟能之字子善淳祐元年進士初尉武進有江警簡兵修砦以備寇寇至無所逞調知高郵州軍事成淳二年由太府丞知常州</p>

乖西苗亂久不能討健至伴爲罷兵募黠者作行脚僧入乞悉其旁徑人懸一囊盛草實其種乃苗境所無者撒歧路東西分處先是令軍中每人取拳石附膝間及春草種生下令去膝間石直抵苗窟途以草識賊皇懼走踞山巔滾木石如崩雷健先期爲板屋插兩廂爲庇礮木不能傷其屋材人各肩一入抵其處即構之不逾時屋成又前以壯士數人扳入掩砦後豎幟發礮苗駭擾不知官兵多少氣奪無鬪志斬殺無算俘二千餘人殲其魁以事爲御史某所銜沒其戰功轉福建副使至官憤恚卒囊無餘貲鄉人姚鏡與同官爲經紀歸其喪

明

萬表

字民望

世爲寧波指揮僉事年十七襲父椿職慷慨多大節不事家人業晝習騎射夜燒燭讀書慕諸葛武侯爲人書寧靜澹泊四字於座右正德十四年中武鄉試第一明年會試中式對策論任將曰將係於相天下未嘗無將特患無相耳主者欲置第一以所言多忤時改十八是年秋視衛冢冬授浙江把總十六年署都指揮僉事督運洞察利弊剔伏舉遺無纖巨咸當通州久雨滄潭官途運車日不能進數里且有陷覆之患表乃經度地形請於戶兵二部言通州西首有裏路直抵東直門路頗平夷惟五里屯車路口二處多淤泥挑屏修墊不過用千夫之力三日可辦待有餘力撥軍修墊大王莊等處以達朝陽門兩路並進運糧始無滯從之嘗至淮見飢民載道不俟奏報輒發所運米振之嘉靖中累官至廣東副總兵以病乞歸復起爲左軍都督漕運總兵遷南京中軍都督府僉書又引疾乞休表督漕久國計細贏河溝通塞靡不曉暢前後建議凡數十萬言俱係國本

表生有異相玉色方頤額有三文風神炯炯相者奇之謂異日名高天下其射法得同官指揮遙黑漢之傳黑漢先胡人以胡射名於中國表師而學焉嘉靖時廷議復海運表言在昔海運歲溺不止十萬載米之舟駕船

至論三十二年倭人來寇表散家財募死士奮欲死之始表請病歸常居武林喜從方外遊念國家承平日久士不識戰惟少林釋徒最喜格鬪可備緩急用因盡與相結納至是年夏四月有倭四十二人自海鹽屯赭山巡撫王忬方巡海上布政使游居敬請表任其事乃選僧爲兵得二百人召塔杭州衛指揮同知吳懋宣將之偕少林釋孤舟統以出僧兵薄賊營縱火前擊之賊敗懋宣獨乘勝窮追爲所殪賊亦隨遁省城獲安賊襲太倉操江蔡克廉駐蘇走金幣至杭聘取僧兵當事不肯發表別募月空等十八僧往且屬克廉以書聘少林釋天員爲將當可破賊天員報曰此非山僧事但須爲知己一出遂集所教僧八十餘人蛇山十八人併月空爲一軍各精治兵械與賊遇於翁家港諸僧俱錦望持杖口含澱藍及見賊各誦佛號伏地卽盡卸其衣以藍塗面及四體奮起前擊賊初遙望諸僧狀貌衣爛爛已大疑之及自地上躍起俱裸鬼前搏大驚以爲有神而僧結陳使兵器相間先用長矛衝前隨夾以弩矢下持鉤鎗掣其足仆則以杖掙之刀割其首賊遂大敗餘走嘉興之白河灘追及盡殺之自倭深入我兵望風未嘗敢與鬪至是始知賊可殺士氣爲一奮俱用表所結客也三十三年春復起表爲南京都督僉書道經蘇州與倭遇婁門楊涇橋率所募及少林僧躬冒矢石挫賊鋒身中流矢不爲止義兒一人戰歿至南都下血數斗卽具陳固守京畿之策上大司馬復遺書於子曰我家世以力戰報國我獨持文墨議論不任兵晚年增一箭痕不亦美乎時賊據七團八圍爲巢官軍數不利表言於巡撫周琬曰賊據

之卒統率之官皆所不免令人策海運輒主邱濬之說非達於事者也又言海運雖極險遠浙中海船於遠番皆能通之松江與太倉通泰州有沙船淮安有海雕船嘗由海至山東蓬萊貿易離天津不遠若以松江太倉近海歲糧與雇直量運三四萬石使海運漸諳爲事變之備亦一策也表所議三路漕運法置倉衛輝每年以十分之二撥中都運船兌鳳

內地久民不得田逋日積而徵調不已相率爲盜是驅之助賊也宜蠲逋弛力懸賞格以招之且下募兵令土著之饒與客兵等則人人樂歸得士千卽損賊千也議行歸者寢衆內地稍甦因作海寇議所爲籌畫甚具賊方蜂屯諸島而歛人汪直者以驍雄魁其曹表策其疎鹵可誘而縛也薦鄞人蔣洲張惟遠使爲間當事遂巡未果其後胡宗憲竟使洲誘直至浙斬以徇東南遂宴然一時謂爲奇功不知皆表本謀也表策夷情洞如指掌而論北狄尤人所未發嘗曰古夷狄侵中國未有中國人不爲之用而能突入者自屯田鹽法壞邊儲不充而叛亡日衆凡叛亡之卒彼皆厚遇之與婦生子給以牛馬孳息心無變反而後用爲嚮導故地理之迂近兵力之強弱將帥之勇怯事勢之難易皆得預知之而諸邊饑餒者且相繼以亡是則深可憂耳其持論探本類如此詔復以表提督漕運值倭犯鹽城漕撫鄭曉欲調兵守廟灣表曰賊必赴雲梯關若守廟灣則緩急無及矣後賊果趨雲梯見有備乃去三十四年秋病劇乞歸未幾再推爲浙直海防總兵官言者謂表病久不堪任事始得旨歸明年正月一夕卒表將家子通經術熟先朝典故與羅洪先唐順之王畿錢德洪善談說理學號爲儒將晚號鹿園居士

明
史元中
字鹿泉
家貧少牧牛田間喜讀書長益慕任俠善射或勸之治經生業乃就學肄業某家鄰女三奔之託辭歸嘉靖十年舉人選靖江府學教諭兩應湖廣四川聘典鄉試稱得人選知魚臺縣值歲大侵多盜賊有簡瑞者爲盜魁善運稍馳馬出沒官道元中以計縛之簡臥庭下張目曰吾左手持稍石短兵橫行千里間今

陽各府糧米由汴梁達武陽陸路七十里輸於衛輝由衛河以達於京松江通泰俱有沙船淮安有海船時常由海至山東轉貿宜以南京各總缺船衛分坐兌松江太倉糧米歲運四五萬石達於天津以留海運舊路於是并漕河而爲三

元中性喜奇山水每遊竟日忘返守令思一召見不可得老益貧賣文自給

明

萬邦孚

字汝永

號瑞巖

爲書生掩取天也元中笑曰汝輕書生也即起著短衣持其所用稍運之左右迴旋如舞匹練忽稍斷爲三擲示簡曰汝稍豈足用耶簡叩頭稱萬死乃繫之獄至冬月將論決簡求見曰身亦山東男子不敢負公乞假十日一生別老母即縱之去衆皆懼及期先一日簡就獄獨山盜劉儀有衆數千開府會銑議進剿以元中爲前鋒擇日禡祭畢元中知獨山有謀者在軍中乃命植一竿百步外手張矢誓曰若一舉滅賊當三矢中此竿時萬目齊注監司諸將俱變色元中從容三發三中呼噪震地是日即察得謀者三人釋其縛賜以酒食笑謂曰汝來觀吾射耶謀者股栗盡吐賊虛實及所入徑道立提兵襲其寨擒儀還銑大喜手書平寇第一功相贈方論薦會銑遷制三邊奏復河套檄元中同事監司以大盜初平留元中不果行銑尋爲嚴嵩所害元中嘆曰事尙可爲耶即日挂冠歸

弱冠爲諸生材兼文武不專守一經已襲指揮視衛篆轉浙西督運把總以軍法部署漕卒歲漕數萬石如期而畢凡三領漕爲浙中諸道最擢山東都司僉書萬曆間征倭師敗朝議從海道援之授邦孚遊擊將軍以南京龍江營水師守鴨綠江大兵屯朝鮮邦孚轉餉遼陽給食不乏新敗之後走死者載道邦孚殮骨埋之論功遷杭嘉湖參將改溫處以副總兵守江北三十二年陞左軍都督僉事鎮福建一稟戚繼光遺法滌除苛細出入滅騶從厚恤士伍春秋防汛悉裁諸例金設烽燧以稽勤惰時出不意覈其虛實與撫軍簡將材請託不行皆得其人有外島舟失風被獲當事欲駢誅報首功邦孚持不可曰借風濤之

弟邦寧邦孚子泰均別見

邦孚於萬曆中統班軍番上值三殿災率三千人入救詔毀五鳳樓保承運庫邦孚曰撤殿廡足以救庫火政撤小屋塗大屋五鳳樓國家象魏宜塗不宜撤

力以膏吾刃吾不忍爲也所獲三十五人盡釋島夷皆感去明年聞有營求其地者遂引疾歸

請併力衛庫乃令軍士各持溼絮被覆屋運水灌之樓得並存

明

李標

字長孺

號茂嶼

萬曆二十九年進士授行人擢御史直節無所附麗同里沈一貫初罷相抗章論之出爲廣東鹽法僉事累遷山東按察使晉擢右僉都御史巡撫貴州貴州宣慰同知安邦彥宣慰使堯臣之族子堯臣死子位幼其母奢社輝代領其事社輝永寧宣撫崇明女弟也邦彥遂專兵柄會朝議徵西南兵援遼邦彥素桀黠欲乘以起事詣標請行標諭止之邦彥歸益爲反謀標累疏請增兵益餉中朝方急遼事置不問會標被劾乃六疏乞休天啓元年始得請以王三善代而奢崇明已反崇慶陷遵義貴陽大震標遂留視事安氏本與崇明同謀水西去貴陽僅七日標所憂在肘腋然貴陽兵止三千糧匱守無具乃伴許邦彥使討賊先給少餉冀稍緩其謀而急從滇中借餉二萬募鎮軍兵三千義勇一千合奇正兵得七千市硝磺一萬七千斤鉛鐵萬斤聚米一萬七千石俱畢集標與巡按史永安治戰守具遣總兵張彥方都司許成名黃運清監軍副使朱芹提學僉事劉錫元等援四川屢捷遂復遵義綏陽湄潭真安桐梓二年二月或傳崇明陷成都邦彥遂挾安位反自稱羅甸王四十八支及他部頭目安邦俊陳其愚等盞起相應烏撒土目安效良亦與通邦彥首襲畢節陷其城賊遂分兵陷安順平壩效良亦西陷雷益而邦彥自統水西軍及羅鬼苗仲數萬東渡陸廣河直趨貴陽

弟挺字維長諸生聞標被圍星夜趨赴至沅州接兄札知孤城圍急乃告辰沅道發軍旅至於泣下未幾圍解喜曰吾今日手足始聯血脈矣遂歸里耽山水數入四明過雪竇渡海朝洛迦山皆有題詠崇禎甲申三月十九日之變以五月五日至鄞挺慟哭時已有疾以是遂篤三日而卒從弟榘字維立以明經通判欽州時魏忠賢正盛或勸之曰子能代令兄以一刺謁門下黔撫當卽有中樞之命子亦得殊選矣榘謝不可稍遷知營山縣再遷四川鹽課提舉罷歸標子文經字爲章以父勳蔭授錦衣千戶文緝字于光工書兼善繪事魯王時官大理寺副兼中書舍人後放浪山水間孫允容文緯子爲人溫恭善文章有勸之應試者笑而不答同里林時對稱之以爲真忠毅後人也

史稱天啓元年王三善以右僉都御史代李標巡撫貴州明年二月安邦彥圍貴陽標連章告急趣三善馳援三善始駐沅州調集兵食已次鎮遠再次平越去貴陽百八十里不敢進至十二月朔貴陽圍益困乃分兵爲三自由中路當賊鋒奮龍里城邦彥疑三善有衆數十萬乃潛遁餘賊退屯龍

別遣王倫等下壘安襲偏橋以斷援兵洪邊土司宋萬化糾苗仲九股陷龍里標永安聞變亟議城守會藩臬守令咸入覲而彥方鎮銅仁運清駐遵義城中文武無幾人乃分兵爲五令錫元及參議邵應楨都司劉嘉言故副總兵劉岳分禦四門標自當北門之衝永安居譙樓團街市兵防內變賊盡銳攻北城標迎戰敗之轉攻東門爲錫元所卻賊據西城外石坡其高踰月樓數尺自上投矢如雨標急命集火銃夾強弩擊之賊下坡走復造廂樓高三丈中可伏數十人外復布枋革下推轆轤臨城標銃石中賊廂殺數人復乘黑繩健兒三人持火藥油草從廂下燒之廂立燼賊驚墜死者半賊又編竹籠數萬中盛土爲臺乘城出睥睨一丈標立撤某寺鐘樓建城上賊氣奪盡棄籠去官軍出燒之數出城邀賊糧賊怒盡發城外塚徧燒村砦又先後攻陷廣州普定威清普安安南諸衛貴陽西數千里盡爲賊據初被圍彥方運清來救敗賊於新添賊誘入龍里二將皆敗乃縱之入城曰使耗汝糧城中果大困川貴總督張我續巡撫王三善擁兵不進標永安連疏告急詔旨督責之會彥方等出戰頻得利賊退保澤溪乃遣裨將商士傑等率九千人分控威清新添二衛且乞援兵賊謂城必拔沿山列營柵隔內外間旬日一來攻輒敗去副總兵徐時逢參將范仲仁赴援遇賊壘城河仲仁戰不利時逢擁兵不救遂大敗諸將馬一龍白自強等殲焉援遂絕賊聞三善將進兵益日夜攻擊長梯蟻附城幾陷者數矣標奮臂一呼士卒雖委頓皆強起斫賊賊皆顛路死城下三善屢被嚴旨乃率師破重圍而進十二月七日抵貴陽

洞官軍進畢節鋪安邦俊中敵死生獲邦彥弟阿倫遇抵貴陽城下賊解圍去時城中主客兵六千初人給米一升漸減爲五合至一合遂噉死人肉未幾烹活人初米值漸騰至五百錢一升以至二萬錢一升馬肉值二千五百錢一斤舊鞍甲靴帶皮裘爛一千六百錢一斤標力既竭預以刀纜授家人使各自爲計身扶疾登敵樓城上惟輪疲卒數十人枕甲

城下圍始解，擗乃辭兵事，解官去。方官廩之告竭也，米升直二十金，食糠，數草木敗革，皆盡。食死人肉，後乃食生人。至親屬相噉，擗盡焚書籍，冠服預戒家人，急則自盡。皆授以刀，縋城中。戶十萬，圍困三百日，僅存者千餘人。孤城卒定，皆擗及永安錫元功。熹宗進擗兵部右侍郎，永安太僕少卿，錫元右參政。及圍解，當再敘功時，魏忠賢方擅命，慕擗重望，數遣人致意。擗重上一疏，自敘即召爲尙書。擗由是益謝病，絕口不及黔事。會御史張允儀言安位襲職時，擗索其金盆，致啓覺章下貴州巡按侯恂覈未報。御史張應辰力訟擗功，恂覈上亦白其誣。帝責允儀，吏部尙書趙南星等言擗已進官，當召還，竟不召。六年秋，御史田景新訟擗功不納，崇禎元年給事中許譽卿再以金盆事劾擗。帝召咨廷臣，獨御史毛羽健爲擗解。吏部尙書王永光等議如羽健言，給事中余昌祚詆羽健，曲庇帝下川貴總督朱燮元等再覈羽健，乃上疏曰：安奢世爲婚媼，同謀已久，奢寅寇蜀，邦彥卽寇黔，何用激變？當貴陽告急，正廣寧新破之日，舉朝皇皇已置不問。後知擗不死，孤城尙存，始命王三善往救。至則圍已十月，安酋初發，難崇明欲取成都，作家邦彥欲圖貴陽，爲窟西取雲南，東擾偏沅，荆襄非擗扼其衝，東南盡塗炭。乃核臣永安不二三載，躋卿貳督師，三邊擗則投閒，林壑又以永安謗書爲擗罪案。金盆之說，發自允儀，當年已自承風聞，何至今猶執爲實事？貴州人亦爲擗訟冤。燮元乃偕巡按御史趙洪範交章雪其枉，擗事乃白。九年冬，敘守城功，進一秩，資銀幣，後數年卒於家。年七十二。魯王時贈太子太保兵部尙書諡忠毅。

臥然賊每窺城梯而上，擗奮臂一呼，吏士俱強起，砍賊跳踈，自死者無算。自二月十七日被圍，至十二月七日圍解，抗守三百日，大小凡七十餘戰，殺賊萬人，得賊仗數千陣亡兵七百餘，俱餓死。初時城中人十萬，至是僅存男女少弱二百餘人，遺民感擗忠義，相率就刀俎，竟無一人叛者。擗擅風儀，體長疏眉，目如畫，望若天神性廉介，持操甚厲，自起家身與廝。

明

高斗樞
字象先
一字元若

崇禎元年進士明年授刑部廣西司主事未踰月京師戒嚴奏
記尚書喬允升謂獄中多大盜請假京營兵以衛意外允升不
以為慮數日盜百餘人破獄出允升竟論罪斗樞以此名重旋
坐議巡撫耿如杞獄與同列四人下詔獄尋復官進員外郎卹
刑湖廣六年春遷荊州知府十二月流寇渡河入楚將窺荊州
荆承平久無一卒斗樞急籍民兵昇舊銃百餘置城上遍試之
礮聲大震賊知有備從遠安界上馳去七年春賊復自襄鄖而
下巡撫唐暉移軍衛承天道由荊州斗樞謂賊必不敢越此

諸弟斗權字辰四年未三十棄諸生時
斗樞及子字泰蒙難斗權與弟斗魁傾
家救之復募俠客求解華夏之厄卒不
能得夏死經紀其喪字泰又被逮斗權
為料理獄事為人風度淡蕩發言皆有
深致預南湖九子社賦詩嘯詠風流標致里
為南湖五子社賦詩嘯詠風流標致里
中奉為典型斗魁字且中一字鼓峯諸

養同樞食在官
凡屬吏庭見使
一小史侍立取
視所持謁具出
身即置席上若
中列所饋輒手
謁俟其白事畢
復使持出蓋襆
歷官至開府不
受人一物亦未
嘗知其所饋何
物也下筆老健
生平經濟得盡
發於文章撫黔
疏草人比陸贄
云

而向陵寢遂以便宜留之使屯境上暉聞而驚曰誰任承天之咎者已而賊果西走算兵追襲敗之暉乃大喜九年遷長沙兵備副使湖湘間土寇蠱起長沙止老弱衛卒五百又遣二百戍攸縣城庫雉堞盡圯斗樞至建飛樓四十大修守具臨藍賊艘二百餘由衡湘抵城下相拒十餘日乃卻去轉攻袁州遣都司陳上才躡其後賊亦解去尋擊亂賊劉高峯等撫定餘衆詔錄其功巡撫陳睿謨大征臨藍寇斗樞當南面大小十餘戰賊盡平詔賚銀幣十三年進右叅政明年六月陞按察使移守鄖陽鄖被寇且十載屬邑有六居民不滿四千數百里荆榛撫治王永祚以襄陽急移師鎮之斗樞至甫六日張獻忠自陝率賊至斗樞登陴固守賊以督師盧象昇在後竟引去有遊擊王光恩者均州降渠小秦王也善用其下下亦樂爲之用斗樞察其誠招入郡同守光恩復招其弟光興投順改名光泰卽隸光恩營又拔降丁苗時化署爲將後俱得其死力斗樞周視郢地東北俱山麓而西南瀕江漢乃於兩隘各繕樓一倚山一倚漢水樓上多設銃礮令房竹營遊擊李茂春率兵一千五百守之西壇山高出於城丈許令百總楊明起率兵三百守之又令百總余啓凡率兵三百屯城東四鋪嘴分均陽營兵三百屯青龍寺城北無壕城東地勢雖峻有壕不能蓄水乃令東北離城丈許各築土牆高八尺每堵留一銃眼凡閱三月而四城防守之具備知府徐啓元亦服其才略每有孽畫咸受裁於斗樞道守協和人心始定十五年十二月李自成陷襄陽均州遣賊攻鄖陽斗樞督各營戰於城外時王光恩光泰楊啓明余啓凡戰甚力畫

生少有才胡夢泰知奉化見其文曰此忠孝種子也兼工書法會失職之士多罹難斗魁破產營救或遇害爲經紀其喪素精醫理嘗遊武林見昇棺者血灑於地曰是未死啓棺與以藥果甦江湖間謂高且中能起死人求治病者延請無寧暑與黃宗炎最契宗炎自亡命後五子諸婦困於窮餓斗魁以賣藥所入濟之初斗魁講學雙瀑書院宗炎謂其省悟絕人至是慨然歎曰吾豈可老於遊俠自今當謝絕人世一意講學遂與同志談道讀書爲不朽業而病作矣卒年四十八人咸惜之斗開字光先一字蒙庵斗弼字石叟皆擅風雅以志節有聲遺民間斗魁子字厚字自牧諸生有父風能詩

夜不息賊死者相踵而攻不止又分股直抵北城斗樞先於土牆內伏鳥鎗手擊之百發百中賊乃退明年賊掠白河一帶民船將從漢江順流犯鄖斗樞念鄖失漢江之險則坐困矣乃乘其未集使水消馬之服奪之賊遂從陸來攻其驍賊劉宗敏將三萬人勢甚厲初以靜樂宮門百餘聯爲木城復用木梯六十並薄城下斗樞使人用火罐擊之賊走追殺數百盡奪其木城及梯以歸斗樞令諸將曰賊衆過我五倍若爲所誘遠追賊以騎繞我後則城與兵不相顧後與戰無出一里戰深賊未退聽城上金鳴卽分驅以開中道使城上火礮齊發於是賊死傷甚衆賊乃乘夜造爲土臺三十六刈麥百千斛牽曳而上每層土敷以麥用石壓其上高與城等乘以擊城凡十餘日斗樞見其倦使士卒盡出以攻臺老弱亦荷鉏鍤以從每摧陷一臺賊下走土石鞠然崩士卒益銳殺賊老弱爭負其麥助鼓譟賊大潰十六年三月自成憤鄖堅守益發賊來攻至龍門相去八十里頓不進諸將慮賊有所俟斗樞笑曰此畏我也但逼於自成之命不敢歸耳乃日發兵五百陳於楊溪山日入而歸賊望見山上立幟益疑會夜半漢江驟漲有水石相激聲一賊大呼曰鄖兵至矣俱驚起自相殺天明賊大慚捲甲去六月斗樞令光恩復均州又復保康擒僞官芮作聖八月遣遊擊劉調元攻光化賊將李湛夜遁斗樞遂躬率將士復穀城擒斬賊將郭三益黃世龍丁自姜等九人將襲襄陽聞孫傳庭敗旋師均州復爲賊有十七年正月自成遣賊路應標等以三萬人攻鄖鄖四面悉屬賊境歲又大饑營中兵將各從漢江湖舟自房竹負雜糧以

自給其貧者採食草樹根葉賊遣人至城下招光恩光恩雖未之許意不能無動斗樞置酒城樓會諸文武曰今日與諸君痛飲以盡數年重圍中共相扶救之情從此與諸君決矣此城殊無了期徒苦將士忍飢裹創耳今願諸君斬吾首赴賊各自爲計可也推官朱翊辯曰吾宗臣請先公死光恩勃然曰公之言蓋爲光恩也光恩雖不肯豈忍負公會招者又至光恩射殺之衆志復堅斗樞乃與諸將計曰賊倚均爲窟穴均城之賊謂鄞自守不給必不備若間道往襲焚其糧亦退賊之一策也遂發兵渡漢江從南岸往賊果不爲備各兵入均州燒其積聚報至鄞城下之賊以糧不繼而去當是時湖南北十四郡皆陷獨鄞在自十五年冬撫治王永祚被逮連命李乾德郭景昌代之路絕不能至中朝謂鄞已陷不復設撫治十六年夏斗樞上請兵疏始知鄞存衆議卽任斗樞而陳演與之有隙乃擢啓元右僉都御史任之加斗樞太僕少卿路阻亦不能達是年二月初設漢中巡撫兼督川北軍務擢斗樞右副都御史以往朝命亦不達至三月始聞太僕之命卽以軍事付啓元七月北都變聞并聞漢中之命斗樞北嚮慟哭曰老臣以彈丸一隅爲挈瓶守豈知天下大勢乃至此諸將士暨鄞中父老子弟無不悽酸淚下賊復圍鄞斗樞助啓元卻之福王立斗樞募壯士間行之南京上疏言鄞無兵可分遣請迅發大兵刻期入秦王乃移斗樞巡撫湖廣代何騰蛟復以道路不通改用王驥斗樞皆不聞也時漢中地已失不可往斗樞在鄞常思圖復乃借鄞將苗時化之兵以秦將孫守法爲導攻復興安州方欲赴之會清兵下三

清

李涵

字敏公

一字澹夫

文純孫

秦守法棄城入褒谷山中啓元亦降斗樞始退耕於云州踰二年道既通斗樞父年八十餘矣遣僕促之歸斗樞得奉父家居戊子降臣謝三賓上變名捕百餘人首及斗樞大訊於庭斗樞誓死默不出一語諸義士捐金救之得解晚病目閉門蕭然至不能具饘粥庚戌卒於家年七十七

三藩變起仗劍入閩以策干總戎設伏掩賊於江東橋上殲擒無算未幾總督姚啓聖攻賊澎湖涵坐戰船乘風鼓浪直擊其穴臺灣平授左都督僉事餘孽未靖兵部尚書王隲謂涵曰此輩烏合難以力勝必得儒將饒智略者非君不可涵受命密遣間牒誘其巨魁入內境不煩一矢就而擒之康熙三十三年以功授漳浦遊擊邑多嘯聚為盜涵於諸鄉各立一練總遇事責有所歸自此盜皆屏迹旋攝海澄篆時平和方患土寇訛傳有數萬眾將薄城制府檄漳州八營兵往援涵聞之投袂起曰兵貴神速迅雷不及掩耳亦一奇也遽領帳下卒星夜抵平和界銜枚疾馳七十里鼓譟而進賊睡夢中驚起竄走縛其魁賴立等餘悉縱遣為良民適有以萬金請給信符委緝餘盜立斥還之擢提標中軍參將改福州旋題督標中軍副將遇艱哀毀遂病不起

弟潯字修仁風流儒雅歷佐戎幕子昌泉字復琦號海若少便弓馬雍正初中武舉總督李衛與其父有夙契招令効力戎伍間謝弗應喜填詞援筆立就嘗入京飯逆旅有二孝廉方分韻賦詩見昌泉佩決拾衣短後衣意輕之不為起昌泉問所限韻立成二詩孝廉大驚揖請署姓名不答即上馬馳去其豪邁如此晚年兼工繪事山水人物善用淡色精雅絕倫圖後署款每稱十洲三島散人昌泉兄昌漳亦能詩孫恭寬字栗齋乾隆十五年舉人授海鹽教諭俸滿擢知廣東連山縣民獠雜居動輒械鬪恭寬申條教嚴約束并擇耆老俾以文字導其子弟桀驁漸化為循良值行邊早起觸瘴卒宦囊蕭然民感其廉明集賻贈之始得歸葬恭寬子承道承蓮別見

清

董元楠

字遠直

一字讓庵

康熙三十八年舉人選授汝川知縣歷署威保西充長壽南充等州縣陞澧州知州時朝廷有事西陲大將軍羹堯駐節岷陽令參將鄂石等分道並出徵糧數十萬石甚急而西城山寨殊險軍中無有能當其事者羹堯曰吾向見汝川令董元楠有膽氣可使也乃調至軍命管理松潘糧務量道里均擔負明賞罰與丁夫同甘苦民夷皆悅服於是糧運無滯羹堯手書慰勞會有董卜董尙者瓦司部下之猾虜也殺傷熟苗剽掠居民瓦司不能制羹堯怒欲兵誅之元楠馳謁慶陽道上言小醜因私忿構兵若使人以利害說之當立解不足煩大軍滋擾百姓羹堯從之二董竟戢又奉調管南路花林糧站轄大小五臺某觀察者總理糧務性多慾或語元楠宜稍潤色元楠曰吸民脂以塞貪壑我弗爲也言聞遂生構害心適羹堯移督陝西新撫軍受譏劾元楠乃去任歸

清

王 啖

字禹瞻

號曉園

少以幹略自許精研經史補諸生再試不利棄去遊京師胡期恆知蘄州邀與俱期恆晉僉事分守川東仍留諸幕下會官兵征喇藏制府視川中諸屬吏無可任督運者頗以爲憂期恆薦啖才召見語合假州判銜命統餉卒以行前此馬一匹馱糧二石喇藏去中國萬里馬多斃餉由此絀啖請於制府馬皆有副出松潘路經竹浪諸國皆屬夷因厚結其酋長酋長喜以所有牛畜代馱馬得空行數千里至沙磧外皆肥健又有副因不至羸疲一日迷失道時已昏黑平沙無際不知所向從卒皆惶惑啖謂管子稱老馬之智可用命縱銜勒隨所之日間騎兵經過多遺矢在地馬逐氣而前逕造大營至弱水軍不得渡啖語帥

元楠嗜學所至飭庠序設講堂延諸生共執經問難如一老儒然公牘紛披終未嘗有毫髮廢晚年又精醫學云

啖知漢陰初到任察邑饒水利而土人不知稼乃申請募湖廣人開墾水田官給牛糧大吏不許啖再請竟以牛種先給應募者是年秋大穫土人益競墾荒

曰古人有以革囊濟水者乃取軍中牛馬皮爲數百囊噓以氣使脹固絨其口連綴水上令軍士數人齎巨索先過用索橫互於河人挽索馬乘囊遂畢濟既抵喇藏時用四川雲南甘肅三路兵雲南甘肅兵先至而餉已盡川帥不欲分給詭詞問司運者睽言餉見餘五萬川帥咎睽曰今在絕域幸合衆力得破賊何患無餉否則兩軍飢死川軍豈能獨支竟分給之軍齊進竟復喇藏班師藏中白金山積軍士舍衣裝競以馬馱金睽禁部下挾金過二百者斬及歸經雪山舍衣裝者多凍死獨運卒無恙敘功授陝西漢陰知縣會制府獲譴諸嘗保舉者皆褫職睽自軍功議敘非特薦大吏嫌其倔強不爲別白因循例去官漢陰民請敘田千畝奉睽俾留居不可歸而貧甚以教授供朝夕卒年八十四

遂成沃土城西紅石崖當孔道極險仄睽以水田所得賦募工鑿平邑人不知學遇學使者至不能滿額睽置義學擇穎秀子弟躬教之有劉崇者踰年遂舉於鄉

清

金相

字有聲

號玉泉

少入戎籍通兵家言提督鍾世臣器之劄授把總分守崑亭寨雍正四年世宗詔行省文武大吏各保千總一員挑選侍衛提督楊長春卽給相千總劄資送入京赴乾清宮引見賜藍翎侍衛行走明年授潮州左營守備召入圓明園從容咨問相奏對稱旨賞賜稠疊相益感奮單騎抵任集所部振刷之屹然爲海外諸軍冠會黔苗大變朝命哈元生爲揚威將軍調滇黔楚粵六省兵進剿相以肇慶都司隨征十三年六月抵古州九月統兵六百同游擊王瑋王臣張守鳳攻喬叩等巢獲賊首老溢十月奪三關獲賊首惡老把及其妻子十一月率師救上江苗盛勢張相親提枹鼓四面奮擊圍遂解柳排山苗千餘人望風遁相伴退師而間道疾進趨其巢薄暮大雨士登山三鼓雨止縱

火攻之苗無備從睡夢中驚起駢首受戮讐不敢動乾隆元年
 經略張廣泗分兵八路相從游擊李子昌攻一帶山正月抵擺
 調寨破加配山擒苗王阿杜二月擒其子阿商奉檄還守台拱
 以護餉委之相自苗疆用兵以來經歷二載前後掃蕩七十餘
 寨陣斬八百級生縛千人獲銃礮二千刀矛弓弩標甲之屬七
 千有奇同時諸將皆自愧弗及也十月苗平敍軍功一等賞白
 金大緞四年署廣撫中軍參將五年護肇慶副將七年擢福建
 建寧游擊分防松政二縣旋改臺灣卒於官

清

李 鉞

字 文 瀾

一字綺亭

習騎射挽強超距同輩莫能逮也乾隆三十六年武舉人隨入
 戎伍期滿補千總累遷黃巖鎮標遊擊土盜高阿片掠石坂殿
 外吏諱其事而朝臣奏之高宗震怒嚴旨下浙省尅期捕賊巡
 撫長麟懼甚願諸將惟鉞可屬執其手而命之鉞慨然請行不
 浹旬擒其首從詔嘉之擢玉環參將時安南國王阮光平父子
 篡立民窮財匱乃遣其將以巡海為名屢劫內洋商船諸海盜
 沈鼇王杜之屬受其封拜倚之為逋逃藪鼇偽稱宣化公屯三
 盤杜偽稱定海侯屯驪洋皆窺伺玉環鉞先擊杜命軍士以大
 舶運水囊盛糠粃浮其上而伏精卒於兩舷別遣諸將伴作漁
 船陰尾之杜誤為糧舟也約鼇以衆來旦夕會戰賊投艙中悉
 墮水伏兵起諸將之師以次進遂擒偽都督翁衡珍乘勝薄三
 盤并擒鼇獲船械數百計舊例水師下洋支放本身銀米家屬
 無所贍養多以內顧逃者鉞請於大府通行增給故士卒俱為
 盡死一戰而溫海肅清嘉慶二年遷臺灣副將明年擢蘇松總
 兵鉞已卸印篆而偽鎮海王蔡牽糾衆三萬直犯鹿耳門臺灣

子為瑄隨任川湖以軍功授千總

官吏留洪不聽去洪以臺事方亟亦願與同守牽不能克收其衆退洪督舟師追剿至淡水港遇颶風賊跳而遁洪以所部還臺始洪有玉帶質美而製良提督哈某見而愛之屢問其值欲洪之獻之也洪性樸不解其意提督遂惡洪會提督以蔡牽事奉旨詰責乃諉咎他將而以淡水之役劾洪縱寇罪當立斬有詔逮問尋會審軍機洪得超雪給守備銜赴川湖軍前效力威勇侯額勒登保檄洪屯夔州攝竹山遊擊堵剿孟峪河白鐵河諸處擒巨盜蔡其左獲首虜百餘級七月川湖流寇略定洪復赴福建署閩安守備浙江提督李長庚追蔡牽至汛洪邀斬其黨林秋獲五艦長庚解佩刀贈之會總督玉德與長庚不相能見洪爲長庚所賞識并忌洪以公事督過之洪鬱鬱不得志疽發於背而卒

生而英偉軀幹修七尺餘投浙帥營從剿海盜屢有斬獲乾隆四十六年補提標外委洊升千總五十九年升瑞安協右營守備嘉慶元年正月擊賊披山洋沈盜船一俘斬紀夢奇等五十六人六月從總兵孫全謀擊賊石浦淡水洋斬陳寶等署瑞安營都司二年升温州鎮標左營遊擊六年四月署玉環參將六月從總兵胡振聲擊賊東白洋俘斬郭成仔等七十餘人旋會黃巖舟師擊賊南麂外洋沈盜船三俘斬林照等四十餘人十二月會福建舟師擊賊白犬洋毀盜船二俘斬王什等八十三人十二月署鎮海參將九年遷江南川沙參將十一年擢京口內河副將明年二月署徐州總兵六月授黃巖總兵鎮陞籍浙江例應迴避閩浙總督阿林保以對調乏人奏得旨暫行補授

子載瑜定海鎮標中營千總載璜温州鎮標千總孫仁壽襲雲騎尉鎮隆同時乍浦左營外委姚魁元嘉慶十三年十二月從定海鎮朱天奇在普陀外洋剿蔡牽中礮死事聞奉旨予雲騎尉世職

清

童鎮陞

字寧遠

號致堂

受任之日卽率舟師出洋八月擊賊南漁山沈盜船一俘斬劉永等四十四人九月巨盜蔡牽由普陀洋北竄馬蹟鎮陸從提督李長庚追至盡山盜南竄十二月剿張阿治餘黨於南漁山外洋毀船二獲船一復於披山外洋俘斬盜首郭英等五十六人十三年三月鳳尾幫盜犯台州狗門洞洋鎮陸率遊擊劉成魁千總胡殿魁等擊沈盜船一獲船一擒林桂等二十餘人又先後在揚旗洋披山外洋俘斬李知機葛聽等九十二人七月巨盜朱漬與蔡牽先後竄普陀北洋鎮陸從提督何定江以舟師擊之盜遠遁十四年正月蔡牽由閩洋竄温台鎮陸以護送琉球難民南行未會定海兵合剿爲巡撫阮元參奏奉旨革頂戴交部嚴議尋議革職上加恩改爲留任二月蔡牽竄至定海鎮陸率兵船追之及於台州積穀洋沈盜船二獲許但等六人溺斃無算八月蔡牽復竄旗頭洋鎮陸首出追擊擒黃烏等五十一人斬十餘級仍躡賊於漁山賊急竄黑水洋會提督王得祿等率舟師至鎮陸併力圍之蔡牽落海死捷聞賞還頂戴開復處分十一月擢廣東提督先是粵寇張保仔以衆降中路東路海道已靖惟西路有烏石二東海諸盜時擾高廉雷瓊各洋十五年四月鎮陸領舟師分三隊剿之在放雞洋擒朱亞寶等在徇州洋擒張亞安等盜南竄追及儋州洋擒烏石二及餘黨數百人盜遁入黃龍馬鼻港鎮陸率舟師躡之盜大駭巨魁吳亞五遂與東海霸等相繼降粵洋蕩平賞戴花翎予雲騎尉世職八月廣東設水師提督駐劄虎門詔以鎮陸補受二十一年以足疾乞歸上允之二十四年病愈授江南提督道光元年正月召至京二月授頭等侍衛在大門上行走二年請假回籍十一年卒年七十二

清

沈 烜

字再中
一字午亭

生具二齒舉家駭甚識者曰此異相也他日必非凡品年十八以騎射補武生二十從軍隸浙帥麾下由哨司累擢千總安南盜寇內洋閩人蔡牽倚為援勢張甚烜從浙帥屢剿之嘉慶八年戰定海徐公洋傷胸血溢不止力疾自奮獲首功擢温州中營守備九年戰盡山洋遇颶風船壞浮水面躍登他舟擢温州左營游擊會安南新易主恭事中朝盡反前王之轍而救境內毋藪盜盜聚於粵洋衆至數萬廣督聞諸朝求可以統水師者請選於鄰省部以閩浙諸將第其名聞仁宗知烜才朱圍其姓名命署廣東大鵬營參將烜抵粵從潮州總兵征石大烏從南澳總兵征郭婆帶每戰輒陷陣粵兵素懦怯見而駭之烜警以軍法衆悚然懼顧烜遇兵厚士偶傷親視湯藥多方治之陣亡者厚為之殮哭盡哀並為請恤一軍感悅擢春江協副將總督百齡依烜如左右手屆期當入覲而以粵事亟奏留之佐百齡大治兵廣州十五年烜督新練兵出海道斬賊千計又用火攻沈其船盜駭曰粵兵固易與耳何戰之力也於是始懼而百齡亦嚴守關隘杜內開盜無所獲鄭乙妻以萬餘人林阿發以三千人皆叩關降獻大小船四百艘銃礮甲仗數萬計詔嘉百齡首功予世襲輕車都尉烜次之賞戴花翎及四喜玉搬指鼻煙壺等物調海口協十六年百齡督兩江奏以烜自隨命鎮蘇松時李文成反滑縣直隸山東同時告警烜馳赴淮北以一軍屯馬良集賊不敢犯十九年正月凱旋九月丁內憂二十一年除服入都面奉諭旨向在廣東著有勞績即授陽江鎮總兵二十三年擢廣東提督粵濱於海汊港多諸巨寇雖就撫而一二小

子承恩以一品蔭生知雲南陸涼州

烜嘗謂粵督百齡曰兵強斯戰力然亦不在多殺也兵果強矣盜必畏兵必不甘為盜而趨死路也勢將自首今廣東水師遠遜浙兵盜所以無畏也為將領者誠能嚴誠所屬朝夕訓練每臨陣躬赴敵以先之別募選鋒作其敢戰何患於不勝而亦何患於盜百齡從之命在廣州練兵

嘉慶十八年烜陛見仁宗問往日兵出曾受傷乎以受傷對命

醜出沒無定所烜嚴檄管內分路剿之諸將吏以俘馘上者無虛月一二年中外晏如而烜亦老矣道光二年引年乞休宣宗允之烜由粵入覲命謁昌陵在籍文全俸烜還里數日而卒年六十六遺表聞予祭葬如例賜諡勤毅

清 楊坊

字啓堂 一字憩堂

多循智商於上海與西人習西人親禮之咸豐三年劉麗川破上海蘇撫吉爾杭阿知坊才撤治軍精坊說西人於城東北築土城斷敵接濟城遂復敍勞由同知得道員六年加鹽運使銜十年太平軍自青浦松江窺上海四面攻撲勢極張蘇撫薛煥統兵堵禦少卻援敵萬餘趨北門坊率練勇迎擊之殺敵無算署按察使江清驥亦憑堞開礮敵西奔追斬二百餘坊招美利堅人華爾統呂宋兵二百教習江浙義勇步伐技擊盡其能事一軍以綠帕著首敵望見綠頭軍無不驚散遂名之曰常勝軍同治元年授常鎮通海道丁憂未赴大府以金革變禮趣坊從戎帥所部戰天馬山戰迎淇濱解松江之圍大小數十戰屢有功四年卒

清 項明鑑

字鏡湖

少貧性穎異年十五卽商於上海與僑商習不數年盡通外國言語文字因得徧讀彼國政書而於交通軍事尤致力焉時合肥爵帥李鴻章方經營鐵路知其材羅致幕府由勞績歷保至

同時黃維煊字子穆亦與西人習以軍功累官同知福建船政維煊襄其事親歷沿海測量沙礁遠近水勢深淺繪圖上之旋升知府加道銜補臺防同知臺地歲歉購米萬餘石振之建義學十餘處以教番社臺人建生祠報焉

徐傳隆字吉雲少孤貧年十四走上海依西人習言語以譯材入天平鐵皮艦隊久之益習駕駛術太平軍之役李鴻章知其材委以軍務累功至副將法變起以記名提督援閩浙有功日本來侵總鎮福山積資提督松江旋丁內艱歸

屠宗年字鶴亭宗高字鶴升兄弟也皆以武俠習海道爲當道所識拔駕管兵艦屢殲劇寇宗年官參將宗高官守備

同時陸倫華字五峯以製造水雷名於時由福建船政軍功授參將賞實勇巴圖魯名號其兄倫康字鴻年亦以船政

解衣審視其處問已愈乎對曰愈矣上親撫摩之蓋異數也

坊性慷慨輕財嘗設難民局於上海獨任其貲又捐白金三萬修海塘親監工程抱經樓廬氏藏書十萬卷遭亂散佚坊購得其什七八已屬疾遺命歸廬氏無償值甬上文獻賴以徵焉又鄞縣光緒志亦坊出貲纂刊

明鑑人民國猶生當時北洋軍閥各領袖皆其

閱各領袖皆其

道員加鹽運使銜賞強勇巴圖魯名號北洋練兵議起明鑑任督練公所兵備處總辦善藻鑑所延攬皆一時俊傑以袁世凱忌遂謝職不復出云

軍功官都司

所識拔者而明鑑未嘗一與之接人以此高之

鄞縣通志人物編

武功清

人物類表第五 忠烈

漢 任光

宋 鄭覃

元 楊恕

明 萬鍾

父斌

潘禋

李振斑

李桐

周志畏

屠獻宸

杜懋俊

施邦玠

清 陳貞

宋紹周

袁鏞

豐存芳

趙觀光

陳剛

黃宏

黃嘉寯

子近古近
衰近辰

李桐

王纘爵

張廷綬

趙景麟

王天才

周枋

林澤

皇甫明子

陳忠

宋應瀾

王廷輔

錢士驩

楊文琦

董志寧

戴爾惠

任斗墟

汪世瑛

樓鎬

萬武

葉紳

陳良謨

陳良謨

楊文瓚

王家勤

王家勤

倪懋熹

余鷗起

王淑元

傅自銘

崔源

劉炆

錢肅樂

張煌言

張煌言

華夏

徐啓睿

徐啓睿

王本梧

李淮

李淮

蔣貽謀

李厚建

呂文爝

陳籌

范邦祚

應廷璋

楊儒林

忻字春

右自漢迄清凡六十餘人皆爲國守義至死不變者竊嘗論之士之氣節不以時會而消長古今一也殺身之事非盛世所貴然至強寇竊發或異族憑陵之際有民社之寄者勢窮力竭不能盡守士之責則奮而決於一死君子所爲哀其志而閔其遇也宋明之亡同見陵於異族攘夷之心人皆有之顧甬士死金元之難前後不過三人而起義抗清蹈萬難而不屈者至二十餘人之多其子弟故吏從而殉義者猶不在計數中嗚呼異矣何同此遭遇而士節之振墮乃如是且宋自五先生講學以來甬上士族日湛溺於性理中忠義之見詎讓於後人何士之無恥臨難苟免若不曾櫻其民族之念者比比也夫有明以八股責士效而士反以風節爭自見是又何耶或曰厲民之政明不如宋宋之民心早隨括田而

去矣奪民之生而責其死此必不可得之勢驅白骨而赴國難雖曰有之非其心也然則後之爲國者可以思矣述忠烈第五

時代	姓名	事	實	附	述	備注
漢	任光	爲主簿時海賊作亂令朱嘉將吏人出戰爲賊所射光以身障蔽出之力戰死				
宋	鄭覃 字季厚	建炎四年金人陷明州覃挈族避難山谷間謂兄章曰萬一不得脫覃豈北面事異國者兄勉主祭祀後爲所掠迫使降覃同妻董氏躍水中自沈死				
宋	袁鏞 字天與	治春秋有文武才尙氣節咸淳七年進士授簽書平江軍節度判官以父憂未卽仕國事日蹙鏞竊歎曰所貴乎士者以有義焉耳天下之勢殊未可遏夫生爲宋臣死則宋鬼顧吾無寸兵尺地不能捍禦以固社稷得仗義執言從常山睢陽於地下不失爲宋國臣則足矣會宗室趙孟傳以沿海制置使鎮四明將作少監謝昌元亦寓於明故與相友善鏞因倡言曰時不利矣顧公等食君之祿爲國重臣鏞亦忝進士名聞朝廷爲臣死忠此其日也幸無忽三人因相結納誓以死殉國德祐二年元兵至鄞遣遊騎十八人駐城西山資教寺孟傳昌元謂鏞曰爾第先往曉以逆順我二人卽將兵繼之鏞往遇其騎將首問行在存亡爲之開陳大義具言四方勤王之師日至恐汝北歸無日北兵聞之疑信猶未決明日元兵四集孟傳昌元懼乃以兵獻		子潤祖字澤民號野航善詩尤工草書		

於慈溪之車廡鏞失援被困因挺身與接戰自辰至酉力不支為所擒元將愛其才脅令降曰不死且富貴不降即燒戮汝鏞罵曰我為宋臣死則死爾終不從汝元將怒取矐穴其中加於鏞頸旁縱火燎之鬚髮且盡鏞辭氣愈厲復以刃劫之罵益振遂遇害實是年三月十日也屬清明墓祭鏞家人上塚回舟次鼈山聞鏞死凡三子二婦三孫二妾伯祖妣胡與其子妻二子及姑之子曾祖之側室若婢合十七人悉驚悼赴水死惟仲子潤祖甫六歲亦在溺中僕沈蘭出而藏之黃猛洞土塚裏青糍黑飯食之比五日兵退始克還守閩妾利其篋笥復投置大水甕中僕朱腳援出之得免

宋 豐存芳 字公茂

稷之後太平州倅德祐元年二月元兵至知州孟之縉將以城降存芳諫不聽嘗之之縉遂引元兵屠其家同死者十八人卒方義竊藏其八歲孤禮長於民間

曾孫淳甫明洪武中以賢良薦官監察御史

宋 林澤 字堅叔

雅好梅自號梅逸居親喪致毀瀕死遂絕意進取德祐元年冬時事益急人皆勸入深密澤謂青山去城一舍而近祖父墓在焉必此乎依明年三月十六日遊騎猝至執之脅令首路大罵不屈以死

子公輔字國器痛父死難出家為道士公弼就父墓左右築清隱山房終焉

宋 皇甫明 子 字東生

性豪宕嘗乘小舟挂布帆載琴尊書籍釣具往來江湖德祐二年發狂痛哭賦海口詩曰窮島迷孤青颺風盪頭塞不知是海口萬里空波瀾蛟龍時幽沈怒氣雄屈蟠嶸嶸嶸扶秋陰挂席潮如山焚感喪南紀大去何時還雲旂光慘澹腰下青琅玕誰能居甬東一死諒非難嗚呼朝宗志會見桑海乾遂溺海死

元	楊恕 字仲如 一名祖恕 字近齋	由縣教諭分教永嘉遷温州教授辟為浙東憲掾分治於衢至正十七年以守衢功進照磨架閣文字江浙行省參政蕭述律聞其才行以便宜擢為都事參贊裁決為多十九年明兵陷衢州恕不食數日赴菱塘死	子敷字時敏天性好學時鄭真受業於其父文章議論自謂不及敷及李國鳳經略江南敷上事宜數十條不見省父殉衢州敷遂以毀卒
元	趙觀光 字觀國	以郡博士弟子員得推擇試吏奉化州尋遷昌國至正十年冬黃巖寇起昌國在大海中距黃巖一息可至州守帖木耳不花問計觀光對曰州兵寡弱且不諳水戰惟蘭秀二山居民悍勇善鬪素習海事若募以厚貲示以重賞必樂為我用擒賊無難矣不花善其言即以其事委之觀光招諭有方不擾而事集明年正月從不花引兵出海闔帥總軍民兵同會海門洋俄而賊船百餘猝至衆皆惴縮莫敢進觀光獨部民兵奮戰至晚無大勝負明日方分給軍饋賊復大至即說不花速進賊衆數倍官軍莫支觀光持短兵接戰矢石交下官軍與賊不可辨且無後援遂死之年三十五不花亦遇害	父斌世居定遠縣元季擾亂集衆保鄉里至正十四年首率義兵歸太祖從克滁和真三州授滁州副千戶調永平洪武三年賜誥世襲五年從宣武侯曹良臣北征沙漠大戰於阿魯完河陷陣死錄功贈明威將軍
明	萬鍾 字榮祿	鍾痛父斌死王事克自激昂襲職授武毅將軍龍驤衛副千戶累從征叛寇有功調守昌國衛防海時日本高麗諸國叛服不常鍾治城垣修戰艦以備禦功授明威將軍寧波衛世指揮僉事賜第寧波原籍定遠至是始為鄞人建文元年燕兵起鍾以世胄勤王從耿炳文戰死	父斌世居定遠縣元季擾亂集衆保鄉里至正十四年首率義兵歸太祖從克滁和真三州授滁州副千戶調永平洪武三年賜誥世襲五年從宣武侯曹良臣北征沙漠大戰於阿魯完河陷陣死錄功贈明威將軍
明	陳剛 字子浩	少習吏事見有務文法喪心術者嫉其所為棄去受春秋於林淵洪武中應聘為定海訓導徵試吏部中選授神木知縣地當	

鄞縣通志人物編

忠烈明

四三〇

西北邊與青海為鄰虜往來鈔掠兵革之餘連歲遭饑剛徒步到官撫字疲羸民思復業邑多姦胥猾吏剛以律痛懲之黨與咸懼謀引虜入寇剛倉卒不及備禦遇虜於石山子弓手白敬臣者素險黠嘗譴而杖之至是與其徒劉繼宣拔刃逼剛剛罵曰汝奴果致賊為逆耶吾與此邑同存亡恨不寸斬汝賊奪剛所佩印殺之

明 陳忠
字希中
一字思中

洪武二十七年進士由翰林編修歷官太子賓客修太祖實錄與黃子澄方孝孺戴德彝皆為副總裁建文四年靖難師入京坐黃子澄黨族誅

明 萬武
字世忠

尚氣節力能超距喜讀書時與郡中先輩相辯問有志聖賢之學嘗夜坐見月出當心皎如白日欣然曰人心不當如是耶因以秋月名其軒建文二年襲職僉寧波衛事永樂四年黃巖大盜金躡起闖帥檄武往剿賊方據險武曰毋急攻徒寡人妻子為也因勒兵密以計縛躡黃巖帖然士大夫俱賦詩紀其功以事忤監司誣以稽遲論戍廣西慷慨裏一劍出門交趾簡定反隸黔國王沐晟戲下永樂六年十二月兵進檀舍江稍北武大呼曰人臣有死而已時已病尚披甲誦唐人詩曰裹瘡猶出戰遂陷陣死年僅二十三無嗣弟文襲職

父鍾別見
弟文字世學個儻善騎射為將廉明有威永樂十五年禦倭於蓮花洋獲三艦斬賊百三十有奇總帥命留守桃渚海口一日出哨鋸門遇颶風溺海
文字全字惟一母吳遺腹生全年十六襲指揮職得士卒心嘗念祖考皆死王事祖妣以下世著苦節乃繪四忠三節圖每遇祭祀追慕悽愴正統間從討閩寇防禦海上警柝不廢人以為得邊師體詔進宣威將軍子禕字天祥孫椿字有年皆相繼襲職以才稱

武出戍道中寄其婦陳氏書使其善養姑奉家訓肅清閨閣不放尼媼入門萬氏藏其書以為家寶
相傳文出哨時夜見雙炬閃閃疑寇至發矢落其一俄而颶風大作遂遭難時年僅二十二所落之炬俗以為

明

崔源
字有本

世籍代州以祖父皆官寧波衛指揮同知家焉源襲職以廉能屢掌衛事正統間選補本衛管軍漕運京儲獨革所部科斂軍食以饒七年浙閩倭寇統海寧所備倭條築乍浦城垣整理寨墩兵仗置馬騎四隊五十人往來哨備自海寧指揮而下日赴行營聽稟號令禮逾閫帥肅然無譁十三年大盜鄧茂七葉宗留等起閩浙從總兵寧陽侯剿捕功最移禦金華殺獲甚多擒賊首陳唐奇等五十人送京鎮守大臣奏源忠勇陸署指揮僉事守武義會官軍數寡糾民兵禦寇朝農暮賊外攻內應一日火發聯營源倉卒與按察司副使陶成挺身殺賊時源弟澄清問候在營從源力戰源曰事急矣我當死二弟可去澄等應聲曰兄死吾忍不同死乎於是皆死家人收其遺骸歸鄞朝廷聞之遣官賜祭實授源都指揮僉事命其子繼之

仲弟澄季弟清俱殉兄難
子允襲父職

龍目也世因稱
文爲射龍將軍
先是萬氏自斌
以佐命死滌陽
鍾死遜國武死
交趾三世皆以
勤王事不得歸
骨招魂葬於西
山至文死亦以
衣冠祔焉人稱
萬氏四忠冠劍
墓

源襟度廓朗才
識過人好與學
士交日招致講
論政事酒酣卽
興之歌詩投壺
必盡歡而止居
家兄弟友恭斗
粟尺布不以私
或以事歸遲二
弟雖日昃不敢
先食源死時年
僅三十七

明 潘 禮
字 誠 夫

永樂中徵修大典授後軍都督府都事宣德元年從安遠侯柳升成山侯王通征交趾升特勝有驕色禮勸升持重廣偵探引芹站寧橋事為戒升不聽會賊再至升出戰忽橋斷軍分而敗升欲降禮不可帥所部力戰死之通脫歸以聞詔徵其子凱為進賢學訓導世蠲徭役

明 黃 宏
字 德 裕

弘治十五年進士知萬安縣民好訟輒禱於神宏毀其祠曰令在何禱也訟者至輒片言折之調泰和徵入為戶部主事乞便養改南京刑部主事調戶禮二部歷員外郎郎中出為江西布政司左參議按湖西嶺北二道王守仁討橫水桶岡賊宏主餉有功詔加俸一等賊閔廿四等既降復恃宸濠勢剽九江上下宏發兵捕之走匿宸濠祖墓中盡得其輜重以歸宸濠逆節益露士大夫以為憂宏正色曰國家不幸有此我輩守土死而已有持大義不從宸濠黨者宏每陰左右之宸濠反先一日假賀生日留宴撫按藩臬諸司官次日伏甲宮中伺衆官入謝遂殺都御史孫燧兵備副使許逵而脅囚諸官宏被執憤怒以手梏向柱擊項宸濠遣人說使同謀宏瞋目大罵曰恨吾手中無刃不能立磔此賊奈何欲乃公從逆乎引所繫索自縊而死賊義而棺殮之子紹文奔赴求得其棺以偽命治斂非父意亟易之扶歸世宗立贈太常少卿配享旌忠祠

明 宋 應 瀾
字 汝 觀

祖籍平陽襲寧波衛百戶中嘉靖二十九年武舉授正千戶掌印事執法不撓因每得下考軍門王忬獨奇之命取兵船於閩應期而至忬益委以兵寄客兵獷悍難禦應瀾每約已餘犒而厲以法無不聽命三十二年隸參將盧鑑為先鋒戰上海史家

同郡王廷輔雷州衛指揮僉事勇略過人嘉靖間海上劇賊犯海康廷輔統軍督戰身先犯敵矢盡力窮而歿崇禎間祀忠義祠

浜追賊至海寧二十里亭復從戰平湖戰白沙灣戰金山皆有功其戰史家浜也兵北賊追幾及應瀾急反弓發二矢皆中項洞額親兵復鎗殺四人因回兵破賊應瀾每臨戰必身先士卒三十三年九月賊攻嘉興官兵追之戰於孟家堰應瀾及指揮李元律千戶薛綱死之死時猶飛刀殺一賊乃絕事聞蔭其子襲千戶建祠城北祀之

明 葉紳

字朝佩

其始祖某本潛山人以功賜爵世襲寧波衛百戶紳少習手搏善雙刀時海濱亂寧波東隅日被兵城門晝閉大吏僅保郭內紳憤甚出家財募死士為禦賊計嘉靖三十四年五月倭自錢唐白沙灣入奉化仇村經金峨流入橫石橋紳偕千戶劉英領兵策應至七里店遇賊先鋒紳奮刀奪橋賊大創而兵不繼賊踵至遂為所殺年僅三十六其二子亦死之詔贈武略將軍晉所襲爵為千戶

有韓綱者寧波衛百戶嘉靖三十四年五月倭至七里店百戶葉紳戰死後二日賊由甬東走崇邱鄉復折而趨鄞江橋歷小溪樟村綱領兵防遏猝與賊戰從者皆散走綱挺身獨戰復死之大吏不報聞故褒恤未之及云

韓綱光緒志人物傳誤作劉綱同志武衛表韓傑下及壇廟韓千戶祠下未誤今更正

明

劉烱

字光大

世為寧波衛指揮使年二十襲父爵用御史林應箕薦陞贛州軍門把總未幾又用薦陞福建總督倭嘉靖三十五年三月福清縣倭賊登岸據海口鎮官兵屢挫烱領兵夜襲其巢賊遂奔潰由古田寧德望海而遁烱即提兵由捷徑宵行趨寧德縣要賊歸路欲與千戶王月伏兵石壁嶺擊之未及設伏而賊已至山路屈曲部伍散亂止家兵數人及王月在側烱顧謂持印者曰亟為歸印朝廷吾世受國恩死矣即挺身持鐵鈹格殺三人力盡無援賊衆擁至斃於賊刃所揮鐵鈹尚堅持不墮其勇烈如此御史吉澄上於朝立廟祀之

鄞縣通志人物編

忠烈明

四三四

明

李振斑

字詔枋

一字縝持

萬曆四十六年舉人崇禎十一年為保安州知州陞王府經歷入為工部郎十五年出知寶慶府岷藩建國武岡州治係寶慶所轄素不和於民奸人因之生亂王遇害振斑集義勇與知州譚文祐勦之殲其渠魁十六年張獻忠破長沙餘黨長驅入寶慶振斑倉卒勢不支賊緣城上左右欲掖之下振斑曰此吾死所也與通判何三俊俱被執三俊謀於振斑振斑曰死耳不可遺臭後世遂縛送衡州獻忠逼使跪罵曰吾天朝守臣頭可斷膝不可屈何不速殺我復大聲呼三俊曰身死事小三俊曰固也吾侍公遊地下耳賊投二人於衡江是年十月十四日也弟振斑同時亦被執賊以其諸生試之策輒大書曰庸狗旦暮就磔何猖獗乃爾遂遇害僕李六鳳周科徐彩亦死於難子志伊志傳以相衣招魂歸葬

明

黃嘉寓

字仲籲

天啓元年恩貢廷試第一授彭水知縣在任四載有異政民為立生祠崇禎三年知開州府土苗橫甚嘉寓執法不阿苗皆斂迹十六年民有父死憲獄而其子為之復仇者值流寇之亂聚土苗千餘欲突省垣道出開州紳苗王阿辛等謀劫城嘉寓與致仕總兵金鎮貴協力守急申文請援而援兵無一至者城陷賊欲脅之嘉寓大罵被刺傷股不屈乃舍之即奔入城隍廟抱像大慟觸階死子近哀近展聞父殞亦奔至死所自殺士民哭祭三日長子近古諸生在家聞變裹糧履屨跋涉萬里流寇梗道七閱月始抵黔至則痛哭陳於大帥得仇人何東鳳戮於父柩前祭之遂扶櫬歸

明

錢士驥

字房仲
一字道生

天啓七年舉人崇禎十六年授雲南陽宗知縣不二年南北兩都亡滇中亦大亂下邑長吏多棄印綬逃去士驥獨撫循疲民集諸生講經以考最擢知嵩明州故鄉親從遣人間行入滇勸其歸士驥復書曰乙酉之夏江南已無君矣止亭尙與諸公畫江求君而事之丙戌之夏浙東已無君矣止亭尙與諸公航海求君而事之倘爾時吾家居亦當隨諸兄弟後自請効死而況奉先皇之命入滇中雖經喪亂吾君尙在其忍委而去之更何面目入家廟見故人吾豈不知天南之亂已極非特小朝抑亂朝也其不能爲淨土在旦夕間顧吾但求畢吾之志而已止亭者大學士肅樂士驥族弟也乙未五月卒臨終謂家人曰幸得保茲首領以見先皇莫以絕域爲恨也滇民聚而哭之

明

陳良謨

原名天工
字士亮
一字賓日

崇禎四年進士授大理府推官六載以考最召對時思宗方講敬天之學諭一切章奏箋表不得襲用天字乃爲之更名擢御史十二年出按四川張獻忠羅汝才既撫復叛狂逞楚豫間上倚重楊嗣昌俾督師嗣昌發楚豫秦諸大帥從北而南環集於鄖襄良謨歎曰其將以蜀爲壑乎遂躬閱關隘愆飭文武將吏爲堵剿計鎮將羅尙文驕殘娛酒色疏列其狀尙文稍戢無何賊果入蜀詔良謨專護蜀王巡撫邵捷春專辦賊良謨飭守具檄屬城堅壁清野未幾勅管監軍會嗣昌不喜捷春欲誤其事陷之良謨時時調兵食以佐捷春賊遷延東去嗣昌思撫賊良謨謂捷春當仍調兵合東北二鎮以堵賊又言川中間道最多宜防詭師又極言賊之不可撫捷春阨於嗣昌不能盡行良謨言而賊復乘虛自巴霧渡開新犯成都良謨遣將據要害爲犄

李芳泰字天保諸生客良謨邸良謨投縵爲視舍殮微服南歸乙酉豫於錢肅樂幕府從戎江上軍敗齋志以卒同時陳鳳圖字聖則貢生初爲良謨倡和之友亦隨征瓜里年八十餘卒

良謨嘗夢拜文文山於堂下文山揖之起曰公與余先後人品相同何下拜爲醒竊異之良謨爲人木訥不安言笑每當廣座諸人議論遽起良謨獨默然其居官循分盡職不與時風衆勢

角一再戰賊潰奔帝初聞賊擾蜀下詔責良謨已聞其善守禦乃優旨賜銀幣會秦兵報瀘州之戰斬級千三百有奇皆割官吏士民殉難之首以冒功嗣昌誇爲大捷及良謨覆按有瀘州殉難官民無首一疏極言秦將之欺負嗣昌之誤國而賊已自蜀入楚襄王遇害嗣昌聞報自裁帝爲之旰食命良謨留蜀以任後事再踰年始代還以乞假省親歸十六年還臺時國事已去京師在官者皆求南下以避禍良謨瀕行呼畫師寫照而後發或問之曰此委身而去之日也生還其可望耶補原官視太倉寇勢益迫良謨數有所規畫皆廢格不行十七年三月十七日李自成直薄都城良謨方以疾乞假臥邸中知勢不支謂其友同邑李芳泰曰都城旦夕破爲臣子者除一死外無別法惟是先君未葬母老吾又乏嗣目殊未瞑相對嗚咽自是不復粒食其族姪一擎勸無死良謨曰吾志非一日矣十九日城陷居民頂永昌順民字設香案迎賊僕姚文出偵亦頂之歸未撤良謨大怒曰汝欲污我耶文告以偵探非此不可意稍解呼具紙筆作二書一辭老母一以屬承祧者復賦詩云中天懸日月四海所畢照倏爾陰霧昏日月失常道仰觀我明明薄蝕一時變書至此忽颯風襲牖隨續云電風自南來光復天心見大夫百執事其敢忘明君媿子沈疴久牀第淹數旬背城執盡瘁巷戰杳無聲如何社稷靈憫爾順民形載舟亦覆舟古今同一轍順民卽逆民參觀非一日蒼蒼不可問國亡我何存誓守不貳心一死報君恩未又題云爲臣爲子不能兩全慷慨從容同歸一死大明四川道監察御史陳良謨書於城陷之日書未畢煤山

相和董守諭嘗曰三代下未有不好名賓日不好名其殺身所以獨真也

明

錢肅樂

字希聲

號止亭

凶問至撫膺大慟曰主上不冕服臣子敢具冠帶乎吾巾褻安所得明巾芳泰以巾進良謨著巾盡使服芳泰曰先生行矣千秋事在後死者良謨曰臣子分誼應爾烏乎名復語僕周明曰干戈擾攘行路甚艱可火吾骨歸葬先隴遂扃戶自縊噴血濺地姚文破窗入氣未絕良謨呼文高其懸乃死是日之申刻也年五十六周明以良謨極及從死妾時氏之柩歸鄞人相率迎拜哭之福王贈太僕寺卿諡恭愍魯王贈右副都御史諡忠貞族人以其兄之子久樞爲之後

自少貌恂弱不勝衣而忠孝天植生平以聖賢自期督學黎元寬擢爲第一嘗曰兩浙一人也崇禎十年進士授太倉知州嘗攝崑山崇明兩縣事考績爲江南第一十五年入爲刑部員外郎尋丁艱歸乙酉清兵下浙江閏六月寧波府同知朱之葵通判孔聞語迎降肅樂方居憂在東吳丙舍中咯血聞信慟哭絕粒誓死而貢生董志寧倡謀起兵諸生王家勤張夢錫華夏陸宇燭毛聚燴和之卽所云六狂生也肅樂乃輿疾至城途遇志寧遂定謀以十二日集紳士於城隍廟百姓聚觀者數千人肅樂入巡按署中俄頃海防道二營兵暨城守營兵皆不戒而至遂以墨纒視師太僕謝三賓家富耦國方西行見貝勒歸害肅樂所爲貽書定海總兵王之仁謂滄滄警營出自庸妄六狂生而一稚紳和之將軍以所部來斬此七人事卽定矣某當以千金爲壽肅樂時年未四十故有稚紳之謂會肅樂亦遣客倪懋熹以書告之仁之仁兩答書約以十五日至鄞而密語懋熹

祖若廣在獄中肅樂寄呈所作帖括文若廣喜曰颺虞翁有孫矣以若廣號颺虞故肅樂又稱虞孫肅圖字肇一號退山肅樂第四弟以諸生預肅樂幕府授推官時名器穴濫肅樂力辭子弟恩命不受已而從亡累官監察御史崎嶇海壇化南之間洊更百死肅樂卒復入閣部劉中藻軍助守福寧已丑圍急出城乞援未返城陷弟肅範死肅圖以肅樂子翹恭從亡翁洲庚寅翹恭卒明年翁洲又失肅圖被俘不屈同輩已戮盡次及肅圖監刑者熟視忽釋之非所望也於是栖泊山海之間未幾弟肅典肅澐相繼歿而肅樂尙無承祧者肅圖歎曰吾不可以輕死乃展轉患難中爲保全

肅樂官太倉日與邑紳張采張溥輩力行鄉約作常平倉立保甲法修湖川塘某紳子暴橫殺人肅樂欲置之法公牘丐免者積盈尺皆不聽因求肅樂房師吳鍾巒面言以圖未減至則肅樂延之公堂具公服再拜曰生我者父母成我

令具燕犒三賓不知也屆期之仁至城東請諸鄉老會於演武場出三賓書對衆朗誦因問肅樂曰是當殺以祭蘇否語未畢長刀夾三賓而下三賓哀號跪階下請輸萬金充餉乃釋之時郡中監司守令皆逃惟之葵治府事肅樂索取倉庫籍繕完守具與之仁締盟共守聞魯王在台州遣舉人張煌言奉表請監國王乃赴紹興行監國事七月十一日會師西興王途中加肅樂太僕寺少卿既至再加右僉都御史分汛瓜瀝肅樂四疏辭新命兼力言爵賞宜慎不可蹈弘光覆轍濫予名器因固請以原銜署事並辭諸弟姪從軍之授爵者十月大學士張國維約諸軍以初八日始連戰十日肅樂與諸軍皆有功而第七戰前鋒鍾鼎新用火攻尤捷諸將呂宗忠俞國榮等直抵張灣奪取軍械以歸時浙西諸府州並起兵列營數百與浙東首尾相應杭州孤懸甚危乃以兵急攻平湖平湖之主兵者爲翰林屠象美書生不甚曉軍事肅樂請以兵由海道援之不聽未幾而分地分餉之議起故總兵方國安自浙西來兵最盛之仁次之號正兵食寧紹台三郡田賦謂之正餉肅樂所領之義兵則取給於富室之樂輸謂之義餉未幾正兵并取義餉而義兵遂無所取給司餉者不能應肅樂派取之餉爲鄞奉二縣國安檄二縣不必支應蓋留以爲之仁地也肅樂屢疏入告王不能詰但以敍十捷功再加右副都御史肅樂疏言臣郡臣邑因臣起義兵桑梓膏血一空曾莫之救而今日遷官明日加級是臣無惻隱之心也沈宸荃陳潛夫之才略機謀方端士之勇官階並出臣下而臣翻受賞是臣無羞惡之心也臣部將鍾鼎新等斬級禽

宗祀計五十九歲始舉一子爲肅樂後而家被籍無一瓦之覆一壠之植不得已出而索食客淮上入秦中走東粵河督靳輔肅圖名延之辭以疾輔乃爲假館於外而就諮之然肅圖終不自得每從江上歸徘徊四顧歷指當年營汛以示諸子失聲痛哭而去濡筆作家傳以補史闕閒情所寄或泣或歌其生平較之古來遺民爲最苦晚年手輯肅樂遺集及所著東村集遺命其子濬恭勿以示人肅範字錫九一字箕仲肅樂第五弟江干失守從肅樂浮海而南時監國從員缺落語敕文字肅樂多以屬之肅範已而肅樂請置史官以紀起居閣學馬思理卽薦入館授翰林院簡討肅樂卒諸子弟成服後或之瑞安或往翁洲未去者亦避地秦川長水之間肅樂命也而肅範獨與從兄肅圖徘徊未去或問之答曰止者報國行者全宗不相背也閣部劉中藻方守福安遣人來迎時清兵盡定閩地僅餘福安寧德二城指日受帥賓朋皆勸肅範無往而毅然赴之中藻兼兵科給事中未幾肅圖

者師也但今日之事寧可得罪於師不敢得罪百姓鍾繹大喜以爲能執法豪家奴與黠吏爲奸凶徒結黨殺人焚其屍肅樂痛懲皆斂手又以朱白榜列善惡人名械白榜者階下子大杖久之杖者日少又常以孝友勸導人有母訟其子責其子令跪母前諭曰爾子雖不孝罪不至死且子死將誰依母感動泣謝去有兄弟訟者曰汝小忿奈何傷天性親盡退

囚之事皆出其力臣以未得取杭不欲為請殊擢而臣自受之是臣無辭讓之心也臣少見史册所載冒榮苟祿惡之若仇而臣自蹈之是臣無是非之心也又言臣近者十道並舉冀杭城可復聞主上起行中廷盼望捷音不能安坐而終不能絕流而渡臣今不能入杭誓不再受一官王不許值唐王立閩中詔至張國維熊汝霖主不奉詔朱大典與肅樂議以同姓先爭豈能成中興之業即權稱太姪報命未為不可若我師渡江向金陵大號非閩人所能奪也於是議大不合國安之仁忌之遂謂肅樂初不受副都之命為懷貳心肅樂不得已鬱鬱受官王以奄人客鳳儀李國輔兼制軍需肅樂力言中官不可受外事由是諸藩內臣交惡之肅樂兵至斷餉四十日行乞於途而感激忠義相依不散卒無叛者肅樂乞餉疏數十上而餉終不至乃疏言國有十亡而無一存民有十死而無一生冀以危言悚聽時貴戚張國俊外仗國安之仁內與客李二奄比而馬士英阮大鍼在國安軍遙相呼應見肅樂疏皆恨甚國俊遂引謝三賓以禮部尚書直東閣相與其擠肅樂王加肅樂兵部右侍郎再疏力辭會傳閩中遣大學士黃鳴駿來浙欲盡科八府之糧以去閩中故無是舉乃士英大鍼交構二國之言肅樂致箋鳴駿以公義動之而諸帥之謗不止肅樂懼馬阮為患於是以無餉與孫嘉績連名請以兵歸開遠伯吳凱不許尋以諜言敵人將自海道來乃移守瀝海肅樂既終無所得餉疏言臣兵不得不散但臣以舉義而來大仇未復終不敢歸安慮慕願率家丁數人從軍自効王溫旨慰留而諸帥益蜚語以為肅樂將逃入閩且

亦出城募民而長圍四合肅樂助城守凡六月累戰輒勝而援絕道梗清兵乃屯於郊不復附城專待其糧盡肅樂遣人縋城入見肅樂復書曰吾兵猶利足以一戰但枵腹枕戈勢焉能久城中望援以刻為歲南向望草飛塵起謂此援兵來也聞風聲鶴唳謂此援兵來也如此又有日矣而卒寂然吾惟以一死待之而已城陷望百辟山嘆曰此宋少帝入海處也兵至被執不屈死年二十九僕張貴年僅二十從焉肅樂字兼三肅樂第七弟肅典字叶虞肅樂第九弟肅遊喜為詩亦工書肅樂起兵時以諸生從軍授監紀不受而肅典則年尚少未豫也丙戌始從諸兄浮海肅遊以薦官職方主事肅典亦官監紀推官己丑從亡翁洲辛卯翁洲破來歸壬辰又從魯王至廈門甲午張煌言軍入長江肅遊與肅典間道赴之煌言倒屣迎曰段文薦耶江子四耶尊兄為不死矣已而師退肅遊歸乙未煌言居翁洲肅遊兄弟復赴焉然又時時入內地以諜消息丙申大將軍宜爾德再入海肅遊方與肅

思三日憾不釋再來越數日兄弟果來謝且持物以獻曰微侯不及此肅樂取一物曰相尤而復相好所以識也會大旱米價騰貴窮民聚為亂肅樂捕其魁立斃之榜云散即良民罔治聚即亂民罔貸衆翁然亂隨定復勸大姓出粟振饑減價平糶所全活甚衆性廉介有以公例數百金進者峻卻之曰安得有公例直腹削民脂耳肅樂殯琅江者六年故相葉

有令壯士劫取其首者肅樂於是棄軍拜表即行言臣從今披髮入山永與世辭主上請加蹤跡斷不入閩以遭殄滅遂之温州避人王得疏大駭知不可留乃降旨令往海上同藩臣黃斌卿鎮臣張名振共取道崇明以復三吳斌卿以舟迎肅樂入翁洲王加肅樂吏部尚書兼理戶部事肅樂辭不受是為丙戌之五月不三旬而江上破肅樂之解兵也閩中有使召之以嫌不赴及是肅樂由海道入閩請急提兵出關不可退入廣東并陳越中十弊以為戒閩中優詔答之以右副都御史召肅樂疏言故大學士孫嘉績之忠為之請卹而閩中又破肅樂避難於福清輾轉文石海壇間與諸弟無所得米則食麥無所得麥則食薯其後并無所得薯則食薯之枯者乃潛至龍峯巖祝髮嘗題壁云一下猛省時身世不知何處數聲鐘磬裏歸途還在這邊將終隱矣已而聞鄭彩扈魯王至鷺門來往諸島禡牙舉事丁亥六月王至琅江肅樂人覲王大喜時彩推熊汝霖直閣而已署兵部肅樂至彩以肅樂自代肅樂泣陳無功請以侍郎署部事不許肅樂疏言兵部之設所以統理羣帥歸其權於朝廷今雖未能盡復舊制然當申明約束使臣得行其法又言近奉明旨江上之師病在不歸於一今宜以建國公彩為元戎又言兵貴精練然練兵非旦夕事也今一切封拜掛印暫行停止自建國以下六大營每營挑選敢死善戰之士別為一軍懸金印於此令曰有能將本營挑選之士破敵者不論守把等官各以印佩之並得旨允行自是兵威稍振連下興化福清連江長樂羅源三十餘城遂圍福州而浙東山寨亦各起兵遙應前此六狂

典渡海告警追騎至肅遴得脫走而肅典被執帽落髮毳毳然周臂會大雨騎入村廟飲醉臥土人至者問知其為肅樂弟競憐之或遂欲脫其械導之走肅典乃昂首嘆曰吾亦安可以頻辱哉謝遣土人呼騎起借之鄞之三江口不屈而死肅遴亡命旋居崑山思得間為入海計已亥煌言再入長江肅遴又從之已而兵敗相失流轉太倉嘉定間怏怏不自得一日嘔血數斗大呼不絕以死年僅三十肅采字子亮肅樂第十弟少慧乙酉年方十二在軍中次年隨肅樂航海昕夕侍兄不離左右肅樂治戎之暇即課肅采讀楚詞擊竹如意以和之己丑從入翁洲或薦以中書舍人充贊畫不受辛卯倖而得脫肅采正盛年胸次惻惻自以不得從兄遂東西奔走所至授村童自給不肯歸家亦不肯娶婦甲寅卒於淮上之靳家道口年四十一肅繡字文卿肅樂族弟世所稱錢八將軍者也力扼虎射命中飲酒可數斗飲愈醉膽愈壯肅樂起兵肅繡杖策請自效肅樂以其特勇過之不許列名肅繡

向高孫進晟謀葬之故職方姚翼明時披緇海上助之尤力乃乞地於黃蘗山僧隆琦而修埏道焉

生家居謀取寧紹台諸府與肅樂兵爲犄角之勢復爲謝三賓所告而死肅樂又疏薦故太僕寺卿劉沂春廣東糧道吳鍾巒乞特勅召用得旨沂春右副都御史鍾巒通政使二人猶不起肅樂貽書以君父之義感之二人始翻然就道而閩中諸臣無不出者王之初至閩也鄭成功待以寄公之禮而不稱臣仍稱隆武三年蓋修浙中頒詔之怨也至是肅樂頒明年戊子監國三年曆海上遂有二湖然肅樂嘗有書與成功獎其忠義勉以恢復故成功不以爲忤於是王大媿嘆始知肅樂前此江上之議出於平心非貳於閩嘗謂肅樂曰先生所上奏疏予皆貯藏之燈下時時覽焉明年王次閩安鎮晉東閣大學士兼吏部尚書疏辭者四面辭者三終不許與馬思理劉正亨同入直每日繫艖於駕舟之次票擬章奏卽於其中接見賓客票擬封進牽船別去匡坐讀書其所票擬亦不過上疏乞官部覆細小之事大者則彩主之王亦不得而問也會彩害大學士熊汝霖兵科左給事中陳希友揭參彩逆惡大罪給事中熊曰繪草疏送肅樂肅樂爲之浩嘆彩復招義興侯鄭遵謙議事沈之江逆節大著肅樂每人見卽流涕不止曰朝衣拭淚昔人所譏臣不能禁王亦爲之潛然彩初與肅樂頗和睦自汝霖死并疑肅樂時大學士劉中藻起兵福寧州將破其帥涂登華欲降第謂人曰豈有海上天子船中國公肅樂致書謂將軍獨不聞宋末乎二王不在海上文陸不在船中乎後世卒以宋祚歸之而況不爲宋末者乎登華遂詣彩降彩欲使其私人守之中藻不可彩反掠其地肅樂與中藻書每不直彩而書爲彩邈者所得彩

變姓名注籍諸將幕下及肅樂親誓師見之駭曰汝必欲隨征耶江上出戰肅繡爲先驅浮白大呼挺矛直前嘗中利刃腸出不及納一手攬之一手格鬪不止卒連斫二人仆地始得還營一軍皆驚而肅繡意氣自若時肅樂軍中多魁士如江漢王來咸皆百夫之特而肅繡以兄弟尤勤於護衛在行間積功甚多官至參將兵解以後窮老里巷掩關不敢輕出而日飲無何鬱鬱以死

恨甚以爲肅樂樹外援以圖已朝見之次故誦肅樂書中語以動之肅樂憂憤交至而彩亦不復與諸藩協力道遙海上及連江失守肅樂聞之以頭觸枕祈死血疾大動遂絕食王賜藥亦不復進六月五日卒於琅江年四十二遺言以故員外郎章服入殮計聞王震悼輟朝三日賜祭九壇親製文祭之贈太保諡忠介

明 李 桐

字宗海
一字韋庵

崇禎十年進士知潮陽縣時思宗課吏急特旨頒下四條曰修城隍具器械廣積儲練士卒柵課最巡按薦於朝召見賜白金改知永清縣再被兵村落蕭然桐還定安集之再入召對議用爲給事中而國變作南歸福王立馬士英當國遣人索賂不得乃令御史任大成糾桐欲入之六等擬杖以事無所據而止踰年江上師起以薦召爲儀部主事尋復歸又二年爲謝三賓所告名捕百餘人桐與高斗樞爲之首大訊於杭桐誓死默不出一語時里中義士尙多捐數萬金救之得解桐既出曰吾前此不欲隕黑宰耳今得見白日而死可矣絕粒數日卒年六十二

子鄴嗣別見

明 李 桐

字封若
號侗庵

崇禎甲申之變桐於大瀛所抗言國恩不可不報請發義旅次江干以待撫臣勤王之舉監司庶若騰是之未能應也桐乃號咷於當事馬前并詰責諸鄉老有怒欲除之者尙書馮元飈曰奈何殺義士若騰亦慰勞之以是得免南都昏濁桐悒悒不得志呼天涕泗作悲憤詩遂成沈疾會浙東兵起桐病霍然起遣長子文景從軍授兵部主事已而江上事漸不支桐疾復篤曰吾今死矣家人以湯劑進碎其器旬餘卒年四十九門人私諡

祖生時官太僕主簿父德繼工詩喜從郡中名士遊性孝友事後母有加於前視異母弟有加於己嘗壞敝廈悉推於弟自取其庫且磽者官光祿寺監簿

桐生三歲而孤事其適母及生母皆至孝讀書通大義肆力於詩古文詞

明

楊文琦

字瑤仲

號楚石

曰貞愍葬畢文景與弟文昱墨衰赴海上文昱亦授戶部主事辛亥翁洲失守扈王而出是年九月兄弟同日覆舟溺於海中少子文暹杜門養母其純孝一稟桐家法云

喜交當世豪傑畫江之役隨父秉節從軍已同弟文瓚入閩唐王臨軒試之對言今日宜作馬上天子未可狃承平積習王奇之以明經上等即授惠安訓導尋加監紀推官浙江失守唐王走文琦乃就文瓚於建延之間共商所向而秉節方挈家至同避地於泰順之竹園欲求唐王消息以謀扈從卒不得乃返甬上時浙地止翁洲未下而寧紹台山寨大起遙相首尾於是有五君子之難文琦與大蘭寨主王翊最善故五君子中獨主西南一道而華夏所致大蘭書中途爲人所得密揭告變並列文琦文瓚名旁及弟文球時文琦兄弟方謀於野聞變或勸之逃文琦曰吾以義動而臨難不赴將陷父於辟安用義爲然偕死亦無益吾獨承之因遣文瓚文球入閩文瓚不肯乃獨遣文球變服走文琦遂繫獄對簿大聲曰身一死奚辭但無與文瓚事不得橫坐請釋之以養父時華夏已先在囚中聞之淚涔涔下而秉節因囊餽傳語謂一日未死當一日讀書文琦以詩答父聞者益歎秉節之賢初華夏已獨承帛書中事欲盡脫諸同難以故同難亦多不承者而文琦獨不可於是當事議坐文琦遂與華夏同死時戊子夏五月二日也魯王贈文琦兵科都給事中

曾祖承龍澤州通判父秉節能以名節勸諸子弟文琮字天璧文球字天琅截江之役父秉節親帥諸子從軍文琮官職方郎中文球官都督府都事及江干事敗文琮以兄文琦爲惠安訓導弟文瓚拒防建延三關使文球奉父入閩而已居守甬至文琦文瓚適他出亂兵突過之賊執秉節以去索萬金不則烹文球散髮狂號於路人憐其孝不數日得金數千緡齎入砦賊以數不足欲殺之文球對父長慟賊亦感動令奉父以歸俄而文琦兄弟返乃共還甬上會華夏致書大蘭寨主王翊爲謝三寶所得密揭告變並列文琦文瓚文球名而獨遺文琮文琦文瓚皆死文球變服走閩會錢肅樂已卒乃謁閣部劉中藻於福寧中藻令參幕府軍事時文球尚未娶中藻欲婚之曰謝三寶讎首未懸未可也中藻益重之次年福寧不守文球死之文琮乃間行海上謁張煌言把臂痛哭

明

楊文瓚

字贊玉

號圓石

崇禎十二年舉人魯王監國授監察御史時唐王登位翼戴者各爲其主不肯合力圖匡復文瓚至會稽疏請陛見曾王抱恙不視朝文瓚拜榻下泣言閩浙宜合不宜分主上宜稱皇姪奉隆武正朔異日先後光復舊京於義益正王爲動容下文瓚疏而閣部張國維力排之文瓚知言不行乃走閩間關達行在手刺血草疏唐王召見西殿伏奏謂閩浙同舉事浙當其衝閩蔽其後若無東浙焉有八閩願上急發十萬餉頒賜浙東將士閩浙勢合事尚可濟文瓚哭陳王亦泣即賜食撤御前燈送至邸立拜御史丙戌春以溫陵饑按視疏發帑金三千振給歸會唐王下詔親征已而不果行文瓚上四難六失疏一時以爲名言王特用爲雲南巡撫力辭請如前旨得領餉入浙中以圖會師鄭氏尼之不果乃命以掌貴州道防建延三關便宜行事召募義勇甫抵境而浙師潰閩要害亦撤清兵直抵仙霞文瓚乃變服竄跡林莽中閱五月始至里門長兄文琦聯絡翁洲帥黃斌卿密圖匡復文瓚亦與其謀妻張氏泣諫曰勢同壓卵黃帥狡

託以聯絡中土事自是文琮每歲往來海上不絕乘館亦弗以前禍爲戒勉以善承家風癸卯乘館卒是年有降卒言文琮將引海上將趙彪爲患逮至錢塘歎曰吾父以天年終吾可死矣且吾固雁行中漏網也賦絕命詞扼吭而卒庶弟文琰文玠暨諸姪皆以文琮故遣戍斃於道

文琦之弟

崇禎初李清爲郡司李觀風試諸生得楊文瓚卷嘆賞不置遂定交未幾清內擢御史文瓚以家貧偕往便道爲之覓館揚州清曰君制舉文工矣但胸無整段書恐不足爲人師文瓚問何爲整段書清曰無論史漢得一册首尾誦習弗

儒不可恃恐為家禍弗聽會謝三賓發其事兄弟俱繫獄文琦言無與文瓚事得釋文琦遂死張氏密語文瓚禍終不解急宜避去文瓚曰有老父在去將安往而三賓復賄當事以罪屬從坐再捕文瓚赴市文瓚誓不絕口已知張氏性烈必從死更笑曰吾兄弟妻子俱得死所矣延頸受刃年三十五時戊子五月二十六日也魯王贈都察院右僉都御史

明

張煌言

字元箸
號蒼水

豪邁不羈能文章善騎射思宗以天下多故令諸生於試經義後試射煌言三發三中崇禎十五年舉於鄉常感憤國事願請纓及錢肅樂起師煌言先至即遣之天台迎魯王授行人王監國紹興賜進士加翰林院編修入典制誥出籌軍旅閩中頒詔之役自請為使釋二國嫌既歸督侍講兼兵科左給事中丙戌師潰汎海將之舟山道逢富平將軍張名振扈王入閩從之行鄭成功不奉命乃勸名振還石浦與戚虜侯黃斌卿為犄角加右僉都御史明年松江提督吳兆勝來歸魯王給印二百道命煌言監其軍至崇明颶風覆舟煌言脫身走閩道歸海上己丑復集義旅駐上虞之平岡諸山寨咸事鈔掠煌言獨屢畝勸稅相安無擾庚寅王居舟山名振當國召煌言入衛加兵部右侍郎辛卯秋舟山破扈王再入閩次鷺門癸巳冬返浙招軍於天台甲午復會名振之師入長江登金山以上游師失期次崇明丙申再入長江掠瓜洲儀真抵燕子磯而所期終不至遂乘流東下聯營浙海是年名振遣言盡以部下歸煌言於是軍容始盛丁酉王去監國號通表滇中戊戌桂王在雲南遣使問道

少遺忘此之謂
整段書文瓚曰
請自登舟始日
課前漢書數十
葉就公背誦至
揚州當不負所
勛果半月卒業

父圭章字兩如天啓四年舉人累上南宮不第謁選得河東鹽運司判官致仕歸晚年遭國變子煌言汎海扈魯王入閩圭章自慰曰不負生平讀書也已而煌言同沈廷揚馮京第入犯崇明又集兵於上虞之平岡有司係累其家人以入告清世祖以煌言有父弗籍即令圭章作書諭煌言圭章潛寄語曰汝弗以我為慮由是室廬盡亡篋瓢不繼處之怡然順治九年卒與煌言同時起義者有張夢錫字雲生諸生乙酉入幕府授司務督御史當董德欽華夏諸人之起也皆文弱士司書檄奔走其間而夢錫於弓矢矛戟皆習之故嘗在戰鬪中江上失守山寨大起先後立營者曰馮家軍則京第曰王家軍則翊曰李家軍則

煌言母趙禱漢
壽亭侯祠得異
夢而生故小字
阿雲
鄭成功縱橫海
上奉隆武年號
魯王再入閩僅
修寓公之敬而
已惟煌言以名
振軍為衛成功
因之加禮煌言
極推其忠嘗曰
招討始終為唐
真純臣也成功
亦曰侍郎始終
為魯與吾豈異

赴海封鄭成功延平郡王命煌言為東閣大學士兼兵部尚書七月監成功軍北行抵羊山遇風海船碎者百餘義陽王溺焉乃回舟山修葺已亥成功全師犯江寧煌言以所部數千人並發謂成功曰公不如先取崇明崇沙江海門戶懸洲可守脫有疏虞進退有據不聽以煌言為前軍同提督羅縉章充長江鄉導使清兵已於金焦間以鐵鎖橫江所謂滾江龍者譚家洲岸皆西洋大礮煌言出入其間令善泅者截斷滾江龍將奪上流木城而舟多為礮所擊不得前乃以十七舟剪江渡木城俱潰直抵瓜州明日成功至清兵出禦死者千餘乘勝克其城先是議師所向成功欲先江寧煌言欲先鎮江成功曰吾頓兵鎮江金陵援騎朝發夕至為之奈何煌言曰吾以偏師由水道薄觀音門金陵將自守不暇豈能分援他郡成功然之即請煌言往未至儀真五十里吏民迎降六月二十八日抵觀音門成功已下鎮江水師畢至七月朔哨卒七人掠江浦取之五日煌言所遣別將以蕪湖降書至成功虞江楚援師且至也請煌言控扼蕪湖以制上游乃至蕪湖相度形勢一軍出溧陽以窺廣德一軍鎮池州以截上流一軍拔和陽以固采石一軍入寧國以逼徽州傳檄郡邑江之南北相率來附者凡四府三州二十四縣煌言令甚嚴諸軍肅然秋毫無犯所至城邑考察黜陟長吏如州牧行部事江楚魯衛人士多詣軍門受約束歸許起兵相應亡何而江寧之敗聞煌言方受徽州降乃返蕪湖初煌言語成功曰師老易生他變宜遣諸帥分徇郡邑金陵出援我則首尾邀擊如其自守我則堅壁以待倘四向克復收兵鱗集金陵如

長祥其餘團聚不可指屈而張煌言亦軍於平岡與夢錫大較之軍相望諸營呼之曰大張軍小張軍庚寅清兵洗山入海煌言泛海入衛長祥亦去京第翊相繼死散夢錫軍不過五百人顧其待士素以恩賞相依不去清兵猝至夢錫挾長矛出鬪以衆寡不敵遂死五百餘人皆從之無降者有三人突圍出竊負夢錫屍葬之大皎南麓又有全美樟者字木千煌言為諸生時放誕不羈呼盧窮晝夜美樟一見曰斯異人也盡賣負郭田三百金為償其負勸以折節改行煌言亦以女妻美樟次子已而江上兵起美樟馳驅其間授禮部主事事既不克幅巾歸里而煌言以嘯強山海春屬被錄美樟乃遣仲子挈婦避居黃巖自是美樟遂為目盲一無所見掩關靜坐言笑俱絕臨終書末命曰吾未得為蒼水延一綫汝曹當世奉其祀也

趨哉
清廷所遣安撫使及浙督營各以使招煌言煌言復安撫書略曰不佞所以百折不回者上則欲匡扶宗社下則欲保捍桑梓乃因國事之靡寧而致民生之愈蹙十餘年來海上芻蕘模樞之費敲骨吸髓可為惕然況復重之以遷徙流離哀我人斯亦已勞止今執事既以保兵息民為言莫若盡復濱海之民即以濱海之賦畀我

在臺中矣成功不聽自以爲江寧旦夕且下士卒釋戈而嬉縱飲奏樂清兵諜知之以精騎襲破前屯成功倉卒移帳質明軍竈未就清兵傾城出戰衆無鬪志成功亦遂乘流出海并撤鎮江之師而去於是橫江之艘皆屬清兵煌言歸路已梗乃引舟趨鄱陽八月七日與楚師遇而兵潰焚舟登陸軍士尙數百人歷霍山英山登東溪嶺追師奄至士皆竄止一僮一卒迷失道路路土人爲導變服夜行天明而蹤跡者衆導者亦去茫然不知所嚮念有故人賣藥於安慶之高河埠求一人導至其所至則故人他往而故人之友識爲煌言憐其忠義教之由擬陽湖出江渡黃盪抵東流之張家灘潛走建德祁門兩山中煌言方病瘧力疾趨休寧買棹入嚴州恐浙人熟其面改而山行自東陽義烏出天台以達海壖散亡復集成功聞之遣兵來助庚子移師林門旋軍於桃渚辛丑入閩次沙關成功將謀臺灣已抵澎湖煌言遣幕客羅子木以書挽成功謂軍有寸進無尺退今一入臺則將來兩島恐不可守是孤天下之望也不聽已而滇中事急成功方得臺不得行煌言乃遣職方郎中吳鉏挾帛書入鄖陽山中說所謂十三家已衰敵不敢出壬寅滇中陷成功亦卒煌言大哭還軍林門適閩南諸遺臣復謀奉魯王監國貽書來商煌言喜甚卽以書約故尙書盧若騰及成功子經勸以大舉十一月魯王薨於臺煌言哭曰孤臣之栖栖有待者以吾主上也今更何所待乎會故將阮春雷據閩之東甌長腰各島窺福寧癸卯煌言率五十餘船往與之合適總鎮林國梁謀降機洩煌言圍之國梁以礮碎其船斬煌言之弟嘉言復乞援於

在新朝旣捐棄地以收人心在不佞亦暫息爭端以俟天命當與執事從容羊陸之交別求生聚教訓之區於十洲三島間而沿海藉我外兵以禦他盜是珠厓雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞卽當夕掛高帆不重困此一方也復督府書曰執事新朝佐命僕明室孤臣區區之忱言盡於此

福寧總兵吳萬福萬福遭游擊李應先劉成海等毀東蚶長腰寨甲辰三月煌言與春雷復集百餘艘泊三都三山等島萬福約水師總兵夾擊追至大洋陣斬及溺死者甚衆春雷赴泉州煌言回浙六月乃散軍居南田之懸壘懸壘在海中荒瘠無人煙山南有汊港可通舟楫煌言結茅以居從者祇羅子木門生王居敬侍者楊冠玉將卒數人舟子一人是時閩粵間惟煌言獨存議者謂煌言不死海氛且復遠清廷急購之係累其妻子族屬以待總督趙廷臣乃遣騎將徐元等詐爲僧人服率健丁潛伏普陀山朱家尖蘆花壘三路伺之值煌言繙舟至急擊之獲其將使言煌言竄處力脅之其將赴水死又殺數人最後者乃告之曰張公不可得也公蓄雙猿覘動靜敵舟在十里外猿輒鳴樹杪得爲備矣乃即駕所獲船以夜半至懸壘出山之背攀藤上煌言坐處置一劍有警即欲自刎是夜聞蘆葦颯颯有聲急呼從者起而清兵已入室不及避遂就縛并執子木冠玉舟子三人七月十七日也比至杭州廷臣勸之降煌言正色惟求速死廷臣知其意不回命寄獄中供帳甚盛許其舊時部曲得來慰問官吏願見者弗禁杭人爭賂守者求入見或求書煌言亦應之九月七日赴市遙望鳳凰山一帶曰好山色賦絕命詞挺立受刑年四十五子木冠玉舟子並從死子木名綸以字行溧陽人冠玉鄞縣人子萬祺先三日死鎮江

煌言精於六壬兵屯東溪嶺時占得四課空陷方大驚而追騎已及繹舟未返占課大凶徘徊假寐夢金甲神來招與王居敬言之言未既而罹難
煌言既死故御史紀五昌杭人張文嘉沈璜書等殮之而鄞人萬斯大與朱錫九錫蘭錫旂錫昌兄弟復葬之南屏山下今署曰張社者是也社建於民國元年縣人范賢方等倡議以縣公款成之

明 周志畏

字仰威 號雲松

崇禎十五年舉人明年成進士曾國變謁選南都知江都縣時兵戈旁午剝膚敲髓揚民苦之志畏撫輯萬端不畏強禦高傑銜之欲加之罪而志畏不茹不吐傑亦莫敢誰何及傑死睢州軍還無所統益暴橫凌志畏取其中害民者置以法兵大譟志畏求解職督師更司法愛其才上疏命故梓潼知縣羅伏龍代之廷議調志畏歛縣司法欲倚為佐慰留之及清兵至屯班竹園司法守西門志畏守小東門躬被甲宿敵樓夜不交睫越三日敵大來薄城下礮擊城西北隅城遂破兵執志畏擁至南郭福緣庵不屈刃之於水年僅三十家屬十餘人皆死僕臥積屍中三日幸不死因遍覓主屍志畏平時常以小鏡置懷中至是僕見屍水上識其衣啓視鏡故在哭殮焉子斯滅八歲隨姑氏潛遁畜於揚之尼舍聞父亡亦哭死

天覺之孫

從弟志嘉子殷靖年十六受知於華夏夏被執志嘉三日必入獄視囊餽夏囚中贈詩最多及夏死取其所贈詩張於壁間曰吾不敢忘知己也志嘉甘放棄不復試有司與族人齊會朝夕唱和兼工詞

崇禎九年吳鍾繼分校浙闈得志畏卷嘆為英絕以策語傷時置乙榜嘗遭父母喪哀毀骨立自傷不能盡子道大書蓼莪篇以自責

明 王纘爵

字佑申

以蔭入太學崇禎十七年試溧水知縣清介剛直忤上官投劾歸已而補應天府通判福王稱制纘爵請赴史可法軍前自劾乃以同知揚州府監軍尋進按察僉事持節時可法內困讒口外則諸鎮不用命一日謂纘爵曰時事可知矣君徒死此何益吾當送君還南都以為後圖對曰某世受國恩寧從明公死不願從馬阮生也可法改容禮之清兵至與可法登陴守城城破死之

佐之孫

子兆彖字麟友一名存雅有異才詩尤工父殉節後崎嶇兵間往負父屍而積骨如莽不可辨具衣冠招魂歸葬後奉母寓雷塘以當廬墓遂終身躑躅蜀岡邗江之間以野死

明 董志寧

字幼安

由諸生貢太學以名節自勵乙酉六月清兵入浙志寧首謀倡義慟哭學宮曾陸宇燏張夢錫華夏王家勤毛聚奎不戒而集志寧出載書於袖中皆連名署紙尾願偏謁諸鄉老莫敢應適錢肅樂輿疾至城東觀變途遇志寧遂定謀魯王監國次會稽

同時從亡舟山者有戴仲明浩之後楊思任守陳之後皆諸生嘗與畫江之役既至舟山知事不可為日從張肯堂吳鍾繼講學城破仲明投繯死思任以兵

志寧遺骸在海陸宇燏捐金募人致之以禮葬於城北馬公

授志寧大理寺評事而降臣謝三賓以賂結戚晚張氏驟躋東閣且假勸輸義餉之名乾沒里中軍需志寧惡之棄官歸甫一年江上師劔三賓復降時浙地盡歸清祇舟山石浦未下而明遣老又多於浙東山中結寨李長祥王翊兩軍為主盟志寧與華夏王家勤諸人計以翊軍下寧波而已翻城應之因連長祥軍以下紹興監國故疆可復也華夏等皆喜馮京第聞之請以舟山之軍來會部署已定為三賓所諜知發其事四出搜捕華夏王家勤皆遇害志寧獨逃之舟山得脫魯王至授兵科都給事中時時奉使入內地聯絡山寨諸軍以為海上策應辛卯舟山失守志寧自刎死方志寧初入舟山有司將捕其妻羅氏其子士駿士驥有義僕文周匿之赴官受拷垂死不言得免其後羅氏聞志寧計仰藥死而士駿兄弟育於高宇泰及長卒承先志蹈海不返文周悼志寧之絕祀遂以縞素茹蔬終身云

死

橋下先一日夢志寧曰吾別一足奈何啓視之果失右趾大驚束蒲補之

明

王家勤

字占一

別字石雁

從劉宗周講學經術文章皆有原本馮元颯主中樞延之幕中奏疏筆札盡出其手福王稱制以選貢入太學廷試高等授大理評事陞見請救淮揚軍忤馬士英罷歸乙酉六月擁錢肅樂起兵期年而敗於是諸遺臣日夜謀所以復故國者議分道集兵華夏主中甄馮京第主西甄楊文琦兄弟主西南甄家勤曰吾願主東南甄乃踰姜山至管江管江之豪施邦玠杜懋俊等招死士得三千人家勤屠牛醢酒刺血誓帥約以翁洲水師入關則由陸路自城下會之諸道所集兵未有若家勤之盛者已而謝三賓告變諜者至家勤謂耳目有異搜得其檄遂斬之嗚鼓會衆將由大嵩入海會定海總兵常得功已遣水師扼其路

兄家亮字天棗才華與家勤埒以貢生預錢肅樂幕府家勤死後家亮枯槁抑鬱以終弟家獻字茂修家續字石英俱隱居不仕家勤門人李蒞原名允升字山顏一字寓庵家勤下獄蒞實周施棗饋之既棄人事遂隱於畫工山水蟲鳥下筆有神陸寶尤愛其詩稱之為李昭武之亞時蒞之外又有趙驥周廣陸崑聞洪聞玠兄弟皆恤家勤之難力敦古道者

而以輕兵掩管江施杜請據險格鬪別令死士護家勤趨翁洲中道被執有顧氏子者隨行亦被縛其人狂且也三賓密以賂令其進家勤勸多引薦紳人望以自免家勤斥之顧氏子乃私填一紙如高斗樞馮家楨李桐范兆芝等以與獄吏而衣冠之禍大作外人皆以爲出自家勤華夏聞而驚曰石雁寧有此訊之乃知顧氏子所爲也三賓又謂人曰王宙一沈靜淵默非華某之疏衷者比必不可活未幾巡按移家勤之囚於省或以爲有生望家勤曰吾亦何望爲覆巢之完卵哉華楊施杜不可負也及累訊瞠目不復一語遂以六月二十日死門人私謚忠潔

明華夏

字吉甫
一字默農

爲諸生與王家勤齊名同受業於倪元璐又同學於黃道周劉宗周已而同受知於新城黃端伯華亭陳子龍甲申難作號慟絕地取諸所爲文詣文廟拜而火之局小樓足不一下且狂且哭如不欲活及有告侍御陳良謨殉節訃至者乃急起草檄告同人暨諸鄉先達會於學宮爲位明倫堂東偏遠方赴弔者千計已復爲文祭之并爲立後福王監國夏以丙子副榜例成貢士乙酉六月浙東兵起首與董志寧倡大義授兵部司務尋晉職方主事皆不受請以布衣從軍與太僕陳潛夫出戰牛頭灣彈從頭上過如雨不退旋入錢肅樂幕顧夏雅素勁挺肅樂亦不能盡與之合遂謝去又七月而江上潰時浙東未失者祇翁洲彈丸地而士大夫以至軍民尚惓惓故國山寨四起皆以恢復爲辭會肅樂航海入閩連下三十餘城閩告急於浙浙抽兵應之夏曰此可乘之會矣丁亥乞師翁洲故總兵黃斌卿猶豫不應夏憤責而歸未逾時馮京第往復海上書洩牽連及夏捕

從父明義字魯卿孝友仁厚事親必盡其誠誨夏尤篤令一意攻古每夜半聞咿唔聲必欣然自起慰以茗果後夏名馳四方皆明義有以成之也卒年八十一夏子凜咫尺字儼思立志堅卓閉戶不問世事但講經授徒有師道門人日益進爲世所尊信云
董德欽字若思光宏之孫南都之亡納衣冠於文廟慟哭已而華夏王家勤等奉錢肅樂起事德欽亦以招軍輸餉授監紀推官不受事去歸里戊子翻城之役華王爲謀主德欽豫馬將合諸道軍大舉德欽曰諸君既入城吾請任其餉乃盡斥賣其家資以待已而爲謝三賓

夏世爲定海人祖徙郡城東遂家焉生而穎異稍長讀書能強記聞古忠孝節烈事輒斂容契其人數日不置夏之再乞師斌卿也斌卿曰我軍弱中土之助我者可得幾何夏曰布置已定發不待時將軍何庸以寡助爲

之人獄家勤與董德欽悉力營救會通判楊日章亦為言諸兵道卒白而釋之出獄夏不以為懲謁御史李長祥於東山長祥

所發德欽走天台中道被執戮死魯王贈兵部郎中

曰吾於會稽諸城邑俱有腹心一鼓可集但欲得海師以鼓動聲勢夏曰海師不足恃也公何不以中士之師速舉長祥曰此間人頗以海師為望子其強為我行乃再乞師翁洲斌卿雖強許終無出師意夏歸乃令楊文琦往時馮京第在翁洲力勸斌卿文琦曰累失期事且壞今十一月四日直指使者之天台監司而下皆送於南渡可乘虛至也我當約諸道畢集以待將軍之樓船東山之兵亦以是日入越斌卿曰諾自夏偕文琦家勤諸人經營恢復事東西聯絡飛書發使日無寧晷至是以為功有緒矣而謝三賓既不為清議所容益思所以邀功者廣行賄賂得反間之力賺得夏所貽大蘭帛書向分守道陳謨巡按秦世楨告變世楨乃詭期不出而密調慈水之兵以襲大蘭定海之兵以勤管江姚江之兵以搗東山三道之兵皆潰急捕得夏令知府韋克振大陳刑具訊究其黨與夏乃慷慨獨承曰心腹腎腸肝膽吾同謀也及問帛書所載楊王屠董諸人皆言其不預知府再拷之夏大呼曰太祖高皇帝造謀烈皇帝主兵安皇帝司餉其餘甲申乙酉殉節諸人范景文史可法而下皆同謀也知府三拷之終不屈初謝三賓欲害六狂生以求用而海道孫枝秀則豔三賓富欲并殺之而取其室乃使人上書告之又使人密語夏曰謝氏汝冤家可力引之當為汝報仇及訊夏曰咄嗟此乃反面易行首先送款之人也而謂其不忘故國吾死不暝矣三賓跪旁搏頰謝曰長者長者戊子五月二日行刑巡

憂將軍之師入蛟關范公子兆芝當以徐給事孚遠柴樓之師會可得六百人將軍之師至鄞江楊惟官文琦當以王職方翊大蘭之師會可得千人王評事家勤當以施公子邦玠管江之師會可得三千人張屯田夢錫當以大皎之師會可得四百人而屠駕部獻宸當以城中海道麾下陳天寵仲謨二營之師為內應可得千人將軍之師至慈馮職方家楨當

按謂曰非不欲生汝奈國法何夏曰事成吾不汝置事敗汝亦不吾置也至市即盤坐大呼高皇帝三而受刑年五十九葬定海之雁宕鄉魯王還軍翁洲贈夏檢討門人私諡毅烈

以其子弟親兵會可得五百人將軍之師至姚李侍御長祥當已下紹興以遲將軍其東山之寨當有使者來除道以俟而張都御史煌言當以平岡之師會可得三百人將軍之師渡曹江章都督欽臣以樞山之師會可得二千人將軍之師急移小疊合李侍御軍西渡蕭山尚有石仲芳寨可得千人將軍以此衆長驅入杭百里之內牛酒日至何庸以寡助爲

憂斌卿猶不信
 夏益恨而激之
 斌卿大怒奮拳
 擊之曰吾今聽
 子言倘李侍御
 爽約吾且取子
 肝以餉軍
 夏在獄中鼓琴
 賦詩如平日自
 稱過宜居士或
 問之曰周公之
 過不亦宜乎何
 有於某
 夏生平撰述最
 多其獄中所著
 對簿錄述蒙難
 事甚詳精於音
 律手訂操縵安
 絃譜不知流落
 何所泗水鼎亦
 獄中所著樂府

明

屠獻宸

初名懿忠

字天生

諸生嘗受經於陳良謨良謨殉甲申之難獻宸設位而哭周恤其家南都亡獻宸西向蕭山探行省消息聞憫王降而歸道出姚江則孫嘉績熊汝霖已舉兵獻宸杖策謁軍門嘉績汝霖奇之留參其軍事次日華夏等亦擁錢肅樂起兵於鄞會師江上肅樂執獻宸手慰勞之曰君可謂先平陰之役而鳴者也獻宸募義從爲小營軍於瓜瀝之龍王堂前尋授車駕主事已而江上師潰子孝來死之獻宸歸里先是故尚書慈谿馮元颯兄弟門下多奇士至是多在清大帥幕中獻宸欲因其力以有所圖客頗許之有海道中營遊擊將軍陳天寵仲謨者北人也馮氏諸客瞰知其有異微說之天寵及謨乃親詣獻宸密室屏左右言曰吾二人故吏閣部麾下也當江都失守閣部垂死遺言囑我輩必無負明室吾二人敢忘之哉將有所待而爲之以報閣部也吾觀公非凡人且一切往來蹤跡吾亦稍覺之公若弗疑願效死力獻宸聞之大喜天寵等即從衣領中出史閣部牒示之曰倘城下有警吾縛備兵使者以予公矣於是華夏頻乞師於翁洲內外合約以復浙東用少牢祀史閣部於獻宸家陳仲二將預其盟已而翁洲師期至遂合諸道師將大舉先一日謝三賓告變諸道兵皆爲清兵所截不得至祇翁洲師次城下陳仲二將秣馬猶思應之海道孫枝秀登陴以望駭曰敵兵翹首望城上而不發矢望內應也即調城守營兵分鎮諸門居民敢有出巷衢瞻眺者即殺之二將不敢發翁洲師知有備遽去獻宸走天台枝秀遣人追殺之戊子五月二日與華夏同死西市而陳仲二將者周旋獻宸於難中甚力論者賢之魯王贈獻宸大理寺丞

大山之後

兄鼎忠字禹銘乙酉閏六月偕獻宸在孫嘉績幕府魯王追殺其先世門蔭官以鎮撫獻宸殉節鼎忠杜門謝客時甬上遺民創結詩社皆欲招之鼎忠曰身將隱焉用文敦弊之會非亡國大夫所宜也謝不往窮居二十四年而卒從子孝穆字世達獻宸臨死往收其屍解所服青衿與之曰爾頗有氣節以此相貽孝穆嘗對之流涕孝程字世式女適孫嘉績子延齡後遭牽連之累有勸其應試以保全門戶者孝程答曰吾五世相韓之家也而應試季父之血將化碧矣聞者咋舌與孝穆相繼悒悒死

明

張廷綬

字雲衢

武學生少時喜兵法又善挽強弓舞大刀兼喜壬遜之術錢肅樂起兵以驍勇署總統會於越中方議所立聞魯王已監國台州乃遣廷綬迎奉從之江上時台州倡義者為陳函輝及義兵諸營分汛防江而函輝以會推留中調度其兵莫屬訪於肅樂曰麾下將材乎肅樂曰前日以迎奉來者其人可使也函輝奏授都督僉事統所部還鎮台之海門江上諸營爭分地分餉海門稍遠得不預台軍又遙歸函輝節度與肅樂皆忠惻無嫌忌廷綬時時以餘餉饋錢軍函輝聞而彌善之會有客兵駐台暴橫廷綬竭力支拄使不至大逞已而閩中大將李唐禧至監國使與廷綬共治軍事廷綬讓之凡署銜列座必使居己上而唐禧自以客將每事皆咨廷綬而行兩人和衷共濟日練兵以輸江上清兵入台唐禧謂廷綬曰公當俟陳公消息然兵已逼不如偕我早死徒殺士卒無為也廷綬曰諾各遣散麾下袍笏兀坐營門清兵過廷綬營門諭降不屈殺之唐禧亦被殺而廷綬眷屬之從軍者皆死無一存

明

戴爾惠

字少峯

錢肅樂起兵大會於城隍廟百姓聚觀爾惠舉手一麾從之者三四人相與擁肅樂赴巡按署遂以舉事肅樂敍倡義情由疏於諸紳衿外列諸義民以爾惠為首官錦衣瀕江十戰善以孤騎突入大營軍士見之辟易莫能當晉秩至將軍丁亥以後有大帥薦之力辭不起山寨諸軍再舉爾惠復出而應之一門殲焉僅一孫得脫

贊之後

光緒志謂爾惠贊之裔孫句餘土音注及定海廳志引明殉節諸臣事蹟皆謂贊之裔孫然據戴氏家稿輯略爾惠實為贊之

明

倪懋燾

字仲晦

一字煜生

乙酉浙東內附懋燾從錢肅樂起兵會謝三賓惡肅樂貽千金於定海總兵王之仁令其以兵來殺諸首事者肅樂亦欲貽書之仁因之仁已繳敕印降貝勒難其使懋燾請行至定海定海人洵洵言昨有陳秀才者上箋之仁詆其降之仁殺之聞者皆股栗俄而三賓之使繼至懋燾神色不動有頃之仁召見曰君此來大有膽懋燾曰將軍世受國恩賢兄常侍攀髯死國天下所具瞻今東海鎖鑰在將軍次之則翁州黃將軍石浦張將軍左提右挈須有盟主將軍之任也之仁遽搖手曰好爲之且勿洩令其子鳴謙飯懋燾於東閣而別召謝使入見待之略同亦具報書但曰至鄞共議之謝使出乃遣懋燾歸之仁曰語錢公當具犒師之禮懋燾出喜曰吾事諧矣翌日之仁至果脅三賓出兵餉萬金與肅樂肅樂勞懋燾曰此李抱真之招王武俊也而君以三寸舌成之功過之矣及畫江守定以懋燾爲職方參瓜里軍唐魯爭頒詔之禮越使陳謙入閩而死閩使陸清源入浙亦死議募一能者肅樂薦懋燾懋燾至則告唐王曰方今閩強越弱然無越則閩無所蔽且均爲太祖子孫乃區區爭虛號耶王喜懋燾欲辭歸王曰彼此一家越臣卽閩臣何辭爲令以僉事分守建寧時鄭芝龍盡取閩中兵餉歸於所屯之東石道

裔孫贊永樂間
柳州同知其名
見光緒志選舉
表永樂三年徵
辟與熱非一人

標故有兵千人至是一空懋熹捐俸為餉以募兵清兵攻建寧
出鬪力不支一軍盡沒從者十八人僅脫其一時丙戌八月十
一日也年三十九

明
徐啓睿
字聖思

少負才任氣喜擊劍臥起嘗佩之既補諸生累試不售時沈寇
躡中原南中承平如故友朋競為社會高論詩文啓睿輒罵曰
此處堂燕雀也閱邸抄尤極口罵時相不置啓睿既久鬱一日
忽埋佩劍削髮師事徑山浮屠釋名洪節復閉關延慶寺中鋼
其門飲食俱自竇入其妻亦受佛法甲申之難哭七日夜不絕
聲踰年南都再陷里中錢肅樂起兵有奔告其事者啓睿破關
出掘故所埋劍夾以雙斧冠鳩冠衣綠錦衣大聲如雷趨肅樂
營肅樂故與啓睿同社亟引見於監國問所需何官方稱手對
曰臣請以布衣居肅樂幕入參帷幄出捍軍旅不必官也監國
奇之授以錦衣衛指揮不拜自稱白衣參軍時江上諸營互相
觀望啓睿罵曰今日焚舟前進或可一逞顧逍遙坐老以自困
乎每耀兵輒出立矢石間以先衆諸營曰笑焉一日晨起集其
麾下百夫屠牛饗之諭以大義百夫亦唯唯而泣將出肅樂固
止之曰軍行無後繼何益對曰吾將赴敵而死以媿諸營之賦
清人者遂渡江直薄西岸城上望見以為遊騎姑遣裨將應之
則奮呼刺其將墮馬殺所從兵過半乃盡出精騎相敵大帥戒
之曰觀其首領甚奇必生致之啓睿初戰勝驟馬至江濱招東
岸諸營並濟諸營無應者急返鬪馬陷淖中猶揮劍四擊清兵
莫敢近競以長矛刺其馬馬踣遂被執見大帥諭之曰爾壯士
從我即以爾為中軍啓睿瞋目大罵帥怒命剖其腹實之草懸

同時張逸字遺民諸生工畫兼精篆學
其鑄雕私印與啓睿齊名啓睿殉難逸
遂獨擅絕技其畫不苟作與董守諭最
相契守諭手書所著寧蘭帖一卷特乞
逸署篆其首曰非忠孝人不可預也

啓睿旁通琴書
篆刻諸技然不
肯以藝名性梗
直遇事有不可
輒義形於色嘗
途遇一豪紳辱
人輒奮呼叱之
數其罪而去至
於規人之過往
往往下
先是雪嶠之開
堂於徑山也從
之三千人顧未
有付法者最後
得黃端伯曰可
矣即付之是後
又寂然及啓睿
至請曰某或亦
端伯之亞也雪
嶠相對而笑亦
付之人稱爲雙
瓣香

明

杜懋俊
字英侯

望江門百夫見啓容死亦無降者監國聞之震悼命卽軍中賜祭二壇招魂葬之贈都督蔭其子世襲指揮初啓容聞遼瀋日蹙兩河內潰嘆息以爲國必亡自雕一私印曰復明至是竟死

諸生世居管江明季流寇鼎沸海隅不逞之徒亦乘間起懋俊憂之謀於其叔兆菡請有司頒土圍之法遂以兵法部勒族人分隊瞭野繫柝行夜圍黨爲之安堵既而沿海諸村無不仿而行之丙戌浙東不守諸遺民章皇山澤間猶思再舉懋俊慨然嘆曰國家養士三百年而今日反顏易節者大半進賢冠人物也草野書生安得軍師國邑之計爲一洒之於是忽若病痲者獨居一樓援筆不少置或吟或笑或痛哭竟日家人駭甚從壁罅竊窺之則案無他物惟黃進士淳耀臣事君以忠闇義墨之硃之壘壘不絕會故都督施翰子邦玠其先世亦居管江時適有五君子之難邦玠豫焉以家財募死士懋俊聞而大喜乃招姜山之徒助之幾及三千邦玠邀許事王家勤入管江刻期舉事約御史馮京第軍至城東則懋俊引軍助之而金峨山中有賣炭趙翁精星象諳兵法懋俊親往致之置軍中奉以爲師未抵期三日家勤來奔以事洩告城中邏者亦踵至懋俊梟邏者首據山立寨鳴鼓起事而急遣家勤先入海意以城中雖已有備然計海師早晚必薄城則勢未能分故且部署軍士爲入海計城中兵果不出而定海鎮將常得功豫遣舟師扼海口分軍直抵管江家勤中途被執山寨頗扼塞據險鬪三日矢石雨集夷傷殆盡寨陷懋俊猶以家丁力戰頭目中矢如蝟重傷倚牆而斃尸屹立不仆者數日事定管江之血如渠而趙翁者或見

從父兆菡字承芝諸生管江之役被執砍其首十二刀而墜云與懋俊邦玠稱管江三烈士

施邦玠字仲茂諸生錢肅樂師起毀家輸餉魯王許授部曹以病未上而江上破邦玠鬱鬱不得志會華夏謀引海師取浙東邦玠知之謂王家勤曰吾招集城東豪傑幾三千人管江諸杜爲之魁其餉吾任之以輔夏可乎家勤大喜乃共議以夏主中甄家勤與邦玠主東甄慈谿馮氏主西甄先一日爲謝三賓所發城中大索時邦玠在管江家勤來奔偵者亦至邦玠梟其首以兵拒命三日力竭邦玠拔先世所遺佩刀自刎曰吾不負此刀也慈谿鄭溱邦玠之姻也密遣人取其尸葬之父翰慕傍

懋俊死其父向在堂有司籍之山中人憐其義匿其親屬不以聞未幾其父卒其妻亦卒其二子憲琦憲董育於陸宇燦家撫之如己子董劍鏐教之讀書范洪震爲之治葬置墓地以贍其祀憲琦甚有志行自以父死國難縞素不食酒肉有妻不娶宇燦以大義責之始婚未幾病卒憲董亦早夭

其煙燄中遁去辛卯壬辰間猶以其術往來海上後亦死

明

趙景麟

字天生

諸生爲人誠懇貧不妄取予恆閉戶讀書人罕見之丙戌六月江東失守題詩案上曰書生不律難驅敵何處秦庭可借兵只有東津橋下水西流直接汨羅清誓死不食願以曾借友人金未償爲愧委曲措置得之次日晨起袖所作歷試經義納衣巾於文廟詣友人家返金友人熟知其貧訝其返之速叩之景麟不答卽往城東躍入江漁舟驚集救之江流湍急浮尸竟去力追僅得及焉其家故知其以祈死出遣人跡之及之江上友人亦至乃共救之良久得醒昇之還家張目不語仍不食其家計無所出景麟故授經太白山中與其徒徐生相得至是聞其事來視強輿之入山欲令食不可則爲謬語以慰之或曰李長祥克紹興矣或曰黃斌卿奉監國來恢復矣或曰張名振奇捷矣或曰四明山寨下慈谿矣景麟聞之卽進食如是者半年謬語漸窮而景麟開出山中問樵子輩以近事則循髮示之曰天下大定更何問焉景麟大慟踣地更不復食至冬盡困甚氣息奄忽而逝華夏高字泰私謚之曰節愍

明	明	清	清
任斗墟 字一齋	余鷗起 字南溟	陳貞 字吉人 號介麓	王天才 字漢昇
<p>以明經遊瞿式耜幕爲中書舍人直誥敕房遷吏部員外郎桂林失守從桂王展轉南中王入安隆孫可望不道朝臣密謀召李定國迎王時預其義者十八人斗墟其一也事洩與大學士吳貞毓等繫私室及對簿備受拷楚斗墟曰死耳大丈夫豈求免於賊臣者但自承終不引王乃以矯詔盜寶罪皆論斬就刑神色不變賦絕命詞而死其家人合葬於安隆北關之馬場後李定國覲王入雲南建廟於馬場勒碑大書十八先生成仁處以旌其忠贈斗墟太常卿</p>	<p>以明經從督師何騰蛟幕累功薦授監軍御史戊子十一月騰蛟遣曹志建等攻永州圍城三月大小三十六戰克之未幾鷗起同職方主事李甲春取寶慶會兵下長沙已而寶慶守將王進才棄城走湖南盡失騰蛟死之鷗起重趼還桂林仍爲御史桂林破入野寺絕粒卒</p>	<p>工詩文兼精騎射入太學歷試優等授上饒縣丞康熙十三年耿精忠兵陷廣信貞抗不從逆奔赴省城委署廣昌縣暫駐南豐會賊衆來攻家丁一十三人皆歿於陣貞傷左臂墮馬被擒囚於福州賊遣獄吏誘降貞大聲叱曰吾頭可斬吾志不可奪也十五年賊聞清師南下遂絞貞於市事聞贈江西按察司僉事賜祭葬蔭一子入監</p>	<p>少善讀書喜談忠孝節烈事由行伍爲象山營千總康熙十三年隨提督常進功與賊戰於毛頭洋奮勇前進斬賊十七級賊聚舟圍之自己至申矢盡藥竭孤軍無援賊遂擁入舟猶持短兵接戰力竭墮海死事聞贈遊擊賜祭葬蔭其子</p>
	子金斗歷任永福荔波知縣		子朝佐官石門巡檢康熙十五年耿精忠陷城殉難事聞贈經歷司經歷

清

汪世瑛

初與弟源述泉述隨父赴歸州任皆入宜昌鎮軍籍世瑛剿賊有功擢官左營千總嘉慶五年閏四月十九日從總兵王某擊賊於南漳之五雁堰皆陷重圍歷三時不能脫世瑛請與王易衣裳使突圍出曰公大臣不宜死小醜某願代之王從之世瑛仗大旗殊死戰身受十餘創猶手刃數人力竭被執賊歡譟謂獲總兵問世瑛世瑛曰死耳無多言同執者曰此汪千總非王總兵賊大怒剖其腹實草以飼馬事聞賜雲騎尉世職源述泉述亦從征先後死賊中世瑛無子第六弟長庚襲職具以父兄勤勞死事狀白浙撫浙撫為之請八年有旨鉉亮與其子世瑛源述泉述並入昭忠祠

父鉉亮由戎伍歷官歸州營都司剿川楚教匪十有餘載累著勞績嘉慶八年陞貴州鎮遠遊擊未行卒於巴東縣軍營
弟長庚字耿西道光元年補撫標右營守備旋升四川巫山營都司十六年檄防西藏明年升廣東提標右營遊擊會藏番交關長庚統十八漢番兵鎮遏之不得去明年四月卒於後藏

清

王淑元

字是型
號秋植

道光元年舉順天鄉試十一年以知縣分發廣西歷署柳城雒谷馬平融縣十六年題補博白二十六年調天保適臨桂民以糧價重弗輸賦大吏欲懾以兵時淑元在省進議曰民固有所苦得平自服矣遂調臨桂既蒞任為節汰浮費眾咸悅輸賦恐後粵俗尚鬼有左道惑人者鄉愚率師事之至是聚黨益衆淑元聞其事即密陳大吏謂速發禍少請急治大吏難之二十七年冬洪秀全起事遣其黨李嘉耀潛入省垣約集土匪將以襲城因淑元保甲嚴嘉耀無所匿遂就擒淑元鞠之嘉耀承為盜不肯承叛狀夜半他因有受誣當死者淑元嘗雪之遂仰首曰茲事體大公即得實不能治禍且及公淑元詫其言屏人研問得秀全主名及陰謀事且曰及今以輕兵掩之可悉數獲願導以往淑元閉囚密室急白巡撫鄭祖琛不之信戒勿發淑元力爭始得檄往捕民間之爭荷鋤梃以從者千餘人直搗秀全巢

穴擒五百人以獻祖琛佞佛且慮窮治激變使謹愿者治是獄仍初供爲劫盜誅嘉耀輩數人皆呼冤詭稱良民竟得未滅縱去淑元以獲盜功奏陞太平府同知駐龍州龍州無城淑元蒞任方議興築以有事團練緩其役而賊目潘大等竄寧明州道出龍州淑元率練丁禦諸境戰輒勝誓死以俟援兵賊憾淑元甚餘黨更迭接戰勢不能支遂陷賊入官廨淑元朝服坐堂上子光頡侍賊曰公固愛民某等不敢以前憾讎公願得公助守此士淑元大罵賊先殺光頡脅之淑元終不屈遂刺刃受數創賊挾之行至勤村河淑元躍身赴水死僕秦賓曹清皆殉時道光三十年八月七日也事聞奉旨優卹祭葬世職如例入祀昭忠祠祀光頡忠義孝悌祠咸豐三年贈太僕寺卿

清

王本梧

字鳳棲

號琴仙

道光五年拔貢考授七品小京官籤分兵部歷升主事員外郎入軍機二十七年授河南道監察御史二十八年巡視西城明年掌京畿道疏陳水師營務廢弛應諭海疆督撫力加整頓上納之咸豐元年授江西吉安知府時洪秀全黨分擾湖南北吉安戒嚴本梧率屬爲之備郴州陷黨氛益逼復親歷龍泉永新等縣籌畫防堵三年六月黨人竄南昌巡撫張芾檄本梧帶兵馳援七月泰和土匪作亂聞警歸偕贛南道周玉衡先後赴剿行抵倉背嶺敵已直犯吉安本梧退保郡城二十一日敵攻南門本梧率照磨謝時霖廬陵縣典史章德懋吉安營外委周德鳳等相與激厲兵勇登陴固守選銳卒四百人命德鳳由小南門出擊敗敵於神岡山敵復以三十餘艘逼西門焚民屋掠倉穀城中震駭二十六日本梧率團勇出城迎剿斃百人俘十餘

祖慶元諸生學於盧鎬董秉純得聞全祖望緒言手鈔五經尤習於禮

本梧官御史日嘗奏倉出陳易新以備民間水旱之用乃近年州縣多有乘此出借名色任意侵蝕甚至新舊交代捏造冊籍非以無爲有卽折銀代穀設遇荒歉困無顆粒卽如本年江南

人敵至愈衆吉安營守備岳殿卿擁兵城內不爲援本梧勢孤力竭猶手刃數人死之僕徐坤蕭欣同時殉難事聞奉旨贈道銜予襲雲騎尉祀昭忠祠再贈太僕寺卿

湖北兩省被水
皇上恩膏立沛
共撥銀一百數
十萬兩何以兩
省州縣並未聞
有碾動倉穀振
濟之處封疆大
吏動輒請帑若
非各州縣朦蔽
轉報掩飾虧空
何至束手於臨
事耶請命督撫
將所屬倉儲認
真盤查以期足
額卽有縣缺務
令照數買補直
隸山東河南等
省本年秋收豐
稔所有常年倉
穀正可卽時採
買卽民間一村
一鄉有願立義
倉者地方官倡

捐曉諭各紳士
踴躍樂輸但不
必官爲辦理致
被胥吏之擾疏
入如所請行

清

宋紹周

字仲穆

道光八年副貢咸豐二年授壽昌教諭會粵難作浙東戒嚴紹周親歷各村勸辦團練八年春洪黨自江西犯壽昌縣無城兵籍又少民間警散去時紹周妾龔氏及少子三人女二人隨任因勉之曰賊來汝等從吾死儒官雖卑以學宮爲官守舍此奚適哉於是家人皆相守弗去紹周占絕命詞曰行年六十一在官口凡七夫妻子女同日死取義成仁吾事畢四月陷縣境已而引去五月復至入學解紹周大罵死龔氏抱周歲兒投泮池不死子宗棠宗臬號哭奔視賊掠禁去縱臬行臬牽衣及兩妹一弟走免事平按察使段光清收紹周骨屍被焚久殘餘僅頭顱及足不可辨長子宗棐自鄞奔喪至刺血滴之皆滅乃殮而歸事聞奉旨贈國子監助教世襲雲騎尉

父商南諸生學行爲鄉里所重
弟紹棻字蓮叔道光十二年進士歷官吏部郎中通州坐糧廳陝西候補道
子宗棐字穆生承蔭中同治四年舉人編修孫毓汶視學福建延之閱文以積勞卒

清

周枋

字茂森
號春園

由武生入戎伍嘉慶間洊陞千總道光五年總督趙慎畛校諸將騎射枋六矢六中累陞至署新太協副將十六年赴都引見

父元恩提標左營把總

陞右江鎮右營游擊十九年護理右江總兵二十年署鎮安協兼署梧州協會英吉利犯廣東巡撫怡良以枋久歷戎行奏調從征二十一年正月赴廣州屯營鄔冲時寇氛正熾枋率兵堵禦自二月五日至七日曉夜力戰遂歿於陣事聞賞加副將銜予雲騎尉世職入祀昭忠祠

時以夷變殉難者有董煥字耀三父廷彪乾隆五十三年武舉授嚴州左哨千總巡撫阮元提督李長庚皆器之煥承家學以武生入福建總兵許松年營補廈門外委千總尋棄去道光二十一年總兵葛雲飛檄令從軍分防鎮海城陷

素端謹為鄉里所重道光二十一年八月英吉利陷定海鎬世居甬東以夷船必由江路來日勸諸鄰族募勇巡江以助官兵衆無應者比郡城陷文武官相率西走鎬仰天大慟曰堂堂明州素號忠義之地而無一人死節何面目見天下士耶奮身投江死越日家人得其屍面不改色二十八年詔入祠忠義

煇受傷彈入脛月餘以病創卒金甌官鎮海營把總分防金雞山八月夷船至狼山總兵謝朝恩督軍拒擊衆以夷礮猛烈有退意甌拔刀呼曰今日正我曹報國時有一步走者甌必手刃之衆不敢動俄而朝恩戰歿甌亦陣亡事聞賜卹如例

樓鎬
字燕甫

傅自銘
字新之

道光十二年順天鄉試舉人二十四年大挑知縣分發江西咸豐五年補樂平尋改上高時洪秀全擾江西已三載上高與其府瑞州方告急自銘至簡其兵孱弱不及額問其巨室則皆徙鄉村驚曰此空城也且為奈何知府王嘉麟檄自銘歷鄉村勸募團練道聞瑞州陷急歸敵已自新昌破上高乃馳赴嘉麟營乞師嘉麟曰兵微糧寡而往與戰直驅羊餒虎耳不可明年六月楚軍至募勇亦漸集自銘遂率衆攻上高破敵壘十餘斬獲甚衆會餉盡敵黨由新喻分宜來援師不能進八月自銘以千總王吉昌軍八百高祥霖軍千潛襲上高復其城敵衆盡竄方議繕城郭招流亡為固守計不三日敵又大至城復陷乃至袁州募壯勇五百人以千總魏大紳將之九月至新昌乞師於知縣沈曦曦撥錦字營勇協剿會湖南同知凌壽煌引平江勇二

千規瑞州過新昌共留之壽煌許諾自銘乃付縣印於其僕陳元而自偕壽煌由北路進使魏大紳高祥霖兩營由南路抄擊王吉昌軍亦至十八日馳抵上高敵由西門來犯自銘督平江勇奮力出戰歷三時大勝奪馬匹器械甚多追入城及北門有臨江援敵堅拒之袁州敵亦掩至衆盈萬壽煌馬陷淖中急救之乃免衆驚潰自銘麾五百人鼓譟進敵自後刺其肩自銘格以手手斷猶手刃數敵而後死年五十五僕錢景從死敵棄自銘屍於任家山煤洞中越二十一日陳元述得之面如生目不瞑失左手蓋陣上爲敵所斷者事聞奉旨贈知府銜賜卹銀世襲雲騎尉恩騎尉罔替

清

李淮

字小石

由監生捐婁縣丞咸豐六年捐陞知縣以剿上海太平軍功加同知銜八年署金壇縣時洪黨踞金陵分擾縣境淮撫恤殘黎供給官軍使不擾民十年李世賢竄至常郡楊柳埠謀襲金壇淮先於城內獲諜九人斬之整兵以待先是總兵馬德昭由常州率兵助守縣城旋奉檄調還淮請暫留參將艾得勝所部五百餘人營於東門外未幾世賢率衆廣至淮與得勝及千總金詔分門守禦乘敵稍懈出奇兵擊之敵大潰不敢逼城而壘越數日提督劉成元參將周天孚先後率援師至協力鏖戰五晝夜敵遂遁金壇圍解成元旋調赴丹陽是時句容溧水丹陽及蘇常相繼淪陷縣四面皆敵饒道梗塞居民析骸以爨淮猶督同文武兵民嬰城固守百有餘日屢馳書乞救於鎮江將軍巴棟阿令總兵馮子材等赴援爲丹陽敵所阻軍不能進七月十六日敵乘大霧登城淮知事不可爲乃朝服危坐厲聲罵敵不

絕口遂遇害且支解焉姪候補府知事廷銓侍側隨殉事聞贈道銜同治四年巡撫李鴻章奏請以淮政績宣付史館並建立專祠上允之賜卹如例給雲騎尉世職廷銓附祀

道光二十三年武舉性孝友為鄉里所重咸豐十一年洪黨陷郡城肆掠西南鄉居民苦之貽謀倡團練防守其所居百丈堰獨完同治元年敵入東南鄉逼百丈堰貽謀與弟貽康扼居敬橋禦之衆寡不敵兄弟俱戰死

同時唐濟生從其伯父天章禦敵於朗橋敵揮刃將及天章濟生直前赴鬪死之天章遂免

清 蔣貽謀 字芭孫

清 李厚建 字勤甫

道光二十九年舉人咸豐三年劉麗川陷上海寧波戒嚴厚建率其鄉人舉團練備之諜者王得勝自上海回偵知麗川令其副張金山潛至寧波授以偽印旗幟密結土匪期以十月朔舉事而金山匿甬東廂以待變厚建大驚乃變姓名易衣服偕王得勝夜見之曰某有大讎未復日思走上海從將軍所結兄弟數百人皆有肝膽可用顧處市塵邏察易及某有屋在西鄙僻處以謀大事無覺者金山遣其黨往視之信九月二十三日率衆移其巢厚建以其屬附金山大悅夜張宴羣起挺擊盡縛之獻於官以功賞藍翎巡撫黃宗漢奇其才令往見江蘇巡撫許乃鈞時官軍攻上海匝月不克厚建進曰賊困守圍城悍然不少懼此必有齎盜糧者請絕之率團勇數十人伏船蘆葦間夜將半十數艘先後至厚建命鳴鼓發槍礮皆棄船泗而逸獲三人詰之果運米入城者也會奉化洪世賢倡亂南鄉宗漢令厚建急歸圖之至則世賢已授首獲其偽丞相董廷萱末幾上海平餘黨竄寧波者有西人曰愛爾頹侏曰愛國魯匿江北岸衆

莫敢詰厚建率團勇禽獲之檻送上海斬焉八年太平軍犯三衢警報疊至縣東鄉逃軍史致芬思乘機起事糾衆踞湖濱覺濟寺窺郡城厚建集團勇數百人以剿賊自任六月賊緣江岸至大教場焚演武廳將攻城厚建率團勇出戰殺數十人賊乃退七月進剿覺濟寺賊衆四集厚建死之十月按察使段光清督軍剿賊以瀕湖袁戴二姓爲內應致芬就禽剖其心以祭厚建衆咸快焉奉旨賜卹世襲雲騎尉

清

呂文烱

字 楮 莊

道光二十一年英人陷郡城官兵進攻文烱募勇士伏城中殺守者啓南門爲導旣而官軍敗城不能克當事心嘉文烱才迨撫議成奏賞提舉銜旋援例捐通判分發福建三十年署寧洋知縣咸豐六年四月閩浙總督王懿德檄隨副將陳上國援江西駐營建昌十月官兵失利上國死之文烱退屯杉關七年二月移守光澤江西瀘溪諸路土匪結賊自鐵牛關虎爬嶺薄城下文烱登城守禦晝夜不少休賊以地雷轟城遂陷文烱巷戰死事聞贈道銜蔭襲如例

清

陳 籌

字 竹 壽

少爲文有奇氣充宗人府供事納粟爲刑部司獄旋改縣丞加知縣分發江蘇布政使王有齡使督松江海運時安徽用兵道梗餉不達籌輕騎前致之率凱勇防平望援嘉定屢有功尋奉檄徵餉寧波先是廣盜擾浙海寧波知府羅鏞買降之養諸郡中久之益咆哮設陷阱白晝劫人道無行者咸豐十年寧紹台道張景渠命籌以鄉勇驅除之十一月二日由平橋搗其巢擒斬數十人逐其餘於海籌傷重越二旬竟卒事聞賜蔭襲如例

同時胡枚字少文循例捐光祿寺署正咸豐三年劉麗川據上海枚募勇從軍屢與戰親犯矢石城卒不下四年兵斷敵饑道枚同西兵由北門外築塔登城縱火燒積善寺敵巢至香花橋殺敵數十後援不至軍遂敗枚傷重臥地有以足蹴之者枚怒嚼其趾立斷遂被殺越

鄞縣通志人物編

忠烈清

四七〇

十三日上海平詔贈枚員外郎予世襲雲騎尉枚鎮海人其祖于鉉南澳總兵始居鄞至枚已三世猶仍鎮海籍云

清 范邦祚 字錫之

諸生善書尤工隸咸豐十一年太平軍陷郡邦祚奉母避章溪同治元年二月大蘭人吳方臨倡義邦祚往見爲之謀畫遂有鄞江橋之捷適前邑令江榮光亦間道至邦祚復號召鄉民同謀退敵無何方臨戰死敵徧掠村落邦祚死之年三十二

陳立震字春鄉諸生咸豐十一年太平軍犯郡避居章村同治元年三月聞吳方臨倡義大蘭山與范邦祚李紹棟等設練局募義兵以應之既而敵率大隊掠章村衆皆潰立震被殺應廷璋字志業附貢生世居蜜巖性迂謹遇不平事每義憤激發同治元年春章溪兵起廷璋實倡之四月九日敵大隊至被擒脅降不從殺之並五年旌

清 楊儒林

監生居鄉以豪俠聞同治元年四月郡城克復八月餘黨復由紹興至儒林曰敵初退時義民協助官軍今復來吾屬無唯類矣盍先擊之遂集丁壯以農具禦於亭溪嶺死無算明日敵大股虜集戰竟日鄉兵潰儒林被執脅使前導攻郡城儒林佯許之釋其縛驟起奪刀手刃數人力竭仆地寸磔之年六十三

李紹棟字雲生諸生郡陷紹棟避山中僞官俞某慕其名以百金來聘至再三堅拒之同治元年三月有司圖恢復紹棟應募率丁壯禦敵有功旣而敵衆四合所部潰紹棟被戕屍暴七日妻王氏收殮之顏色不變 同時七品銜郭璟九品銜鄭德彪並死 難璟贈都察院經歷相繼死者王孝旌 陳詩聞鄭行夏鄭文璇鄭啓鳳鄭啓南 鄭小方鄭小金謝德源蔣學全蔣學道 與德彪同入忠義祠

清

忻宇春

字介眉

號躋堂

諸生性質直好義史致芬煽亂宇春挺身責之幾不測太平軍陷郡城被執不屈死以雲騎尉世職卹

鄞縣通志人物編

忠烈清

人物類表第六 孝義

漢 董黯

宋 童判子 方昌 陳之翰 史詔父簡 薛芳

史木 楊慶 王居隱 李猷 袁昇

劉師文 高友文 孫允 孫濤 全鼎孫

元 夏永慶 葉遜 韓君奭 史懋祖 石明三

唐 轅李亨 華昭 夏贊

明 葉宗可 陳與延 謝矩 衛清 陳思禮

盧顯 許敬觀 任壇 袁忠救 李孝謙

章和 朱銳 夏道昌 何瞻 嚴端

朱得榮 高謙 章濟 張忭 虞謹

孫鏗 姚憲 杜常子鶚 鮑倫 李朴

薛淋父穰 蔣九華 許瓏 陳良言 楊美璿

楊欽 馬扁 倪割豬 戴鰲 聞宗時

陸泰弟水 舉 邱緒 李生香 蔡學用 董淑

周諶 聞龍 董可觀 徐一鵬 蔣有德

錢敬忠兄靖忠 裘望亭 李士模 聞繼泰子世麟 張士壽

李恩先倪本經 范億 邵植 陳洪憲 范大捷

清 董道權 屠惟激 范洪震 黃道宏 朱金誥

子世 董師儒 陸崑 李杜徐國麟 徐國忠 李如玉

董元晉 錢美恭 陶顯曾 李秉誠 李景濂呂輩 鴻

厲顯祖 羅岳 魯道立朱世燧 俞虬 董明倫

陳坊 殷 包幹鄭 徐在泮湯起鎬 王宏詩

張大中 張嘉謨 張大成 董樞 蕭天瑞范焮

戴光榮郭傳心 柴崔立 陳良璇 陳沅 周沅

水雲 陳鑿 王日章應安 岳 林 李 沈口

李 塋 張修倫 屠繼善 江行健 柴 照

袁行漳 湯家湜 周嘉瓚 王鶴翔 弟孝感 秦嗣瀛 王學旦

陸興濤 項承均 盧 杰 盧孝先 傅光前 毛廷振

陳順桂 夏慶增 侯慶美 張祖銜 樂嗣法 方洪源

蘇象賢 忻秉良 忻仲安 范 麟

民國 劉春才 石良朝 畢詠霓 章紹洙

右自漢迄民國二十年都百四十餘人皆至性過人者題曰孝義舉其著也自陳藏器有人肉療疾之說世之篤於親者習以刲臂劑藥為侍親疾之常儀而時所謂通人者遂詆其人為大愚夫愚誠愚矣殊不知天下難能之事本非聰明人所樂為自來文化愈進亡質愈甚機巧之中安有至性況時至今日流蕩成俗酗酒恣淫雖殺身而不顧而獨於皮肉細痛乃謂人道所不許充其量也毀膚固非人道即扶持抑搔諸役亦失平等之

誼為父母者倘亦以是為言謂十月之懷臨蓐之苦豈人道所獨許既知老無所養子孫徒為膠牖之綴物則何如優游自在取快目前之為得因而避孕者有之因而殺胎者有之無所復用其愛惜而人種且絕矣吾為此言非謂刳臂得侍親之正徒以末俗深染新化動舉人道二字攻毀舊俗見余為此表頗以為譏因反辯及之不覺其言之憤也至如鄉黨慕義自好之士雖屬常行然非多欲色壯者所能為而世顧以鄉愚少之風俗之頹壞莫過於今日狂瀾橫決其禍且胥天下而淪陷之此表章孝義之微意也述孝義第六

時代	姓名	事	實附	述備注
漢	董黯 字叔達	少孤家貧事母盡孝母嘗寢疾喜飲大隱溪水不以時得於是築室溪傍徙居之比舍有王寄者富而不孝二母各言其子寄聞而銜之伺黯出苦辱其母黯恐貽母憂默而不言母死慟切既葬斬寄首祭母自白於官和帝聞其異行特赦之召拜郎中不起		大隱溪即今慈谿故黯亦為慈谿人

宋

童判子

逸其名爲人典庫謂之判子家中養疏屬數口奉寡姊承順不違甥不事家產屢負人債輒爲償之而不以告王安石爲鄆令奉行赦書訪義夫節婦得之待以賓禮方欲奏上而代到不果聞

宋

方昌

性至孝母病劇或告以人肉可療輒禱天封股和羹進母果效里人異之白於官旣歿爲之立祠名孝慈庵或以毀傷訾昌欲去其祠黃震爲辨其妄

祖軫別見

宋

陳之翰
字憲之

少有志操治經務大旨爲文不蹈襲時語三上禮部不中因不復應舉性孝友敦厚家貲故豐之翰拙於處治遂日以耗鄉人初貸金後攜以償適之翰在汴舟其人給曰金誤墜水之翰不疑也後數年其人疾且死乃悔遣其子來謝致所當償金之翰受而不拒徐以所償助其喪葬大觀二年詔舉遺逸部使者用衆論薦於朝之翰與人交久而益恭口不道人之過陳瓘誌其墓

宋

史詔
字升之

母葉氏以遺腹生詔長從樓郁陳瓘遊以孝行聞遇大比輒引避曰無母氏之節已無史氏矣誓終身母子不相離或曰取薦所以榮母也詔曰朝廷設科思得其用敢竊爲己榮耶設與計偕則初志爽矣忘親欺君所不敢爲幼習三禮取士禮以爲家法母好施予詔委曲承順貧不能自給者歲時周之以爲常故舊子弟教養於家聞有鬻女償官逋者陰遺之錢不令知出於己又嫁遺女二十餘人喪不能舉者買山葬之閭里有鬪訟從詔求直不復訟官府大觀二年詔舉八行鄉人以詔應命遂與

父簡字廉夫王致高弟端方儒雅爲郡吏廉勤從事事後母任氏至孝母欲觀競渡戲簡治具奉之出遊郡守召未遑卽至悲其不告摧折之簡因憤悒以歿年僅二十有三妻葉氏慈谿人子師仲木才禾並知名師仲字希道木才別見禾鄉貢進士

	<p>母避於縣東大田山郡守迹所往迫使就道誓不起豐稷嘗與詔同學稱詔學類徐積陰德類竇禹鈞由是世為婚姻</p>		
宋	<p>薛芳</p> <p>治家最有法子可言孫廷紹曾孫承簡玄孫慎行皆同居共財聚族千指號為義門</p>		<p>朋龜六世祖</p>
宋	<p>史木</p> <p>字繼道</p> <p>性孝友建炎元年金寇猝至木奉父命具巨舟率姑姊母妻五族暨其鄰保共載航海傾資給之依而免者踰二千人父歿哀毀太過遂病不起去父喪纔三日也</p>	<p>子漸字進翁一字東皋入太學至年四十始歸妻高氏閭之後亦知學夫妻皆善教子性又好義孫彌忠彌章彌應別見彌念淳熙十四年進士官至常州守彌念嘉定七年進士昌化主簿</p>	
宋	<p>楊慶</p> <p>父病不能召醫迺割股肉啖之良已其後以為常自紹興至宣和凡五六割母病不能食慶取右乳焚灰和藥以進亦效而所割乳久之復生肉完好如故宣和三年守樓昇聞於朝不報名其坊曰崇孝紹興七年守仇憲申前請有旨旌表門閭蠲免賦稅</p>		
宋	<p>王居隱</p> <p>字如晦</p> <p>以明易舉於鄉性好施不吝寒士來避難者日為具食文學項彼屢叩門乞濟門者厭之不為通居隱聞彼警歎徑出迎之嘗在旅中彼來謁不值既去失銀杯從者以為彼也居隱怡然曰必無之置不問後乃從者所沒也聞者益歎服</p>	<p>子明發紹興三十年進士淳熙中以朝奉大夫知台州</p>	
宋	<p>李猷</p> <p>字嘉仲</p> <p>一字獻夫</p> <p>建炎初以婦翁歿王事自京師詣南都行在會故人陳東以言事見誅猷訪得屍首具棺衾合而殮之屬其鄉人胡中行買舟護柩歸亦不暇詢婦翁事遂還王應麟為傳贊之</p>		

宋 袁 垌

字 卿 遠

例父官得蔭一子兄埴始受命而卒法當補垌弟增欲之推讓無難色一惡少無端肆罵衆請訴有司撻之垌曰罵我我無損撻彼於我復何益負販者叩門求售問價若干如言昇之其黨相戒以實告無敢欺者里巷皆稱曰今之古人也

父灼別見

宋 袁 昇

爲郡小吏給事通判廳勤謹無失後爲明州助教鄉里尊信郡有大獄命昇攝治卽其家搜驗得僞署籍姓名一千餘人皆六縣大家不以送官立焚之年近五十無子其妻勸往臨安置妾旣得妾察之有憂色且以麻束髮外以綵飾之問之泣曰妾故趙知府女也家四川父歿家貧鬻妾以爲歸葬計耳卽送還之其母泣曰計女聘財猶未足以給歸費且用破矣將何以酬汝昇曰賤吏不敢辱娘子聘財盡以相奉聞其家尙不給盡以囊中貲與之遂獨歸妻問其故曰無子命也命若有子汝豈不育必待他婦人乃育哉妻亦喜曰君設心如此行當有子矣明年生詔後貴昇贈太師衛國公

子詔別見

宋 劉 師 文

爲成都楊氏埴楊翁死數年方婚旣而謀歸妻晨起與母兄議事師文竊窺之見其母兄立文書反覆再三有不豫色妻至問其故曰父遺命以田四十畝爲嫁資約錢二千緡邇來多故鬻之殆盡今貨居屋之半僅得千緡而已適立券故殊不樂劉曰豈有爲埴而令人賣屋以昇之乎取券焚之攜妻徑歸

宋 高 友 文

字 仲 章
號 寓 齋

性端謹學問該博舉進士調如皋尉初志欲仕以養親親沒築室墓側絕口不談名利客有勸之謂宜樹立以圖顯大友文歎曰祿以養親親亡矣何以仕爲屢薦不起

曾孫夢說字景傳嗜書寡欲不事華靡喜賙困乏推食解衣無吝色浙帥王元恭欲招致鄉校以式後進東湖書院有

友文先世汴人
武烈王瓊之後
建炎間子孫隨

鄞縣通志人物編

孝義 宋元

四八〇

宋 孫允

父鏐布衣領昌國榷酤卒喪在殯柩所火起烈焰次及之允伏
柩上呼號哭踊繼之以血戶牖廬落皆燬獨不及殯所一邑震
異允嘗從鄉先生沈銖學以真實為本教授鄉校者十年特授
承務郎致仕

先進祠祀鄉先生陳禾等十人友文夢
說皆預焉

鄞 駕南渡遂家於

宋 孫壽朋

以父蔭入官由潭州司戶參軍累轉知臨海縣丞相葉夢鼎湯
漢尚書王應麟以文章政事薦之景炎二年八月元兵渡錢塘
下浙東所在釋騷壽奉其母黃夫人在官及久將代命家人御
之先歸既受代即辭還次柵墟逢鄉人言夫人不忍舍其子復
往臨海且數日矣壽倉皇追奔及之而元兵已薄城下壽與一
力躬負板輿窮日兼行冀得先入未至遇兵母子遂俱蹈難死

允系出河朔六
世祖全照有功
澶州當補牙校
以讓其季而南
遊吳越遂占籍
於甬東為鄞人

宋 全鼎孫

與弟謙孫晉孫頤孫皆學於陳垣為陸九淵楊簡私淑高弟宋
亡鼎孫兄弟曰先人雖未受宋祿然故宋戚也義不可出自鼎
孫父汝梅及鼎孫兄弟以暨其子耆三世置義田以贍其宗謂
之義田六老

謙孫字真志晉孫字本心頤孫字正養
者自號味道子謙孫子鼎工詩晉孫子
彥字遜翁

元 夏永慶

父文德當大德中轉粟供京師浮海而北舟至海津鎮溺焉時
永慶在側即倉皇號救躍入洪波載其父以出文德得不死而
永慶已力竭沈水舟人求之弗獲人皆喑喑驚歎稱之曰孝子
後永慶有弟曰祥甫者追痛其兄之死孝益以孝義自勉至正
十三年有司上之朝旌其門曰孝義之門

字章甫

字本然
一字雲可

元

葉遜

字謙甫

父年耄病且殆遜禱天願減己年以增父壽恍若見空中有神人示以三指者病遂愈後三年乃歿遜服喪過哀既免喪猶不御酒肉人稱其孝待人無間疎戚一以誠實大德間歲侵朝廷命富民出粟以振貧乏有司擇鄉里爲人素服者俾第其多寡遜首被選既而疫大作遜致醫者爲人切脈而合藥施之閭閻中賴以全活者甚衆

元

韓君奩

世家定海由商致富徙居郡城嘗出行聞哭聲甚哀默計曰是必喪無斂者袖鏹躬詣置几上謂其家人曰吾嘗逋負死者今償之爾其惠施及人類此

子常字惟善性孝謹有學行以次子懋和官萬戶遂由定海縣子進封輕都尉高陽郡侯
孫懋簡字節齋不樂仕進懋和字豫齋以才授翊忠校尉官海運千戶陸都漕運正萬戶孫中字允傳工文詞

元

史懋祖

字時可

甫三歲而母趙氏卒未幾父公麟亦卒庶祖母莫氏猶存初懋祖有祖遺田八千畝爲錢塘浮屠所侵祖與父相繼訴官不能直家益落至莫氏復攜諸子公燾公秀與懋祖及其二妹訴江浙行中書省益窘不能歸乃棄懋祖與二妹於人懋祖再轉爲時貴家奴方髻齡即能知其世家每思親輒嗚咽泣下至夜率淚漬其枕如是者十有七年時貴以罪廢懋祖得放還莫氏泊公燾公秀尙無恙家徒四壁勢不自存懋祖盡鬻衣裝竭力爲養二妹亦悉訪知其所歸父骨殖僧廬三十年至是始買山營葬葬之日泣血如初喪莫氏病臥牀蓐晝夜呻吟未絕聲懋祖扶持醫療數月乃愈又仆於火體燬潰者殆半復侍療半載而瘥莫氏嘆曰吾愧弗能撫若之幼庸詎知垂老顧得若力乎懋

祖聞之孝敬愈篤而以田不復祖父之志未伸奮力與浮屠爭於官吏氏素畏浮屠之勢無敢助者會總管范某察其實悉斷歸之懋祖得田即以頒諸叔弟其有失身為浮屠者命反初服擇良家子配之公燾公秀莫氏死喪葬各盡禮闔門雍睦子亦克肖云

元

石明三

四明山農夫早喪父獨與母俱一日以事出告母曰兒出母居此無侍養者幸往依女氏母曰諾其女氏家甚邇明三謂母可即至後二日歸過母所寓而母未嘗至也明三心驚倉皇抵舍見壁間一巨寶規之則虎子三據其榻為穴明三知母已為所害即慟且盡殺虎子復磨斧堅執立竇內頃之母虎循竇入斫其首碎之取肝腦磔諸庭而復大慟以斧指天曰吾雖殺四虎而吾母之仇未足以報乃更迹杜虎所行路持斧阻崖石待之杜虎果咆哮過崖下明三奮而前當虎首連斫數斧即斃明三亦隨死僵立不仆張兩目如生而手持斧不可奪鄉鄰走弔相率拜祭而神之

元

唐轅
字伯度

父復禮以擅匿官廳事被陷且執拘以歸於京轅詣吏代父命不省乃叩頭流血繼之以死吏憫其情遂脫父桎而梏之使行至越弟轂自杭回遇諸道上既挽轅衣袂頓足哭曰兄為冢子宗嗣所託不可以死弟請代兄行轅不從轂給之曰兄訥於言說往必不免弟有一計可生幸無苦竟奪其梏加己手吏亦憫而從之轂抵京繫獄者旬日近臣乃奏其非罪例免以歸得不死

弟輪字仲規轂字叔直輻字季齊

轅嘗讀書受業定海尹汪汝懋之門又率諸弟學於戴良

元	李亨 字元亨	<p>嘗試府史同輩視財賂多寡爲枉直輕重嘆曰吾不忍見也拂衣而去郡濱海沮洳夏秋之交人相繼病瘋痢亨按祕方貨善藥製爲丸散施之輒效求者如市置田慈谿之羅江佃者於常租外倍輸若干亨曰汝誤矣按籍取所當得者餘悉還之佃者驚歎感謝</p>
元	華昭	<p>生未晬父亡母沈貧不能自存父母欲奪其志誓死弗許勤紡績以教育其子後疾亟昭尙幼刻意茹素禱之弗瘥乃曰嘗聞昔人有割股以救親者於是盟告天地密封左股肉作糜和藥以進母食之病愈至正十年尹許廣大書節孝字於門以表之後沈氏壽七十七卒昭亦能卓立爲鄉人所重云</p>
元	夏贊	<p>先世不振母徐佐父治生力勤攻苦餘三十年家以裕母死營葬且於墓左闢屋祠焉其父以事逮金陵贊代之行旣獲歸每歲時省墓下退卽其祠泣祭未嘗不徬徨顧慕云</p>
明	葉宗可 字宗可	<p>洪武二十七年進士供職刑部以父老乞侍養旣歸辟爲郡學訓導適父因戍起解在行宗可請以身代父得免以孝行薦授國子學錄陞助教</p>
明	陳與延 名延以字行	<p>家頗饒產悉散諸親舊之貧者僅存周廬田數十畝朝耕暮讀雖屢空未嘗少悔洪武二十七年以薦授本縣訓導</p>
明	謝矩 字元規	<p>與兄員俱有文名少奉父命爲人後員戍涼州播遷有年矩嘗裹糧走萬里資送後籍父及員妻子赴戍所矩以別籍免曰奈何使父與嫂姪獨困苦耶力請與偕抵吳門父死矩哀毀幾絕</p>

或勸之火輒號泣曰此末俗偷風雖倉卒吾何忍乎乃以父匱厝旅舍相嫂姪至京師適遇例家屬放還復迎父榘歸葬及員歿又聞關函骨歸附先龔撫遺孤益至先人田廬悉畀之薦紳大夫高其行扁其堂曰孝義

少有至性五歲而孤號慟不食者累日育於季父及長事之如所生有偷兒入室執之則比鄰也密予金縱之去有積負者欲鬻兒以償為焚券更以金遺之工詩好遨遊自署山水閒人

子宗孟永樂十二年舉人由荆曹知廬州府孫璫天順三年舉人任連城知縣修築障水塘有惠於民為祠塘上終萬安知縣

明 衛清

字順安

明 陳思禮

字用和

少孤母石氏督之學極嚴思禮或懈輒對之泣思禮惶懼自是勤學誦書不至夜分弗休母病卒思禮被髮狂號曰吾母何在吾母何在吾母所以辛勤萬狀而弗釋者為思禮也思禮加冠而母不在不如相從九原下操刃欲自剄家人奪之環守譬解久之乃止服闋入郡學年二十四親友勸之娶思禮掩耳不答衆迫之則曰娶妻以為養也親歿何以娶為既而親友據義責之不得已乃從合昏時危坐誦蓼莪之篇凡七晝夜不輟婦亦化而助之洪武六年詔徵郡國諸生思禮亦上名吏部入成均升上舍猶夙夜思親不忘以如在扁其堂

父祥卿洪武初以世職漕運命督造海運船已而船破運折坐侵漁逮獄將就戮顯與弟敬匍匐詣闕請代顯泣訴曰督造雖臣父名而侵漁實臣顯臣罪當死敬曰兄顯佐父周旋運事造船之謀臣敬獨知之臣罪當死上矜之廉得其寃遂兩釋焉祥卿竟以賢良舉於朝授彭水知縣九載考績坐絀誤謫戍雲南顯哀訴之乞代上曰真孝子也祥卿有子如是著冠帶寧家

明 盧顯

明 許敬觀

明州衛兵事母至孝一日與什伍渡江忽暴風霹靂衆皆震死時敬觀昏絕默念我老母將誰依若有人援之尋甦雷火燎髮已半禿矣

明 任壇

建文二年進士知廣東桂東縣擢監察御史陞江西按察司僉事嘗居喪三年足不出戶限守令謁弔惟扶杖拜哭而已未嘗與之接語士論高之

明 袁忠救

字公安

父珙訓導嚴偶有過撻之至流血毋怨周施弟妹間能曲盡其誠意洪武間朝廷遣官追獲方氏餘軍里人與珙有憾指爲故官亦軍也適珙外出忠救被繫官捶楚之逼其轉指人忠救泣曰我父受誣莫敢聲言詎忍又誣他人耶明年發府軍前衛水軍所操練歲運糧輸遼陽喪妻縲居八年同營謀爲之再取謝曰父母在堂不得命不敢苟也已而運糧舟敗死於海

弟忠教燕王時侍父至北京並見知遇賜予填積愈抑節自下無驕色既還鄉有司以才選補郡諸生忠救溺死忠教聞計卽徒步齋糧赴海上求之哭且慟幾絕復甦父官太常每得一美味遣人馳以進惟恐後父嘗以事就逮卽詣闕自陳乞以身代罪辭意懇切有足感動人者其孝友類如此

明

李孝謙
名本以字

行

與弟悌謙忠謙皆生性孝友當元季父仕開杜門不妄交爲子弟擇賢師友一時金華戴良豫章揭宏永嘉高明錢唐楊彝陸德陽慈谿胡舜咨俱來遊仕開使諸子師事之孝謙兄弟相友爱有事兄必先弟而弟常代兄行父疾日更侍牀下父食乃敢食父至斷食旬日亦飲水充腹而已母得未疾疾作必仆地欲死卽禱以身代良久乃蘇以爲常洪武初郡國例造戰艦吏以仕開饒財使任督既成使者驗艦材不良坐法送秋官論獄孝謙方弱冠請代父囚曰父老我壯宜往悌謙亦曰兄多疾且親

父仕開操履方正州曲有爭必往質之從弟潛字元明洪武末其父名長漕夫當令一子行役潛請於父曰兄家嗣當克家弟幼未堪役事兒往宜也遂行不避艱險終克竣事後州司知潛才命掌其鄉之田賦所入終始十餘載無少懈歲歉或追逋租峻責爲之代輸鄉人莫不感悅正統五年民饑朝廷勸富民出

孝謙性行仁厚隣有臥疾晨往問之以錢十緡置枕傍而去冬雪見寒士衣不掩肝解衣爲贈歲大稔斛米可易金二十四銖

所愛宜留我當往使者以為非情兩繫之徐偵其兄弟終無易詞竟遣長者往孝謙至都門輸作日涉冰雪土石手足痠瘁流血經一歲遇赦免歸逾十年仕開又以富室主料量米耗罪當死忠謙年十九即荷械詣官曰盜米者囚身當坐幸釋老父官許之得免死歸而遠戍竟歿遼東郡守王璉魏宗嘗舉孝謙明經辭以母老乞終養通判廖閏縣令莫迪郡博士鄭深道又並薦之辭如前深道嘗造其家孝謙閉門不見深道曰所以來求一識先生非有他也乃出與語甚懽為止宿去

粟以濟潛兄弟鳩穀二千一百石輸官大臣上其事旌曰尚義之門

乃曰吾豈乘時射利者耶環宅種竹夜遇盜箭者縱之去而常採筍置於籬外其行事多類此悌謙勁峭不阿面折人過人亦服其公

明

章和
字智和

永樂初命江南富戶分口徙實北京和家富當徙輒奮然曰伯兄家長季弟猶稱吾當往時年甫十九至京籍於大興縣受廩於城北之安定關彌望沙磧墾其傍作園藝蔬以為業稍隙輒手一編不釋待人寬厚恭誠時時以理諭閭里為之處劇定疑扶疾拯難有貸不責其償眾皆感仰信服事多咨而後行或有鬪爭亦請片辭以決而不詣公府其僕嘗為馳車轅死或繫御者以告謂御者曰汝非有心殺之也釋汝不治汝當戒其後聞者益稱和之寬仁草竊之徒至相戒毋窬其垣久而德尊名顯自簿令至於公卿常禮於其廬後和以飛芻給邊授宣義郎年八十四始得復歸鄆

和兄弟在鄆者皆先卒仲兄子紹弟子繪至京為授室延師誨之紹舉京闈繪成進士景泰中官至河南布政使

明

朱銳
字仲堅

嘗遇歲大饑斗粟千錢銳所入日不足自給至請貸子錢家以振外父母歿其外宗人將析其遺貲以畀銳銳曰此產豈朱氏所可覬耶固予之終不受

曾祖奇童字鄴賢號梅坡官至青州府知府有古循吏風

明 夏道昌

幼孤聽母教惟謹既長居月湖以漁為業日所得魚擇巨者奉母母性嗜茶家貧不能多畜日以羨餘易之母得瘁疾日在申大作非沸湯沃之弗止道昌出必申歸以供湯沐無後時者值佳辰令節及報賽之時必奉母出遊母或倦行則負以進偶不愜意嚙其背即長跪祈請怒解復負之行一日漁於新莊之河得巨鱗里人厚與之直堅弗與里人怒遂毆之有老人怪而問故答曰歸以奉母老人禮而遣之由是名益著及母卒道昌哀毀不欲生會有詔錫民孝弟力田者粟帛力辭弗受

明 何瞻

字民望

正統間與同邑胡純同升國學純疫寢內舍鄉里姻舊避之無一問者瞻饋粥煮藥晝夜調護七日而候不應瞻憂之解衣與並枕抱臥得汗瘳瞻亦無恙後瞻任刑部主事純任工部主事純每語人曰今日以往皆何兄所生之年也景泰元年瞻奉使暹羅還道卒

父慶翁永樂九年以賢良方正薦授莒州判官遷安南布政使年老辭不赴

明 嚴端

字克正 號復齋

景泰五年進士選南京兵部武庫主事轉車駕員外郎以積忤巨璫落職歸性至孝自歸田母年六十奉養歷四十餘年母年百四歲朝夕不離左右母齒豁不能餐手屑米煮粥奉匙篲以進問有所欲輒力致之少疾即衣不解帶藥必親嘗及卒哀毀幾不能勝

明 朱得榮

字景春

父歿家無羨儲盡瘁營葬上奉繼母下撫諸弟妹長為婚嫁間以其餘周人之急持家三十餘年不私蓄一錢尺帛為妻子計已而食指繁夥或有煩言得榮聞之歎且泣曰先人棄諸孤家業既墮吾忍死支持以有今日迺今有是耶吾不忍及吾之身見骨肉離析也家人感悟終其身不析居

弟得華官京典史得榮涉數千里攜子瑄往視之比還留瑄以侍

<p>明 高謙 字德光</p>	<p>三歲父卒世父棄其骸并欲奪其母葉志葉茹苦守孤稍長問父所在母泣告以故遂哀號欲絕求父骸不得終日涕泗於道後遍訪得之負以歸乃更製衣冠棺斂之補行三年喪事母極孝先意承旨無不得其歡心嘗晨出聞橋下有呻吟聲乃郎官李氏婢將死而棄之者遂載歸療治復活送還之其行義多類此</p>	<p>曾祖善有學行能格強暴洪武初有司辟不就學者稱為安敬先生孫士字克學號志齋幼孤好學事伯兄以禮弗為所愛後伯兄為吏坐贓盡以己產償家遂落嘗終日貫米未得怡然也</p>	<p>友人周乙被盜誣盜實不識也謙取漆為二誌於其額盜指為證俄詣官拭去之盜失所證事遂解</p>
---------------------	--	---	---

<p>明 章濟</p>	<p>孝友醇謹父母卒喪葬盡情不以煩兄兄暴甚輒攜室以避產業一無所顧又徐徐與兄權并禮諸從子終不匿其怨宗黨有急時出錮資之即受侮不為動平生無詭言貌情云</p>	<p>父銳別見</p>	
-------------	---	-------------	--

<p>明 張忭 字汝懷</p>	<p>有至性父母有疾即憂形於色中夜或聞咳嗽雖盛寒必攝衣往省之比卒躬負築以葬其為善汲汲不及族黨無少長貴賤一接以禮每廣坐賓會謹譁籛起忭獨斂容正色恬不為動譁者乃止人有所愆即弗直弗忍諄折俟其辭盡徐隨其言旨婉言譬之咸唯唯而解嘗聚族子弟而教之因才飭迪俾各知義方凡三十餘年不厭家為鄉里長所領十戶遇徵稅亟輒代輸於官故十戶倚之如父母性絕嗜欲願獨好書自按錄以遺諸子比子時微成進士累受封錫益持淡薄朝夕以清白力善為事聞貪墨淫夸之行輒顰眉焉</p>	<p>父緒性樸直有備梁捨者歲盜米穀及諸所藏物不已一日緒潛迹得之不發而歸諸鄰聞之競請墊捨則謝曰物庸有相類者獨捨盜乎竟不墊捨亦感化不復盜兄子早孤幼字長婚析產與均人稱長者子時微別見</p>	
---------------------	---	---	--

<p>明 虞謹 字靜之</p>	<p>總髮就外傳讀詩至明發有懷輒隕涕尚書楊守陳見而拍其首曰篤孝兒既長迎顏承志惟謹成化間兄謙以富民籍安定亡歸有司逮捕甚亟父憐其衰老命謹代之行謹曰父命焉敢</p>	
---------------------	---	--

	明	明	明
	孫 鏢 字 允廉	姚 憲 字 式之	杜 常 字 中經
<p>辭抵安定就役守陳爲之請得免歸既而父遭痢醫禱備至每夜稽顙北辰求代額墳赤血縷縷見及卒哭絕復甦三日水漿不入口母勸之陽爲一舉母入復撤去坐臥苦塊和髮面黑如囚哭處淚下漬磚久之磚爲毀裂喪母亦如之非祭不與妻接非病不入內室如此者十五年謹體貌壯偉至是哀毀骨立不復舊容自號曰瘦齋里人稱曰虞孝子</p>	<p>母徐氏方娠六月父珂流寓陝西既而鏢生父久客不返母撫教之年十六補諸生弘治二年舉人時年二十一其姑氏令俳優侑宴至教子尋親事乃大慟曰吾父何在卽治裝行之陝西道里阻修備嘗艱險竟尋其父以歸孝養懇至越三載鏢以疾卒聞者傷之</p>	<p>弘治八年貢生資性孝友事母備極甘旨每遇食母未嘗不取入口先是父文英有養子父卒析產與均或謂其過憲曰父所愛也忍以財故傷先人心授吉水訓導不徵束脩之饋吉水言學師賢者輒曰姚先生云</p>	<p>孝友天至逮事王父母極誠供奉有弟三人悉推世業與之平生不妄言笑御家莊而有禮女婦皆治蠶織戶庭之內肅不聞聲與人言以仁孝慈讓相勉里鄰稍有不戢事必相戒毋使杜長公知之初爲奉化功曹同曹掾有患痢疫者躬親湯藥或竟夕不還其人有妾每往必與其僕偕明燭達旦尋移役蘭溪道拾遺金往跡其人還之後爲廣西龍江驛丞有以毒藤自殺者誣怨家所殺郡守具獄當其死憲司移常覆訊輒白其冤守惡</p>
			<p>子鶚字薦夫隨父在龍江時用兵供億具出竄幪鶚代父催課孺人感其誠信樂委輸焉及父卒崎嶇萬里奉榷扶母以歸孫思字子容號武川嘉靖三十五年進士萬曆間官福建都轉運使曾孫登益字道岸萬曆二十八年舉人由教諭官知縣</p>

鄞縣通志人物編

孝義明

四九〇

其反也答之常曰答我不猶愈於殺人以免乎會征蠻之役幕府檄從軍疾作而卒

明 鮑倫

字孟彝

生七歲父鱗遊學吳楚莫知所向母孫氏撫倫稍長輒治買養母必得歡心朔望焚香哀禱願父子終相見如是者二十年忽有老人自慈谿來謂倫曰汝父曩與我客湖廣至漢陽東塢授徒贅婦生二女不幸死矣盍往歸其尸已而至慈谿遍訪老人不得乃從所指示詣漢陽跡之皆符婦家疑有他意訟於縣倫情弗即白繫於獄數年縣上府府上監司謂疑獄錄有刺血驗骸骨事親按墓所發棺命倫咬指滴血直入枯骨其情始決倫即買棺殮以己附體之衣訴乞歸葬監司允之表其空穴曰孝子家監司即慈谿顧英也倫至家人多惑以陰陽術弗聽扶柩入室苦塊哀毀不踰旬妻妾子女死者七人靡有子遺亦無悔卜兆葬焉越數年復生子女各一倫性慈好施

明 李朴

字質夫

號北江

年十二補諸生精研雒閩之學躬行實踐以克己主敬為的巡道鄧志興請主鑑湖書院受業者戶外履滿列課規十則匡翼之士翕然起親歿哀毀骨立廬墓六年不入城市五十無子或勸納妾曰同堂弟未婚配而吾畜兩婦乎未幾舉一子名尚默晚構敬一齋安貧樂道終其身

明

薛淋

字文時 號沃泉

學於余本聞性命之旨父魁多昆弟而性彊執或有紛競淋彌縫調護久皆誠睦母被疾累年淋問醫請禱昕夕靡寧會當赴省試有司勸駕辭曰人子以親安為樂即忝名第亦外事耳終不以此易彼也母卒哀毀幾於滅性三年不御酒肉不內處與

祖穰字有年天順六年領應天鄉薦授涿州知州用薦改灤州州歲苦河決築長堤捍之遂為永利致仕歸橐不入私室置產與昆弟共之力行善事日以粉

弟治自相師友推衣更食怡愉無間一女弟適李維勤早寡無子淋憐恤備至所居去數里日一往視更數年不衰字其孤女如己女族屬緩急有求必委曲以赴人皆稱之

簡記之
弟治字文明號曲泉貢生積官知夷陵州子晨字子旂號震川諸生負才望文徵明豐坊輩咸心折之

九華還金日子

明 蔣九華
字丹逸
號漁澳

性至孝父遭危疾醫禱罔效對天泣籲割臂肉和糜以進疾輒愈當事表其廬曰孝子之門嘗授徒外郡歲暮歸宿逆旅牀頭得金一篋私念必前客所遺留待之迫除夕遷延未返數日有一人踉蹌號慟而來自言賣屋鬻子以償官逋行急遺金於此九華詢其封識銖兩皆合舉以還之其人拜且泣請分金九華笑卻之又嘗應制府招教其子值鄉試制府語九華曰君文品冠浙士必當為解首九華疑制府陰為之地遽假他事辭歸是科不赴試云

子良弼字巖臣號警庵中陝西嘉靖四十年舉人授建德令有惠政鄴懋卿家丁過縣索驛馬不許怙勢出語不遜即痛杖之慮為所中乞養歸

良弼尚幼夢一白鬚翁摩其頂曰爾父陰行善加爾貴骨覺而頂骨墳起後良弼知建德稱循良吏

明 許瓏
字廷璧

少孤依其母無頃刻舍時出外或就塾歸必歷舉所見聞告母母輒喜有所使唯唯而趨一日母擲竹誤中瓏暈仆地母急抱持泣瓏稍蘇即睜目笑語曰兒故嚇母非真暈也長極奉養問母欲必極力供具至城市有時鮮好味必急致之或向夜必攜燈走抵家親烹飪以進復舉城市中事告母伺母安寢始退瓏恆言聖門以色養為難此不假外求不費貨貨直易耳

子元祥字國忠嘉靖十七年進士任松江通判

瓏平居言動不苟里中大姓相構不能解瓏一言立釋

明

陳良言
字志行
號碧崖

天性至孝幼時善承顏色行坐不離側稍長竭誠侍養父患目障三月不效良言以舌舐之旬日即愈母得風疾七年不能起良言身親抱扶便溺澆濯悉以躬任夜則臥於床側及卒哀毀骨立伏苦三載既葬復廬墓三載他若養兄子女卹姻黨貧乏

父槐別見

鄞縣通志人物編

孝義明

義行不可殫紀先是父樞在堂鄰家失火將及良言望北號呼返風火滅人以爲誠孝所感上之有司顏其廬曰孝子之門

明 楊美璿 字以齊

弱冠補諸生嘗赴鄉試心動即徒步夜馳歸母已以暴疾死美璿以此自傷父復相繼卒毀瘁幾不勝禮及卜葬地堪輿爲言相地吉矣奈不利長公何美璿曰葬以藏吾親也寧計其後信如若言美璿最長請自當之遂葬如卜與兩弟析居凡美田宅悉推讓之而自取其瘠者人以爲難後屢舉明經不第益居貧自勵無所求於人退居西谷與社老故交相飲爲娛卒年八十三

子子龍嘉靖三十一年舉人知天長縣爲政得大體隆慶中遷高州通判轉知州

明 楊欽 字允恭

邑之布衣也先是西鄉廣德湖既廢募民墾官田輸賦如佃戶例後許墾田者斥買田爲民業而賦重如故然猶止納租不令值他役正德初差發日繁湖田之民逃亡者相繼欽憫之鬻產走京師累疏闕下具陳民困請援慈谿花嶼湖例用全折不賦米而輸銀備嘗艱險瀕死者數迄不爲止尙書聞淵副使陳槐爲請於朝始允其奏參政馬某糧儲董某復牽制不行欽三上書爭之下所司勘覆郡守林富力主其議竟得改折鄉人立祠祀之

西城外備也生而篤孝日賃傭養母時問母所欲不計有無難易輒力致之無以供鮮新常夜漁以饌母得危疾不能具醫藥則中夜籲天斷一小指煎湯飲母遂愈人稱爲馬孝子

明 倪割 字以齊

居甬江東家貧賤業積豬俗呼爲倪割豬幼喪父喜事母母世受佛氏戒不食葷腥久之胃弱身羸臥疾十八年晨夕煮粥哺

之垢穢則采藥草煎湯扶之浴如廁則藉溫軟物抱坐之每勸母食肉母不從因求代為茹素矢言而後許乃具肥甘供養每夜籲天叩首數百額成隱疹若巨珠然遠近召其穢豬者見其額輒咨嗟不已必多以錢粟酬之

明

戴 熱

字 時化
號 少山

嘉靖四年舉於鄉入南太學師事張邦奇呂相鄒守益講求性命之學省踐切實迥出儕輩十四年登進士授工部都水司主事治徐州洪洪故有二道外洪多巉石破舟殺人內洪汙瀦不可以舟岸隄又善崩熱至殫力經畫悉除所患復修義倉廣儲積適明年大侵發粟得二十餘萬石鄰洪數千家賴以全活餓孳盈野召洪夫與以粟令瘞之數日而盡逾月四方大疫而徐不染掩鬻之力也會父積生辰請於當事歸省不許輒涕下為之不食竟鬱鬱發病以死年四十四熱事父母至孝中夜嘗數起就牀側伺起居與人無親疏輒惻惻見情愫而恤災救患尤所孜孜會試時有一同舟者得厲疾友各棄去鬻獨周旋其間湯藥含殮靡不盡力其行義類如此

父禮別見

戴兄鯨鯨鯨皆業儒父乃屬鯨治賈事鯨匿僧舍聚書而讀過目輒不忘比兄相繼成名益振厲發憤經史百家言無不研綜為文滾滾無停思

明

聞宗時

性至孝幼喪母奉繼母陳承順篤至適倭賊至舉家竄避宗時扶父出而遇賊脅取金錢不得拔刀欲殺其父宗時以身翼蔽泣求自代遂飲刃而死父乃得釋時家奴李三抱宗時幼子不忍舍去亦被賊刀截左耳併剖其面屢死屢甦人共傷之

父理嘉靖二十一年歲貢官徽州教授

明

陸 泰

字 惟安

弟水少時讀書或不率父輒以鎚槌之泰以身代至流血不去父怒始解一夕見其父不憚夜半猶長跪寢門外涕泣作聲父啓視問故答曰父怒兒那得安枕遇落第歸不敢遽見大母并

弟水任泉州知事季弟梁字夏父孝友一如其兄性直氣和時稱為長者隆慶四年舉人東陽教諭遷汀州司理晉彰

號魯峯

母引至階下跪伏受父噴責語移時俟氣平始退其孝如此嘉靖三十二年進士選庶吉士授翰林院檢討歷充會試同考官隆慶元年左遷大名府推官後任福建提學副使以內艱歸服闋當再起父老不忍離其父強之赴召入補福寧兵備命下甫四月丁外艱廬墓三年不蔽風雨受寒疾竟卒

德同知

明

邱緒
字繼充

諸生世居邱隘父鑑娶余而妾黃生緒以不得於余被出適江東包氏未幾轉適他所遂不復相聞時緒年尚幼或微告以母故輒歎歎不自勝及年十五父卒事嫡母甚篤余亦心傷之愛若己出余病且劇嫡兄經及弟綸俱客京師緒獨侍湯藥惟謹不解衣帶者數月余重感其孝與訣曰我死汝無忘若母緒矢志益決然距黃去時已二十年轉徙不一杳不可跡一夕夢人告曰若母在台州金鰲寺前覺而識之次日偕一人憩於途知緒為邱氏也漫問曰邱有出母者乎聞其子固賢今安在緒驚異反詰之則包氏故養馬廐也詢以母何往曰有周平者曾語其事今已戍京衛矣適緒女兄之夫王杰待次在京貽書屬訪平久之未得一日有避雨於王邸門者奴聞其聲為鄞人叩之即周平也問之始知黃適台州李副使子緒得報即之台而李已歿嗣子漫不知前事緒傍徨掩泣於道有傷之者導詢老媒妁王四曰已再適仙居吳義官吳仙居巨族也緒至歷問數十家見一門頗飾躋而入則吳秉郎秉勳之第也二人皆諸生感其事留止焉有叔母聞所留者異鄉人恚而咻之告之故叔母故黃主母也頗憶前事然亦不詳所往呼舊蒼頭問之云適於金鰲寺前去歲經之棺已殯寺傍矣緒以其言與夢合信之行

明	<p>李生香 字名父</p> <p>諸生天性篤孝父常召日者卜日者私謂生香曰天運一周公 大期至矣生香大愛之為不食每丙夜出中庭籲天祈以身代 明年父卒哀毀骨立又明年母卒哭不絕幾滅性月朔必至墓 所哭拜墓去城十里常徒步往初為期後不為期一念至輒往 矣家人弗知也比歸見餘淚乃知墓所還如是者十餘年不輟</p>	
	<p>且泣期得一面棺為慰而二生與之偕道犯一牛觸緒於溝則 繳工馬長之門也馬兄弟駭而出因問所從二生以其事告馬 長曰吾先備肩輿度日曾與一婦至縉雲蒼嶺下殆其人乎今 存亡未必彼所傳寺傍棺者謬耳遂入門縛輿而出曰願執廝 役為導緒喜甚即別二生乘輿行至其地馬兄弟辭曰當於此 求之矣酬之金不受曰吾兄弟憐君哀苦而來豈為金耶固授 之輒投金而去緒居嶺下旬餘有織屨者云此去三舍地名王 碧川有陳六十婦蓋寧波人去歲其殆亡乎緒懇祈與俱先造 其姑氏之家諭如其言遂往王碧川詢之而里左老嫗亦如其 言緒不信遣從奴詢於諸陳奴悵悵行委巷中忽一老嫗佇立 於門探之為寧人也叩其從來具悉嫗亦轉詢邱氏息耗合焉 馳而報緒緒愕不自持亟踉蹌以往抱持悲號閭里莫不感動 所謂已亡則其奴氏也陳翁無子家貧多負緒還取金徧償之 迎翁奉之別墅翁死請母入室率妻子朝夕饋膳怡如也兄弟 友愛純篤先是伯季俱輸粟入仕籍析產時衆議量算其貲緒 固讓曰苟若是而可何言乎一體者哉人以是益多之嘉靖十 年邑令趙民順因入覲疏緒二事於朝命賜額曰孝友表里宅 云</p>	

與弟析箸不為籍遇美田宅輒不問歲饑富室多閉不發生香獨開庾以待糴閭里德之

父歿後兄盡棄所遺金走京師不知死所學用奉母至孝撫兄孤踰於已出復遊京師間行徧求兄遺骨所在竟得諸寺廡中題識宛然學用即日載柩歸與李生寅交最深生寅垂歿屬其子德豐曰吾死後必歲奉蔡先生穀十石終其身是歲德豐以遺命致穀堅卻不受曰吾無以報亡友地下且君家設有不繼是重負先人之命也不若自今日辭之以善故人始終聞者歎服所居里名乾溪人稱為乾溪孔子適比鄰失火望者俱驚曰是不近蔡夫子居耶火及門風反所居宴然年七十偶得微疾即自尅死期卒

明 蔡學用
字子行
號青山

淑以遺腹生稍有知見母感泣輒共泣黯黯依母腰無須臾離稍長就外傳歸輒復依母膝作嬰兒戲讀書夜中必入伺母寢撫衾褥安煖始即睡母疾不解衣帶饋粥湯藥不以他屬事兄如父未食不敢食勞必先承出納必受命二姊俱有疾淑視饋粥湯藥一如母次姊羸須人乳則日取妻乳并丐之隣婦袖小器以飲姊數往返不替嘗就試兄子以病告輒委行李而奔居嘗以不得繼父業及無以表揚母節為恨鄰有相侮恆以德報族黨無不傾心及疾候者屢滿戶外皆屏息踏足而入恐驚淑寢也其為人敬愛如此

明 董淑
字宗順

事母惟恐失其懽心弗忍頃刻離弟誼宦遊於外迨析產悉以沃腴歸之而自取其荒瘠者人問故曰吾不仕猶可以力墾也

明 周謙

父燧弘治十七年舉人

父燧用賢良舉不就
子萃字惟聚嘗入城得囊金賦牒存焉

字廷實
有貧乏者周之不責其債里中有弗直事出數語皆緹服嘗拾遺金歎曰吾獨不可爲竇禹鈞乎悉還之

知爲里正所遺求其人還之從子偉與倭人私市爲怨家所告時私市禁重而偉方需選聖法且爲官累萃詣吏代承之偉乃得全其生平行事多類此益字惟善亦有孝行

明
聞龍
字隱麟
一字仲連

有至性五歲喪母哭聲感路人既就學志慕高逸終不一試有司當授產悉讓其兄肥者應出爲人後以所後母方壯請遲之念父老因精思診書每晨察色切脈夜寢揣喘息以爲常體稍不安輒刻不離左右手調藥物進之惟謹奉養三十年父歿哀毀過禮所後母病亟乃往爲治後事以產分所後母三女及其外家人人稱爲至行龍方頤疎髯秀眉目人望之若神仙性愛山水以父在所出未嘗踰百里當事重其名每羔幣及門輒謝不見善詩初不以自負然清和穩暢卓然成家年八十一卒

祖淵別見父思尹嗜學敦行曾讓恩蔭與從子
兄繼夔字大連亦風雅能詩
子世延字公賞世選字勉之世銓字季次俱諸生有前人風世延尤工詩世選崇禎時舉賢良方正辭不就年皆逾八十云

明
董可觀
字若士

董孝子黜之裔父稻少孤育於奉化舅氏項遂冒項姓可觀童年補其邑諸生尋改鄞庠生有至性侍親疾孝謹逾恆父病革屬可觀復姓歲授經他郡以育弟妹凡五人嫁娶有成歷四十餘年滿三百指猶合爨不忍析世俗難之痛父遺命力請於督學得復姓會覃恩凡郡國舉孝行者予冠服旌其門首以可觀名上可觀謝不欲當道不能強益重其誼云

明
徐一鵬
字季祥

父岐山以弟江山無子子之一鵬事所後與所生等江山貧獨力爲具甘毳而自奉粗糲江山忘其貧亦忘一鵬之爲繼子所後母卒哀毀踰禮授徒海濱歲時必歸省一夕感異夢覺而語

其主人曰吾父殆有恙急馳歸經阿育王嶺猝遇虎當道一鵬祝之虎反曳尾避去人以爲純孝所感云

明 蔣有德 字蕙江

萬曆三十二年由貢生授大田訓導邑令段某爲田副使毒死段子訟冤引有德爲證副使重賂求解有德正色卻之卒直其事遂投牒歸母老目瞽禱天搏頹不懈晨夕目復生明人皆以爲孝感所致卒年八十二

子之麟字龍友崇禎中副貢祖母病席衽七箸皆之麟是賴久而益虔嘗客龍溪令有海賊劉香之奸細投宿妓館事覺并捕主人瘐死者數人之麟曰此濫刑也妓館利客至奚暇詰所從來令然之乃釋其餘崇禎十一年以保舉授順天訓導與修會典亡何京師戒嚴遂南還卒年七十八
孫宏憲字萬爲能詩

明 錢敬忠 字孝直 一字玉塵

父若廣在禮部以選妃事得罪神宗神宗欲得間殺之既出守臨江會勘故御史劉臺爲張居正所陷狀江西故撫臣坐是遣戍諸貴人右江撫者怒乃以其嚴刑捕盜賊目爲酷吏峻其語上聞神宗大怒詔置之死三法司臺省救之不能得大學士申時行心知其冤乃議緩決長繫獄江西敬忠與兄靖忠益忠皆受經獄中萬曆四十七年敬忠成進士不赴廷對而歸作誓墓文挈家省父於獄時熹宗新即位敬忠還京疏訴父冤且請願代父繫獄得旨令羣臣集議而部院遷延未暇及也敬忠再疏哀籲通政司以此案已經發議不必瀆請且其言過峻弗敢上敬忠復三疏哀請然恐復爲通政司所阻乃囚服跪午門求閣部諸臣爲之轉請時江西人官京師者徐良彥姜曰廣吳士元

兄靖忠字獻孟一字心訥父若廣守臨江坐事下獄靖忠與弟益忠敬忠抱痛力學萬曆四十六年偕敬忠舉於鄉天啓初敬忠赴闕訴父冤靖忠益忠往江右哀懇其鄉大僚劉焜鄒元標多方救援遂得釋靖忠以父年老不赴公車爲人嚴毅侃直絕紛華之好鄉人莫不敬憚之益忠字謙沖一字又樗崇禎八年由歲貢爲瑞安訓導卒於官士民建祠以祀
敬忠子光繡別見昭繡字觀文寓寧國

明

裘望亭
失名

徐天衢王振奇等亦出公揭而鄒元標方在刑部乃促令法司議之議入得旨錢敬忠為父呼冤請以身代其情可哀汝不負父將來必不負朕准將錢若廣免死放還鄉里敬忠自江西奉父歸天啓二年補廷對授刑部主事丁艱服除會魏忠賢權威方熾遂林居不出其成進士也出馮銓門至是銓方昵於忠賢敬忠若恐洩焉崇禎元年御史沈希韶奏敬忠泣血長安道上三年而出父於死馮銓炙手可熱敬忠不肯一為俯首宜亟加擢用詔起原官敬忠以生母田氏病甚念嫡兄二人在不得援終養例乃乞休奉母幾二十年後曾出知寧國府福王稱制敬忠赴南京三疏請討賊不報待命逾月乃歸硤石之寓亭自稱崇禎遺臣臥病不出次年敬忠病已亟聞清兵渡江遂勿藥卒

萬曆間人兄憶亭諸生娶妻陳生四子而歿陳之兄勸妹改適望亭持不可陳兄知其貧也集親鄰共議望亭泣曰吾今雖不能養然甘抱諸姪行乞以所餘供嫂亦足以活如嫂果絕食更議此未晚衆皆是望亭言或有聞而義之者貸以貲設米肆西關外夜則春作日操升斗糶米以其入之贏給孤寡久而業稍裕人勸其婚娶則曰吾有室家必不克分願兄子即吾子也遂縲居終其身然避嫌薪米皆命姪就肆中負歸未嘗返故廬其後諸姪成立望亭尚居肆中至得疾諸姪環跪請還正寢乃歸浹旬而歿

與沈壽民士柱唱和此外不通一客壽民嘗稱其兄弟及錢肅圖為錢氏三逸

明 李士模
字叔範

十歲失母哀毀如成人事父必雞鳴候安五十年如一日初讀書及兄士楷補諸生有名遂讓兄專治經史而身任經營治家嚴而有法五世同居婦女亦絀織無怠者家益饒既而承父命分產田宅受其下者士楷曰吾家一區一廛並吾弟所益吾當受下者耳兄弟相讓不置里中聞其言歎曰李氏兄可為模弟可為楷一時傳為佳話及父卒葬西廩深山士模廬墓焉嘗丙夜有虎窺之色不為動夢父遺之歸涕泣復居一年晚為一族長每晨起肅衣冠拜家廟畢輒端坐讀書未嘗一日懈云

明 聞繼泰
字治甫

生五歲而父歿母陳撫之成立娶妻莫合卷翌日仍與母同室寢夫婦侍養不離左右母年八十六而終哀泣如嬰兒身傍柩側凡三載既葬供母像榻前出入必連聲大呼曰娘如是終其身卒年七十一前二日盡焚積券招平時相契者與別拱手正視而歿

父賢臣襄王府典儀舍人子世麟字瑞寓事大母及父母如其父之事母國變後幅巾深衣如故人或見之則曰吾故家子義當然爾

明 張士壽
字平格

侍養父文燧宦京邸李自成陷城大索縉紳士壽勸父走已出就縛文燧固廉吏家甚貧賊求金錢無已士壽佯諾之日既久度父去當遠乃言無物可應賊窮極拷掠士壽體無完膚罵不絕口而死

同時倪本經割股療母病郡守張士良以孝重千秋旌之

明 李恩先

父病刲股以療鄉人上其事巡撫李炳為之申奏崇禎三年詔旌為孝子月給石米終其身

子洪震亦孝子別見

墓在西郊青塾

明 范億
字懷素

七歲父客死於贛母楊氏撫之年十五請迎父骸遂赴贛途中遇一人問故億以情告人曰孝子也何業曰業醫人曰我金子鉉也亦善醫汝歸我當偕往助汝某日可於某地俟我及至贛

則流棺累累弗能辨億號天欲絕夜夢父慰之曰葬地佳我安之慎弗遷乃慟哭而還如期至金所約處待三日不至遂歸夢金謂之曰我在爾家浹歲矣始悟昔所遇者非凡人也自此醫道日進遠近求療病不責酬或反贈之他善行甚多鄉黨義之

明 邵植

諸生甫七歲母董氏病臨決遺言願兒為孝子名儒植即俯跪受訓及母卒踣踊哭泣有踰成人事繼母若事所生父病植廢寢忘餐穢泄皆親洗顛天祈斗願以身代復剜臂取血和劑以進隨遭父喪呼號震慟幾不欲生廬墓三年教諭張廷賓稱為真孝子三院司道俱各給扁旌之

王鴻業字君調一字千秋諸生性孝父柩在堂隣火將及之鴻業從烈焰中匍匐救之鬚髮皆焦不去風亦旋反極竟無恙

明 陳洪憲

字紹昌

年十六而孤家貧設廩以養其母母范性方嚴又善病洪憲承順有方滲瀉甘旨之供力所可致者無不曲至每與妻邱左右侍食抑搔疴癢母命之去然後去有不當意夫婦輒跪伏牀下俟色稍懈乃起如是數十年遠近稱其孝生平敦信義重然諾以禮法自持跬步不苟每以己讀書未就見士有不給者多以筆墨費助之鄰有悍者橫逆百端終忍受不與較人無不推為長者

子文煥字伯美弱冠父卒棄舉子業治生奉母日則織巨粟承夜則貼牀相慰母卒哀慟孺慕終其身

明 范大捷

字子謙

諸生世父德泉無子所立後者不才逐之以大捷為後而繼母性嚴生母又恐以子故傷姊妒意大捷兩事之俱得其歡心會前所後者困甚大捷請於德泉分給田宅以全昔恩其人既歿復迎寡嫂同居為嫁其三女生父卒歲當賓興學使者已錄取應試大捷泣曰禮為人後者降服期吾不敢違制若遂以赴舉

大捷嘗遊維揚見一富商子痘已落痂獨足上一痂未脫曰此兒百日必死死

實不忍喪之如三年平生濟人之急惟恐不及精於醫遇歲多病輒五鼓起先往鄰族及貧乏家而後應舟車之迎者里中有貧婦將婉忽患痘甚危大捷攜藥日六七往曰此婦若危是隕二命也後得俱生為貧者治病或需紫團參自製為丸貽之託言他藥不令其人知也居常訓子弟以修德行善不可有所說而為之譬若農夫豈以水旱而廢穡人佩為名言明亡後取所作詩文盡焚之以布衣終其身

當以腹痛商志甚謂吾兒已無恙一日其子與商同食遽呼腹痛即死逆數之正百日也遂以醫名噪郡中

清

董道權

字巽子

號缶堂

子孫符字漢竹一字桃江諸生樸直厚

重詩亦如之遨遊閩越間所至皆有集

父守諭故官戶部失職家居四方之至甬上者必以為歸笑談燕集仍其舊時然貧已甚爵酒粒餐皆道權手治守諭偶食鹿脯而哽疑為牛脯所毒雪夜延醫醫老不能行道權負之以趨父臥病三年未嘗刻離左右奉八旬母甘脆無缺母若不知其貧嘗授徒塘西卓氏講書至父母之年泫然流涕門人為輟講為諸生不攻舉業人皆疑之道權慨然曰吾始應試時吾父特以道權命名不欲失吾父初心故不攻舉業也從黃宗義為證人之會與人交和易可親或遇義所不可則戟手大罵若不能容博覽經史旁通星卜方伎尤精於詩鄭梁謂甬上固多詩人其能成一家言者鄞山以才勝其氣壯臬堂以學勝其詞瞻巽子以情勝其致逸三人而已卒年六十同人私諡貞孝先生

清

屠惟激

字毓源

性孝友父病劇刲股和藥獲愈弟惟淳疴瘵幾死復刲股願以身代子恆忠遇父病亦刲股以救侍祖母病亦然人以為不匱之教

父本章諸生任俠御史葉君實贈詩有慕義終能追季子著書多或似虞卿之句

清

范洪震

字驚百

年十二失恃哀毀廬墓父億疾刺血書露禱求所以生父者靡弗至病且篤診者辭曰胃氣絕矣殆不可救洪震涕泗嗚咽不欲生醫亦惻然淚下既而曰或穢辛猶有治理能嘗之乎洪震邊嘗之驚喜曰味猶辛也醫為下劑病遂瘳督學李際期謂洪震純孝將旌之洪震泣辭曰報劬之謂何敢因以博譽乎與弟洪星洪宿友愛雍睦未嘗或忤鄉黨稱為三友性尤慷慨重然諾與杜懋俊交懋俊死節管江陸字燦取其遺孤育之其孤多病字燦一日與買藥過洪震則問曰是何人也而為之藥字燦以告洪震瞿然起曰乃杜郎耶尊公吾同學兼以同歲又同志也吾於尊公之死哭之者幾日時時從湖東來者問其孤莫有復者今乃以買藥遇天也豈可使陸丈獨為君子字燦因言其三喪未舉洪震卒為杜氏窆其三喪并置田以贍且助之娶其赴義類是者甚多洪震感懷故國縱酒伴狂晚年遂病噎一時為之齋戒為壇為卜以至丙夜叩神求愈其疾者皆其平日所振之人及卒哭之者數千人

弟洪星字月臣諸生明亡不復謀仕進殖貨吳楚間致素封積而能散人多稱之洪宿字炳如精理痘疹

洪震及南川墓均在長路橋

清

黃道宏

字觀能

順治十八年進士知威縣以侍親疾乞歸終養跬步弗離憂勞成疾卒始道宏與全吾騏同學及道宏貴吾騏往還甚簡後吾騏先世墓田為豪強所吞道宏慨然直之有司吾騏往候之而不謝道宏亦絕口不及時人以為所奚叔向復出

同族道暉字吉光力敦孝友及卒門人私諡孝毅

清

朱金誥

字宸宣

性孝母病醫禱無效老僧告以刺指血書梵典病果愈父疾復刺血繪大士像密剗股肉和藥以進父病亦痊兵亂負母避葛氏破屋更深虎排闥入金誥以身蔽母虎兩目爍然繞臥榻諦視而出又遇盜以焚斃子母泣告且袒示以臂痕盜亦感歎縱

子世燧字青霄有至性乾隆九年亦以孝旌
同時朱篔字又吹諸生九歲父病籲天願以身代事父雖嚴寒夜必數起居恆

之歸有倪姓者鬻女於旗母子相持哭別金誥亟貸金贖之順治九年題旌時新例孝子被旌者量授官金誥以母老力辭督學谷應泰為月給贍餼終其身

持功過格省身靡倦云又董師儒字若舒諸生家素貧母有痼疾兄又盲師儒竭力資生會鄰舍失火先負母出再扶兄以避不攜一物貧益甚生事死喪殫誠至懇當事以孝子旌

清

陸崑

字華星
一字雪樵

生有至性三歲祖授以孝經跪而承之七歲能詩每在長者之側步趨皆有規度不疾言不厲聲肅如也家素貧祖年八十餘惟崑侍食能當其意為之加餐喪母晝夜哀動鄰里明亡崑請於父曰吾家明室世臣兒願得以白衣養父可乎其父喜曰兒能如此吾復何恨崑遂棄諸生不復出試會族祖宇燦方舉詩社於湖上崑與宗誼范兆芝董劍鏗葉謙余畜五人靡日不至以大節古誼交相勗崑故嘗受業於王家勤及家勤罹難經營其事甚力時家勤門人中崑年最少人尤以為難崑以節穀養父每遇其母諱日雖甚風雨必歸手攜母所嗜為祀品未至家已嗚咽不能止既至長慟其父亦不忍聞也已而奉父僑居東鄉般隘海盜躡入崑扶父出避遇賊索銀錢不得砍父臂崑以身蔽父且哀求代死賊竟殺崑父乃得免年二十七同人私諡曰節孝處士

父介社字純嘏貧而好學事親至孝知交中一果一餌必攜歸娛親丙戌後棄諸生潔身固窮喜畫老松柏以見寄寓董守諭董德稱極重之為人落落嗜飲人有招之無不至稍醉即隱几臥或竟去不問主人任天而遊世以是益高之子崑死忽忽不自得竟卒崑弟峻字金文諸生其畫得父之遺詩亦不俗以貧死

清

李杜

字漢唐
號逸叟

父燧升順治十二年進士授漳州推官十四年江南科場關節事敗燧升以知情籍其家屬發鐵嶺充軍時杜年十五與俱行一家八口生長南服不耐寒苦相繼卒嘗奉將軍令入窮僻采人參聞密林中恍惚有人音即視之迺絕糧不能起肌肉為鳥喙幾盡者救之得生冬月使朝鮮值鴨綠江冰凍杜攬轡從冰

同時徐國麟字遂生以行醫奉母能得權心讓田舍於兄兄不能守復迎養之鄉里稱其孝友子文駒字子文康熙間進士文炳舉人

上行冰滑馬不能進匍匐百餘里歸白將軍將軍惻然免其差
杜一日登華表山望家鄉不見撫膺大慟忽有告者曰我得解
糜角差可入中國請借我文憑往既詢其姓氏則昔密林中餓
人也於是函祖父骨就道過沙嶺犯虎豹驚死復蘇見函如故
乃大喜次廣寧盜見杜珍函甚疑有貴重及發怒而碎之裸體
投諸冰雪僵臥一晝夜納氣丹田得不死懷骨於枕入關潛至
故里與其戚湯某藁葬函骨於殷浦廟之陽信宿而去將軍從
塞外覓杜不得知爲餓人賣拷掠幾斃杜忽反將軍服其誠益
厚禮之遂寘繫任杜遊挾岐黃術走宋顏度三岔河過遼陽舊
城足跡半萬里存活人無算會赦歸年已四十四矣卒年六十
七咸豐元年旌

清

徐國忠

世居杜壘天性敦樸宗黨咸信服之時山中多盜其族有徐八
七者偕弟小五小七爲魁欲廣招徒衆因國忠爲里人所重屢
邀之不從一日拉至後山語之曰汝不能隨我出劫姑爲我掌
記且召集相知少年從我所得財當均給國忠不應脅以刃則
曰吾寧爲良民死不能爲賊徒并陷人作賊乃向天拜且呼曰
我死矣願天知我以義死佑三子使成人勿如若輩爲不義也
八七怒欲其左肩踏於地罵不絕更剋其喉立死國忠長子光
日甫八歲次光耀甫六歲八七念國忠臨死之言恐二子他日
爲難圍其家欲捕殺之國忠弟國美素病應足八七不之忌聞
信急與國忠繼妻董氏謀匿二子稻箱中捕者至搜勿獲國美
終慮八七之心莫測是夜攜二子走危巒絕壑中人跡所不至
者崎嶇顛頓得達餘姚之湖田變姓名乞食以生腫者遂成瘳

疾童氏尋亦潛至與二子相依者多年順治十六年光日年十八告其母及叔具牒臚列前事懇於邑令核其詞果實遣團練數十隨光日往捕八七八七素多力每與人戲令以麻索縛其兩巨指一呼索立斷光日密囑下厂山楊某飲以酒伏團練室中酒酣請試之先溼其索八七奮力不能斷團練突出光日親舉鐵椎擊其臂折因擁至縣縣痛杖之旋斃於獄未幾小五亦為怨家狀於梅溪潭側徒黨皆散光日乃聲召宗人哭於祖祠取小七殺之以洩父憤迎其母與叔返於故居

清

李如玉

字敬之

諸生性至孝侍母疾衣不解帶父常曰汝母於病中得延算二十餘年者汝侍奉力也康熙二年舉人授龍泉訓導邑當兵燹後士有菜色如玉發學租振給寒賤士逢比糧邑令延學師同坐示夏楚威如玉必起坐力爭為代輸終不以庭撲加也旋倡修學宮條述藍田鄉約白鹿洞學規以造士人文蔚起括蒼諸邑有擔簦數百里請益者以齒邁告歸

父士模別見

子開字錫衰七歲能誦孝經事親克盡孝養嘗師事黃宗義以葭山慎獨為歸宗學優行粹為士林推重由副榜貢太學年八十郡守尚瑤猶延主月湖講席開弟秀諸生雅負才名

清

董元晉

字清之

孝友能守其家風初母徐氏妝具最盛盡毀以事舅至後一空每食菜羹而已元晉痛之嘗在保定撫署授經未嘗肉食或乘其索食時潛置脯於間元晉不察偶為嘗之輒漣然涕下所得束脩買田盡均之兄弟未嘗私也

父允瑤別見

清

錢美恭

字西侯

父任陽宗縣時美恭年甫八歲庶母與仲兄之官美恭與伯兄侍母留故鄉未幾兩京淪沒滇中道梗伯兄亦亡又八年天南大定美恭日夜號泣告母欲求其父母勿許曰汝即行家無一錢何以為萬里計乎適有伶人演院本所云尋親記者美恭曰

父士驢別見

是我也乃習之業成買鼓板一副遂於康熙二年八月初七日奮足出門每逢市鎮輒唱之哀動行路稍稍得錢則又前行錢罄復望門唱記數日則又得錢遂展轉依人至江西歷廣東病幾殆又由南寧至廣南力疾行山徑十步九頓抵蒙自縣宿土城旅店呻吟悲涕聲達戶外有滇人楊姓者詢其故美恭悉告之楊曰是故嵩明州錢守兒耶守在滇舉兩子已卒官葬通海言五內崩裂至通海詢諸途人皆茫然因哭於路左有老人聞之曰我為闕氏我兄應乾乙酉科錢公所取士也此地有童姓者君家舊僕詢之當得其詳及往僕不復識詳語之乃抱頭哭僕遣子報美恭仲兄仲兄至亦不相識矣遂共謁墓南山并求庶母兄弟而見之展轉乞哀告貸又求為人記室以得備值終藉臬司張彥珩督郵趙文叔之力於七年六月四日與其仲兄以父櫬東還九月十五日抵家往返凡六年既歸父喪以貧出遊卒於山左之濟寧子懿綱奉棺浮舟南下夜聞空中告以速行者即促舟人疾發次晨河水大決餘舟多遭衝沒時以為孝子之報

事親孝數十年無倦容父病焚香籲天願以身代母疾殆嘗其羹康熙四十五年以孝旌

八歲嫡母亡擗踊哀號見者流涕承順繼母不異所生母亦愛如己出後繼母卒廬墓三年猛獸為之引避嘗以父命貿易他縣忽心悻歸父已寢疾臥床六年侍奉不懈康熙四十五年旌

清

陶顯曾

清

李秉誠

字斐公

清

李景濂

字亦周

四歲喪母父繼娶何氏而父又死景濂方六歲哭泣哀毀儼若成人家故貧何年十九欲守節而媒氏輩欲奪之景濂聞之潛偵其人於道以錐擊之馳歸母前拜泣自陳其故何亦大慟相與奉其父粟主於庭誓相依終身景濂自是刻苦勵行事母務得其懽心母性嚴稍不怡輒長跪泣請受杖遇甘鮮時物必購致之母病癱扶持左右躬親藥食歷七載無倦色母歿景濂年已六十廬墓三年尚嗚嗚作孺子泣里中無不稱孝子者卒年八十六康熙四十五年具題建坊旌表

子桐歲貢生積學敦行有父風同時呂蜚鴻字賓來諸生母病危刲股以療性又好施急公義公府累表其門又陳衷愿字童子貢生父戍遼陽衷愿三往省無貲賣字上途父歿扶柩歸過江遇颶風幾覆衷愿仰天號呼反風遂濟人稱孝感云

清

厲顯祖

字兆禎

幼入塾師為講古孝養事由是晨昏諸小節頗仿行之及長授徒養親館鹽場俞氏一日大雨平地水尺餘傍晚有告以父疾者亟歸時昏黑阡陌潦沒不可辨屢蹶屢起五鼓抵家衣袴淋漓妻請易叱弗顧詳問父所苦父曰爾沾溼如是吾不憂汝疾乎乃易之醫禱備至踰旬父竟不起治喪一如禮經三年與其弟寢處外室非視母起居未嘗一入內庭服闋屆秋試至越城夢人貽以二棗忽心動曰棗得非棘人之謂乎二棗指吾兄弟二人也立棄舟徒步數百里比歸而母歿已三日顯祖自擲於地絕而復甦者屢殮畢水漿不入口弟苦勸始強進數溢自此見父遺書母服物器用必流涕與弟最愛一日論鄰里公事不合徹反唇中夜自責曰吾同氣僅二人乃以小忿失歡尚可為人乎旦趨叩弟門謝過相持大慟家人皆哽涕其外祖家病疫僮奴皆奔避顯祖為獨往料理醫藥夜侍牀下病者喃喃作鬼語兀坐不為動外祖尋愈而顯祖亦無恙平生未嘗言人過嘗失盜家人請告官緝捕顯祖曰彼迫於饑寒耳一被獲終身

子世儀雍正二年舉人

將不齒於鄉姑置之次日晨起見牆陰物累累皆所失者蓋盜感其言而擲還之也巡道孫詔書醇德二字旌其門年八十三卒

康熙三十八年父坐累將被逮岳白於官請代遣戍鐵嶺衛奉天尹知其以代父至優禮之由是得周覽山川嘗騎白驃衝雪至蓋州遇獵者招飲即相與踞地炙鮮拔佩刀割啖衆驚異詢知始末共傳客焉遇赦歸年已五十餘綱文尚在盡色養復數年

七歲失父號泣隨而復蘇者三母劉氏教以讀書晝夜不懈遂為名諸生母病禱於城隍神願減己算以益母壽鄰居陳氏子不孝道立責以大義陳亦改悔嘗授徒於外載父母木主於書笥每日饗殮先祭後食所得脩脯分給鄰里之乏者乾隆五年詔旌其門

國子監生天性篤摯父疽發頸毒堅刺其血不得出虬以口吮之不解遂封股以和藥血漬襟袖恐父知裹創更衣而進父飲之輒覺嗟嘆不終飲既死虬號痛之聲徹於里巷復念母年老侍寢不入私室居數年母病劇虬悲憂無措有王大山者素精醫術與虬厚而道遠數十里倉卒不得至虬急欲致之漏盡使者甫往黎明大山遽來則曰吾昨夜夢君告急五更起走亟來蓋虬精誠所感也進藥一劑霍然而瘳後母年七十八卒虬哀毀痛哭三年不聞外事一如執父喪與昆季同居終身不言析產以孝行旌表建坊

父綱文以寫真名
子棠字省齋善畫竹

子經字醉六乾隆十七年舉人官義烏龍泉教諭詩工小樂府多借舊題別抒新意曾孫檀字勺山號西嵐篤嗜經學尤深於易道光元年舉人任雲和訓導

清 羅 岳

字 品 山

清 魯 道 立

清 俞 虬

字 客 雲
號 守 愚

清

董明倫

字彰五

生有至性七歲父染疫侍奉不少懈每向晨必望北稽首祈禱
 額肉墳起如贅瘤母卒停棺外室比鄰失火延及東壁家人操
 繩杖而救者相望不敢近明倫竄入煙燄中撫棺狂號血淚交
 下風忽返火亦熄若有陰相之者明倫養父必供酒肉中冓廁
 臉身自浣滌如是者三十年父既歿春秋享祀懸畫像拜之流
 涕被面如初喪時與弟明保析爨肥田美宅皆讓於弟己則受
 其瘠且惡者後其子啓宇將廣居宅明倫止之曰古人爲宮室
 必先宗廟今祖祠未建而營私舍何以見先人於地下遂與工
 構宗祠躬自督之雍正十三年學使帥念祖手書孝友傳家四
 字褒之咸豐元年始詔旌其門

清

陳坊

字卜年

爲人慷慨任俠五河知縣萬言以罪論死時陝中開贖例其子
 承勳募金五千前往救父爲吏胥所欺言歸陝撫追之急承勳
 大窘計無所出坊奮然曰達道有五而君臣父子居其二今言
 有君臣之厄承勳有父子之厄徒以無朋友使大倫且俱滅吾
 當偕之行坊貧甚麻鞋布襪即日束裝挾承勳去又以盜盡喪
 其費沿途乞食於所知者得至陝中又入京告急於言之故人
 皆義坊所爲復得金三千事解而歸坊在途承勳有過輒流
 涕而扑之曰汝父有厄汝敢若是然所以護其寒暑飢渴者不
 翅如嬰兒陳汝咸方知漳浦素不識坊以其從弟汝登得知其
 事曰今世有此人乎招之厚贈焉且廣爲延譽於所知坊在漳
 浦得見石齋諸遺書大喜益自奮未幾卒年四十六

清

殷孝子
失名

世居殷家坑父賈於蘇州遭疫死同伴殯之漏澤園以書告孝子其母以其少也故匿之既長而後告之孝子大哭辭母如蘇州蘇之漏澤園仍宋舊停棺壘無標識孝子至殯父者死矣訪之不得筮之又不得日日行哭禱於神夜詣叢葬處焚楮幣而宿每一棺宿一夕緞油布裹其身支木藉苦於下雖風雨不避也如是者兩月夢有老人告之曰此去東南行墓上有金綫草者即汝父殯所也孝子驚醒趨而視之果符夢語明日啓其穴有字一行記於和頭曰鄞縣殷某之柩孝子撫棺哭吳人好義者醮錢資之遂得歸葬

清

包幹鄭
字惠人

八歲喪父見母哭輒借之長號及長奉事惟謹母嗜魚日侵晨起候於江滸見漁舟擇其大者攜歸佐餐後漁人習之得巨鱗曰此包母饌也母患頭暈臥床久肌潰生蛆百方治療不痊乃刺血寫疏籲天求以身代母恍惚若有授以藥者患頓愈長兄早沒幹鄭有市屋一區歲得租若干悉推以奉嫂兄子遠出迎嫂養於家俟其返而歸之母歿營葬畢即築廬墓傍有疾其子將迎歸叱之曰爾獨不可侍疾於此乎三年畢始返值忌日涕泣如初喪乾隆三十七年詔旌其門

清

徐在泮
字采芹

幼即能體親意稍長侍父炯寢聞牀上反側聲即起問安否一日收租於鄉夢神語之曰汝尚在此耶覺而心悸跳足奔歸父果暴疾醫禱備至年十六母張病剗股和藥進母卒屢絕而甦妻余氏歿或勸再娶在泮曰後來者能必其孝事吾父乎同治五年以孝旌

子錫堯別見

同時湯起鎬字豐亭後於世父有至情無缺子職嘗賈於京一日心動亟返而父已歿踊號幾絕日以哭失明

鄞縣通志人物編

孝義清

清 王宏詩
字昌言

嘗歸自會稽與同邸客並舟棧百官鎮邸人誤以十千錢投宏詩舟既歸始覺驚曰此必有冤死者即買舟行二百里達前邸而客方意舟人盜錢下諸吏將賣女償矣宏詩至事得解性尤孝友侍父疾撫弟妹靡不篤至

子大綱縣學生當父遭危疾刲臂肉進之大緯嘉慶二十三年舉人

清 張大中
字靜夫

諸生幼有至性嘗刲股療母疾

子棻亦諸生大中病截一指療之

清 張嘉謨
字佐周

事親孝居喪十年不入內室母性畏雷卒後殯所去家不甚遠夏月將雨必攜繖至墓傍告曰兒在此如是者終身

孫積梓字守堂號芝雲以拔貢訓導青田淳安道光十四年中副榜性好施與嘗約同志剏同仁堂於郡中以恤貧瘠又設義學教孤寒子弟積梓子善元字葆宰道光二十年副貢有父風

清 張大成
字學聖

父早卒母陳氏孀居家貧或諷之再嫁大成纔數歲泣而前曰母去兒他日得錢將誰奉陳亦悲號誓死守其鄰金涓聞而憫之時恤其家大成既長貨涓設肆城中勤儉善居積遂以致富祖母單亦節婦與陳氏並高年大成事之曲盡孝養念涓恩終身致敬時以食物饋必手攜之不敢遣傭僕性寬厚里黨稱長者人歎之未嘗校也卒年八十

子景豪字雨亭以諸生充貢邑荐饑助振數千金躬蒞其事與同志剏同仁堂以恤貧瘠捐修風棚礮知府李汝霖記之郡中興作若洛城河修府學景豪靡弗與少從徐錫堯董名問遊及二人遭誣逮省周旋橐餽營救甚力故人沈可象卒無子經紀其喪且命子孫世修祀事其篤於師友如此

清 董樞
字元中

年二十二喪父苦次中有以偽券數百金索償者衆咸不直其事勸質之官樞以衰麻入公庭爲恥乃焚券而償其金母老得風疾扶持臥起朝夕不離左右者二年弟病禱於神願以己算

益弟竟卒撫其子如子嘉慶戊辰乙亥歲兩饑極率先捐資放振前後累千金親族賴以衣食者甚衆備人有盜物者樞見之勛以改行終不言其短後其人卒改悔能自立乃始自言之其隱德所施不可勝紀以例授州同知

清 蕭天瑞

幼失怙事母孝家窘甚其弟偶以衣食告輒止之曰適增母憂耳母年六十六疾幾殆侍湯藥不懈溺器必親滌之每夜潛出禱於東嶽神求減己算以益母壽病果愈越三載始歿哀禮兼盡遂終身不茹葷先是天瑞妻方氏生一子卒天瑞年僅三十母命續娶曰弟尚無婦兒已有子矣乃爲弟娶婦甫一載而弟婦歿又爲續之妹字人其夫不能給日用天瑞衣食與其日妹飢吾忍飽乎課甥讀書并授以室甥女子歸嫁匿悉肩任之親族無後者置地收葬與祖墓近日後子孫祭掃先塋多備一席即可無餒立碑識之有蕭某者同姓不宗其人曾力救父危天瑞事之同伯叔既歿妻老乏嗣養以終身

子世林道光二十年舉人侍父疾衣不解帶亦以孝稱
同時范炳字吉暉諸生父年六十餘遭疾幾不起炳築壇禮斗誓以四十九夜爲期設簿記之每夜三鼓起盥親煮淨茗至壇拜禱倘聞人聲及雞犬聲卽爲不敬不記於簿故一月中或僅得一夜歷七年始展其誠父病尋痊至八十六而終人咸稱爲孝感所致

清 戴光榮

字庚辛

諸生有至性年十一嘗割股療母疾嘉慶間父桐客死潮州逾年始得耗光榮慟絕矢於天曰誓必歸骸顧嶺南去浙六千餘里光榮家貧無一錢日號泣於人卒無應者有姑母哀之助十金一敝篋襖被徒步將行友人某爲寫零丁帖贈之俾困而告諸路時其子培成年十四涕泣請從光榮遂挈之附買人以行走榛莽中不避艱苦子踣負之趨至一嶺問土人曰梅嶺也脫草屨血痕淋淋然釋其子僵矣乞漿於老嫗始甦解囊則金已盡乃賣卜於市遇江右賈得抵廣州問去潮則尙遠父子日流涕狼狽於路出零丁帖遍告行人見者僉曰孝子也有長者

子培成附見
同時郭傳心字存之諸生究心金谿姚江之學居母喪盡禮人不敢對之笑四世同居絕無間言尤卹族備至性耽山水好鼓琴又郭桂彥妻卒躬育遺孤凡四十六年不再娶陳義鈞張延錡亦皆以義夫與桂彥同旌

以光榮被儒服館之家既而至潮詢其父葬處人無知者道士某指其所至則荒塚壘壘中碑碣存焉發之得槨朽不能載收其骨析敗絮被裹之皮之篋寄諸道院加鑰焉盜疑其重貲也啓鑰無所得持敗絮棄骨而去越晨道士以告乃置骨小箱而藏之願無以作歸計爲人備書久之乃得負骨至廣州復偕其子崎輻以歸道出江右盜復劫其舟出父骨視之盜錯愕曰此孝子也拜而去及抵家葬父於祖塋之側蓋往返已三年餘矣逾數年光榮卒里人稱爲戴孝子培成後補諸生有文名

清 柴雀立

三歲失怙育於祖其父葬所距家數百武雀立就塾必迂道過之且拜且哭念不獲事父事其祖益盡孝歲時伏臘市美饌手烹調以進拜而祝之恐老人不忍獨甘己必詭作饜飮狀祖年九十餘而終雀立哀痛幾滅性葬祭盡禮繪像懸室中出入告面如生時族叔某曾一貸雀立錢每朔望必至其庭長揖而退風雨寒暑無間一日途中遇鄉鄰尊行交臂過始見之不及與拱立中夜悔恨不能寐詰旦袖夏楚往謁具述失禮敢請罪生平迂謹多類此咸豐元年以順孫旌

清 陳良璇 字漢玉

孝事二親靡不至親歿哀毀甚娶孫氏生二子四女而孫卒良璇年僅三十六誓不再娶或勸之泣然曰吾先人已矣記十餘年中與若共奉侍其又可忍乎家有一婢請納爲窻室曰吾已有子嗣矣諷吉祀神率女兒於祖謂女曰吾撫汝爲女與兒女輩列姊妹行以齒爲次吾已默告先人矣今當拜吾膝下呼父者三以定名分衆見之莫不起敬女尋歸姚氏爲具妝奩與己

弟良琨字兆揚一字珊瑚洲父病割股求療居喪哀禮交盡事良璇如父者垂二十年以兄縲居移榻侍其寢寤言或達旦性謙謹恥爲物先然見義勇爲邑有善舉無勿與也嘗濬城河鄰屋礙道良琨慮其蕩析毀已牆以代又因穿水倉官道壞缺旁割私地補益之咸豐初以

		<p>女同良璇性慈好施凡所貸與雖家人或不知每歲侵於散眾外必有興造人怪問之曰此古人以工代振之良法也吾特依倣之耳歲遣人收租畢親歷各鄉佃家曰吾計友來有務足額而致汝輩鬻妻子者乎或以困乏告則資以來歲之本其尚義若此咸豐元年以義行旌</p>	<p>悌弟旌</p>	
清	<p>陳沅 字寬水 號芷谷</p>	<p>諸生父謨賈於外頗積貲叔某故賴謨成立而性凶悍嘗謀毒沅沅不與校以誠感之卒無恙某死殯葬如禮侍母疾數月衣不解帶父老病每飯親執匕箸女弟夫為沅主市列乾沒多金女弟計直以歸沅不受曰吾取汝汝何以生道光間海疆不靖里無賴乘亂入人家恣取所欲及陳眾曰陳先生長者不可犯其為人敬服如此</p>	<p>子景楨字揆卿道光二十三年舉人承父學內行甚篤著有嘯亭詩稿文楨字翼士貢生官富陽訓導生有至性親歿兄弟同居垂三十年與鎮海吳澥城同究韻學作二十三母土音表準音切字學者宗之著有一覽樓詩稿</p>	<p>沅性喜吟詠著有臥雲樓詩稿</p>
清	<p>周沅 字星海</p>	<p>貢生好施惠三黨歎歲助縣官振貸海夷之亂鄉人欲聚黨為剽掠勢洶沅沅召之來曰諸君不過亂離失業艱得食耳我以藏粟減價貸汝難平而償我計孰與徒取人蒙賊名哉皆曰諾已而難平有負米款門者謝不受曰向吾計貸價欲君等量口勿爭取耳抑豈有亂離食升斗而索責者其用心之厚如此</p>	<p>父鉉能急人患難或積負至千金還其券 子棻字楚堂歲貢生亦以長厚稱</p>	
清	<p>水雲 字蒔菽</p>	<p>母范氏婚有期而雲父得心疾自截其臂家人將改議范泣曰吾身許水氏矣誓死必歸之既歸生雲雲自幼好學通諸經有聲庠序間事母盡孝母偶過鄰家親執茗椀菴具漱盂以從冬以爐夏以扇終日侍不敢離側母聞雷膽怯雖館於外必趨歸性孤峭若不可近而引掖後進循循無倦容焉</p>		

清 陳 鑿
字 太沖

授徒鄉里奉先輩矩矱與范渠董名問等為講經之會首從事禮參以藍田呂氏鄉約時人稱之事叔如父季弟弒流蕩滬上時方隆冬鑿身負襪被不遠千里覓得之攜以歸家貧好施里黨以急告者謁蹶以卹之道光初鄰家失火延及其居吏誤拘之親友為訴非辜不期而集公庭者數百人邑令武新安命鑿改供對曰倉卒之中誰辨其為鄰為我者違心苟免非所願也令奇之曰不圖今世乃有斯人改容謝之

清 王 日 章
字 綱 齋

諸生父修敬病革以母老為念母陳適多病不能事姑日章時年十四奉養大母家貧無僮僕百事親之夜必躬滌溺器里人咸稱其孝既而大母卒母及兄又先後死一弟二女弟與兄子三人皆幼日章奔走四方以館穀所入養之

同時應安岳字宗泰能文有至性父病坐臥牀側不少離醫久罔效乃禱中庭割臂肉和糜以進父病果愈其剜處創痕闊數寸人見之必驚問後雖盛暑不解衣

日章勵志力學常置二編几上凡修身齊家擇交處世以至飲食言語之微曰致曲編自經傳子史以至百家小說之屬曰思問編遇長老交友出示之往復辨難考鏡得失學遂益精

清 林 孝 子
佚 其 名

住西山之陳山下兄弟四人俱業樵一日其母偶行猝遇虎鄰人奔告之其兄弟各覓器械以出孝子則急起直追見其母橫虎口遂躍身徒手搏虎虎力稍懈孝子以兩手抱持其口以頭觸虎口虎怒舍其母銜孝子去及兄弟至見母驚死山下而孝子與虎已不可跡矣

清

李孝子
佚其名

以縫衣爲業人呼爲李縫人少孤善事母母死遇忌日不事
雖急召之莫能強晨起掃室布几筵焚香獻茗告而去至市上
徧覓母嚮所嗜者買以歸手捧饌進之而侍立其側箸夾饌置
母前曰阿母食之今日買諸市尚新鮮而價廉阿母食之已乃
反饌於器泣曰母不能食矣則哭以至卒獻皆如之將微舉近
所爲諸事媿媿白母曰阿母誨我則又泣曰母不能誨我矣遂
慟哭涕被面竟日久而大家戶知之遇是日輒不召曰李縫人
之母之忌日也

清

李堃
字鏡山

府學生道光元年父卒於臺灣堃扶柩航海而歸值颶風帆檣
俱失飄入五鬼山礁石嚙其船唇衆皆挾木板作浮水計堃獨
伏棺慟號誓與俱沈忽潮頭湧入舵尾水高於礁數尺船始上
浮而舵又折隨潮上下遇它舟引泊海岸同舟人皆嘆息曰吾
輩今日得生實賴李君孝感不然盡葬魚腹矣堃以明經終

同時沈某居西河營家貧以唱曲養其
母每日必具甘旨年四十餘齒盡落技
不得售境益窘而奉母終不衰又孤子
某并佚其姓名居縣治側酷貧而母病
風起居轉側皆需人自念吾不辭行乞
顧誰待我病母者或告之曰縣官徵比
胥役當杖者輒以人代計杖受直爲時
暫而得錢易可爲也孝子泣而諾之第
戒召者弗使母聞於是得甘旨奉其母
詰所自則詭而對所以歡樂其母者無
不至母受養幾三十年而終不知子之
代吏受杖也母死削髮逃去不知所終

祖莊世籍鎮江以武進士官衡州副將
從征小金川攻碉樓先登墜崖死父文
燾諸生匍伏萬里負骸骨歸葬鎮江其
家屬留鄆遂占籍焉
同時盧孝則字式甫號漁珊自幼潛心
典籍博學能文父雲路知丹陽縣以聖
誤發軍臺孝則隨侍至臺站接遞文報
晝夜不得停孝則代父充役疾速不踰
刻晷主者奇之未滿限孝則極力營貸
贖父歸曲盡孝養中道光五年舉人

清 張修倫

幼有至性道光元年父染疫修倫願以身代百方治之得愈明年八月父又病醫禱皆不效乃剖股以進父輒熟睡既醒謂修倫曰天感汝孝增吾壽一紀今愈矣修倫後喪母侍父益謹澣濯穢之事悉躬任之夜則視父睡方敢睡如是者八年如一日父年八十卒修倫哀毀異常幾滅性云

清 屠繼善

字性涵 號萊士

道光十五年舉人生平篤親信友家本富後已耗乏而三黨振恤之舉月給不衰族節婦某氏稔其貧辭之繼善終弗輟也遇有告乏者至以典質所入與之文宗登極舉孝廉方正有司及鄉士大夫欲以繼善應繼善辭時母年高或勸為悅親計繼善曰忘名實而濫邀名器其將以罔上者辱親乎卒力辭之明年正月卒年五十七

清

江行健

字中齋

四歲失怙家貧無以殮母鬻行健於同里樓文炳為子逾年母亦亡行健事文炳以孝稱初不知其為義父也稍長有漸告以賣身葬父者行健乃訪覓父母殯處每日潛往拜哭迨文炳既生四子旋卒行健年已十八喪畢有歸宗之志一日辭諸弟而別諸弟涕泣留之曰自父亡家事盡屬於兄兄若各立門戶藐孤四人其誰撫乎行健婉言而告曰江氏式微已甚吾如不歸上無以承先祀下無以啓後昆予罪之大莫此若也第念諸弟

繼善與邱震霖李淮並董琅高弟震霖字萬資號移華諸生熟諸經注疏及先秦書能古文平居恆端坐終日不怠人憚其嚴准別見同時汪忠純字繼文道光二十年舉人尚義輕財有鬻女於其家者券既成聞女父母悲悼不已還之不取其直友人某以急告貸之千金及家中落與兄弟析箸忠純願讓己產償友之款後友以軍功得官有餘貲人謂可以責償而忠純授徒自給亦不問也

幼弱可憐姑容我先立木奉祀考妣補服斬衰六年廬墓三載俟諸弟完娶成立再還本族迨後歸宗復姓經營度日克儉克勤行誼為鄉里所稱道咸豐元年以孝旌

清

柴照

字德彰

生有至性父母歿哀哭異常數月不進食旋盡典妻裝購葬址自後遇父母忌日必齋戒承祭至老不懈推親所愛恩施三黨生平持躬循謹不觀邪色初娶妻張氏生子灝而妻亡照年二十六不再娶卒年六十九咸豐元年旌

清

袁行漳

字文瀾

幼有至性十歲能知親心每五鼓母起製衣履即隨之起力能為者輒同為之稍長學賈甬江其肆離家六七里以父年老多病行漳每夜必歸臥父母牀側一夕常四五起明晨赴肆雖大風雨往返無間母病劇行漳驚惶無措袖刃至里社祠禱神前願以身代隨出刃割臂肉血淋漓暈絕廟史駭視灌救得甦即袖肉趨歸煎以進病果愈明年母卒越三年父又卒行漳連遭兩喪皆哀毀異常自後終身不觀劇遇忌日及墓祭流涕不止又以少貧母欲製新裘不得後雖贏餘終不服裘云同治十一年旌

同時戴源滾年十八娶妻陳氏閱二年陳卒不再娶兄弟四人雍睦無間言事親孝凡浣滌羹飧俱身任之戚友勸其續娶源滾曰服勞本人子之職吾惟以不得歡心為慮而敢假手他人乎若論無後而不孝則吾姪多皆父母一本所生何必分彼此也年五十卒

子灝字允博廩生當行漳病革時亦到股以孝聞與行漳同旌者潘芳字東園幼時父客吳越芳每值風雨念父跋涉在外輒淚下侍母病不離側潛刮左臂肉和藥以進與二兄析居以舊宅讓之而自貫屋於旁晨夕過從緩急相通猶同爨云晚年曉醫術診人疾不受酬遇貧乏者恆給以善藥沙孝廣字載颺事親敬愛交至父母召雖盛夏酷暑必具衣冠始敢進母周氏病刲股飲之母恍惚若有神人授之藥者病遂起次年母尋卒事父益謹父患眩暈一日客至令

孝賡取茶茶至而父疾發孝賡急棄茶臥地以身承父久之父甦而孝賡臂損血流在地急掩蓋之父尋卒孝賡素孱弱以勞至血疾至是益甚居喪兩月亦卒

清 湯家湜 字是水 家貧有孝行侍父病不解衣帶月餘醫罔效日奔禱於城南呂祖祠如是數旬父恍惚見呂祖臨臥榻視之而去遂霍然起其後家湜常所著內衫不肯易母強易之則臂血與布堅膠不解乃始知割肉療父疾也

同時陳興蒙少孤母邵氏守節撫以成立及母老病諸藥罔效興蒙禱竈神割股以進母疾竟愈張延青字藜庭韓治樂字雅南忻成魁字占春並割肉治親疾鄉里稱之

清 周嘉瓚 世業賈父客死漢陽嘉瓚年十四跪母前齧臂誓死歸父骨而貧無行貲乃爲人坐市列積數年得十二金同舍生增益之遂隻身去晷夜走三千里至其所哀訪途路間久之遇舊逆旅主人曰有之死十年矣死時吾署其行義年並收斂衣服問棺安在往視諸野則厝者五棺莫能辨嘉瓚仰天大慟食頃有老人來指示之猶豫不敢決因齧指血滴棺上血滅乃買新棺更殮之視殮時服未灰者色悉與計簿合於是行乞匍匐輓棺歸初更殮之夜嘉瓚臥旅店有呼阿九好者三嘉瓚自念吾行三何以呼九也心疑之及歸以白母母哭曰乃父也兒生九年父行謂吾曰識之他日呼兒阿九也嘉瓚性好義道光間同里進士鄭世淵遊幕粵東卒適嘉瓚亦客其地爲遣其喪歸葬云同治五年以孝旌

清

王鶴翔
字振九

諸生遇火婦病不能行抱之出卽入仲兄家力遷其什器至火及已廬所有成灰燼絕無怨言嘗就學山中大疫同舍生病者五人鶴翔奉事周密由是染病歸少瘳復聞師病仍起往視之人皆重其爲人

弟孝感字泗橋咸豐十一年二月章溪起義孝感預其事已而賊至率衆拒之中鎗傷右股死同治五年旌

清

秦嗣瀛
字一占

少孤貧去家五里爲人坐市列以養母雖隆冬大風雪夜必歸母掩戶待之既歸入侍母話一日已事難刺取見聞爲歡笑母倦始就寢日以爲常既娶婦不善事姑嗣瀛未之知一夜歸母室戶闔夔然而駭往詰婦得勃髻狀遂出叩母室長跪戶外號泣母在牀呼就寢跪且號如故母不得已開門納之跪牀頭百言慰母命之寢寢牀下且日婦懼謝罪乃已或日母盛怒卒閉戶拒之嗣瀛跪戶外終夜隱聲泣母察之無聲意已去平明開戶見狀母子相抱持大哭婦聞感且悔前叩頭謝矢不敢亦大哭竟孝其姑適於常婦久之母病力所能爲者皆爲之每夜半起拜北斗凡四十九夜及母卒哀毀骨立

同時王學旦字景周生四歲而孤母阮守節撫之及長娶妻劉其年遇火大父棺在堂學旦急呼妻黨同昇棺及扶足踏扶棺自足上過裂跗出血而學旦不覺也事母甚謹日理瑣屑夜侍母言笑不命去終弗去母或不歡力勸慰之或怒未及理長跪請罪既而劉卒繼娶楊偶不相說曳杖率婦跪母前至老不稍怠

清

陸興濤
字靜波

幼喪父孝事寡母爲儕輩所推重咸豐十一年太平軍踞郡分立鄉官強興濤以職嚴拒之同治元年奉母避亂山中時母患風疾興濤謹侍其側遂爲所虜不屈投水死

同時李嗣梁張德濤朱德章范多禮盧友煒友焯兄弟並以侍親不能走爲賊所害有孫爾璇者諸生賊執其父鶴年爾璇涕泣請代乃舍其父而驅爾璇行未幾被殺

清

項承均
字毅齋

性至孝嘗刲臂瘳母疾咸豐十一年太平軍陷郡城有弟承圻爲所虜承均訪得之詣軍乞以賄贖主者索馬一乘絹十端番銀三百餅貧無出乃轉貸勉足之時方大雪承均牽馬負絹銀

跳足往納承圻得釋出兄弟相見互抱大哭一軍感動連呼好兄弟好兄弟乃返銀絹僅收一馬且命兩卒護之歸光緒三十年浙江學政陳兆文聞於朝奉旨旌表如例

清 盧杰

字卓人 號幼竹

生有至性童年事父以孝稱十三而孤事母益謹家貧僦居破廬不蔽風雨母又病澣濯炊爨皆身任之待弟妹極友愛盧氏故世家多藏書杰與弟椿並嗜學有聞於時道光十九年舉人明年西夷構釁郡始多事三十年中籌振濟饒率取辦於勸輸杰以學行為鄉里推重當道皆倚之然公事外未嘗入一刺知府楊鉅源嘗曰非公不至盧君信無愧矣有兄弟以爭產訟求為關說願饋五千金杰曉之曰若以金與我盍稍益之以與兄弟訟可解若先人亦瞑目矣遂罷訟杰為學務在實踐動不忘親常自指其手足耳目謂此吾父母之所遺也何敢蹈非禮以辱吾親遇祭享雖病必扶掖拜跪以薦墓祭必伏地而泣哀動左右西夷屯江北岸將開馬道於鐵沙匯盧氏五世祖墓俱當其衝杰往見會長反覆辨論會長感其誠許為改道墓得無恙祖鎬為全祖望高弟全氏遺書若七校水經宋元學案並藏其家杰承先緒成就寶守水經稿佚其半覓得完帙其後慈谿馮雲濠刊學案平定張穆刊水經皆杰所出稿本也晚歲多疾簡出惟里中善舉猶月至公所與同志相商權焉以籌饒敍勞授光祿寺署正銜卒年八十五

清

傅光前 字禹侯

少孤家貧以負販為生事生母鮑繼母陳惟謹一日之入盡市甘旨以悅母而已與其妻鮑氏屑薯絲為飯恐母不安常祕勿

祖鎬別見

同族弟孝先一名芝範字行初貢生有至性嘗割臂瘳父疾兄弟八人分產辭腴受瘠及葬親又賣己田八百金獨成之宗黨稱其孝義生平律已嚴不苟於取工圍棋然不常作曰此小道耗心力不直也

子杏林娶張氏自少過門為養媳以孝敬稱父歿杏林廬墓張侍姑益謹姑病

清	清
毛廷振 字亦陶	陳順桂
<p>令知繼母病危嘗禱天願以身代而卒不救生母又病乃割股療之光前行販在外不常家居鮑氏則以女紅佐夫供饗煢侍奉不稍離左右鄉里稱為雙孝</p> <p>諸生有至性事親盡色養居喪哀毀三年不入內室教授生徒亦諄諄惟孝友是勸生平好學喜吟詠有陶齋詩文稿若干卷</p>	<p>母丁嘗當暑中流疾已數日不食飲惡道滲漏牀蓐殆徧家人懼傳染皆出避順桂獨守不去醫藥既勿效乃夜屏人露禱庭中割股煮湯以進母飲已霍然蘇人未之知也自是順桂勿袒臂臂衣上漬血人始疑之光緒某年以孝子旌</p>
<p>思甘飲時久旱無雨求不得乃跪地虔求於天忽大雨盈寸姑病良已人稱其孝感云</p> <p>同時王信德字實夫歲貢生事節母忻能得歡心生平好讀宋儒書為學主誠實不欺晚年有意著述未就而卒</p>	<p>子安煦字秉耐家貧賣藥慈谿市潛心方書十年始行醫問世活人無算性至孝婦楊亦賢淑嘗因小故忤父父操杖逐之安煦欲逃婦訶曰止舅年衰勝蹉跌乎安煦悟即跪受杖父怒亦解時安煦年已三十餘人以是尤稱之生平無他嗜好惟好酒性耿介矜重雖醉不失禮僑寓慈谿數十年所交皆知名士與梅調鼎尤善</p> <p>孫祥翰字季屏畢業京師大學歷任寧波效實中學校長教員性厚重不苟於行晚年致力詩律為義寧陳散原所賞年六十卒</p> <p>龔棟字雲飛業農亦以割股療父病不自言人多無知者</p>

清

夏慶增

字芷津

諸生事祖母孝祖母患風痺家貧不能畜婢媪慶增扶持抑搔朝夕躬任不辭勞祖母卒依從父祖烈咸豐十一年太平軍陷郡城祖烈殉焉慶增冒險入城中求屍得於萬壽橋下從弟德行亦陷軍中復以計出之瀕死者數矣卒奮義不顧初慶增聘於孫問名矣而未納采有富室重慶增學行欲妻以女許賸田宅百萬慶增不可曰吾固貧也苟貧是其人奚足重而欲增之人尤以為難云

同時侯慶美字生孝為人厚重年四十猶無子妻張賢為聘妾入侍慶美以其年少閱之曰無子天也我終不可誤人青年不納擇婿嫁之已而張亦舉一男人謂陰德之報云

清

張祖銜

字品階

諸生幼孤事母范非躬執役不安於心飲食澣濯之事雖至猥細不假人手娶妻王未久即死遂不復續有勸之者曰為貧家婦難得賢吾不願有不賢婦而重累吾親也或曰無後非孝也曰娶婦而必得子乎況吾弟已有子也終不娶母歿葬灣頭鄉距家且十里母生時畏雷每入夏天將雨即先奔墓所跪告曰兒在此母勿懼如是者至老未間為鄉里師以躬率教立規條榜之有犯者反覆告誡後取盂水洗犯者心以為罰弟子多感悟循禮法步履動作皆遵所教見者即知其為張氏門徒也生平喜集鄉人講演古孝子忠良故事激發羣衆天性聽者人人爭相切勵學使者陳彝聞之書為仁有本四字榜其閭門及歿鄉父老子弟咸來執喪人持一竿爭舁柩至殯所惟恐不及其得人心如是事聞於官令耐祀清灣廟

祖銜為教推仁錫類而及於路人見白髮丐者到門必肅然起立而問諸生亦隨之雖坐人或譏其過勞則曰夫子所謂老其老以及人之老者何居耶晚年窮益甚寄食於弟家常飯三器猶縮三之一儲以食貧人鄉有水利工役必出為督束芒鞋屨

			笠不避風雨他 義務稱是不勝 僂指云
清	<p>樂嗣法 字麗水</p> <p>三歲而孤家貧稍長為人牧旋隨鄉人之滬備於僑商性開悟好學數年盡通西語念西商有星期休假之例母老以滬甬阻海不時至乃棄職歸為甬上僑人司材庫嗣法家在寶幢村去甬尚五十里每星期必徒步歸共子職惟謹自是至母歿未嘗一日間既葬廬墓亦如之人以為難服闋復出滬營業業大振比老即歸築室薛山下迎兄同居怡怡娛年終身蔬食非祭祀不殺生曰終不以口腹故輕物命也其仁慈如此</p>		
清	<p>方洪源</p> <p>家世經商僑於吳淞年十二歲隨母來滬遇險輪船覆洪源遇救上岸遙見母探首艙外呼救窘急無計奮身投江遂沒越旬餘始得洪源母子屍兩手猶抱母也寶山縣上其狀江蘇學使為奏請於朝旌如例</p>		
清	<p>蘇象賢 字子嘉</p> <p>諸生生平樸訥少文為學務實踐尤敦內行聞同邑忻秉良仲安昆季事母孝徑造其廬修弟子禮步趨惟謹仲安歿不克葬為經營奔走成之家貧授徒自給緇牀甕牖布衣疏食晏如也國變後完髮以終</p>		忻秉良忻仲安 事無考但為象 賢推重如此其 人自有其實非 尋常者比也附 志其名於此俟 異日訪補云

清

范麟

字文輝
號玉磨

貢生性孤特制行清苦研窮經義無間寒暑事母孝兩娶皆前卒自以早衰且慮無以愜母心遂不復娶安貧糲食而奉母極豐腴國變後閉戶讀書不與世接或市肥鮮供母每出必以夜蓋編髮如常不欲以自見也

祖源澄字秋涿嘉慶三年舉人官山陰教諭父顯藻字淦蘄皆能詩同時水渠成字愷彥光緒十五年舉人家貧授徒養母每晨出市甘鮮以奉而自食糲糲人以爲難

國民

劉春才

本慈谿人太平軍陷慈谿父被虜時春才八歲母周挈以來鄞既長貧甚習竹工養母每旦起爲具盥巾飲食畢乃始就主者工作間得酒食勿食必歸饋母時或肩所製竹刀用五色花緣其刃刃下滿結他竹器入市巷叫賣手足舞蹈謳而行且行且嚮遙望母至輒踴道旁以須母過始起如是四十餘年而母歿春才奉木主於家出告返面事之如生白巾至九年始除里人李某敬其人結社公祠於道署側俾春才守焉民國十四年春才年七十三卒市人識與不識聞而集者百餘人既醮金爲殮復爲營墓浮石亭側並立祠祀之喪之日白衣冠拈香花送者不絕數里其爲人敬慕如此

春才歿之前一年縣紳張美翊等十六人公呈國府請旌表大總統黎獎給黃綬銀章題頒楔語同年鄉人又爲立生主於縣之忠孝祠

國民

石良朝

塘界鄉磊村人少孤母史撫以長業竹工日傭里閭博資養母凡工必早出晚歸良朝則日中再三返主者知其孝亦聽之有新饌母未食不先食一日主以黃花魚給饌良朝不食起就主請工資急如市市奉以歸烹心乃安如是者三十四年未嘗一息忘母母晚年喪目良朝侍益謹或勸納婦藉分勞良朝曰賢婦難得不賢益吾憂胡可哉遂養母終身鄉里敬其人稱孝子而不名富室某閔之齋金往壽直良朝備於外自上之母母

民國某年縣大疫當未發時良朝村人見川航中人影戢戢忽空中有呼者曰此石氏村石氏有孝子勿犯村

曰吾兒不願浮取人此儻來者即受兒卒必走返之徒勞將耳終不受民國十五年母病歿良朝哀痛過亦病病五年亦卒年六十八鄉人共葬之磊村前漕

人以爲盜鳴衆逐之無所得翌日疫發石氏族獨免人始寤前所見者厲也

國民

畢詠霓
字釐鴻

家貧未讀書業買他鄉父病請歸侍不得久乃得父許遂不離左右父病劇醫藥無效詠霓乃割臂肉煮藥進之病霍然起詠霓祕不言臂運用如常人亦未之知後以浴始露臂乃得其顛末鄉里皆敬之

國民

章紹洙
字魯泉

年十五成諸生十六赴省試未終場聞母病即歸母卒哀毀逾常情又三年父又病喘甚劇紹洙日夜侍側調護備至每至深夜輒焚香露禱求以身代無何病危割臂肉和藥以進仍無效紹洙自憾精誠未至不能格天願以身殉潛服毒匿臥書齋中及家人察覺面無人色急求醫灌救乃甦臂上割創因是發見蓋其割臂時極祕無一人知之也父歿兄弟八人紹洙行二獨自承力肩教養之責使一家生計無缺戚里稱其孝友云紹洙以光緒十二年成進士官刑部主事歷署東鹿行唐內邱無極靈壽等縣陞攝長春府知府有惠政入民國任總統府祕書袁氏篡國遂謝歸不出年五十四卒於家

紹洙知長春時有富民逼奸戚婦致死紹洙讞處極刑富民以四十萬金請免死巡撫亦爲言紹洙不爲勦卒置富民於法

鄞縣通志人物編

孝義
民國

人物類表第七 節概

漢 梁弘 鄭雲 王修

宋 劉相如 史璟卿

明 方全翁 金華 豐熙 王相 蔣洲 陳可願 王孫鑰

朱浩 全大震 范天翼 萬泰 子斯年 斯程 斯備

董德樞 莊元辰 林時對 兄時躍 陸宇燁 弟宇燦 江漢 王來成 葉謙

陳士京 沈光文 倪元楷 毛聚奎 王應玘 高宇泰 子奕宣 王玉書 邱子章

張 棬 戴菴翁 李文纘 駱國挺

清 周容 李鄴嗣 子暉 董璘 弟琅 張嘉金 朱學濂

張震初 子謹 周祥千

民國 趙家蕃 趙家藝 翁傳泗 項世澄

右自漢迄民國二十一年得五十餘人皆抗志慕義不屑屑於世俗所謂節概之士近之矣其間甄采各有歸的如豐熙王相不入

仕績則以其所爭大禮議不關於國計民生而猶蹈死不顧以出之謂爲功績不如高其志節之爲當也王孫鑰周祥千之徒雖居鄉隱約要皆有爲人之意祥千興於織業未聞大義而能捨一己之生命覺閭里之積厄此少顧身家者不爲也明末甬士激發忠義前踣後踵視死如歸而范高林陸諸族冒不貫之誅行無報之事其志皎然而大白其心隱然而彌痛非烈士之歸而誰與歟改革之際人才影從官不以階富不以資淮南雞犬盡屬而仙獨趙氏兄弟功不責報困躓以死一時新貴至不復能舉其名其所操何如耶項世澄多材善賈塵門之雋也而能力抗強敵至死不屈則與雍容肉食不知有民族之義者孰賢嗚呼世亂俗弊相漬於時化大利在前每不惜棄名毀譽而驚之節概云乎哉述節概第七

時代姓名行

誼附

述備注

漢 梁弘

爲句章主簿楚王英謀反陰疏天下善士及事覺顯宗得其錄有會稽太守尹興名乃徵興詣廷尉獄弘與戶曹史陸續功曹史駟勳及掾史五百餘人詣洛陽詔獄就考諸吏不堪痛楚死者大半惟弘續勳掠考五毒肌肉消爛終無異辭

鄭雲字仲興學韓詩公羊春秋與梁弘皆爲主簿敦始終之義州里稱之

漢 王修

順帝漢安二年爲揚州從事嘗因軍人殺歷陽太守伊曜修誓衆奔入賊營取曜屍葬之人服其義

宋 劉相如

故大俠也建炎三年高宗幸海張俊自越至欲走無舟上賜俊書許以捍賊成功當予王爵俊猶狐疑相如以忠義激勸之且爲畫策俊始揭榜通衢因與金戰破之王應麟以爲相如功不在三老董公之下

宋 史璟卿

字景宗
號虛舟

年十八適伯父嵩之當國紛亂政事瑯卿以書諫曰伯父秉天下之大政必能辦天下之大事膺天下之大任必能成天下之大功比所行寢不克終用人之法不待舉削而改官者有之譴責未幾而旋蒙敘理者有之丁艱未幾而旋被起復者有之借曰有非常之才有不次之除醜恩異賞所以收拾人才而不知斯人者果能運籌帷幄獻六奇之策而得之乎抑亦獻路幕賓而得之乎果能馳身鞍馬效一戰之勇而得之乎抑亦效嬰奴僕而得之乎徒聞苞苴公行政出多門便嬖昵私狼狽萬狀祖宗格法壞於今日也自開督府東南民力困於供需州縣倉卒置於應辦釐金帛輓芻粟絡繹道路曰一則督府二則督府不知所幹者何事所成者何功近聞蜀川不守議者多歸退師於鄂之失何者分戍列屯備邊禦戎首尾相援如常山之蛇繼揚

璟卿無子以從子綜伯字實甫者爲後宋亡歎曰時事如此修身齊家以俟太平可也綜伯從弟彥伯字文甫亦遜迹不出云

則有趙葵廬江則有杜伯虎金陵則有別之傑為督府者宜據鄂渚形勢之地西可以援蜀東可以援淮北可以鎮荆湖不此之圖盡捐藩籬深入堂奧伯父謀身自固之計則安其如天下蒼生何是以飢民叛將乘虛擣危侵軼於沅湘搖蕩於鼎澧江陵之勢苟孤則武昌之勢未易守荆湖之路稍警則江瀨之諸郡焉得高枕而臥況殺降失信則前日徹疆之計不可復用矣內地失護則前日清野之策不可復施矣此隙一開東南生靈特几上之肉耳則宋室南渡之疆土惡能保其金甌之無缺也盍早為之圖上以寬九重宵旰之憂下以慰雙親朝夕之望不然師老財殫積用不成主憂臣辱公論不容萬一不畏強禦之士繩以春秋之法聲以討賊不效之咎當此之時雖優游菽水之養其可得乎異日國史載之不得齒於趙普勳臣之列而乃廁於蔡京誤國亂臣之後遺臭萬年果何面目見我祖於地下乎人謂禍起蕭牆危如朝露此愚所痛心疾首為伯父苦口極言為今之計莫若盡去在幕之羣小悉召在野之君子相與改絃易轍戮力王事庶幾失之東隅收之桑榆矣如其視失而不知救視非而不知革薰蕕同器駑驥同櫪天下大勢駸駸日趨於危亡之域矣伯父與璟卿親猶父子也伯父無以少年而忽之則吾族幸甚天下生靈幸甚我祖宗社稷幸甚居無何璟卿暴卒相傳嵩之致毒云

明
方全翁
字希元

博學力行志不仕元已而方國珍據有明州致書以宗人稱欲強起為輔全翁歷敘世次由莆來不敢附籍且勸之歸明國珍不從遂與之絕號遜翁以自明其志

明

金華

字宗實

生負志節洪武中從戍燕山衛兄忠以下事干成祖靖難後拜兵部尚書華心之薄忠守通州有功欲推恩官之華辭不就嘗召賜金綺亦不受成祖目為迂叟賜歸居東湖韓嶺足不履城府坐斗室寄情經史手點書餘萬卷至老不懈遇朋從往來詩酒為樂興至泛舟湖上釣月吟風竟夜而還忠嘗迎華至金臺官舍未浹旬謂曰汝祿雖萬鍾其如我湖山樂何遂拂袖歸忠卒復召見賜金綺華謝曰臣布衣野人不敢用此年八十七一日讀宋史至王倫附秦檜事撫掌發嘆而逝自號白雲野叟

兄忠別見

耆舊集載華湖上詩云湖頭蜂蝶共尋春只有啼鵲最惱人便與黃鶯一樣打無人識得是君臣其寓意甚感慨

明

豐熙

字原學

年十六喪母水漿不入口者累日居倚廬三年郡守姜昂稱之曰此吾郡顏子也弱冠師姚鏡受毛鄭詩舉於鄉弘治十二年廷對孝宗親閱卷大奇之置第一已而易置第二然上心重熙特同賜狀元袍帶嘉寵之由翰林編修遷侍講修孝宗實錄遷右諭德劉瑾方用事朝士多媚之熙獨不附瑾啣刺骨出掌南京院事考滿歸省乞終養不報時熙有重望中外傾心謂當大用而忌者中沮久不調世宗即位進翰林學士與獻王大禮議起熙偕同官數力爭及召張璉桂萼為學士方獻夫為侍讀學士熙昌言於朝曰此冷裒段猶流也吾輩可與並列耶抗疏請歸不允既而尊稱禮定卜日上恭穆獻皇帝諡册熙等疏諫不得命相率同官伏哭左順門帝命司禮中官諭退衆皆曰必得兪旨乃敢退自辰至午凡再傳諭猶跪伏不起帝大怒遣錦衣衛先執為首者於是熙等並繫詔獄杖之闕廷遣戍福建鎮海衛璉等既得志乃相率請釋謫戍諸臣罪皆首及熙上以熙為黨魁怒終不解會九廟成覃恩刑部尚書唐龍錄上充軍應赦

子坊別見

王相字懋賢嘗授徒高錢山中每夜灼一燈誦不休飢則拾躑鴟火而啗之或竟夜不眠正德十六年進士選為庶吉士愈自攻苦如寒士為文根柢六經而步武莊列仲紙濡毫頃刻千餘言諸學士奇之嘉靖元年授編修三年上欲考與獻帝舉朝爭之不得相乃與同里學士豐熙等招大小諸臣二百餘人同跪文華門外哭諫聲聞大內上大怒命繫為首者八人於獄次日即拷訊杖三十諭旬再杖之相竟卒年三十七時杖殺者十七人以相舉首後府經歷俞敬奏言相等已死宜恤其後通政使經歷李繼先亦言乞錄恤死者帝皆不省久之

熙博極羣書潛心六經尤邃於禮為文古雅典則至金石之作更所擅長在謫所自號五溪又號白庵晚號一齋隆慶初始追贈官賜卹

者百四十人率得宥所不原者熙與楊慎等最後謹身殿災熙年且七十給事中田濡復請於宥卒不聽居十有三年杜門著書絕口不言時事嘉靖十六年竟卒於戊所

都御史陳洪謨備陳相等妻子流離狀請卹於朝隆慶初始贈官蔭子燧為國子生相從弟杰嘉靖五年進士任大名府推官嘗署府事潞沐兒河盡除貴戚之壅水為利者又嘗署開州豪民馬千頃與厚貨為饋輒發其奸置之罪以治行稱既徵召而卒

明

蔣洲

字宗信

號龍溪

諸生好遊俠愛客高睨大談終日不倦以故人樂與之遊嘉靖三十三年王直句倭入寇烈港直欲人自少有異徵長與其徒入海載違禁諸物往來互市於日本暹羅西洋諸國費累鉅萬各島君長並信服之尋招集亡命據薩摩洲之松浦僭稱徵王時遣部下剽攻沿海郡邑會胡宗憲開府浙江歷訪奇士洲里人都督萬表留心人物謂宗憲曰里有蔣生者縱橫之士也宗憲遂介表置之幕府洲曰漢之困於匈奴由中行說也宋之患於元吳由張元也自王直航海遂有東南之禍直母妻與子盡在我地彼雖作賊骨肉刺心公如開以丹青之信未有不就我約束者宗憲曰此名計也乃釋直母妻於金華獄資給甚厚旋奏乞遣使宣諭日本國王令其禁戢島夷以弭邊患實欲句致王直疏入上命廷臣議之咸稱曰便於是假洲以市舶提舉服色充正使以陳可願副之令布政使為檄宣布朝廷德意曰王國自太祖高皇帝御極以來世秉恭順貢獻天朝天朝待王恩亦不薄上下安和恪承天道各保生民今爾倭劫掠居民念惟王國法令嚴明部民盜一雞一犬者必殺無赦豈有縱民侵劫

陳可願諸生嘉靖間王直糾倭夷入寇沿海悉被殘破總督胡宗憲奏乞宣諭日本國王募能使者可願請行假市舶提舉充副使偕正使蔣洲往三十四年十一月至其國見直諭以朝廷遣使之意直為感德留洲傳諭各島明年二月令葉宗滿王賢及養子激同可願回寧波可願既歸嘗云吾使日本經歷海中諸山注意觀之陳錢乃孤山突出極東大洋水深不可下旋又無巢可泊惟小漁舟盤槳至此即以舟拖攔灘塗採捕後仍拖下水而回欲以此為期會之地恐不便也馬蹟大衢洋山則不然蓋馬蹟有小潭可以泊舟此山雖在陳錢之西離大衢尚遠賊舟西來一過陳錢卽是馬蹟以此為會哨之地可也大衢與

之理必是欺蔽國王私出爲非故特遣正使蔣洲副使陳可願移檄報知王若能守祖宗之大法思聖朝之厚恩憤部民之橫行嚴加約束不許私出沒海洋侵擾中國使邊境寧靜釁隙不生共享和平之福本司卽爲王奏聞天子必有大旌勞之典史册書美光傳百世豈不快哉否則奸商島民扇構不已黨類益繁盤踞海島窺伺竊發恐非王國之利如昔年安南國王陳氏之禍可鑒矣今日移文報知亦非爲中國也王其深體而速行之洲等捧檄以行宗憲復釋先犯海禁繫獄未當禮胡節中令各募二十人輔洲等爲向導三十四年九月開洋至小衢山十一月抵五島遇直養子激洲道以移諭事激曰無爲見國王也此間有徽王者島夷所宗令傳諭足矣明日直出客館旌旗服色擬王者殊作意氣洲諭以朝廷遣使之旨及宗憲招徠之心且曰君卽不念祖宗墳墓獨不爲老母妻子計乎國家方急東方誠以此時罷遣徒黨此萬世之功也不然倭情貪狡國家維帛無限購君萬里之外不異庭除矣直感其言心動又知母妻無恙乃曰夷意惟在求互市而已旣朝廷有曠蕩之恩吾當爲若等謀之因留洲與之同食遞衣言無不盡偕返松浦日本以天文王爲共主然號令不出國門各島自相雄長豐後山口又最雄者其入寇多二島之人直與洲同行宣諭三十五年至博多津召其頭目賞賜之四月至豐後詰其罪島主稽首願貢方物凡筑前肥前五十二所羣盜盡殄五閏月始至山口島主虔奉如豐後送還被掠指揮袁璉奉表謝罪馳啓天文王十二月天文王下教所部周昉長門等一十二島徧行禁約對馬薩摩

長塗相對其西有礁無壘不可以泊舟其東面有衢東壘者可容廣福船四十隻但水震盪不寧舟泊於此久則易壞不如以大舟藏於長塗之北而以哨舟泊於衢東壘遇警舉號招廣福船剿之豈非長久之計乎但大衢在北長塗在南相離不過半潮之遠潮從東西行兩山東縛其勢甚疾哨船戰船遇潮來與落時皆難橫渡俟潮平然後可行也其洞晰形勢如此

姦宄尤多俱駭散二十六年四月洲同直發松浦海舶數十隻
貢使四百人流寓六百人碇定海關七月洲及貢使僧德陽先
入而直艦爲颶風飄墮朝鮮不得借來洲在日本三年諸帥疑
其篋盈兼金從之索賂不應嚴嵩亦望有海外奇貨洲又無以
自通乃因直之不至謂其空言無實巡撫周斯順遂劾洲下獄
九月直始叩關覺情狀有異先遣激見宗憲曰吾等奉諭來謂
宜信使遠迓而宴犒交至也今兵陣儼然公其給我乎宗憲開
諭百方直終不信曰果爾可遣激出吾當入見且要一貴官爲
質宗憲立遣指揮夏正借激往直意稍解乃入謁宗憲頓首言
死罪且陳與洲馳驅出百死從此海有恬波矣宗憲慰藉之甚
至令至杭見巡按王本固本固下直於獄宗憲與直同鄉洲出
使本許其互市授官及直至多流言宗憲受賂數十萬爲之貸
死朝議閔然科臣徐浦復劾宗憲濫課軍需陰縱蔣洲勾引東
倭宗憲大懼因盡易曲貸王直之疏謂以誘直爲祕計直罪在
不赦且謂洲曰吾方不自保何能敍君功不怠息壤酬君請俟
他日遂疏云蔣洲宣諭日本已歷三年所宣諭者止及豐後山
口豐後雖進貢方物而無印信勘合山口雖有金印回文而無
國王名稱是洲不諳國體計其擒直合應功罪相準有詔誅直
後御史趙孔昭以洲專命往使不達其王謂爲直黨遂繫洲詔
獄論死巡視軍情郎中唐順之謂不赦洲將來者必以使絕域
爲諱而阻宣力報效之心復奏釋之洲出獄茫然自傷會尙書
譚綸在薊遼召洲參其軍事欲使一得當以就功名洲流涕而
言曰洲本書生萬里航海父衰老而待盡妻憂怖以致死洲皆

不願惟欲爲國家樹尺寸之效乃功成而謗興屈捐命之功比贖罪之例淵復何望哉公休矣綸嘆息久之隆慶六年洲中寒病卒於昌平之旅舍

明 王孫鐘

字東鼈

萬曆元年舉人授教諭陞臨江府通判會鄉人爲監司心輕其人恥爲屬遂罷歸家居布衣蔬食處之怡然未嘗干謁至勢豪殃民吏胥積蠹則造公府陳之無所畏忌細民受冤者多賴伸雪人稱其亢俠

明 朱浩

字大化

生九歲而孤十四挺身走京師依伯兄泗泗方以賢豪遊縉紳間浩至泗以少故身程督之浩遂嚴事兄出入不違泗奉例出典崇王膳將其母之汝南浩亦補枝江王食官初謁王王試問數事浩徐起對甚辯王故自矜及聞改容禮之浩因陳說古今興亡理亂之際致諷諫焉王意嚮之一切聲色奇麗之好多卻不進王疾革子幼傅相賓客入候者以十數王獨召浩榻前受遺令佐嗣王子嗣王子未及立而列浩又親視舍殮已哭而退曰吾所以報先王者有餘責也遂家江陵初泗歿浩遣其子廷用至汝南迎母又以季弟淵娶婦留京師亦呼至江陵分田宅與居及嫁婚其子女母故生長鄞性嗜海錯及筍楊梅諸物浩繞舍種竹移楊梅於吳顧江陵去海遠則多與越賈人金錢令致之其養親撫屬皆過人云

明 全大震

初名大霖

字二何

少負異才治詩古文詞塔於陽羨吳氏吳故巨富資妝數萬金隨手而盡放浪不可一世以父天敘恩入太學初至京大學士施鳳來招之東閣時魏忠賢方盛鳳來依阿奉命大震乃謂之曰閣下當有以制權璫而願爲權璫制乎卽令如茶陵之於逆

子美閑字吾衛號葦翁詩書有父傳而畫馬獨入神以名節自勵雖貧弗恤婦翁陸符奇之曰此郎他日不僅以風雅稱也國難旣作從戎江上累授御史監

關西許次龍者豪士也大震嘗贈以詩有曰橫犀貫玉高車馬

號非堂

瑾已不能使天下後世白其心跡況未能耶竊爲閣下危之鳳來不喜大震謝曰一介書生閣下卽麾而去之非所怨也遂不復往御史周昌晉陳朝輔皆待大震厚然大震以其附奄也累斥之於是連試順天皆不得售已而朝政一新大震有極陳時政疏將投匭會有不嫌於中者嘆曰尙非其時也拂衣歸

軍已而東歸自以明室世臣不仕集親表巨室子弟爲棄繻社始美閑畫馬其藍本實出趙松雪至是諱之曰吾所師者宋遺民龔聖子或有賺之者輒盛稱聖子之人美閑欣然出其得意之筆以贈而舊時箱篋所貯有出松雪者悉焚之其實聖子之馬世無傳者美閑特重其人而已魯王次翁洲美閑貸其祖遺居供應之自是益貧而畫馬自若監國召爲樞曹未赴翁洲破亡命壬寅除夕被捕次年送禁省獄聞將庭訊仰天嘆曰吾不可辱是夕暴卒

不見廠臣並陛下如今天子忽異常開口要進虞與唐聞君萬言書滿紙草成不上果何以抱璞荆山每見擯折弩千鈞羞再進紀其事也晚客白下過太常莊元辰官舍每爲設食將徹出袖中一油楮裹其殘炙去其窮至此大震精書法各體皆工以餘技作繪事詩則橫逸絕羣里中陸符最持標格猶心折之以女妻其子

明

范天翼

字眉翰

初名飛鵬

字仲鵬

定海人後居甬本鄭姓母朱氏甫育天翼而夫亡更適陳某先是陳某亦從其母長於范因冒范姓天翼遂從焉及長善讀先秦西漢書及歷代史過輒棄去癖好春秋有椒解不守師說黃端伯為推官每獎譽之與王家勸最善而試不遇嫉天翼者益譏議之范族之悍指其先世以虐侮天翼雖知為鄭出而其母不忍告乃引刀大呼自截其髮傷左手鮮血迸地及母卒視含殮大哭失聲而死時崇禎五年也年僅二十八

明

萬泰

字履安

晚號悔庵

崇禎九年舉人自為諸生即與同邑陸符從學劉宗周毅然以名節自任時黨爭正紛浙人不與復社相通泰首偕符應之諸名士無不倒屣以迎會有保舉之詔當道欲以泰應讓之符符性剛於世間崑瑣之士叱之若狗泰稍和易然自一揖外不交談其人多惶恐退去泰嘗與無錫顧仁吳吳縣楊廷樞蕪湖沈士柱餘姚黃宗義聚講南京惡阮大鍼甚作留都防亂揭逐之東江建國以戶部主事司兵餉充日講國亡遁入榆林已而榆林亦被兵乃復歸公車敦促長歌謝之然日益忽忽不自得燕人梁以樟至鄞約同志六七人與之倡和其音淒絕吳鍾巒死泰購得其遺稿手抄傳之泰始未嘗作詩遭亂以來足跡所至輒以詩紀其遺事表其逸民宗義謂泰詩為詩史孔子所不刪也其推重如此生平最重倫理女兄弟五人所適皆貧士泰有無共之給其終身高斗樞欄父子蒙難泰與大將之記室有舊聞之蹙然曰吾不出獄不解也為至會城以奇計出之柵死杭州泰以其喪歸晚遊粵東返棹有同年生毛汧染疫將死同舟皆欲棄之泰獨收視親調藥物泝得生而泰病卒年六十

父邦孚別見

子八人斯年字祖繩少從錢肅樂學為高弟俄逢喪亂劍戟紛然遍於城市斯年讀書不輟既而避地屢遷家具盡棄悉載書卷以行後主桃源書院隨學者資性分經授之由是來就者多斯年於三黨皆有恩意肅樂死海外收其文集並為立嗣以供祀事斯程力學攻醫當黃宗炎行刑之日泰與高斗魁等畫策潛載死囚代之斯程即負宗炎冥行而遁斯禎字正符孝友性成精研周易旁治毛詩春秋書宗北海詩有風人之致斯昌負才早歿斯備字允誠隱居不試工書法兼精篆刻詩則搜索意匠字句無不雕磨婦翁李鄴嗣愛之互相倡和相依二十餘年如左右手及鄴嗣

明

董德稱

字平之

一字銘存

少負氣節與族兄守諭齊名人稱守諭曰北董德稱曰南董皆有聲復社爲人孝友力行應圭知鄧州被寇圍德稱見星而行三晝夜抵五百里絕城以入時應圭病見德稱相持而泣崇禎九年試於杭聞母病大旱無所得舟徒步行至則母病愈復赴之適當試期得售十六年試於京適從兄德襄卒德稱邸舍相去十里爲視舍殮則禮闈唱名已過以情告乃得入尋扶德襄櫬歸乙酉六月參豫畫江之師破家輸餉授戶部主事以居憂故不受官已而事去息影衡門泊如也然山寒海澹時通消息庚寅馮京第之難其監軍黃宗炎已就死德稱與萬泰李艱嗣以奇計救出之辛卯張肯堂之孤以俘入德稱與宋龍陸宇燝又救出之王辰遣使奔問故王左右致以屏屨甬上諸義士苟有謀未有不就之者德稱與弟德偕孿生德稱貧而德偕尤甚諸子每日以壺酒簞豆進德稱食之舍其半而手揭以授德偕久而諸子知之乃先進德偕而後進德稱德稱始爲之盡器晚年目疾猶終日手抄書不倦爲詩稱情而出感慨身世原本忠孝其卒張煌言在海上哭之慟以詩挽之

輯甬上耆舊詩斯備搜訪之功最多爲人和平長厚篤於兄弟之誼先世甲第爲帥府所據斯備晚年束脩之入粗治數椽均之於長兄之子言云斯選斯大斯同皆別見

父應圭子允瑄允珂允璘並別見

明

莊元辰

字起貞

晚字頑庵

崇禎十年進士授南太常博士八載不遷日與僚友砥礪名節每聞君國憂危輒慷慨泣下甲申之變一日七至中樞史可法之門促以勤王福王即位議選科臣都御史劉宗周給事中章正宸皆舉元辰為首而馬士英勢方張欲盡致朝臣出其門下遣私人致意曰博士曷持門下刺一謁相公掌科必無他屬元辰峻拒之士英怒遂傳中旨僅授刑部主事卹刑江南公論為之不平已而士英日橫且欲興獄盡殺復社諸名士元辰曰禍將烈矣遽出都賦招歸詩十章以志感末數月而南都陷錢肅樂之起事也元辰破家輸餉時降臣謝三賓欲梗師為王之仁所脅不得已以餉自贖及肅樂與之仁將赴江上謝三賓潛招兵於翠山衆疑之貢生王家勤謂肅樂曰倘北兵以舟師由鹽官來搗列城且立潰矣非分兵留守不可肅樂曰是無以易吾莊公者於是分兵千人屬元辰城守以四明驛為幕府元辰請以家勤及王玉書林祚隆林時躍參軍事肅樂乃西行元辰日耀兵巡堞里人呼為城門軍是役也危城岌岌賴此以鎮而三賓亦不敢動遂以翠山之衆迎魯王於天台自七月至十月鄭始解嚴王召元辰入朝晉吏科都給事中尋遷太常少卿再遷正卿兼吏科如故元辰上疏極言毋耽近娛而忘遠害毋狃小喜而遺大憂疏入報聞又言中旨用人乃福王秕政臣叨居科長斷不敢奉詔王亦不能用自是元辰累有封駭謝三賓皆結內侍力阻之而馬士英又至元辰言士英不斬國事必不可為遂去未幾清兵東下元辰狂走諸深山中朝夕野哭丁亥疽發於背勿藥謂侍者曰吾死已晚然及今死猶未遲門生林奕隆

有王藥師者字更生元辰門生居桓谿有雄略感憤國事遊諸幕府卒無所遇築室深山中曰運甓居後不知所終

元辰將去貽書同官林時對言藁爾氣象似惟恐其不速盡者區區憂憤無事不痛心疾首以致咳嗽纏綿形容骨立願得以微罪成其山野若非自汚恐必不免舉朝共留之而意決竟去元辰故美鬚願盼落落至是失其面目巾服似頭陀而又稍別一日數徙莫知所至山中人亦不復識忽有老婦識之曰是廿四郎也耶廿四郎者元辰小字也嘆曰吾晦迹

在旁曰請為吾師作大還詞以祖道反招魂可乎元辰曰試為我誦之奕隆誦畢元辰頷之者三而卒

明

林時對

字殿颺
號繭庵

少時與伯兄時躍喜言名節時躍引為畏友執經倪元璐門崇禎十三年進士授行人錢謙益聞其名招致之不往於同官最與劉中藻陸培沈宸荃相暱或風之曰冷官索莫何以自遣時對曰苟不愛錢原無熱地時人嘆為名言踰年使淮藩悉屏廚傳攜一僕自隨旋丁艱歸福王監國召為御史輪對上三疏言史督相可法之軍江北所以藩衛江南者也不當使之掣肘至於進戰退守當假以便宜左都御史劉宗周四朝元老天下山斗當置左右翰林檢討方以智忠孝世家間關南來不當誣以傳聞之說並留中不下時臺省混沓邪黨過半獨掌科熊汝霖掌道章正宸清望謬謬顧皆引時對為助阮大鍼深惡之遂與同里沈履祥偕去南都亡時對房師孫嘉績起兵餘姚以書來約時對為之後繼遂從戎江干為嘉績監軍佐其幕務章正宸熊汝霖于穎等以時對品行超卓鐵骨冰心疏薦魯王授兵科給事中會太常寺少卿沈宸荃分防瓜瀝與中樞不合每事沮格時對具疏言宸荃倡慈谿而全軀保妻子之臣從而沮抑其功媒孽其短何以服勞臣之心上納之宸荃始進太僕卿兼僉都御史時對尋掌工科遷太常寺少卿兼吏科晉太常正卿兼僉都御史監軍西征又晉副都御史屢上封事言江上諸臣

父文變性篤孝親歿哀毀踰節不踐內室者三年中天啓元年副榜力學嗜古杜門著述不妄交與及卒門人私諡孝介
兄時躍字霞舉號荔堂性穎異於書無所不讀方弱歲時司理黃端伯縣令王章咸賞異之雅負志節受業於劉宗周黃道周歸而與華夏王家勤為講社所稱鶴山七子是也甲申國變矢志勤王首先倡義懸御史陳良謨像於庠率同舍生哭之乙酉貢入太學錢肅樂薦為大理左評事直制誥晉御史未上江干事敗遷入桓溪山中丁亥華夏以帛書事再入獄密致小函於時躍屬以八歲孤時躍泫然灑涕而許之時仇家齟齬必欲覆巢取子諸大吏亦偵邏四出時躍出金脫孤暨夏之女於沒籍中以其女歸王家勤之子挈孤匿姓名走深山

尙未深耶元辰登賢書出汪偉門試南宮出馬世奇門論者以為鍼芥之合云

時對論人物不少假借同里錢光繡嘗學於黃道周又師事翰林張溥周鏞且學詩於錢謙益時對曰婁東朝華耳金沙羊質而虎皮者皆不足師謙益晚節如此又豈可師子師石齋先生而更名他師乎光繡謝之

宜合力進兵諸將擁兵跋扈無人臣禮又言戰功踰濫當核之及加銜挂印之太驟皆報聞其請急通海師之道及防江上渡口雖下其議而莫之行中樞余煌嘆息語時對以不能力持爲媿時對既常得罪於王之仁方國安及諸中官於是國安等以東林遺孽誣之遂去國歸博訪國難事上自巨公元夫下至老兵退卒隨所見聞折衷而論定之清康熙十四年當事以遺逸薦不就同年生來訪出處時對答之曰此事豈容決之人耶吾志已定爲君謀寧有殊同年生媿其言而止時遺老凋落殆盡獨時對年踰大耋幅巾深衣躑躅行吟莫可與語悒悒彌甚乃令小胥昇籃輿徧行坊市遇有登場演劇輒駐輿視之凡時對所至五尺童子俱爲讓道一日至湖上聖功寺巷中時對眼花不辨場上所演何曲但見有冕旒而前者或曰此流賊破京師也時對卽狂號自籃輿擗身下踏地暈絕流血滿面俗人亦共流涕觀者迸散是日爲之罷劇嗣是時對不復出掩關咄咄而已卒年九十一遺命柳棺布衣並不許狀請志墓云

與其妻鞠字教誨之踰十年累更肆赦乃爲之婚哭而誡之曰汝勝國忠臣之子也汝父死吾捧頭舐血而殮之汝母死吾躬市櫬木焉吾亦不料其得保身以保汝也今幸矣吾不負汝矣雖然父不肯帝子不肯王不具此骨汝終非華氏子也汝負吾矣乃爲復姓而遣之諸遺民爲作孤兒行以紀其事時躍深埋土室素心往來之人不過三四然海島浮槎密書旁午東寧訃至野哭者三日南屏訃至野哭者五日緬中訃至野哭者七日悲憤之餘發諸詩歌與高斗權高宇泰王玉書邱子章徐振奇徐鳳垣周志嘉錢光繡九人爲耆舊之會每聚必以晚節相矢繼以歎息晚年與鳳垣輯甲申以來粉社死事諸公各爲之小傳而取其生平著述之有係於名節者附之曰正氣錄弟時對少師事之垂老尙致敬無惰容少弟時雍亦有名時稱三林及卒時對與同志者私諡曰端節時對子麟錦字祥趾岐嶷不凡七歲日誦數百言過目不忘十二歲授古文詞胸無滯義爲諸生名噪薦紳間年二十七卒

明

陸宇燝

字周明

一字贛庵

生性任俠北都之變士大夫亡命者聞宇燝名爭來就識與不識皆加禮食客常數十百人迨南京亡慟哭學宮適董志寧張夢錫華夏王家勤毛聚奎皆集因謀起兵徧謁諸薦紳莫有以爲是者宇燝曰是惟刑部錢肅樂可語但彼咯血逾年不應客吾當排闥見之乃往直入臥內告焉肅樂即強起曰不敢辭宇燝曰決乎肅樂曰決矣遂行魯監國次會稽授宇燝監紀同知俄進按察副使仍監軍時馬士英逃至越匿方國安軍中宇燝陳士英十大罪乞梟其首以謝江左詹事王思任給事莊元辰皆助宇燝言不報宇燝歎曰即此已不堪立國矣遽棄官歸而士英果挾國安以爭金華江上軍事爲之崩裂及魯王航海諸臣芟舍從之棲遲島嶼間得不匱乏者以內聯義士爲之囊橐而宇燝實其魁宇燝又爲侍郎王翊馮宇第募兵於榆林京第死宇燝野哭七日不食三日已而有以其首至者葬之董志寧死海上復購其屍葬之翊馮鼻首甫之城闕宇燝思收葬之每徘徊其下一日見暗中有叩頭而去者跡之走入破屋中問其人曰吾漁人毛明三也會以卒伍事王公今不勝故主之感耳宇燝相與流涕詣江漢計之江漢者錢肅樂之將也失勢家居會中秋競渡遊人雜沓漢紅笠握刀登城遊戲至梟懸所問守卒此頭爲誰卒以翊對漢伴怒曰嘻吾怨家也拔刀擊之繩斷墮地宇燝已豫立城下以身蔽明山拾頭雜儔人而去宇燝得首藏書櫃中襲之以錦越十二年而家人無知者迨宇燝以海上事赴逮其家被籍有司見書櫃中故紙斷爛因棄之既去家人屏當書櫃得一錦函發之則人頭也宇燝弟宇燦哭曰此王

父世科別見

弟宇燦字春明一字披雲刻意厲行同里杜懋俊仗義死藏其遺孤憲琦延師教之長爲授室張肯堂孫茂滋囚鄞獄宇燦偕宇燝視之時茂滋臥桮中幾死宇燦饋之羹殮力以出獄自任請之當事不得又與董劍鏢萬泰董德備合請之終不得會閩中劉鳳翥來訪當事宇燦以茂滋告鳳翥慷慨入署而宇燦且願以四十餘口爲質茂滋始得脫獄葉謙早天無子宇燦爲養其母終身桐城方授遊象山卒經紀其喪少時嘗買若孃爲婢已乃知其爲宦家女遽還之不索其值國難後傾家以贖子女之被掠者三郤或以急告雖出晨炊之米應之弗計也性嗜異書晚年家既貧手抄之瀕病不倦自明亡棄諸生即練衣蔬食或以爲佞佛勸之披緇笑不答及遺命不作佛事衆始瞿然卒年六十六學者稱爲明懷先生

時六狂生皆饗儒惟宇燝以貴公子毀家輸餉三賓尤欲殺之未果宇燝乃貽之書曰昔德祐之季謝昌元贊趙孟傳誘殺袁進士以賣國執事之家風也今幸總戎不爲孟傳遂使執事不得收昌元効順之功以是知賣國之智亦不能保其萬全也三賓得書咋舌而已

宇燝與張煌言交當煌言未敗時四方之有事於煌言與煌言之有事於四方

侍郎之首也乃束蒲爲身葬之城北馬公橋下宇焯捕至錢塘已病用奇計出獄門抵館而卒年五十六

者往來皆主宇焯家宇焯典衣廢產以供行李室中絲縷俱盡終不爲倦性亢直初讀書時有弟子訟其師師不得直爲詣文廟伐鼓慟哭卒直其師而後止邑中東錢湖貴家多侵爲田每偷洩水以害七鄉之稼宇焯抗陳大害得以禁止爲功實深云

以徽籍入浙遂爲錢塘人生時母夢有金甲神臨之及長膂力雄健視瞻魁偉丙戌挈家而東詣錢肅樂軍門請自效肅樂大奇之授爲都督僉事總兵官肅樂故未嘗習軍旅在江上每日戎服登舟鳴鼓放船漢指揮既畢則畫諾焉及浮海至長垣再出師七閩震動樓船幾下福州漢之功爲多馮京第乞師日本願得漢同行肅樂遣之既歸曰東師必不出也已而日本果愆約肅樂既卒漢旁皇無所之而母尚在鄞乃變姓名來歸因定

王來成字征南自奉化徙鄞少時隸海道盧若騰若騰較藝給糧來成嘗兼數人直指行部來成七矢破的補臨山把總錢肅樂建義以中軍統營事屢立戰功授都督僉事副總兵官事敗猶與華夏致書往復夏受禍來成終身菜食以明其志來成未嘗讀書然與士大夫談

明江漢
字子雲

居焉辛卯督師王翊梟首城西門陸宇燝謀竄取之訪於翊之故卒其人曰非得江都督事不諧宇燝急以情告漢曰請以中秋日待我城下時漢家居幅巾深衣不執弓矢屆期忽紅笠披短後衣縛袴挾健兒數十揚揚而出家人駭之而城禁方嚴漢徑登之守者以爲關東新將也趨叩頭惟謹既見所梟首怒目視曰此吾仇也亦有今日乎拔刀擊之首墮城下遂循雉堞周行縱覽濠水守者隨之廩廩而宇燝已拾首去是日也城外方競渡遊人目炫無見者漢之出奇應變大略如此既居鄞無以自給種蔬爲業諸遺民竭蹶周之四壁無餘物惟餘肅樂所贈寶刀一具而已病亟其友全吾麒往視之漢咄咄曰金甲神不靈耶吾麒曰神或錢王二公之讖也漢曰然則吾何望矣於邑而瞑

論蘊藉可喜性任俠嘗爲人報讎皆激於不平而後爲之有與久故者致金以讎其弟來成毅然絕之曰此以禽獸待我者

葉謙字天益紳曾孫世爲衛官至謙以文起工詩乙酉入錢肅樂幕府以督運護餉功由千戶授守備再進都司丙戌喪職時謙年甫二十謂母曰我宗勛爵雖微然其爲世臣則一也此而可忘孰不可忘家藏紳遺袍時出曝之卽流涕曰是茜色者尙與當年沙場戰血相映紅也今孫輩之生存愧吾祖矣所居不蔽風雨其徒或爲之謀徙宅則曰此所踐者先將軍賜第之土也弗敢易一時遺民爲賦城北破廬詩謙爲人介潔絲粟不肯妄取以此日益貧徒養母三十尙未娶又二年病瘡不起訣其母曰兒所恨者以母在也不然兒死晚矣無子葬於城北紳慕傍董劍鏗陸宇燝爲奉其母終

明

陳士京

字齊莫

一字佛莊

東浙建義授兵部職方司主事監衢州總兵陳謙軍謙奉使閩中士京偕行而唐魯方爭頒頌事謙以不良死士京遁之海上鄭芝龍聞其名令與子成功遊芝龍以閩降成功起軍士京實贊之已而熊汝霖以魯王至成功不肯奉之士京說成功當以公義為重成功始致寓公之禮丁亥王加士京光祿寺少卿時成功奉隆武年號建國公鄭彩奉監國年號各不相下士京議同稱隆武合軍略地往來為調人卒不得戊子遷光祿卿會魯王上表粵中沈吟良久曰無以易士京者成功亦欲啓事於粵士京遂行而惠潮之路中斷士京發幘頭門泛大海迂道得達資斧俱竭賣卜以前粵中見之驚喜路振飛亦自島上致書薦之桂王加士京都御史士京固辭不受特賜三品敕命三上疏言軍事且言當通閩粵之路會越中黨論方與袁彭年丁時魁蒙正發金堡劉湘客動以臺諫論人時號五虎士京痛之乃復歸閩中魯王入浙留士京在閩與成功相結以為後圖成功賓禮明之遺臣其最致敬者盧若騰王忠孝章朝薦沈荃朝郭貞一徐孚遠與士京等不以禮不敢見也久之見海師無功粵事亦日壞乃築鹿石山房於鼓浪嶼中引泉種花以自消遣別署海年漁長又築生曠於其傍題曰逋庵之墓丙申士京母卒於鄞訃至哭曰此生無雪恨之日矣丁酉成功請士京課其子己亥成功入江推士京參預島上留守事務三月觸疾而卒魯王在南澳聞之震悼親為文祭之

沈光文字文開號斯庵以明經貢太學乙酉豫於畫江之師授太常博士丙戌從魯王次普陀參琅江軍事由工部郎中晉太僕少卿戊子閩師潰扈從不及乃走肇慶遷太僕卿奉差廣東監軍辛卯自潮州航海至金門總督李率泰聞其名陰使以書幣聘之不去壬辰從魯王至廈門後移家泉州舟過圍頭洋遇颶風飄入臺灣時臺灣為和蘭所據光文受一塵極旅人之困不恤也辛丑鄭成功克臺灣知光文在大喜以客禮相見致餼且以田宅贍之光文不署其官會魯王亦遯跡海島不為成功所禮光文與張煌言調停其間成功乃修寓公之敬亡何成功卒諸臣欲再奉魯王監國光文從之壬寅王遽薨議遂寢鄭經嗣立頗改父之政光文以賦寓諷幾罹不測乃變服為僧名超光結茅於羅漢門山中以居旋於目加溜灣社授徒自給不足則濟以醫歎曰吾二十年飄零絕島棄墳墓不顧者祇欲完髮以見先帝而卒不克其命也夫已而經卒諸鄭復禮光文如故癸丑清兵下臺灣閩督

姚啓聖招光文辭之將資遣回籍會啓聖死不得歸尋卒葬善化里東堡光文浮沈於蠻瘴者三十餘年凡耳目所及無鉅細皆有紀載如山水津梁禽魚果木大者紀勝尋源小者辨名別類臺灣本無文有文自光文始

毛聚奎字象來一字文垣少與其弟聚壁並有聲時稱為西皋雙鳳乙酉爲謝三賓所害幸不死行營將士爭求識所謂六狂生者聚奎笑語之曰夫狂不量力之謂也量力則愛身君父不足言矣夫己氏是也尋參瓜里幕府以明經授戶部郎司餉事去奔走山海間累遭名捕行遯得免而家遂以此落初庚寅辛卯間聚奎嘗與吳岳生管道復汪應詔倪元楷周維祚爲社已而亡命及其歸也死亡略盡聚奎亦坐是沈冥而卒

明 王應玘 字刻公 初爲諸生客同里張煌言軍署巢縣知縣七日及煌言死慟哭入山爲僧後師天童哲公名元月亦曰等月字印千本師歿棄其衣鉢歸築室獨居中奉先人旁列圖史日訪求異書纂錄無暇晷入夜一燈熒然光射水際彈琴弄笛度一曲舟過其下疑若神仙不知其甚於哭也卒年八十

應玘詩逼漢魏書畫絕工士大夫兼金求之與每爲村中人取去有所入盡給宗人之貧乏

明 倪元楷 字端木 一字端卿

諸生工書法善詩居錢肅樂幕府授大理寺評事明亡不肯雍髮幅巾自如然杜門而居外人未之知也一日監司試士夜半唱名呼士入元楷暗中往觀有仇家見其髮鬢然遂首於官下獄元楷與華夏李文纘其一狴高歌院本木公不屈魔鬼一閱其聲徹園扉新令之雍髮也不奉令者殺無赦其事發悔過肯雍者輒赦之而元楷以死拒命刑有日矣其子弟謀以奇計出之乃以酒從元楷飲使沈醉元楷昏眩不醒者一日遂盡去其髮司獄者遽以告得出元楷尙未醒既覺大怒欲自裁其母曰不念汝親耶元楷爲之嬰然自是頗逃於禪入則侍母出則從浮屠槩山遊爲人落寞在諸遺民爲最孤冷云

明

王應玘 字刻公

明

高宇泰

字元發

改字虞尊

別字隱學

乙酉六月之役父斗樞尙在鄞宇泰佐錢肅樂起兵於鄞魯王手諭獎之授兵部郎江上尋陷斗樞亦間道歸而諸遺老方與海上呼應宇泰父子輒豫之已而蠟書自海至謀者得之宇泰首被捕又以華夏王家勤事洩再隨斗樞囚繫其後島上降帥以義士姓名告連逮數十家宇泰爲之魁繫杭州獄二年方出在獄終日鼓琴仁和令以慮囚入聞琴聲異之見其壁上所題詩皆危言嘆曰先生休矣顧左右具酒榼來拉宇泰劇飲至漏下而別自後隔一日必至及事解遣人謝之竟不往謁時山海已定宇泰無所施乃頽然自放與方外者遊然風格嵯峨不肯輕有交接遺民有晚節稍委蛇者輒絕之其爲鄉里耆會豫選者甚嚴玉書邱子章之徒僅九人焉嘗曰謝皋羽非易及矣然月泉之集何其會之濫也得無有妄豫其中者乎著正氣錄自甲申十九忠臣以後分年爲死節諸人立傳董志寧從亡死爲匿其子士驥於家撫之如子晚年自署葵庵年六十餘卒

父斗樞別見

子弈宣字句孟才思華瞻隨父逮至杭州帶鎖說經已而釋之弈學字季殖能詩

王玉書字水功一字仙笈號无界爲人慷慨自喜最與錢肅樂善及肅樂知太倉以書迎之不赴又念其貧寄以金復不受肅樂歎曰此真高士也乙酉東江兵起玉書杖策從之以明經授太常博士居散曹無所試棄之歸未幾避兵榆林其所與往還唱和者周齊曾周元初陸宇燁所稱榆林四老者也迨宇燁死國事齊會亦卒玉書益躑躅山水間絕意自放專精於詩其詩務搜剔宿垢瀟灑積塵不肯有單言片句偶合古人晚年同徐鳳垣高斗權高宇泰李鄴嗣談論詩古文詞無虛日卒年七十一

邱子章字舍三一字梅僊爲諸生時與錢肅樂王玉書齊名嘗客吳中張溥吳偉業俱盛爲延譽然竟不得一第魯王

以朋友爲性命
始難於合則
終身不舍

監國以薦授中書舍人從亡入翁洲壬辰春王入廈門子章復從之後依張煌言幕府尋棲天目山中轉入東洞庭山積二十年始歸年已七十矣未幾卒

戴芑翁軼其名諸生清兵定浙東下雍髮令芑翁乃棄儒冠入道自號寒香道人呼其妻若子若女盡落其髮而遣之初居太白已而居奉化之九峯最後居寶巖其子元沛相依為徒卒年六十三

文纘學極博詩書畫稱三絕生平手錄書至三千餘卷上自星緯律歷方輿禮樂名物以至詩話叢談無不具備有宋儒王厚齋之風當成德以成來郵嘗從之講學益深造自得又私淑高攀龍之學後入秦尤與李中孚相

明

張棟

字子隆

號四岑

國難作有改易章服之令棟聞之閉戶坐室中索酒獨酌既醺繞牀而走復索酒飲之連舉杯百餘自摩其頂嘆曰彼曲局者惡可以兵之乎乃往取竈下得炭滿盎和以木屑置牀下蒸之投身其上覆以重衾時方盛暑俄頃酒力填盈而絕

明

李文纘

字昭武

一字夢公

諸生錢肅樂起兵文纘最先從之授兵部郎已而事去中常悒悒丁亥夏入翁洲謀從魯王於閩翁洲諸人方倚文纘以中土之事勸其歸戊子株連五君子之難廷訊強項不撓在囚中日與楊文纘分賦雁字詩一月之中遂成卷帙司獄者取諸囚分繫他所而獨留華夏相傳大吏將殺夏而釋其餘文纘獨自請留伴之司獄者大駭曰汝不畏死耶文纘笑曰白首同歸吾亦何恨適倪元楷亦以蓄髮下獄三人共一狴戶相與歌傳奇中木公不肯屈魔鬼錦纏道諸閹以為笑樂明年再訊再被拷終不屈賴夏力辨之得釋文纘歎曰華君生我華君之義我之慚也雖然華君何曾死我虛生矣己亥張煌言長江之役間道歸至天台文纘遇之途中時關津戒嚴以死士衛之得復入林門亂定遨遊四方傲謝窮為游錄尋倦而歸久之卒

弟文縉字克佩諸生與文纘同贊瓜里幕府授兵部主事文縉字昭素亦著才名世目其兄弟為三珠樹同族文靖字在茲魯王監國以明經薦為職方主事江上師潰轉徙越中教授村童以自給最精小學所輯部居極富
駱國挺字天植晚號寒厓諸生雅與華夏王家勤王玉書李文纘高宇泰善錢肅樂起兵百姓擁入巡按署中無所決至日吳觀者氣弛國挺急掖肅樂出誓師始克成事嗣即為肅樂說定海鎮將王之仁來盟且為破家輸餉旋參瓜里軍嘗與華夏臨江督戰破火從頭上過弗懼也戊子五君子之難作竟被逮久

清

周容

字茂三

一字鄞山

生而慧甚芒刃四出一應學使者試文筆奇橫能鑿括春秋左氏傳使者驚歎以國士遇之未幾海上兵起幕府羽檄倚辦其手明亡後棄諸生於青雷山薙髮為僧其父涕泣勸阻未幾返服遂放於酒無日不飲無飲不醉白眼罵座世多方之徐渭非其倫也始容未知名時為御史徐殿臣所識至是殿臣避亂天童士兵突至縛之去寘平西將軍王朝先營索餉數萬不得囚水牢中親友莫敢赴容故常往來海上諸營多相識者挺身往請之朝先握手道故遽釋殿臣歸而部下大譁謂容受賂朝先怒下容獄榜掠之不屈賴座客救護得放還然容足由是蹙因號蹙翁蹤跡遍天下所至皆有詩晚年已倦遊適有以非意干之者乃復出門時里中史大成官於京招容往已而有博學鴻詞之命朝臣爭欲薦之容以死力辭次年卒於京邸年六十一

之得脫復從事於林門桃渚間百死不回甲辰以後始閉門不接一客每年至五月二日必祭華夏於石繖山房而配以楊屠董諸人六月二十日祭王家勤於石雁山房而配以施杜諸人嘗夜夢與張煌言相語於絕島中痛哭失聲四鄰為之驚起國挺尚未寤也林時躍為之賦紀夢詩竟以阮窮卒

張鶯字章友一字友陶號補堂少與周容才相埒所為詩皆學杜陵順治十四年舉人知神木縣以經術飾吏治民多懷惠勞瘁不及一載而卒
徐懋昭字晉公工詩與周容李文纘輩倡和最多康熙三年進士嘗官沛縣知縣孝廉閻爾梅志士也方亡命山海間刊章名捕懋昭陽奉令而陰厚其家已而爾梅得釋還懋昭待之極恭人以爲難懋昭素與徐家麟友善及會試家麟子勅與同榜欲以同年相視執禮頗怠懋昭遂絕往還其剛如此

契晚年尚作小楷蒼萃諸儒言多所著述云

容少即工詩兼善畫疏木枯石自率胸臆蕭然遠俗不拘拘於宗法也尤工書法斂鋒芒於渾樸中不屑效嫵媚以取妍於人得其書者皆藏弄之若拱璧時謂容之畫勝於文詩勝於畫書勝於詩蓋確評也好談諧能傾一座嘗在閩中

清

李鄴嗣

原名文胤
以字行

年十六補諸生有時名順治五年預於華夏之禍甫得脫父柵以牽連被逮下省獄鄴嗣亦驅至定海縛馬廐中七十日友人萬泰救之得免柵出獄尋卒鄴嗣一慟幾絕是年七月再下府獄已而得解鄴嗣自蒙難後好義之心不以前事少變七年黃宗炎以監馮京第軍刑有日矣鄴嗣與馮道濟傾家救出之康熙初大帥搜得中土薦紳與張煌言往還筆札欲按籍殺之鄴嗣以奇計使中止其所保護尤多鄴嗣名既譁浙之大吏皆欲以鄴嗣應詞科之薦以死力辭而同時萬斯同亦有史館之招鄴嗣送之歎曰鄴次都能招邳君章同隱弋陽山中不能禁其喟然而別從此出處之事且有操之者斯同以是終身不受館職晚年力任文獻之重輯甬上耆舊詩人各有傳書成立諸人之位祭以少牢卒年五十九鄴嗣私淑戩山之學於黃宗羲私淑漳浦之學於何義兆呂漢憲終身忠孝自持所著續世說中寓筆削予奪詩文亦卓然成家絕出流輩學者稱臬堂先生

父柵別見
子噉字寅伯一字東門少時曾豫證人之社負才氣文詞倚筆立就黃宗羲見其詩曰是能獨開生面者與鄭性謝緒章萬承勳倡和號四明四友性好遊而喜客四方之士至甬上無不叩李氏噉待之各以其差無爽者百函並發半面不忘自朝至暮不以爲倦尤留心甬上水利時時爲當道言之卒年七十五
孫世法字甘谷詩尚性靈能紹家學

或以千金屬一事揮去弗顧其卒燕邸止一僕介壽視其舍殮貴交有賄介壽欲取其集以去者介壽痛哭持之得以無失云

燕人梁以樟至鄞鄴嗣偕萬泰徐鳳垣高斗權斗魁從之賦詩倡和里中有鑑湖社做場屋之例嗣名易書以鄴嗣爲主考少長畢集一聯被賞其人如加十寶

清	清	清
董璘 字炳齋 號圖璧	張嘉金 字鎔之 號蓉齋	朱學濂 字淳谿
<p>諸生好縱橫家言壯出遊足跡半天下川督和琳嘗聘之不肯就海盜蔡牽擾浙總統李長庚問計於璘多所贊畫長庚喜曰如君才可為衝要守令功成後當為言之朝亡何長庚歿遂無復知璘者璘嘗繪地圖數百幅兵陣圖數十卷尤精劍術負俠氣厚待族黨斥田產幾盡不顧也</p>	<p>以副貢中嘉慶二十一年解元大挑二等授臨海教諭為諸生時有書傭為富人繕明張忠烈奇零草及繪像卷首者忽獻之官將構獄嘉金詣令爭之令怒答嘉金僕嘉金抗論不少懼卒寢其事平生孝友端方一事不苟每出必具公服與卑幼書亦不作草人皆敬憚之</p>	<p>諸生少負材好義敢為有利於民雖干禁網蹈危難不顧嘉慶時官吏以籌補倉穀為名令民田十畝者出穀一石始猶短價勒派繼乃以空券付之最為厲民弊政學濂代籲於府縣不理籲於省大吏大吏下府縣禁之府縣怒誣學濂削其學籍學濂不為恐再籲大吏申禁得免苛派學使亦訪知學濂冤復其衣衿學濂晚年一意鄉之水利衆德之為耐祀於湖上德惠祠</p>
<p>弟琅字醇齋號岷與兄齊名乾隆六十年舉人嘉慶四年仁宗以川湖流寇未靖詔自庶人以上皆許上書琅拜疏直詆諸帥由浙撫代奏浙撫以其語太直格之然其後諸帥俱得罪人服其識琅篤於家庭內行完備所學長於禮作周官輯說精博有考據選新昌訓導未任卒</p>	<p>父錫耕諸生以孝稱其父以事繫獄錫耕涕泣隨侍歷久不怠卒賴以免嘉金門人吳鏞字振聲性慷慨尚氣節大父歿於溫州諸父以過遠莫敢往鏞獨隻身走數百里奉柩歸人以為難</p>	
		<p>先是稅課徵收每圖書分十莊直役吏胥多方需索為莊長者輒至破家學濂乃創議通圖之法使幫役有定額差費有定規議行邑民至今利賴之</p>

鄞縣通志人物編

節概清 民國

五五四

清

張震初

字楚侯

嘉慶二十一年舉人性伉直磊落勇於赴義所居地曰里仁堂有胡阿毛者故巨猾有徒黨數百人踞北渡時出為患劫質越貨恣所欲逞人莫敢誰何震初奮然曰吾責也盡斥所有贊募壯士得百廿人掩至北渡列陣貞元橋與匪鬪方烈分隊潛襲其後人手油炬一火之村毀阿毛被擒磔於通衢積患乃除一鄉誦其義

子謹字北泉同治四年舉人有父風有王宗春者塔利寺橋奸徒也勢橫不及胡阿毛願亦為患鄉里縣中吏胥多與通謹具狀密訴於令捕得宗春斃於獄自是西南鄉民始有安居

清

周祥千

縣南周韓鎮人起微賤為人縫衣以自食顧生性亢直慕義勇於任事見不平事輒與拚鄉里苦力者多與其人徒衆漸盛咸豐間官吏猥貪田賦額外需索民不勝負擔祥千乃與其徒周維友翁烈松等走各鄉連結請願減糧耗遠近應之刻期為會官府患之以造亂密告遂釀變及官軍剿之大敗省必欲得祥千然祥千有義名捕之恐激變知縣段光清素以小智術弄民民信之乃召祥千告以到省對簿事可了祥千曰為民請命何憚一行遂同至省至則下獄處死刑段又密運其柩返鄞葬於棟樹磯鄉人悼之為立祠黃古林即今報德祠是也

家藝自幼讀書尚志不規規繩尺儒業嘗自以生長脂腴於世務少所習既壯游學四方居日本最久潛心於彼邦所謂經濟學者慨然有用世之志性好延納輕貨而重義有今世孟嘗之目與人言必開陳肺腑不作罕漫兩墮之辭既與其兄家蕃參與同盟會盡力革命運

國民

趙家蕃

字芻椒

趙家藝

字林士

少與其弟家藝用任俠名居海上最久一時所與識者皆志節之士當清季孫文以倡言革命救國亡命海外君與吳興張人傑慕其義航海從之行商所獲輒舉以資文先後所輸亡慮十數萬金及民國成立諸與黨人籍者人人爭自言功希富貴家蕃兄弟獨浮湛海隅若有所不屑然者洪憲亂後北洋軍閥迭僭國柄天下事益不可為家故豐至是金盡交散窮愁無俚更數年遂旅死滬上

諸生

家蕃家藝皆清諸生

國民

翁傳泗
字厚夫

家素豐自少好騎射春秋佳日攜鷹犬馳逐東湖上意氣自豪顧生性竺摯事母孝每宴客外庭酒行輒離席去終宴恆五六返客亦知其爲母也勿以爲慢與人交輕財重然諾人利其易與恆以術伺之傳泗亦樂受曰彼貧耳所吾圖者少哀之何害御下寬僕圍廝養起坐不以分人以爲言傳泗但笑領之終不督過人人之評門就乞者日常十數輩聞者惡其頻拒勿納傳泗微知之每聞扣門聲必躬啓視所予輒溢其人之望然自奉甚約所御履服有軒綴不完者年四十九中暴疾歿喪次走哭者多不相識之人其所及惠蓋廣云

動辛亥寧波光復任軍政府參謀部長
摠行庶政既而謝去與三原徐亞夫慈
谿陳訓正創平民共濟會設總會上海
刊發生活雜誌抒渫其所負民生主義
斬行於各省縣當事駭其言論激昂力
厄其所爲家藝自是意氣益不平底伏
滬市間做罔靡依先世所遺貲揮斥殆
盡業大喪遂日卽疲曳及家蕃困死過
哀得疾後三月亦死

傳泗兄傳洙有
子文灝治地質
學有重名奉父
宦京師一日傳
泗念兄切往訪
兄京邸時文灝
門下頗盛貴游
賓朋往來尤殷
不得常侍奉父
叔傳泗心閱兄
孤寂不忍舍去
性好酒日與兄
痛飲比歸得失
血症益鬱鬱寡

國民

項世澄
字松茂

少孤有至性事母孝無微不至有大志以家困讀書中輟就商蘇滬間業餘輒勤於學由是所見益卓滬有發行新藥商店曰五洲者大公司也主者知世澄材俾以全權綜理世澄畢誠以赴業遂大張倭變起世澄大憤會所屬組立義勇軍設機關於滬北支店及倭人尋衅上海知世澄密謀突入五洲支店搜捕店員十一人生死未明世澄挺身出爭之或阻其行世澄曰我公同總經理也何可忍置十一人之生命而不救乎遂赴倭營被執不為屈死之年五十二生平寡嗜欲輕財重義持節慷慨不畏強禦論者謂商而有儒行云

父錦三性好義昆弟間尤友愛家本中人資嘗鬻己田償伯兄負遂中落鄉人稱之

歡謂其客曰吾今始知貧賤家庭之樂矣

人物類表第八 遺佚

宋 錢 塤 沈文彪 趙希彭 史徽孫 劉 準 子汝舟

陳應麟 史明孫 樓德源

元 倪可與 夏榮顯 弟榮達 閻寶奎 吳 忠 洪 實

明 全 整 張 迥 賀 確 紀宗德 陳 觀

李生寅 周昌會 弟昌皆 谷文光 周元懋 葛世振

周齊會 張立中 張尙燮 費緯祥 錢光繡 朱金芝 徐振奇 徐鳳垣

宗 誼 董劍鏢

右自宋汜明凡三十餘人或樂志泉林湛冥世外或有為而逃自甘長棄皆所謂遺逸之流也嗟乎自功利之途闢而躁夫競機智之用廣而巧宦集殼羽未乾已有翺天之志螫蟲乍啟難忘橫海之情此風自古而然積晦至今益甚於此人慾橫流之頃而求一遺外榮利不入世紛之士難乎其疇矣夫鑑止水者乃厭塵容得

美蔭者始憐熱客世不有全真樂道君子乎安得絲繡金鑄率天下人而事之此遺逸之所由表也述遺逸第八

或曰十步之內必有芳艸清節之士何代蔑聞而本表獨不及清者何也曰清之逸民即明之遺老如左所著周昌會以下其逸情幽跡皆著於清初而屬之明者從其志也且時會既降生活益艱山林雖曰可樂而煙霞豈以療饑人不能離形氣以為生即不能外事功而獨立吾嘗疑陋巷菽水非鑿空而得必有其所自來則所謂林下優遊江湖自適者更非一概之享受矣嗚呼託功利之途而有高尚之行豈所聞於今後哉

代時	姓名	行	附	述備注
宋	錢 塤 字深雲	讀書尚節概晚年別築一室植松竹以自況日與同里高友文談論經史逍遙自在鄉人敬慕之名其地曰高錢		塤祖億判明州子孫遂家於鄞世居東錢湖之里

宋	沈文彪	與楊簡爲忘年交嘗別築亭館招簡講道其中命子民獻培劉厚南執經座下更相問難高風遠韻萃於一門自號清遐居士		文彪先世吳興人遠祖陵吳越時官四明遂家焉
宋	趙希彭 字清中 號十洲	寶慶二年進士虛靜恬淡寂寞無爲除南雄守不赴後別親友理家事端坐而逝遺偈云六十二年皮袋放下了無罣礙青天明月一輪萬古逍遙自在	太祖九世孫	
宋	史徽孫 字猷父	少孤祖母嚴躬自教督時宗族貴盛徽孫獨奮發無執袴習稍長爲諸暨主簿調揚州司理參軍帥大器重悉以事付之授壽春推官尋歸不復仕隱居三十三年卒生平好讀陶潛詩深自慕擬端居無慍忤色觴至輒就久更困約益以理自得爲詩傲邵康節觀物可見其風度	父顯卿寔之子知長洲縣通判處州	
宋	劉準	宋末隱居教授泊然絕仕進意以甬東負郭非隱者居卜築青山之原依先隴而居日以教子讀書爲事學者稱爲南窗先生	子汝舟字端父確守父訓平居無戲言 情容用呂氏鄉約身率而推行之務本 節用人獲以濟	
宋	陳應麟 字天祺	博學多識人稱通儒一日乘馬出有失馬者亟前認馬應麟問曰子亡馬幾何時對曰逾月應麟有馬實數年遂與之明日馬從他處得之乃詣應麟叩頭謝過元至元間朝廷以賢良召謂使者曰吾祖宗世爲宋臣子孫不忍貪元祿固辭不起賜號純德先生趙孟頫嘗爲逸民詩以美焉		

鄞縣通志人物編 遺佚宋元

宋	史明孫 字融甫	宋亡自以世胄誓不仕新朝產業田疇悉推與兄弟避地而逃至會稽家焉每駕小艇載酒遇佳山水即藉草而飲酒後歌離騷三兩章痛哭而歸	浩之後
---	------------	--	-----

宋	樓德源 字伯淵	自以為宋世臣入元遂隱居不仕即家開塾躬迪後進性澹泊有以自持雖屢空不給宴如也	論之後
---	------------	--------------------------------------	-----

元	倪可與 字仲權	至正十六年海上李得孫以歸順帥浙東聞可與名以書幣招為諸暨州判官可與曰彼雖禮士可致我哉卻使者弗顧方國珍擁兵入城凡出其麾下者皆得奏於朝致顯官而可與澹焉若弗知之者國珍妻死將葬命可與考禮行事固謝不許或勸以忤其意非自庇之道於是強起而考侯邦小君之制事畢欲授以官并白金綵段為贈不受時河南王闢闔浙江丞相達失以便宜行事人爭往惟恐後有挽可與俱可與歎曰闔闔公自設官擬朝廷達失玩兵而自弱其勢豈建功之地哉況道路擁塞必蹈海或走間道始可達冒險而要名君子不為也既朝廷舉茂異授定海主簿以在國珍境壤中亦不就明洪武九年有司方起可與議禮於朝遘疾卒	子豫字克介淑父教不少變凡榮辱得喪付之浮雲有自樂於中者
---	------------	--	----------------------------

元	夏榮顯 字仲和	與弟榮達字仲賢皆有逸行集賢院聞而嘉之錫榮顯號曰真逸處士榮達曰元逸處士	榮達子琛有孝行屢刲股已母病
---	------------	------------------------------------	---------------

元	閻寶奎 字瑞卿	本奉化人至大三年始來郡城為謝氏贅壻性孝友急難赴義名勢一不動念時飲酒賦詩以為樂至正十五年以薦署處州儒學錄不就闢一樓題曰懷安寢處其中不越戶限者數年乃卒	
---	------------	---	--

元 吳忠
字彥中
至正間浙東帥辟為從事不就大臣有薦者授紹興路蕭山錢清巡檢亦不赴嘗作亭桃源山中萬松林立因自號松亭處士

元 洪實
字允誠
嘗為鎮將幕府軍機重務贊益為多入明以嘗從事藩省謫居濠梁黃冠野服翺翔水濂洞間謂天下至堅者莫石若扁其居曰石庵自號石庵野人洪武八年中書省遣詣公車徵實實仰天日以死自誓蓬首垢衣節節飲食嬉笑不見顏色至省以痛疾告大臣有詰之者對曰銓衡重在得人某疾且不任事焉用哉用之事敗咎將誰執詰者不能屈遂獲免退歸慰曰吾庶幾不負石庵乎

明 全整
字修齋
明初士爭趨進整獨不樂仕隱居奉化剡源山中與陳孟雍樓穆平陳協和王汝賢陳元則徐瑾戴汝舟並以詩名時稱剡源八傑後歸桓谿永樂初徵修永樂大典不就

明 張迴
字仲延
元諸生值方國珍竊據三郡諸以策干者咸領職分城迴獨不出及明兵至諸顯以法誅而迴獨全人服其識洪武初以才徵至公車託疾辭歸時兵後歲大饑四方逃難至者輒與館穀遠近誦其義

明 賀確
字存誠
少事舉業試有司一不利即棄去以菊有隱者操篤愛之別號菊隱學士周紱以其有史才薦修遼金元三史力辭不就有司延為鄉飲大賓幅巾深衣儀度整肅望而知為隱君子

明 紀宗德
字安節
自少教授里閭嚴立條約以身先之尤習國家典故永樂中嘗徵至京陸對稱旨欲授以職固辭不拜於所居東偏闢一小齋

子遜字叔謙左軍都督府掾史委署慈谿奉化縣事從子伯諒童時以背誦大誥召至京師太祖奇其貌稱曰好百姓性豪伉徇人急難

祖安道本鳳陽人元翰林學士同知慶元路事遂居於鄞

雜植卉木日焚香宴坐王毓陳觀楊範章審言李孝謙王叔禮皆高士相與遊從賦詩郡守每行鄉飲禮必延之賓席

讀書好古遺外榮利嘗遊歷江湖人皆以古君子目之郡守累辟不起永樂間召寫五經四書性理大全諸書書成上敕銓次用之觀懇懇乞歸人益高之名卿碩儒過其家與之賦詩講道暇輒徜徉於竹林花陽之間間為書翰亦適媚可喜自號觀我生

兄弟並遊太學為郎生寅獨不仕居蕭皋有田一頃歲收杭秫釀美酒關園半畝藝名卉嘉木間植瓜葵韭菘每手一卷偃息散步客至攜園蔬出家釀留連竟日生平好為詩自然高妙當事招致之謝不往縣令楊芳稱其名可得而聞人不可得而見年五十欲製遠遊冠裹糧訪天下名山以親老不果行未幾終於家

父應浙字方回晚字五閑萬曆四十一年歲貢選涿州教諭天啓元年遷含山知縣擢蘇州同知署太倉知州弟昌崑字乘六諸生參錢肅樂幕見諸軍無進取志辭歸甲申後序當貢不就平生輕財好施嘗被執山寨學役徐明珂募死士奪之而出追兵及之昌崑得免而明珂死乃以金購其屍葬之明珂蓋舊受昌崑周卹者也昌崑子章泰字

明 陳 觀
字孟禹

明 李生寅
字賓父
號陽谷

明 周昌會
字衷素

父遠以藝術名於世弟叔毅失其名承家學模寫人物有生意

弟生萊字綵甫弟為縣掾侵糧至鬻第宅以償未嘗有怨言後徙居巷南自稱巷南居士生寅子德豐德述別見

父應浙字方回晚字五閑萬曆四十一年歲貢選涿州教諭天啓元年遷含山知縣擢蘇州同知署太倉知州弟昌崑字乘六諸生參錢肅樂幕見諸軍無進取志辭歸甲申後序當貢不就平生輕財好施嘗被執山寨學役徐明珂募死士奪之而出追兵及之昌崑得免而明珂死乃以金購其屍葬之明珂蓋舊受昌崑周卹者也昌崑子章泰字

天啓元年舉人授通城知縣吏有白事者隨至決之未嘗稍留滯冬日敗絮見衣表終不取民一錢以忤巨室投劾去明亡為僧伴狂自晦人稱為顛和尚

天啓元年舉人授通城知縣吏有白事者隨至決之未嘗稍留滯冬日敗絮見衣表終不取民一錢以忤巨室投劾去明亡為僧伴狂自晦人稱為顛和尚

天啓元年舉人授通城知縣吏有白事者隨至決之未嘗稍留滯冬日敗絮見衣表終不取民一錢以忤巨室投劾去明亡為僧伴狂自晦人稱為顛和尚

天啓元年舉人授通城知縣吏有白事者隨至決之未嘗稍留滯冬日敗絮見衣表終不取民一錢以忤巨室投劾去明亡為僧伴狂自晦人稱為顛和尚

憲臣終身不試每歲九月必之杭州南屏展張煌言墓從子致泰字開文工詩最長厚有六朝世胄風

明

谷文光

字電飛

一字耐庵

崇禎中為魯王府長史甲申扈王南下詔暫住天台乙酉六月陳函輝舉兵文光與焉遣人至鄞約共事者遂奉王監國入越以潛藩舊臣論翊戴功累官通政使見監國政事日紊上疏極言而不能用丙戌從亡失道不及而還遂為僧縱飲以老晚年跌坐有光從足指間出然文光實不得志而有託非真佞佛者及垂歿諸子請書銘旌題曰故通政使文光搖手不可畫被作罪臣二字乃卒

明

周元懋

字允昭

一字德林

蔭授南京右軍都督府都事擢南工部屯田司主事兼權關稅理權務奉差辦銅蜀中擢思南知府丁內艱未赴魯王監國元懋服尚未闋錢肅樂招之固辭不出而破家輸餉弗少咨江上失守慟哭自沈於水以救得甦乃削髮入灌頂山中日飲酒沈湎竟以嘔血死年四十

明

葛世振

字初上

崇禎十三年傳臚時帝見其儀表不羣舉止凝重動容者久之授翰林編修充日講官奏對云增兵不如練兵加餉不如清餉大稱帝意列其名於御屏時帝頗好察每入講陳經旨必歸寬厚十四年充東宮端敬殿校書旋冊封益藩於建昌使還請假歸福王時起春坊諭德甫戒裝而南都陷魯王監國授國子祭酒晉侍讀學士明亡後跡跡深山自稱寒鐵道人清康熙十年浙江巡撫范承謨兩以山林隱逸特疏具題以病懇辭郡縣逼

祖文炳別見

孫榮旭字塾庵為御史水佳胤養子後復姓孫崇禎十六年進士官吏部郎丙戌後與葛世振林時對林必達結詩社徜徉泉石間所作詩極悲憤淋漓之致清康熙十四年當事以遺逸薦與世振時對必達皆以疾辭人稱甬東四節林

世振在翰林日有新安吳承以解糧缺額下獄將以女為世振妾卻之捐俸金助其逋武林金某寓京師富顯

遺矢志彌堅承謨具咨覆部俞旨有品行端重學業優贍之褒二十一年卒年六十同人私諡文節先生

必達字非聞一字不嚴崇禎十六年進士官行人乞歸養親問膳不離左右南都命主試貴州以馬阮用事辭不赴乙酉進御史同陳謙使閩謙死唐王并以必達下獄既而釋之尋遠授御史提督福建學政丙戌兵潰清貝勒博洛以便宜令必達仍舊任必達微服遁歸

以女入侍質庫一所賸匱世振亦不受其澹於色貨如此

明

周齊曾

字思沂

一字唯一

少就傳嘗終日不聞咿唔聲或疑讀何書竊窺之則南華楞嚴二經也為文擺落華藻自抒所得崇禎九年鄉試齊曾文已為司理李化熙所置黃端伯時同為房考從落卷拭之遂舉於鄉十六年會試房考吳麟徵得其卷大異之登進士知順德縣悉蠲各項應派息耗雜征嚴治侵奪沙田奸宄民歡呼為周青天齊曾以邑中多盜皆饑寒所致古人社倉法非不美然其利易盡於是變社倉為義田貸於富家限年以租入十五給耕者十二償富家十三備振不數年而貲可盡償田可日增沿海故有椿閘之設以備警齊曾謂我能設賊亦能毀且即不盡毀而所設亦易折不如仿西北弓箭屯堡之制募鄉勇為捍禦則官軍可減省大吏是之乃立屯堡嚴訓練盡捕得其桀魁置之辟境內肅然攝香山縣故相黃士俊家居蓄無賴以害民齊曾捕其客之甚者置獄士俊大怒會兩京陷閩中立君士俊復為揆輔思去之有黎人欲渡海入葬內地巡按許之齊曾以為狼子野心不宜令通內地力持不可巡按亦恨之乃以士俊揭煩縣齊曾即日以所佩印交之太守不許交之監司不許乃徑至行

曾祖柔臨淮典史祖煬江陰巡檢有盜出入野廟中蹤跡秘莫之測煬按得狀乃火其廟併數園之木斬之盜無從匿不捕自遯四鄉獲安同時胡傳字鱗翼與父一桂皆以能詩名傳晚年從齊曾遊齊曾束茅山中傳常往來其間佛燈魚鼓時與共云

齊曾為髮塚銘曰惟松有聲可以無哭惟雍有露可以無泪惟鳥石依依可以無弔客架險立瓢榜曰囊雲性耐勞苦凡耕田治圃伐薪汲泉皆躬親焉又搜奇木竹根手自削製暇則戴草笠曳芒履荷杖擔囊與山農野叟徜徉於青松白石間

鄆縣通志人物編

遺佚明

五六五

	<p>明 張立中 字躍天</p>	<p>明 費緯祥 字榮孕</p>	<p>明 錢光繡 字聖月 晚號墊庵</p>
<p>省交之撫臣部民間齊曾棄官去浮海乞留者數萬城中疑為寇至閉門拒之齊曾竟乘夜潛出買舟亟行在道中聞吳麟徵黃端伯兩房師皆死國難痛哭以不得從為恨歸至浙東則百城皆非我有遂遁入剡源盡去其髮自稱無髮居士裹足不入城市同年生王爾祿為海道求見之不可得以書招之終不至或又以巡撫意告齊曾且動以禍福答曰所欠惟一死無他求也所親謀強之入城至郊南欲自投於水乃止其孤峻如此隱居凡二十餘年卒鄉人私諡曰貞靖先生</p>	<p>性僻不與人合周斯盛最推挹之乙酉以諸生充督府贊畫累官都督御營總兵時年二十四事去隱居槎湖有地曰半畝花邱因卜築焉所謂即園者也</p>	<p>以明經貢太學乙酉錢肅樂薦授國子監祭酒明亡薙髮為僧獨居一小樓凡十餘年足跡未嘗下梯年七十餘卒</p>	<p>少隨父僑居硤石師黃道周講學流寇逼京師上書南兵部尚書史可法請急引兵勤王而先以飛騎追還漕艘弗齎寇糧可法答以具曉忠懷即圖進發福王監國陳濟夫巡按河南檄光繡知舞陽以親老辭俄而南都又亡自署寒灰道人頽然自放及返甬上構葺葢庵與董守諭董德稱王玉書高宇泰為耆社</p>
	<p>族人尙變字世調亦與於東江之師與楊文琦輩司餉有功晚年雙目皆盲而嘯歌不輟自號盲隱</p>		<p>朱金芝字漢生一字曉庵自號忍辱道人從黃道周講學甲申之難從京師逃歸往來英霍山寨及太湖軍中幾死者數及返里亦牽連被捕逃仗錫山久之襍被長往不知所終其從子獻臣原名</p>
<p>齊曾卒後停柩在堂順德舊民黃端振梁心恆年俱七八十歲聞齊曾歿裹足數千里至寧波撫棺哀慟如哭私親齊曾所著詩古文詞高清曠逸絕去煙火間圖山水筆意亦出塵外</p>			

感懷家國成心疾卒

廷龍又名世溶字餘古爲人衣冠峻整
非法不動亂後收拾世家法物無算有
小五岳軒之稱

明

徐振奇

字可貞

一字庸我

少有至行與錢肅樂善肅樂成進士宰太倉以書招之不答及
肅樂起事江干將不次薦之固辭而止國亡遁入東錢湖之青
雷山棄家不顧已而沿湖盜起屢遭厄然卒不肯去居山中二
十餘年諸子固請乃返城東與一二素心人談忠孝事以勵晚
節時高宇泰仿汐社例舉南湖耆舊之會慎選遺民共得九人
而振奇年最長每風日晴和角巾方袍扶杖遊湖上經行之地
見者皆讓道雖婦女兒童亦知爲徐先生也八十後自署通介
道人

徐鳳垣字掖青一字霜臬諸生南湖九
子之一也東江之役毀家輸餉錢肅樂
薦之以明經參幕府已而事去深自晦
匿爲人孝友篤摯二弟皆庶生季歿於
閩以次子繼其後同居三十年終不分
鬻歲大侵每減三餐以濟鄰族之火
者里中周姓老而貧僅一女鬻於陸某
鳳垣以貲贖歸并爲擇配海昌朱方庵
避亂來鄞行李蕭然爲之假館山莊振
其乏困晚年與林時躍高宇泰搜輯鄉
里忠節諸人文字名甬東正氣錄卒年
七十一

明

宗誼

字在公

號正庵

原籍徽州其父遷鄞豪於貲而誼所好獨在詩繞牀阿堵絕口
不道也江東起事義兵各食其地勸輸之餉鄞餉以故太僕謝
三賓富推之爲主其人日罄兼金賂戚畹求入閣反乾沒里中
所輸而出納於軍中甚吝誼慨然發其家得十萬金徑送督師
錢肅樂營肅樂疏請獎之且言其才宜在館閣監國召詣都堂
誼曰是將以下式出身也辭不赴江師航海資糧屏履仍仰之
內地誼家已落猶貨其田園奴婢之未盡者以應之遂屏當一
空無擔石之儲而誼怡然與陸宇燦董劍鏢葉謙陸崑范兆芝

董劍鏢字佩公一字孟威號曉山嘗與
宗誼等爲社所稱西湖七子之一也先
是甲申變起父文相憤甚謂劍鏢曰爾
曹無庸讀萬卷書且挽五石弓耳劍鏢
亦抱父而泣焚其衣巾自是父子互相
鏃厲爲遺民文相卒劍鏢展轉喪亂之
間與族兄德欽共參五君子之謀杜懋
俊殉義劍鏢課其子書撫之如子葉謙

余齋結七子社以扁舟共遊湖上或孺子泣或放歌相和或瞳
目視岸上人多怪之誼口吃恂恂和易然其中極狷急嘗在全
吾騏座中擁爐圍火適有客至頗遊時貴之門偶以淡巴菰就
火誼遽曰速易此火污吾爐矣晚年所居僅破居時至絕粒哦
詩不衰年七十猶強健後居剡源與舒象坤倡和最相得

早死劍鏢與陸宇燝奉其母終身當世
稱重之弟德鑣字徒山亦有高節
倪益字皆木諸生學詩於誼里社稱長
者胡奇佐字襄哉亦從誼受詩法勵志
聖賢臨卒出友人所寄金致其子其生
死之際不苟如此陳綸字言如亦遊誼
門當其論詩得意處雖長者之前不肯
稍屈雅通經術有志於儒先之學統竟
骯髒以終

鄞縣通志人物編

遺佚

五六八

方外紀略

人物類表第八之附

舊志仙釋所紀事跡類多荒誕不應志者十之六七雖欲痛削之而不能盡也蓋自來志者好炫侈博搜采既雜而所本又多出俗士或方外之手本一平平無奇之見聞幾經傅會點綴遂鉤須卯毛幻象活躍依志例所規此門幾可全刪顧神話久傳往往成爲故事爲遺俗爲地名爲占候而具有關於歷史不可闕也且吾國自古神道設教談仙說鬼已成一般之國民心理反應詭怪之事特出而不窮教化未充沈迷難返既削之而莫能盡不如姑錄之以存舊聞也舊志始鬼谷益昌尤爲不經茲刪其類是者若干條而改仙釋爲方外斷自晉始附次遺佚之後

晉	代時	名	號	遺	聞	附	注
	時						
字道揚	荷						
徒衆	鉅鹿人少爲道士入四明山遇神人教之胎息衆妙之術能役使鬼神惠懷之世聞許真人道法盛行江右徒步踵門願充弟子真人納之授以祕訣復遺還四明教導						

梁 潘四明

受真法陶隱君手為題握中祕訣門人罕能見惟傳孫輅與柏闔二人

唐 章全素

楚人行乞於市吳郡蔣生好神仙遊荆門見而憐其窮解裘衣之命執侍左右同歸隱四明山生有石硯在几上忽一日全素白生曰先生鍊丹久矣能化石硯為金乎蔣生自度不果心甚慚曰汝傭者豈知神仙事全素笑而去後月餘全素於衣中出一瓢甚小顧謂蔣生曰此瓢中有仙丹能化石為金願得先生石硯以一刀圭傳其上生以為誕妄明日生獨行山水閒命全素守舍至晚歸則見全素已卒矣以簣蔽其尸將棺而瘞於野及撤簣尸已亡去徒有衣履存焉生大異後於藥鼎下得石硯其上寸餘化為紫金光甚瑩徹蓋全素丹所化也生始悟為仙人益自慚悲生學鍊丹不成竟死於四明山

全素事本宣室志

俞 叟

隱居四明山從道士學卻老之術晦跡荆南為市門監有京兆呂氏子以飢寒謁江陵尹王潛潛不為禮月餘在逆旅未還叟召而問之呂曰府帥王公中表丈也以親舊自遠而來雖入謁未嘗一問亦命之所致耶叟曰我亦困者無以調子之急今夕可泊我宇下展宿食之敬呂諾之既延入摧檐破牖致席於地坐語且久叟覆一缶於地俄頃舉視之有一紫衣人長五寸許叟指之謂呂曰此王公也呂熟視醜類焉叟因戒曰呂生爾之中表姪以無朝夕之給千里而至爾宜厚其館穀富金帛為贈何恃貴忘舊之如是耶紫衣者卑揖若受教狀遂不復見明旦天將曉叟謂呂生曰子疾去王公旦夕召子矣及歸逆旅王果使召之館生驛亭贈僕馬及縑二百生奇之

事本太平廣記而宣室志益附會之

王 可交

崑山人以耕釣為業咸通十年權漁舟入江忽遇花舫招之入內有道士七人設宴奏樂噉可交以粟尋送之上岸則在天台山瀑布寺前有僧迎問之可交曰今早離家蓋三月三日僧言九月九日已半年餘矣後遂絕粒越州廉使驗實以聞自是往四明山二十餘年復出明州賣藥酤酒言藥則壺公所授酒則餘杭阿母所傳明州

出四明山志

<p>許 嵒</p> <p>里巷皆言王仙人藥酒世間不及道俗多圖其形象有患瘡及邪魅者置之即愈後三十餘年卻入四明山不復出焉</p>	<p>自稱高陽人累舉不第晚學道於王屋周遊五岳抵天台四明仙都委羽皆於石崖峭壁人不及處題云許嵒自峨帽尋偃月子到此筆勢奇縱莫不歎其神異竟莫詳偃月子也</p>	<p>法 睿</p> <p>母夢吉祥天女引行摩利上宮而娠開元中入太白山按晉時僧義興故跡造精舍於山之東麓祕書萬齊融建多寶塔於西南隅睿居其處日誦法華感太白化天童送供夜遶塔行道人見睿身與塔齊云</p>	<p>道 悟</p> <p>婺州東陽人年十四出家依明州大德祝髮大曆十一年隱於四明大梅山</p>	<p>法 常</p> <p>襄陽人初參大寂問如何是佛大寂云卽心是佛常卽大悟貞元中居大梅山大寂令一僧問曰和尚見馬師得個什麼便住此常云馬師向我道卽心是佛我便向這裏住僧云馬師近日又道非心非佛常曰任汝非心非佛我只管卽心卽佛其僧回舉似馬祖馬祖曰梅子熟也時有象虎馴侍山間無水象眠爲池忽一日謂其徒曰來莫可拒往莫可追吾今逝矣言訖示滅塔於西岡虎銜烏石壘而崇之</p>	<p>道 行</p> <p>至四明山保壽院智幽所出家拾薪汲水後居羅浮石室山有老人再拜稽首云我居此中二百載因師冥感遂得脫去寶曆元年疾終</p>	<p>亮 闍 黎</p> <p>號月山 四明郡才名志序諸儒駿士外獨云亮多爲文士先達所做仰云</p> <p>奉化人居開元寺工畫山水能文善談論道行高潔日閱藏經邦人敬之亮與沙門貫霜棲悟不吟諸人迭爲文會結林下交撰嶽林寺碑詩集讚頌並行於世孫郃撰</p>
---	---	---	---	--	--	---

本傳燈錄

出佛祖統紀

藏 免

姓朱氏

蘇州華亭人少契玄悟非歲出家詣中嶽受具戒母念其遠思之輒泣因一目不視及歸省母即日而明母喪哀毀廬墓瑞徵備顯由是名稱翕然大中十二年分寧宰任景求捨宅為院迎免居之剡寇裘甫率徒二千執兵晝入免冥心晏坐神色無撓盜衆皆悖懼叩禮而退郡中奏請改禪院為棲心寺以旌其德咸通七年疾終弟子詣闕請諡奉敕褒誄諡曰心境

出乾道圖經兩浙名賢錄謂為郵人誤

修 己

嘗卓庵廬山後至四明山心獨居十餘載嘗曰羊腸鳥道無人到寂寞雲中一個人其後道俗聞風而至遂成禪林

誓 光

字登封 姓吳氏

永嘉人左庶子吳兢之裔孫幼出家於陶山寺多作古調詩工草書及畫詞辯過人昭宗聞其名召至闕講論俾之畫龍面賜紫衣號廣利大師歸鄉謁錢武肅王以客禮延之而性放體疎弗愜王情乃歸甬東住開元寺嘗畫黑龍於寺之壁亦奇觀也有文集弟子從瓊得其墨訣有聲於時

按書為誓之譌佛書辯字

五代

無 作

字不用 姓司馬氏

蘇州人錢武肅王召居明州辭歸留詩云銜恩雖入國辭病即還山自號逍遙子無作學歐書真字善草隸筆蹟遺健人多摹寫開平中卒

子 麟

四明人清泰二年往高麗百濟日本諸國傳持天台教法高麗國王遣使李仁旭輩送還明州吳越王錢鏐令於郡城建院以安其衆

行 修

號法真 陳氏子

泉州人生而長耳垂肩長至金陵瓦棺寺祝髮受具參雪峯義存至四明山中獨棲松下說法天花紛雨又跌坐龍尾巖百鳥飛繞乾祐初忠懿王以誕辰飯僧永明寺僧延壽告王曰長耳和尚定光佛應身也王趣駕參禮行修默然但云永明饒舌俄頃跌坐而化

清 聳

福州人閱華嚴得悟之明州四明山卓庵節度使錢億執事師之禮忠懿王命於臨安兩處開法署了悟禪師

王羅漢

住明州乾符寺出言若風狂後亦多驗嘗曝衣有盜者將欲奪之低頭伴睡有物人就之乞終無吝色開寶六月終吳越國王錢俶易名為密修神化尊者

蔣宗霸

周顯德初人為入慈善溫謹口誦摩訶鄉人稱之曰蔣摩訶時有遊僧寓奉化岳林寺攜布囊與六七小兒行歌於道頗狂彌甚隨所乞咸受囊中鄉人亦稱之曰布袋和尚摩訶心異之與之處逾三年一日同浴長汀摩訶視布袋背有目布袋曰吾為汝所窺當去矣吾以布袋贈汝俾子代代為衣冠家布袋歸岳林坐逝葬於封山後越帥遣卒過蜀遇布袋於道中卒舊遊四明識之迺曰為吾謝摩訶相見已近願自愛卒歸之岳林道所以發棺視之惟錫杖淨瓶焉卒遇摩訶述其語摩訶曰吾已知之一日造城別親友而逝或曰布袋釋氏所謂彌勒也今岳林遂為布袋道場云

宗霸似非鄞人以無明證姑仍之

宋

朱棣

字彥誠

初本江南士子靖康初避難抵明越之界萬山嵯峨望一石室壁立千仞規舍其中忽有老父曰此聖公巖也神人居之毒蛇猛獸守其窟烏可往棣曰吾止平地遇寇必無幸者匿此中未必犯於是棄擔持糲沿崖魚貫而進居旬有五日絕無可怖望巖竇數有異光因梯竹以上得黑匣緘鏽甚固一劍橫其外啓之中有書與印言役鬼治病之術寇退棣設壇事之自是役鬼物如反掌最異者能追魂診脈人有病妻則診其夫父則診其子有祟則以法治之無祟吞符亦安合沙鄭瓚常伺其作法往觀焉見其據案而坐運指於袖噴水於口以桃茆麾使而鬼物自至訊鞠論報若官府然問曰此何法也棣曰非法也周天大數也大衍所謂成變化而行鬼神也夫天地五行日月五星列宿與夫山川草木飛潛動植之屬不越於是況於人乎況於鬼神乎儒者知成變化之數而行鬼神之神數未之知也成變化者數之方也行鬼神者數之圓也鄭瓚因撫其實記之

本寶慶志

何思遠

蓬萊觀道士澄心鍊氣能驅役鬼物嘗至京師有運船數百千艘欲絕淮而潮不登為作法於其壘未幾潮溢歡聲如雷悉賴以濟發運使以聞敕差明州管內副道正

延祐志

呂處仁

紹興十三年太守莫將命拜章禱雨而驗云

餘姚人嘉定間隱居四明山中得異術禱雨及為人祈禱輒驗尊為演教真人及化去以劍投於後橫潭至今每風月清朗之夕其劍時時飛出

兩浙名賢錄

紹巖

雍州劉氏

遊諸方聖跡棲息天台四明山後掛錫錢塘湖水心寺開寶四年坐亡

義通

字惟遠

開寶初自高麗國來名振中夏南參天台螺髻義寂法師深會止觀之教復欲航海判明州錢惟治固留之主寶雲寺福州漕使顧承徽捨宅為其傳道之所曰傳道院延慶知禮慈雲遵式親得其傳端拱元年逝侍御史王伯庠為塔記

靈芝

律師有戒行造五臺戒壇成忽一老人獻三珠來賀

常坦

字福昌

住阿育王寺嘗賦育王十二題與李觀輩唱和王安石有寄坦長老詩曰道人少賈海上遊海船破散身波浮抱金滿篋人所寄吹簫偶得還中州羸身歸來不受報祇取斗酒相獻酬歡娛慈母終一世脫棄妻子藏巖幽

傅古

四明人天資穎悟畫龍獨妙善為蜿蜒之狀嘗於明州國寧寺畫龍於壁觀者奇之建隆初名振京師世謂傳古嘗遇真龍而畫盡得其形似故妙於生意垂老筆力益壯皇建院有所畫屏風當時號為絕筆徽宗作畫譜定畫龍高下以傳古為第一宣和所藏有三十日滾霧戲波龍二穿石戲浪龍二吟霧戲水龍二躡露出波龍二吟霧踔波龍一爬山踔霧龍二躡霧戲水龍一穿石出波龍二穿山弄水龍二出水戲珠龍一戲雲雙龍一戲水龍圖四出洞龍圖一玩水龍圖二出水龍圖一祥龍圖一吟龍圖一戲龍一戲水龍一坐龍一弟子德饒無染臻其妙

善榮

姓周氏

工畫觀音居南湖

從信

大中祥符寺僧妙於琴阮端拱中至京師求知己曾有上言於太宗者召見與語奏技盡其所學上大悅命入翰林祇候賜食禁中資錢帛無算一日求歸特俞其請行日賜號三惠大師及御書御批等從信奉藏於寺

知禮

字約言
金氏子

居城之白塔巷巷以禮得名十五祝髮從寶雲義通傳天台學僧曰法界有次第汝當奉持禮曰何為法界僧曰大總法相圓通無礙是名法界禮曰既曰無礙次第安有居三年輒泣講席住持延慶寺咸平三年郡大旱與僧遵式燃指祈觀音誓曰果不雨當焚身三日雨大至撰不二法門至要鈔世皆宗之天禧間修法華懺顯四淨士之道將自焚翰林學士楊億駙馬都尉李遵勳勸止之真宗聞其名遣使加禮天禧元年賜禮紫衣尋又賜號法智大師遣內侍俯修其所懺法華儀三日後有其徒仁岳求觀心觀佛之旨密著書斥禮禮知之為作十三科大抵其書以開權顯實為宗而約以體用雙峯饒氏北山陳氏言性理皆宗其凡例趙忬為碑陳瓘晁以道皆尊事其說天台智者之學禮為中興焉天聖六年於元旦建光明懺期至五日跏坐說法奄然而化禮徒瑩善書主廣嚴寺禮曾孫中立號明智大師行業完實人信服之

本如

姓林氏

明州人初學於法智問經五義法智曰汝能為吾掌事三年當語焉事畢又請法智喝之曰本如如遂有悟為頌曰處處逢頭路頭頭是故鄉本來現成事何必更思量慶曆二年駙馬都尉李遵勳請於朝賜號神照嘗居白蓮寺有虎睡西南隅以杖擊之曰非汝所居虎俛首而去卒時體聞異香人見雲端有一衲子趙忬為作行業記

元照

錢塘人自幼出家博究羣宗駐錫餘姚之姜山凡禱雨輒應藥疫多效尤工楷隸吟詠得風騷體一日聞空中笙簫聲遂歸寂焉

姜山今屬鄞

懷璉

生之夕夢僧伽降室因小字泗洲齟齬出家一日洗面潑水於地微有省悟皇祐中住京師淨因禪院召對化成殿問佛法大意奏對稱旨賜號大覺禪師復與璉問答

字器之

漳州龍谿

陳氏子

親書頌詩以賜之凡十有七篇一時士大夫喜從之遊其言文而真其行峻而通遇
休沐日踵未盥漱而戶外之屣滿矣踵雖以出世法度人而持律嚴甚上嘗賜以龍
腦鉢孟踵對使者焚之曰吾法以壞色衣以瓦鐵食此鉢非法使者歸奏上嘉歎久
之至和中上書乞歸老山中上曰山即如如體也將安歸乎不許治平中再乞堅甚
英宗留之不可賜詔許自便既渡江少留於金山西湖遂歸老四明之阿育王山廣
利寺四明之人相與出力建大閣藏所賜頌詩榜之曰宸奎時京師始建寶文閣詔
取其副本藏焉且命歲度僧一人

奉真

號普濟

善醫熙寧中名聞東都天章閣待制許元為江淮發運使奏課於京師時欲入對而
其子疾亟瞑而不食憊憊欲死逾宿使奉真視之曰脾已絕不可治死在明日元曰
觀其疾勢固知不可救今方有事須陸對能延數日之期否奉真曰若此似可諸臟
皆已衰而肝臟獨過脾為肝所勝其氣先絕一臟絕則死若急瀉肝臟令肝氣衰則
脾少緩可延三日過此無術也乃投之藥至晚遂能張目稍稍復啜粥明日漸蘇而
能食元極喜奉真笑曰此不足喜肝氣暫舒耳無能為也越三日果卒奉真為醫診
視之妙不差銖分其法傳之元覺元覺傳之法宗及了初相傳蓋三世活人無慮千
百數

全法華

居慈福寺年六十餘日誦妙法蓮華經三十餘年如一日以部計之萬五千矣世目
之為全法華黃庭堅有詩云攝意持經盡劫灰人閒處處妙蓮開他時誦滿三百部
卻覓曹谿一句來

顛僧

明州人不得其名頗言人災福王君儀弱冠寓陸佃門下力學至忘寢食一日顛僧
來託宿謂曰若要官須四十九歲君儀聞之頗不憚其後年至四十八又夢顛僧笑
而謂曰明年做官矣時顛僧遷化已久而來年又非唱第之年君儀叵測明年佃入
與大政首薦君儀遂除湖州教授

啞女

莫詳其氏族熙寧中見於明州之戒香寺狀嫗悉身服疎布曳手跣足行市井間所至以容之喜慘定吉凶多驗在寺惟持帚掃地而已中大夫周鏐方治舉子業屢至其家一日趣裝應舉女大笑作長短句饋行云風波未息虛名浮利終無益不如早去陪蓑笠高臥煙霞千古企難及君今既已裝行色定應雁塔題名籍他年若到南雄驛玉石休分徒累下和泣鏐襲而藏之尋歸寺長吁而逝鏐為具棺瘞之柳亭後見之京師驚問曰汝啞女耶揮手不答驟步去後果知南雄以言邊事忤時相入黨籍鄉士衛開避迤一道人於洛陽謂開曰公鄉啞女者維衛佛也若歸可往禮拜比歸訪之戒香已化矣以不及見為恨明年過錢塘見小兒數十擁一尼重入門譁然曰啞啞啞開驚顧女索紙筆書曰須彌山上擺鐸大洋海底搖鈴若問啞女姓字即此便是真名出門徑去開追問小兒忽俱不見

則交

慈谿方氏

始生遇相者曰此兒出家則成道長入多寶院師大智大智講於錢塘祥符院交服勤左右學益通遂傳其要歸住多寶告學者戒以不犯為本律以持守為功念念常存淨度立至陳瓘與相心契晚辟穀不食跌坐而逝天大暑數日不掩龜色不變也塔於西山朱翌為銘

普交

姓畢氏

邑之萬齡鄉人幼穎悟住錢塘南屏山聽天台教觀因修懺悔佛事遇道人於途忽問曰師之懺罪為自懺耶為懺它耶若自懺罪罪性何來若懺它罪非汝烏能懺之交不能對遂造泐潭問法有省歸隱天童山修持清苦履行孤潔宣和六年沐浴辭衆而逝關維獲五色舍利陳瓘嘗贊之黃龜年銘其塔

知和

號衣和庵主

蘇州崑山人有道釋子也隱居雪竇山畜二虎馴伏或跨之以遊逾二十年初知和偕普交問道盟曰他日吾二人宜踞孤峯絕頂目視霄漢為世外之人不可作今時藉名官府屈節下氣於人者後交爽盟至則竟不容接熙寧間左正言陳禾移和居二靈庵宣和七年示寂塑其像二虎侍焉

介然

從明智中立師居南湖修西方淨土之法坐而不臥三年通觀旨然指建十六觀與其徒相誓曰念佛三昧往生要法也金人犯明州士庶奔散介然守觀不去頃之騎至危坐不動金人駭異挾之以北後人追思以其去日為忌尊為定慧尊者塑像於觀側

智圓

天童交禪師法嗣也住慶元蓬萊三十年足不踰戶道俗爭仰之嘗有偈曰新縫布被烘來煖一覺安眠到五更聞得上方鐘鼓動又添一日在浮生

端裕

蕭山人吳越王裔孫狀貌瓌異祝髮於大善寺得法於圓悟禪師克勤勤住京師天寧萬壽諸方驩言會下有真師子兒能大哮吼他日為叢林標準者指裕言也裕住靈隱移四明之育王洩衆色必懷然寢食不背衆唱道無倦紹興二十年書偈跏趺而逝塔於鄞峯初賜號得智禪師至是謚曰大悟

梵光

奉化人年十六落髮詣湖心壽聖見通照律師凡三年盡通律部始來延慶從神智習台教政和四年太守呂滄請主延慶大振四明法席宣和四年夏早郡中官吏築壇請講雲零經甫離席而雨作一境霈然昌國縣戴氏為鬼物所擾巫覡驅禳弗效迎梵光誦咒及門而祟滅其異跡如此靖康改元高麗遣使修貢及境訪梵光云國王問訊謹獻法衣一并寄海東曉師所著疏論二百卷屬師流通名稱遠聞雖蠻夷亦知嚮慕焉紹興十三年逝世年八十

仲卿

保國寺僧後住延慶行法華三昧刺血書法華經四部然二指以報國恩紹興六年整衣端坐而逝

行持

世為士人一旦棄髮鬚得法於白牛卿越守以雍熙邀致持即日徒步入院夷粹真率真山林間人也後徙居雪竇護梅二山年德益高如徑山杲公輩皆以丈人尊行事之其歿也談笑如平時

明州盧氏

舊志本渭南文集稱持禪師今依老學庵筆記改

宗 珏

號 大休
姓 孫氏

和州烏江人生不茹葷年十六白父母出家時長蘆祖照聲振東南珏往謁照與語奇之建炎閒避地浙東居補陀巖道價愈高紹興二年開堂岳林尋退處翠山又住雪竇二十九年直閣張稱招主天童珏容貌奇龐度量恢偉而見地明白深造自得死生之際尤卓然過人城中湖心寺僧辯公與珏生之年月皆同三十二年八月上泮辯以遺書來珏初無恙覽書笑曰齊年既行吾亦逝矣翌日迎賓如平時其晚就座整容跏趺而逝

歿後樓鑰為撰塔銘

法 恭

號 石窗
姓 林氏

奉化人母夢胡僧來謁既寤而生恭年十五出家習南山律於湖心寺又從宏智覺禪師於天童晝夜危坐一日忽然開悟再歷江湖參學三年復歸天童尋居小溪之彭聖又住雪竇瑞巖恭天姿勁挺持律嚴甚屢主大利起居寢食無一日不與眾共峭直骨鯁未嘗借人以詞色皇子魏王作牧每加敬禮欲訪恭於山間辭曰路遠而險徒勞民耳其嚴冷類此丞相魏杞晚歲與恭尤厚嘗歎曰石窗空門中御史也緇流以為名言恭行解甚高不為夸詡以驚眾乾道八年夏旱郡請說法即日甘澍次年又旱定海令延之恭曰前此偶然非吾力也堅拒不受邑人固請即又雨焉淳熙八年逝壽八十

樓鑰亦有塔銘

智 鑑

號 足庵
姓 吳氏

全椒人兒時已喜佛書少長日記經文千餘言連遭親喪決意出家時真歇禪師住長蘆徑往依投一見異之鑑勤苦精進終歲脇不至席已而來四明復遷於象山之鄭行山乃海岸孤絕之處相傳山有妖怪不可入鑑曰吾為法忘形何懼耶乃縛茅為庵地高無泉脈鑑禱曰吾辨道來此山神其惠吾泉因鋤小坎移時而水溢食不繼則啖松枝以療飢一日有巨蟒入庵矯首怒視復旋繞於牀鑑不顧蟒亦去夜聞庵後巖谷響如霆擊旦起視之有巨石飛墜越庵而立於門並庵皆為摧拉鑑不為動終不能害也鑑嘗至陳山欲航海或指曰此鄭行山中肉身菩薩也人皆環繞求偈適天大風不可渡鑑謂篙人曰吾為汝借風泊登舟俄頃而濟抵岸則逆風如故紹興二十四年舉住棲真歷居定水廣慧香山報恩雪竇乾道十年遂歸西山為終

樓鑰亦有塔銘

焉計紹熙三年七月示寂跌坐而化年八十八

宗 杲

字曇晦
自稱妙

喜庵主
宣城奚氏

年十九遍歷諸方圓悟住天寧杲往依之紹興十年詔住徑山時秦檜方力持和議杲與一二忠義士大夫共憤激時事持論慷慨檜黨詹大方論之曰鼓倡浮言謗訕朝政張九成爲之首徑山僧宗杲和之十一年檜勒杲返初服竄南中二十六年檜死被旨北歸還其僧械乃受請住育王參學之人數常千百築海塘創塗田以養其徒孝宗卽位賜號大慧禪師隆興元年八月示寂於徑山明月堂賜諡普覺塔曰寶光杲嘗寄無垢居士詩云上苑玉池方解凍人間楊柳又垂春山堂盡日焚香坐長憶毘邪多口人時天童曇華字應庵與杲齊名人稱兩甘露門

法 忠

姓姚氏

邑之萬齡鄉人生不茹葷七歲依崇教院道英出家博識強記出乎天性諸部經論默究其義歷訪諸方至廬山於同安枯樹中絕食危坐宣和閒湘潭天旱禱而不應忠躍入龍淵呼曰當雨一尺雨隨至後居南岳每跨虎出遊儒釋望塵而拜卜築妙高峯有石如臥牛榜其居曰牧庵樞密柳仲古鎮長沙以衆望起之不得已往領住持最後在黃龍紹興十九年書頌跣跌而逝葬寺東香源洞忠平日持一木斧以垂接人於是同瘞號曰聯光之塔

有 朋

號牧庵

金華人主延慶局一室曰六經堂中設一几而初無文字士夫怪其誕及相見對語援引經典不已皆歎服嘗疏楞嚴維摩等經諡曰尊勝

明 哲

字則庵

徧參禪林見天童宏智育王大慧國清愚谷無不期以大器郡守范成大請主南湖四方英秀來者惟恐其後哲日誦般若經稍涉人語便卽重誦謂不當以凡言雜聖典也同時處躬亦有辯才善說之稱學者推爲宗師

妙 雲

參大慧有省嘗開居東湖有詩云山環湖水環山短艇白鷗鷗几閒野外更將供給至飽參著得十僧間後主延慶日事講貫學者如市雲詩頌翰墨妙絕一時人皆

字慈室

稱南湖名宿云

印 肅

號善庵

宜春余氏

遍遊名山至四明崇教院禮牧庵為師得其心要嘗出訪求臨行拋石寺池為別曰石浮吾歸後果如其言明永樂十八年詔封護國宣教菩薩

正 覺

姓李氏

隰州人母趙誕覺之夕光出於屋人皆異之年十四受戒具學於丹霞淳向子謹漕淮南器重之主泗州普照建炎三年應請住天童未幾金人犯明境內諸寺皆散遣雲遊獨覺危坐不去已而寇至登塔顛以望若有所見遂斂兵以退人皆歎以為神助寺僧舊不滿二百人覺納衆千二百人主事者憂之覺笑曰非汝所憂翌日嘉禾錢氏致粟千斛歲大饑為食貧民鑿萬工池一日有蜀僧叩覺門密謂曰師集工繁廣弟子有乾求術願以建器實水銀和少藥覆之貯湯缶上須臾有聲出果銀也覺曰吾亦能之遂以汞納口端坐踰時出之亦銀也僧愧謝去洞下宗旨以緝密納息絕聽視守心如嬰兒學者難之至覺為再興臨濟之學語言為機用其徒實繁蓋其道未易學也紹興八年被旨住靈隱尋復還舊山住天童前後凡三十年其時宗杲主育王覺語杲曰明年當逝去杲以辨說自高數悔覺至期覺屏絕人事者三月杲忽曰吾當過天童送覺禪師西歸覺將浴沐浴杲念以為未可信肩輿以歸急使邀杲回至則已端逝矣杲泣下為之削髮舍利凝神不可舉乃展拜曰平時自號善說法今不如師矣詔諡宏智禪師覺善為文初若不經意下筆即成所為語錄行於世其文麗則如洞下宗旨云

了 明

不知何許人身長八尺腹大十圍所至人必聚觀之始宗杲謫梅州防送甚嚴明為荷枷以行閒關辛苦未曾少怠既至貶所杲以齋粥不給且慮禍嘗勉之令去明輒不肯每自肩栲佬行乞如是者十七年如一日杲尋被旨住育王明常在座下為人豪邁機鋒敏速後奉詔繼杲徑山講席道望愈著

鄞縣通志人物編 方外宋

智連

字文秀

姓杜氏

號覺雲師

邑之龍山人十八受戒從圓照傳天台教義又從智湧頓悟圓宗居延慶施利山積一毫不自奉悉以資建立事誠於祈禱歷應響捷或欲記之必痛以妄語為戒圓照嘗與宏智登千佛閣智曰聞四明講教言空中有相照曰然智以手指太虛曰本無一物其相安在連指山川樓閣此諸物象復是何物智服其言後居南湖史浩與連遊問曰師於禪律能貫通耶連曰冰泮雪消固一水耳又問華嚴般若何支離連曰支離所以為簡易隆興元年逝世壽七十六

智朋

四明王氏

紹興初住婺之天寧後遷清涼退居明之瑞巖建康再以清涼挽之郡守亦勉其行朋不從作偈送使者曰胡煩專使入烟霞灰冷無湯不點茶寄語甬東賢太守難取枯木再生花未幾終

妙堪

姓毛氏

四明人十歲從道欽受釋氏學住天童參無用久之傳香辭去西遊住靈隱廷臣奉令僧道買紫衣師號即俾住持堪以為審如是則千金之子皆可主法吾道穢矣奏聞其議遂寢詔徒育王興建居多未幾示寂書偈辭衆云

法平

字元衡

號怡雲野人

嘉禾人初參妙喜為書記後居天童工文能詩尚書孫覲郎中朱希真皆許可之受請住象山延壽院復移杖錫史浩嘗酬其偈云團團碧月印寒潭時有清風掃碧嵐照見山人方隱几灑然無物自沈酣編修陸游尤重之有語錄集稿二卷留山中

從瑾

永嘉人心聞住長蘆瑾分座接納史浩問心聞得宗門骨髓者為誰聞曰瑾見地明白輔以英銳之資老僧不逮也浩遂請瑾住象山香燈院後移天童雪竇每住不過三年曰古人戒宿桑下畏留情也退居鹿院庵晚不復出世稱雪庵禪師

從廓

姓林氏

福之長谿人年十五祝髮於其邑之建善寺後見大慧於衡之回雁峯大慧深加器重紹興二十六年大慧被旨來育王廓復來依焉大慧移徑山舉廓自代遂主育王施者委金帛增庾入數千斛飯僧以萬計日本國王閱廓偈語自言有所發明至遜

樓鑰銘其塔

惠 詢

字 謀道

號 月堂

姓 陳氏

國以從釋氏歲修弟子禮辭幣甚恭乾道十五年詔明州阿育王山廣利禪寺釋伽文佛舍利寶塔詣行在所廓行既至命入禁中觀堂安奉上焚香瞻禮召廓問舍利從何發見奏曰自陛下聖心發見上大悅親灑宸翰大書妙勝之殿賜廓以妙智禪師號卒年六十二

亦樓鑰銘塔

德 光

姓 彭氏

昌國人甫八歲父母攜入寶印院謁了印師摩其頂曰能出家否欣然願留不肯去父母見其幼靜不類凡兒不奪其志始授蓮經兩月而成誦無不駭歎十四為僧即造延慶依燈照法師學日勤講業夜則坐禪迴與眾異後住海瀕華雲持鉢之沙岸忽遇羣盜劫將解詢衣詢正色叱之盜曰我將殺汝詢曰吾以寂滅為樂汝若殺我有何不可盜相顧曰是善知識也安可害之盡還其物羅拜而退移住靜居前田後江詢曰此處可與鬼神說法夜則炷香暗坐講法華經信宿間有飛螢二透於前後尋有百十乃至千萬明於燃燭講罷輒去嘗夜出螢往來江上不入講室夜分既歸螢忽來迎如繁星然詢笑曰是待吾講耶自爾每見之云乾道五年主延慶精持律範動不逾矩法席謹嚴數百眾無敢犯者寺之西有蔬圃官欲以為貢院勢甚急詢怡然不顧方杜門終日禪定纔信宿府主招迎謂詢曰貢院之擾得無動心乎今已得基地可以放懷詢謝之蓋有神現夢以為言也卒年六十一

周必大銘塔

臨江新喻人紹興十一年大慧南遷光年二十一望見曰此古佛也吾安得事之後二年出家徧參諸禪研究宗旨後聞大慧住阿育王山喜曰緣法在茲矣已而果大徹慧歸徑山光奉事益虔自號拙庵曰吾生平多得拙力淳熙三年詔開堂靈隱寺遣中使賜香是冬詔入觀堂留五晝夜數問佛法大意光敷奏直截上大悅賜號佛照禪師贈以御頌七年夏上用仁宗待懷輿故事亦以育王處之逮移御重華趣令入覲漏下十刻乃退紹熙四年改住徑山光力辭孝宗曰欲時相見耳慶元元年許還育王歸老東庵盡鬻錫寶物直數萬緡置田歲增穀五千斛助常持費嘉泰三年晨興集眾敘別說偈而逝賜號普慧宗覺大禪師塔名圓鑑初懷璉六十歲自汴京

來育王壽八十三光始終適同茲其異也

景蒙

字谷庵

姓邵氏

溫之平陽人初聞鐘梵則喜年十三為僧心聞禪師一見契之時魏杞分教永嘉與心聞為方外交及後罷相里居夢如生平傍有僧曰景蒙貌古神清談笑久之覺而叩天童僧樸曰僧名頗異有斯人否樸曰是方為堂中第一座招之如夢所見與論出世法了辯如響問其師則心聞也大異之遂延住智門七年寺以寢興蒙孤高絕俗若不勝衣而嚴冷峻峭不可挹酌後居瑞巖卒年六十四

樓鑰銘塔

可觀

字宜翁

號竹庵

義雲

號退谷

閩清黃氏

乾道七年丞相魏杞出鎮姑蘇請主北禪入院之辰適值重九指座云胸中一寸灰已冷頭上千莖雪未消老步只宜平地去不知何事又登高杞繫節不已淳熙七年皇子魏王牧四明聘主延慶寺幾二載云

見渭南文集

善月

字光遠

號柏庭

定海人母夢月入於懷後出家遂名善月蓋古佛名也居南湖問如來不斷性惡之論有省史浩以月波處之學者雲集居南湖凡十三年後居上竺歲早詔迎大士於明慶車駕親幸月以禦雨應補左街僧錄史彌遠問月曰慾何能斷曰日遠月忘或問以安心曰心本不動又問法華經藏曰當取全彰後主延慶寺晚歲著論不輟嘉定至淳祐天台之學月為冠壽九十三

岫禪師

字雲外

昌國人師事值庵究明曹洞宗旨居天寧又住天童說法能巧譬旁引俯就學者而曲成之二時粥飯必同衆赴堂既卒無餘資塔於本山之麓

道 沖

姓荀氏

以進士業應試不利學釋氏於梓州妙音以偈辭遊浙其言有曰尙餘窮相一雙手要向諸方瘁處爬至京師依松源岳於靈隱時多歲歎行乞養士十三年無倦色詔住天童衆集如海雖宏智盛時不之過攝育王住持事往來說法兩山間後歸隱金陵

寶 曇

字少雲

姓許氏

嘉定龍游人幼從鄉先生受五經習章句業已而棄家從大慧於育王又住杖錫山歸蜀葬親尋復來明史浩深敬之築橘洲使居焉工文辭有橘州集十卷始爲蜀士時師慕東坡後遊東南敬山谷故文章簡古高妙有前輩風又做太史法著大光明藏以西方七佛爲紀達摩以降諸祖師則傳之自言於第一義諦心有得人謂我以文辭鳴是未知我者慶元三年卒

文 禮

杭之臨安人謁育王佛照照喜其俊邁挽爲書記久之返浙西後住天童遷於易乾淳諸儒大闡道學禮與之遊云

師 瑞

姓謝氏

九江人十歲出家十五誦法華經不脫一字遍參諸宿入拙庵德光之室光自育王應徑山請難其繼被旨以瑞補其處在育王九年壽既高掩扉靜坐務謝絕學者而戶外之屨常滿嘉定十六年逝葬烏石山樓昉爲塔銘

正 皎

字元晝

主南湖講才宏闊樓鑰每從之問佛法大意皎號月窗於窗間作半月鑰爲作詩云不要作圓月纔圓便有虧不如作一半卻有向圓時

善 珍

字藏叟

泉州呂氏

朝命住四明之育王山臨安之徑山逝於嘉定十年珍有山行晚歸詩云一徑入雲林晚晴扶杖吟照泥星復雨俯影月猶陰樹折憐巢覆泉清見葉沈愛閑自如此不

妙 蓮

慈谿人住湖心廣福寺其學見於行事不爲空言當理宗時錢塘潮悍橫不可遏詔起蓮治之蓮跣坐施呪潮遂循故道又有僧處真鄞人精律學主湖心二十年史浩

賜第鄉里與處真善其逝也為文祭之

少遊方後得法於運庵為偈頌善出新意辨說鋒湊叢林推之主育王吳潛判慶元極敬之問曰師語錄願序引之以傳不朽愚謝之詔主徑山

邑之橫谿人初參北澗於靜慈悟旨命典文翰聲稱藉甚後主大慈育王兩寺說法之暇嘗命工築大嵩塘田供禪士至今育王大慈二塘皆觀之遺澤也

同廣聞參浙翁於天童有省出主杭州靈隱寺嘗募五燈會元賜入大藏廣聞字偃谿紹定閒主帥胡榘以小淨慈致之歷住雪竇育王諸山

謁破庵禪師於平江西華秀峯頓悟元旨住明州清涼遷雪竇詔住育王召入對修政殿賜金襴僧衣宣詣慈明殿陞高座說法帝垂簾而聽賜號佛鑑禪師淳祐九年示寂塔曰圓照

宋亡避跡仗錫寺閉戶書法華經有老來非厭客靜裏欲書經之句一時遺老家則堂文本心黃東發舒闊風周伯弼咸與之遊

炳 同
字野翁
新昌張氏

元 陳可復

字復心
號雷谷

定海人幼疎爽越有林生善役雷有問其法輒叱去可復晝夜承事因林嗜酒每鬻衣以奉由是卒得其術嘗主教鄞之玄妙觀中秋有方士賞月可復不與戲以墨水噴符頃即烏雲掩月而雨黑雨衆知其所為延之入席雲霧散盡月復朗然至元閒鄉大旱禱禱莫應可復精思集雲雲果合須臾雷電大作雨甚遂召為承應法師見世祖皇帝偉其貌命治足疾可復曰疾深不足治臣有禁架術願試之良愈復命止風風返卻祈雪雪立至從上巡幸幾十年卒京師追封誠明翊教太極真人

鍾道士
失其名

有法術歲常大旱書符咒之雨輒應時天下方亂妖邪並興道士禁之即息呼召神將能使二童持劍入水斬鬼物持其首而出復多戲術人至今皆道之

呂震亨

陳可復弟子亦著靈異召至京師嗣其師之法留侍內廷者數年然後歸住邑之沖虛觀庭中檜樹有神芝生其上勢若飛鳳精彩耀目

王天助
字致和
號頤庵

昌國之蓬萊鄉人學道於袁松溪泰定間入侍內祠以精於禱禱數遣代祠名山京師大旱祈雨輒應有司治決河投其鐵符水勢漸減主鄞之玄妙觀建玉皇大閣賜號太虛元靜明妙真人

呂希夷
字與之

端謹而文爲道士於天台桐柏山大德十一年爲縣令禱雨而應旋建大瀛海道院於象山之爵谿嘗著老子講義趙與權之孫建福順觀於鄞延希夷居之

張悌
字信甫
號無爲子

象山人有別業在鄞扁舟往來好結賓客捐所有予人無吝色父以罪當詣吏悌請以身代父得免既出遊南北回薄萬里謂武當神明之奧鍊形服氣莫此爲宜一日掉臂出門顧謂其家子古初曰善事爾母教育諸弟毋以我爲念行至武當山上紫霄宮晝服勞薪水與衆同甘苦滋味取其至薄者夜則危坐一榻脇不至席者三年忽晨起別衆方怪之則已化矣

明本
號中峯
錢塘朱氏

年十五誦佛經困則以首觸柱自警往見天目高峯一見爲削髮事之十年遂契妙旨曾往日本傳教仁宗朝知其高行賜金紋伽黎衣號廣慧禪師召見不至屏跡自放所居皆名幻住嘗見行腳僧苦遠汲遂斷頰浴人爲製葛衣受而不服至治閒至海會寺開法有梅花百詠手寫華嚴經塔一幅三年而成其字細如蠅頭縱橫成文寺僧寶之住鄞甚久今寺中猶藏趙文敏所畫中峯像一幅後居天目至治三年八月安坐而逝英宗賜諡智覺元統中詔以其廣錄刻梓命揭傒斯爲序

或曰杭州李氏或曰錢唐孫氏

妙源

字晉之
姓陳氏

象山人清苦峭厲貌寢薄常衣蘆花衣服鐵械口誦佛號不輟每跣足乞食於道得法於育王智愚智愚晚歲在徑山源為演法代其酬答從者如林嘗曰佛去世久其言在後皆蹈襲之戒律墮壞日將甚吾能歲化一人知因果誠不負佛付託也後示寂願以身飼烏鳶源善為唐詩類張良臣雪竇妙高峯詩人傳誦之

文述

字無作
慈谿孫氏

自幼不近酒葷閱佛書如素習長出家見怪石奇於天童與語契合居大梅護聖二刹皆衰陋述申以約束人人自律名益聞有旨錫號覺智圓禪師年近七旬退休花嶼湖柳貫黃潛與為方外友

佛海

號東雲

住天童與河南褚士文為方外交士文徵言於海海時年八十五能作凍蠅細字手書舊詩數十篇酬之士文寶祕珍惜雖隋珠寸璧不換也

梵琦

字楚石

慶元人工行草有書名

覺慶

姓毛氏
號壽堂

自幼窮究妙典投禮梅峯和尚深入悟門喜化道俗鑿石衢鑿義井施湯茗行鍼藥凡可以澤物者靡不為至正元年杖錫至雲間觀普照佛會隆盛遂預作別四明及杭之麴院二書并作偈示衆而寂

如皎

字性天
邑周氏

從正庵往謁古拙一夕推簾見月有省後臨終示偈曰文章佛法空中色名相心身柳上煙惟有死生真大事殷勤了辦莫遷延衆問了辦如何曰吾今無暇為君說聽取松風澗水聲

淨日

號東巖
姓廖氏

南康之都昌人至元十二年主育王大德四年主天童行峻潔以完遐邇嚮慕將示寂書韻語以示其徒曰天為蓋兮地為函吾奚為兮塔與庵灰吾骨兮山阿言已矢兮勿讎越二日沐浴端坐而逝年八十八

善良

字子直
號月溪
姓朱氏

定海人主延慶寺天台之學其說汪洋博訓詰多至萬言良始疑之為書曰十門指要約說曰教觀撮要至元二十六年寺延燬芟舍草緝講論不輟大德元年入寂年七十九袁桷幼歲遊起信堂羣僧誦聲接几席取其書讀之茫不能解泰字曹先生說曰取子直約說讀之斯解矣

袁桷撰塔銘

大證

番陽人初從昌國寺智節學出世法時雲外岫方倡曹洞之道於天童證往依之命典藏教至治間詔徵天下善書者書藏經證北上入覲事竣賜以織金之衣尋奉詔主慶元之定水閣四年遷雪竇云

祖銘

字古鼎
姓應氏

奉化人年十八從金峨寺僧橫山學出世法居青山寺在鄞東湖之濱劉仁本題其書樓云青山湖上老僧居百尺危樓萬卷書架插牙籤朝旭上香消古鼎夜窗虛欄干竹色浮蝌蚪枕簟芸香落蠹魚近憶校籙人未遠雨花零亂獨躊躇又嘗退居湖上之二靈至正七年住徑山錫號慧性文敏宏學普濟禪師年七十九書偈而逝銘洞徹玄微踴厲縱橫袁桷黃滔虞集歐陽元皆稱慕之

子文

字宗周

寶雲寺僧明天台學嘗講法華於旃檀象殿一日即坐說觀心觀佛義有問者伸答敏發遂書偈坐逝閣維獲五色舍利

僧照

字覺元

甬東人幼穎悟師出世法不廢儒業讀書於澱山湖濱者十年遊揚鐵崖門稱方外弟子窮日夜記書數千言屬詩文若干首孜孜自課以為常鐵崖嘗作詩送之云

僧益

字楠堂

永嘉人大慧果四世法嗣得法於淨慈隱公住鄞之太平彰聖寺終於奉化岳林寺有山居詩四十首格律在皎然無本之間當不徒賞其山居高致已也

曇疆

字夢堂
慈谿王氏

生而魁岸風神洞爽卅歲即通經史嘗學文於金華胡翰以不甘聲利謝去舉子業祝髮東臯烏斯道讀書寺中從之學文因題其堂曰疆公以志不忘至元五年居鄞之寶慶寺戒行嚴潔文章簡古士大夫有丐其文者不稿而成至正間賜號佛懿大

鄞縣通志人物編 方外元

五九〇

師後主瑞龍院明洪武三年召至京說法已而歸晚歲重修歷代高僧傳筆力遒勁
逝年八十九

宏濟

字同舟

一字天岸

餘姚姚氏

年十六為僧往鄞依半山全公讀天台之書久之悉通其說泰定改元開法於萬壽
圓覺寺壽八十五書偈而逝濟狀貌魁偉有戒行才器宏贍墳典不忘楊鐵崖亟稱
其詩云

龍淵

四明甘露寺僧為人純素質直無世閒心而作字點畫自整意態簡遠嘗手書妙蓮
華經七卷以報佛恩

祖柏

字子庭

四明人史浩之後幼從禪學能口辯有詩名性好浪迹雲遊乞食村落對人不作長
語間雜諧調嘗住嘉定慧聚寺以畫蘭與普明齊名尤喜畫石菖蒲題句甚多

覺恩

字以仁

號斷江

四明人卓錫雲門復住天平白雲寺為詩衣鉢山谷嘗經實似道墓作詩極為柳道
貫所稱云

悟光

字公實

姓楊氏

蜀之新都人初說法於白馬寺至正二年住育王以朝命所頒金幣建承恩閣學士
黃潛為記會天童建席兼領寺事以五日分會說法有語錄宋濂為序明洪武十四
年坐逝

懷信

字孚中

姓姜氏

奉化人十五祝髮受具戒於五臺寺凡遇叢林名碩輒往參叩華藏竺西主天童景
德禪寺信隨質所疑竺西知為法器問答有契天曆二年信往補恒洛迦山自持一
鉢丐食吳楚開鎮南王具香華迎至府中虛心問道宣讓王亦遣使者奉旃檀香紫
迦黎衣賜號廣慧妙悟智寶宏教禪師後居龍翔寺明太祖下金陵僧徒散去信獨
結伽宴坐目不四顧執兵者當前擲杖而拜太祖嘗親幸寺中聽法改龍翔為大天

目講僧

界寺信一日晨興沐浴更衣趺坐謂左右曰吾得歸矣停龕七日顏色如生不知姓氏里族或云元進士晦迹於僧或云嘗為陳友諒參謀兵敗逃為僧明初來鄞善堪輿術為人卜葬無不奇驗久而益神邑中大家宦族其先世墳墓未有不出其手云

或曰目講為默講之譌亦號一默道人

明

祖 闡

字仲猷
慈谿陳氏

機鋒峭拔迥出流輩主天寧寺洪武五年太祖謂劉基曰日本固非心腹之患猶螽斯驚寤自覺不寧其俗尚禪教宜選高僧說其歸順遂命闡與南京瓦棺寺僧無逸俱往將行上賜以緇器禪衣之屬令大官饌享於五鳳樓下且賜詩曰嘗聞古帝王同仁無遐邇蠻貊盡來賓我今使臣猷通洪元倭夷書往至於善導凶人不負西來意爾僧遊遠方毋得多生事入為佛弟子出為我朝使珍重浦泉經勿失君臣義此行非瀚海一去萬里地既辭釋迦門日日宿海涘艤幢掛飛颿天風駕萬里平心勿憂驚自然天使之使休問海茫茫直是尋根際詣彼佛放光倭民大歡喜行止必端方毋失經之理入國有齋時齋畢還施禮是法皆平等語言休彼此盡善化頑心了畢纔方已歸來為拂塵見終必見始闡受命而行自滄洲啓權五日至其國境又踰月始入王都館於洛陽西山精舍一遵聖旨敷演正法聽者聳愕亟白於王請主天龍寺闡以無上命力辭之且申布威德罔閒內外所以遣使者來之意王悅命僧奉方物稱臣來貢闡既歸上喜賜白金一百兩文綺二緜

見籌海圖編

祖 鐙

字無盡
姓毛氏

四明人年十四出家郡之天寧後結庵上雲精修苦行影不出山者五十年人多化之有以土地為施者則辭之曰先佛以乞食為事吾焉用此性尤孝謹迎母養之山中母年九十四而終衆以非沙門行讓之鐙曰世尊尚升忉利天為母說法我何人斯敢忘所自洪武二年春忽示微疾而逝

元 旭

字原明

四明延壽寺僧飛錫松江洪武二十三年重建祥澤石梁旭題詩紀之惜其文罕傳僅見石屋瑛公塔銘

溥 洽

字南洲
山陰人

陸游之後嘗居鄞之延慶寺博串經典旁通儒家言肆力詞章緇衲有文聲者洽與道衍為最洪武中為僧錄司右講經歷左善世尋以讓道衍居右遭讒左遷右覺義久之復右善世金川門開洽為建文君薙髮成祖聞其事囚之永樂十六年道衍疾革車駕臨視問所欲言道衍於榻上叩首曰溥洽繫獄久矣上即日釋之出獄走大興隆寺拜行床下白髮長數寸覆面額矣仁宗初數被召問居南京報恩寺宣德五年示寂年八十二

守 仁

字一初
號夢觀

富春人從張伯雨遊能文辭草書宗晉亦能篆隸初有志事業不偶為僧嘗言我輩從事文墨非以廢道蓋有不得已也居四明延慶寺洪武中徵授僧錄司右講經遷右善世母歿奉旨奔喪賜錮殯斂後主天禧示寂守仁少時與同里古春蘭同遊楊鐵崖之門鐵崖云余在富陽得山中二生曰蘭曰仁皆用世之才授以春秋經史學兵與隱於釋氏能以宗乘與吾聖典合為一

來 復

字見心
豐城王氏

以日南至生故取易卦語識之得法於南悅楚以兵興隱慈谿之定水院干戈載途不能見母作室東澗取陳尊宿故事名為蒲庵示思親也後鄞人士請主天寧寺時寺為戍軍營褻穢尤甚言於帥闡移其屯建治弊壞一還舊貫洪武初詔徵高行僧復兩至南京慰勞優渥授左覺義賜金襴袈裟詔住鳳陽之圓通寺二十四年坐胡惟庸黨死年七十三宋濂嘗序其文集謂禮麗而演迤整暇而森嚴發為聲歌亦清朗橫逸絕無流俗塵土之思寘諸古人篇章中幾不可辨同時天童智昌字壽巖司聰字木庵皆以高行內召

子 梗

字用堂
奉化陳氏

嗣法天叟行端居鄞之護聖若古鼎笑隱斷江皆嘗參扣與夢堂倡和吳中時以唐皎然宋道潛為比洪武中內召至金陵宋濂為序其詩

無 愠
字恕中
臨海陳氏

受度於元道初居徑山兩浙浙東名利投閒居太白山中洪武七年日本國王慕其名以玳山研為贄請化其國帝召赴京時愠年七十見憫特寢其奏留住天界寺以病請帝憐之賜歸天童故山復住縣西翠山示寂所著山庵雜錄蘇伯衡序之

崇 裕
字約之
毗陵陳氏

少從壽昌院東林曉為沙彌院有大梨木久不發花及裕至花開滿枝結實大如罍曉異之度為僧又參廣智訢盡得其道洪武初主育王五年詔徵高行僧十人裕居其首命書天界寺額賜食上前或假寐鼻息微有聲鄰座引裾覺之上歎曰此老人無機心誠善知識也賜號扶宗宏辯禪師

清 濬
字天淵

黃巖人祖銘入室弟子開法於邑之萬壽寺退隱東湖二靈山洪武四年召見太祖勞問甚至錫賚而還十六年召補左覺義住靈谷寺御製詩十二首賜之濬和詩稱旨宋濂嘗有序送還四明稱其才不下祕演浩初年六十五示寂

大 回
字妙止
姓張氏

會稽人住鄞之延慶寺永樂中召修藏典適上元節張燈應召者百餘僧傳旨賦詩大回云鑼鼓喧闐慶太平燈山萬仞六鷲擎雲間一佛開丹闕天上羣仙會玉京錦樹有花春不老銀河無浪月長明聖恩特與民同樂敕罷金吾不禁更進覽中聯後一句稱旨留月餘厚賜遣還

行 恢
字復宗
慈谿楊氏

學行超邁居壽昌寺永樂四年應召陞對稱旨命入文淵閣同修文獻大成十六年復應召校大藏經典於海印寺既而又召預修永樂大典授左覺義堅不受仍給驛歸其舟夜泊偶觸貴者舟辱之恢語寺僧慎勿以吾名聞貴者廉知將請罪恢遽解維去建昭恩閣於壽昌以炳上賜既逝塔於甬水橋畔之歸津庵

惠 賢
字思齊

居延慶寺喜結社吟詠副使黃潤玉甚重之惠良字思善亦能詩與惠賢稱法門二難

鄞縣通志人物編

方外明

五九四

世
號字
月至清
軒

延慶寺僧與太僕金湜結社賦詩垂老不倦時皆以香山會中之如滿許之其弟世
璽字若虛號雪川博學能詩常遁居東山佛巖寺

宗
號字
德盛
柏軒

延慶寺僧善詞賦樂雲遊嘗至京師名動搢紳同時本炬字明遠號照初能詩與沈
明臣遊

道
號字
春一誠
溪

延慶寺僧工詩性愛林泉每獨往郊外寄食村居尚書張時徹嘗曰孤雲野鶴何處
不可居格公之謂也同時道體字真止道統字貫華道如字仲來俱以詩為豐坊所
推重

德
號字
化億
仰南

居延慶寺稟性孤介獨好詩書才而不壽人多惜之其師弟德泰字時清隱跡寶巖
能詩晚年苦行甚篤德本字瑞光亦安貧嗜學云

興
號字
元寶
甫

幼孤出家居延慶寺謝絕世俗嘗以詩學教衆徒

宏
號字
水智
月鑒
大雷汪氏

從延慶寺僧復受業能詩工書同時祖釋字公緒留心內典亦嫻吟詠

正
字
顯宗
彌

能詩善草書主延慶寺自學能詩主育王寺後皆應召自學任左覺義

宗
正

能詩文主育王寺與延慶寺僧宏論大振皆以學行應召宗正賜號戒壇禪師

契 穎

姓翁氏

善琴居永樂寺後應召圓詮姓楊氏居永明寺有月航集守約居五臺寺學行重於時

用剛軟禪師

邑陸氏

住法海寺宣宗朝會內召相傳乘赤雲而去白雲而還歷有神異其法語蓮池大師選入禪關策進復有獅子圖頌十二首行世

懷 讓

天童僧餘姚令張宏宜欲毀某寺題詩於壁適讓過其寺次韻書其後云元亮歸來不計春攢眉入社更何人祇園陀樹今枯槁看遍桃花幾度新次日張見詩吟哦遂不毀寺

道 孚

字信庵

英宗時授僧錄講經退結茅山中善書筆法道健嘗於文華殿大書扁額云

永 顧

字本源
一字性庵

邑人十歲喪母服闋出家為大報恩寺僧後主杭之上天竺刺血書五大部經能詩有集

傅 慧

字朗初

邑人住延慶寺後住五井山楊承鯤常讀書寺中慧因從受業承鯤每候雞鳴起讀輒呼與俱因得授詩法通內外書與沈明臣王穉登倡酬云

宏 灝

字空波

皆鄞人得詩法於朗初時人以此支通支亮支繼謂之一朗三支此外又有萬說希聲福亮覺真道東起白宏演皆延慶寺僧俱一時之秀東林寺僧炤鏡字本澄亦能畫工山水

佛 引

字西來

圓 復

字休遠

鄞縣通志人物編 方外明

圓 悟

號密雲
宜興蔣氏

樵耕為業好學書年三十別其室事龍池傳和尚三年始祝髮掩關千日後過銅官山豁然大悟於是往復辨論機鋒相敵龍池付以衣拂崇禎間育王殿落成郡司理黃端伯奉書迎之遂入山開法後主天童古刹久廢悟慨然重建營構一新凡六坐道場法席最盛宗風遠被王公將相下及韋布獠獠倭蠻重譯問法弟子十二人俱出主諸方名刹天童法雨遍宇內示寂於天台返葬天童

海 懷

字太涵
周氏子
名一懷

精於花卉下筆飛動偉麗可觀寫牡丹最工淡墨欹斜縱筆點染深淺向背灼灼欲生寫山水亦多別致披緇候嶠山嗜酒放浪尋蓄髮走燕趙名動都邑其徒靜問習其藝

行 職

字法幢
姓林氏
名增志

瑞安人崇禎元年進士官翰林日與金聲金鉉熊開元錢啓忠黃端伯以理學節義相切劘歷官少詹事甲申後為僧遊雁宕登四明觀雪竇遂嗣法於石奇清初攝政王因大學士范文程薦以閣部銜召見擬用辭歸順治十二年入大梅訪梅子真遺跡結茅居之歲飢糧匱飧蒿然松讀書怡然自得越六載還東甌示寂於密印寺

槩 山

故儒生有志節從金峨僧博融學博融為有道浮屠王玉書嘗入山參之者也槩山既學禪然所交皆儒者其和玉書詩極為世稱旋居城北之白衣寺與倪元楮家近朝夕過從已而高字泰為南湖九子之集元楮亦拉槩山入社倡和

寂 然

號出庵

薙髮於錢塘老僧月江密雲主育王天童追隨杖履多所印可然好藏匿不見聲采於育王掌樵爨於天童埋香鋪即同參莫測所為也所著隱菴集選燔剩集及散語行世

西 立 節

紹龍泉人尚書郭維經子立休寧人侍郎金聲子為僧天童執爨且數年都御史高斗樞來寺中物色得之一院大驚道忤北行兩僧不欲隨之同時真樸字雪樵亦高節

清

圓信

字語風
號雪嶠
邑朱氏

與圓悟同師二十九歲始祝髮行脚常凍飢至赤體草宿乞食聚落悟無入處後至秦望普濟寺始大悟結庵於武康之雙髻峯壁立萬山中遇虎不為害性好吟詩作書畫別出意緒為名家所貴凡四坐道場終身不付一弟子手攜藤杖甚古或見之以為難得信笑曰大小魔王動以主杖拂子傳人十年之後此物不中打狗謂密雲及通容也順治四年將示寂見擔糞者過呼之前授以拂子曰拏去趕蒼蠅其特立如此前一日嘗書偈曰小兒曹死生路上須逍遙皎月冰霜曉喫杯茶坐脫了越日果索茶一甌飲訖結跏而逝後道忞應召入內上問及雪嶠大師喫茶度脫事果否忞對以為常事無足奇上心重之賜金五百兩修藏塔

圓戒

字妙行
姓董氏

餘姚人掩關靜坐如是者二十年初參龍池旋主天童預知辭世之期乃作偈曰入夜月華窺底白悠然松韻耳邊清夜半呼侍者曰月出矣危坐而逝

智遠

字空林
峴山朱氏

崇禎四年從密雲悟和尚住天童悟引為入室後悟死凡平日品題所及者皆稱同門補授衣鉢或經拈香上座遠深鄙之故其詩有解行自捫無愧忤姓名何必上傳燈之句云

通奇

字林野

四川人年十九南遊參圓悟於清涼庵隨入天童人稱林古佛順治三年主法天童

道忞

字木陳
潮陽林氏

甫冠棄弟子員為天童圓悟嗣悟示寂遂繼席天童順治中詔徵至京住齋宮萬善殿結冬開堂賜號宏覺禪師

超直

號問石

為錢塘留錫庵僧少時未嘗讀書後得定力輒能解卷帙之蘊康熙三年張煌言被執至杭就義從者二人同死超直收而葬之南屏之原超直與萬斯大董道權稱至好賦詩多骯髒之氣不可以格律繩之十四年三月忽作詩一絕并大書案上曰斬

鄞縣通志人物編 方外清

邑陳氏

斷葛藤斬斷葛藤遂化

本 皙

字山曉

號嘯堂

長壽魏氏

參道恣於雲門得契遂結茅東海郁州山中恣再王大童招充首座康熙十年繼席天童

本 晝

字天岳

羅田蕭氏

十二歲祝髮廬山徧謁諸方時雪嶠玉林箸庵木陳皆欲得晝卒受木陳之傳始嗣席平陽晚乃王大童晝苦志讀書尤喜吟詠黃宗羲李鄴嗣盛稱其詩書法亦得晉人風致逝年八十有五時鐵夫借山石庭青庵介愚諸僧皆以能詩名鐵夫名元立遠覓父骸尤非可以尋常方外目之也

元 燈

字明介

年十六出家虎邱後至竺山為嘯堂和尚記室從嘯堂遷天童燈為人風儀蕭散神鑒湛然與一時名士接退相題目未嘗失分寸年三十卒李鄴嗣哭之慟謂更覓解人不可復得非徒失方外一友也

本 沖

字息庵
四明楊氏

少至孝性穎悟依天童宏覺維度徧參叢席後主楓涇圓明禪院康熙四十四年聖祖南巡召對賜淨域長齡扁額及對聯明年秋沐浴跌坐遂化去壽八十四

晚 荃

字嵩來

通儒術能詩以畫蘭稱住育王寺積金闢拾翠樓構娑羅閣以補舊時之所有蘇長公宸奎閣記張無垢妙喜泉銘仆地已久荃悉為豎立又重修育王寺志刊行之

祖 寶

字玉山

其母奉大士像甚謹夢游海得一石覺而生寶弱冠事太白山述修上人居長庚樓戒行精苦年七十三結跏說偈已垂一足而逝

隆安

字慈運
一字皈依
湘潭朱氏

國民
敬安

字寄禪
湘潭黃氏

少嘗販米湖北過洞庭被盜魁偉其狀貌脅入夥死拒不從魁曰此壯士也盡還所掠遣之且戒其黨後勿犯年十八受具戒野禪聲和尙遍參江浙名利普治長老契其根利為傳法印以號佛為止念法門屋主七塔天童萬壽諸寺宏展法席住持七塔最久與廢續絕嚴整戒規稱七塔寺中興云弟子四十餘人皆性相圓通繼隆安敷法遠近歸之甚衆僧臘六十六終於七塔寺案隆安接法臨濟為三十九世

當隆安初來七塔寺執薪水役太平軍適陷寧波主僧及游方盡逃獨安不去軍將怪問之曰我去誰復供佛香火故留待軍將義之付一小旗令衆曰有犯此僧者殺無貸其感人類如此

少孤寡無所依為人牧牛已而投湘陰法華寺度為僧年已十八未嘗讀書性善悟耳目所受即通徹於心旋徙南嶽祝聖寺聞岐山恆志大師創教外別傳之旨冒雪往參恆志命司行堂兼執飼犬役犬食餘不棄即取以充飢如是苦行數年無所得尋至寧波阿育王寺供灑掃役於佛舍利前剝背肉如錢大者數四注油其中然以代燈又然去左手兩指供佛因自號八指頭陀發誓修法華般舟行朝夕懺悔已往輒淚涔涔下歷二旬世智頓開嘗省舅氏之巴陵登岳陽樓下視水天一碧忽得洞庭波送一僧來句大喜以為有神助自是始知為詩每出游必袖攜紙墨所至吟詠昕夕無間海內名宿咸與定交遂以詩僧名天下清光緒十年還湘歷主羅漢上封大善瀉山神鼎上林各寺二十八年復主天童方丈歷十一年持教義行世益闡發慈悲弘愷普引廣敷期可利濟人羣乃與諸山創白衣恤孤之議其時清廷初廢科舉各省府奉令籌辦學校頗聞有搜括寺產之說僧衆大懼浙中三十六大寺私請倭僧伊藤賢道假名入華傳教藉資保護竊敬安名署首敬安聞之大憤謂非特辱國且辱教也陳書浙大吏嚴拒倭僧入華政府亦知僧產之當保乃頒行僧教育會章程而寧波則先一年設立僧校至是益擴充之僧會成推敬安為會長敬安內外肆應備極冗繁而吟詩不輟人益高之民國成立後敬安屢上書政府請立總會於上海許之敬安遂被舉為僧教育總會會長會湖南攘奪僧產案久持未解敬安徇湘僧之請赴京爭之內部禮俗司長不聽反面辱焉敬安憤甚歸法源寺夜自經殉教赴至聞者無不哀之僧臘四十有五

敬安詩學初唐王千秋嘗嘲其能為鳥瘦不能為郊寒晚年遂壹意學東野著有八指頭陀詩集十八卷白梅詩一卷文集四卷語錄四卷

岐昌

字水月

邑錢氏子

自幼剃度於永豐庵庵產頗豐歷來主者取以自私至岐昌主庵事改祖傳為法傳並割良田百畝與七塔寺充給衆僧之糧尤稱高德性沉潛善持精修法典不形言語為稚僧時常從江東董氏塾讀書書法工整詩亦清正一時有才僧之目然不自多灑然遠俗勿為名累其主天童七塔也能繼敬安隆安遺志敬安嘗云甬上真和尚岐昌一人而已其為長德推重如此寧波之佛教孤兒院創議自敬安成立之功則岐昌為多云

古虛

字諦閑

黃巖朱氏

少習醫年二十忽悟藥石醫病不能醫命飄然有出塵想清光緒五年遂誓願入天台國清寺落髮受具由是冬參夏學從諸者宿聽法漸開悟嘗在古杭六通寺講妙法蓮華經至方便品開佛知見時忽深入禪定默不作言已而出定遂辯答如流莫之能禦一座大驚古虛自此以代佛弘揚為己任歷應諸方法會又以講多定少為徇外忘內乃就慈谿聖果庵掩關研精諸大乘經造詣彌深繼由述端融祖授記付法傳持天台教觀第四十三世歷主東南各大叢林最後住持寧波觀宗寺為四明道場中興之祖年七十五小感不適自知將死即付法於弟子寶靜踰日坐化而逝著述甚富

寂定

自號安心

頭陀縣人

俗姓傅名宜耘以米業起家性慷慨慕義輕財時寧波有佛教孤兒院之設困於資用主者以為憂宜耘聞之曰此大好事也奈何不援助之請於主者願自費赴南洋籌捐既放海隨行僧利其資將劫而殺之同船有閩僧曰轉道者新加坡某寺之高行也察得其陰密告宜耘防之並挈以去隨行僧知謀破遂掠所齋文件而逃宜耘自是依轉道為師時年已七十矣念社會慈善事業非脫塵俗壹意務之不能舉於是誓願為衆孤捨身民國十四年遂剃度於北平法源寺又受戒於湖南寶慶點石庵法名寂定謂人曰今而後吾可安心從事恤孤矣因自號安心頭陀頭陀凡五窮河漢流域三渡南洋徧朝國內外諸佛迹光頂赤足日一餐寒暑一衲修苦行托鉢

古虛生性慈悲有以事干者輒如其意以予常為同鄉人所翽當道之門時有上人之跡時論薄之然實非古虛本意

乞緣三年得孤兒教養金不下四五萬院賴以不廢十九年陝西大旱頭陀獨募五萬七千金隨政府振務委員朱慶瀾躬蒞災區放振頭陀派放乾縣乾縣災重頭陀撫輯流亡計劃救護畢誠以赴遺黎感其實惠爲建生祠尸祝之二十一年頭陀又募資於其鄉五鄉硯創立佛化惠兒院院旣成頭陀曰吾願畢矣遂謝絕世紛閉門誦佛又六年無疾而化

鄞縣通志人物編

方外
民國

人物類表第九 方聞

清

陳政鑰 嚴文周
范翊診

民國

張美翊 費紹冠

馮丙然

盛炳緯 吳傳基

王世釗 童士奇
蔡和鏘 李鏡第 林潤
藻

盧洪昶

右自清迄民國二十六年凡七人附見者若干人題曰方聞以其人皆負一方之令聞而大有造于其時者也夫甬俗好義振古稱之自歐化東漸民智易嚮曩昔醇龐之俗隨潮流而盡地方救濟之事仰市井而成儒效疏而里俠起官治腐而清議尊亦時際使然也當太平軍之役全浙饟輸皆取給於甬諸將恃功而驕空券責償窮于應付陳政鑰以士紳而主府局苟乏調運之材或有其材而無其信甬人雖輕財好義亦疇肯任爾挹取以填無窮之壑而此時也政鑰上下周旋雍容酬答急之而不至豐變縱之而有以持後洵有材矣而信又足以將之張美翊說盛宣懷連盟東南

以制拳寇使垂危之天下轉于磐石何功之偉也之二人者皆國
家命脈所繫重不僅一時之望故特表而出之至如馮盛諸人淑
羣善俗道路吟口稱為一鄉善士雖為量間或不同要非徒有其
名爾述方聞第九

表中盛炳緯李鏡第皆鎮海籍費紹冠慈谿籍而寓居郡城置
有不動產依法不當列為流寓寓而曰流徙遷無定之謂也今
三人居鄞已三十餘年地方公益之舉為力亦復不淺雖死後
回遷本籍亦當列為縣人云

清	代時	姓名	事	實	附	述	備	注	
陳政鑰		陳政鑰	道光二十九年拔貢陳氏故巨家以好義開鄉里政鑰負才廣 交為當道所重郡縣有事若振荒修學協濟鄰饑之舉皆倚辦 之以平東鄉土寇彼功授內閣中書咸豐十一年太平軍陷寧 波政鑰奉其母避亂桃花山母旋卒同治元年移寓江北岸江 北為洋人屯泊之所衣冠流寓皆集焉時護提督陳世章巡道 張景渠暨諸守令皆走定海以失守于重咎思立功自贖商之 政鑰而鄞縣西南山村亦謀起義兵諸生范邦祚避寇山中實		嚴文周字子香家貧學未竟父命習錢 通既成有聲市中時陳政鑰主善後局 籌辦全浙軍需奉命徵收洋藥稅政鑰 懼擾及閭閻以文周謹重屬以事曰協 查公所者其徵稅機關也歲有羨餘積 儲以備不虞會西人建江北岸浮橋人 索四錢不應不許通會四月祈賽過江				

預其事詣政論受期會英國領事夏福禮駐寧波以太平軍踞郡城礙貿易願出兵助剿象山鄭維春亦居江北聞之以告政論政論大喜招鎮海會范維邦為內應維邦頓首受約願出萬金佐軍饗三月四明山義兵起四月丁己政論遣舉人楊鴻鼎等詣定海迎官軍已未世章景渠發定海以游擊布與有為軍鋒合靈巖太邱諸鄉兵會攻鎮海次日克之維邦降辛酉進次江北岸甲子攻甯波與有督戰船首突和義門英總兵咄樂德克駐三江口發巨礮轟擊城堞礮聲震天彈丸飛墮城中酋首黃呈忠范汝增等震恐率眾出城西竄城遂復世章等權蒞舊任設善後局以政論主其事越三日盡定屬縣新復之地百廢叢集廣濟靖逆忠勇奮武勁義威遠常福詔安諸義軍多者千餘少者數百糧饗支應皆仰給府局而副將華爾督所部常勝軍自上海來費尤鉅其後巡道史致謬知府邊葆誠新受事一切資政論朝夕籌計嚴罰賄課釐金勸富戶輸財口講指畫與驕軍悍將相摺拄卒成大功七月復餘姚閏八月太平軍再犯甯波擊走之十月復上虞嵎縣新昌明年正月復紹興進攻蕭山與浙撫左宗棠布政使蔣益澧之師會甯波始解嚴宗棠兩疏敘其績詔授直隸州知州分發江蘇政論以浙東事猶亟不赴也杭州行營之饑以甯波為大宗洋鎗火藥亦購自甯波前後解送戶捐市課關稅田糧至數百萬用佐西師以收全省克復之效政論頗有勞焉性剛毅不為威屈中外交涉尤力持之德國總兵德克碑藉稱軍需索銀餅六萬副將實德稜自二月出都四月抵甯波亦索路中兩月俸月千金政論以軍需無驗月俸當俟到任日計算堅不與乃由其提督伏恭移文督撫命量給之往復辨論始給其半番將布樂帥自往蕭山探賊偶被傷索醫藥費政論以其私出不允兩浙既定省中建設繁殷政

游人衆多橋為斂錢故擁擠致崩沒人無算文周閱之請於政論盡出公所羨金向西人贖回改為義橋不足又獨已貲益之一時行路德之
范翊鈐字清笙光緒己卯舉人平陽新昌教諭庚子拳匪起京師甬上頑民思遙應為變翊鈐適丁憂在鄉以商董籌辦巡防地方藉以安靖及萍鄉喻兆蕃來守郡察民望邀翊鈐舉辦鄉約翊鈐以鄉約總董佐地方官次第興革諸要政無不洞中窾竅輿情大洽論者謂政論後一人也宣統間二次被選諮議局議員皆以年老辭人尤多其能避賢云

論靡弗預自文武將吏薦紳耆舊姻戚賓從四方遊士泊豪商大賈外國酋長日至其門延納無暇暑高談縱論窮夜不倦判決公私裁答籤記咸中事理累擢知府加三品銜政論篤內行待兄弟子姪恩紀周備赴義若飢渴寒峻負才汲引如恐不及身負東南重望雖至疾疴之際而以事詣床榻前者猶趾相錯也卒年六十二

國民

張美翊
字讓三
一字簡頌
晚號塞叟

少邁異嗜學尤好政治地理清末以副貢生兩舉經濟特科不赴常從無錫薛福成使英法義比四國所至必察風俗政治著書以告國人歷參鐵路督辦盛宣懷浙江巡撫張曾敷增韞江西巡撫馮汝駿幕府間充南洋大臣顧問官南洋公學總理及憲政編查館諮議官度支部諮議官等職先後匡贊大吏凡四十年知無不言言無不盡當拳匪亂起美翊說宣懷創東南互保之策約諸疆帥不奉朝廷亂命八國聯軍乃不敢藉口南侵拳匪勢亦稍戢論者謂其功不淺云生平為學不主故常少時治詞章中年貴經世之務既老恫士大夫夸狃域外國故寢廢益反本推究中夏固有學術性好提獎後進一時鄉國英雋多歸之其歿也學者悲失所宗有盡然泣下者

國民

馮丙然
字子藩
晚號止凡

清光緒壬寅補行庚子辛丑恩正併科舉人為學要於實用持躬率教幾五十年必言必行律已嚴而待人恕論者謂孤冰之中有陽煦焉歷主郡邑教化事務生平舉蹈矜重不肯隨俗而靡作事尤極慮疲志究徹始終或言毋太自苦丙然曰正唯此吾心乃不苦耳宣統初浙江推行憲政有行政會議廳之設丙然以才望被選為參議既蒞省議數不合知當局無實施意投狀而去入民國任縣會議議長鄉誦翁然歸之時頤制初破

同時費紹冠字冕卿本慈谿諸生寓居甬北久地方公益無不與且盡力焉遂以望被推長甯波總商會性和平為人排解紛難不大聲色遇公私利害所在則爭之甚力辛亥改革異軍特起有弁某搜甬市橫暴無憚紹冠力請當事置之法囚徒始斂跡丙申甬義軍謀抗北政府與省軍戰大敗一市驚惶幾被蹂躪地方人士奔避無存者紹冠獨挺身出任艱鉅費遣敗軍出境羣情始定說者謂紹冠維持地方之功民國來一人而已

祖一桂別見

次子浦字淞漁原名中鑫由北京清華大學遣學美國畢業於可倫比亞大學經濟科復研究三年得學位歸歷膺各大埠學校教授銀行協理等職謹循能勞見稱於時年僅卅餘病肺癆長孫和修畢業國立交通大學學行皆第一將

美翊性慈愛善感好為人排解紛難晚年徇旅滬同鄉之請主會事於上海推發羣義畢誠以赴鄉人懷之既歿為崇祀事於滬北虹鎮曰澄賢祠誦其清也

丙然之生也值太平軍之難母李避居馬湖白雲寺墮地時老僧方死母亦以驚猝亡丙然遂長於婢媼之手性孝謹事後母無忤色布衣粗食守先教終身

國民

盛炳緯

字省傳
自鎮海徙
縣定居城
內鎮明嶺

人心沸動少年新進好爲悠揚不可殫極之說用相責難丙然
曰此又一時也不去將爲辱乃謝職歸守里閭不出性喜勤日
負鋤與老農雜庸田間自以爲至樂在是也年七十忽自言死
期賦詩二首沐浴更衣而逝

幼有異稟九歲能屬文清光緒間從父宦京師肄業國子監司
業錢桂森稱異之庚辰成進士授編修時炳緯聲名籍甚顧不
務徵逐日求書海王村畧萬卷恣讀之學益進乙酉督學四川
至則察學署吏類與就試者巧質射利督學者亦相沿納其例
進不爲怪炳緯立予禁斷風趨爲一變繼督江西學政亦如之
訓士一依樸學嘗蠲所藏書三萬卷置經訓書院中成才極衆
以母老乞養歸遂不出朝廷既革科舉趣郡邑立學炳緯曰既
棄跡於國當陳力於鄉首在寧波鎮海創立學校又籌資遣送
各屬子弟東渡日本留學多所成就夙以民生爲念維護甬上
工商業尤至人民國僑居滬濱超然物表不爲風習所累人服
其識

遣學歐洲而遽病肺歿年僅廿四人皆
惜之

父植型鎮海人湖北安襄鄖荆兵備道
有清名
吳傳基字霞臆甬市中最稱仁厚長者
炳緯深契其人凡舉公義必與之偕曰
惟吳君不爲名役可與謀也清末寧波
成立總商會傳基首被推爲會長前後
凡兩任平亭息耗變化有概家不甚裕
而性好務義嘗曰必待富有而後濟人
之失濟者衆矣其存心有如是者

無少改度生平
不信浮屠卒之
前一夕忽自謂
白雲僧吟詩曰
將歸矣吟詩曰
冬出采薪春藝
禾白雲洞裏老
輪迴無端誤入
來門一夢過七
禪後果了前因
有欲問清風好
處明月樓真
結鄰

國民

王世釗
字勉齋

清諸生世居東錢湖上湖民多捕魚為業俗悍好鬥狠犯義小不孫即挾羣起大患官府而世釗獨以儒業見重於鄉鄕政委焉時湖上諸無賴設博局曰花會者匝地比比誘民博進負則入海為盜世釗患之禽其首數人乃就約先是漁船出入無稽稅吏不敢問清末始下查驗之分漁民聞之而譁船至輒泊江上二三日間首尾銜貫至數里縱橫棧列阻他船舶往來將為亂郡縣官大懼列兵保江岸漁民亦炫械跳躄不為懾或謂湖民素禮王某宜可止乃強世釗出世釗曰必撤兵乃可官從之世釗馳諭漁衆曰先生言敢不聽遂散其為人信服如是宣統初曾被舉為浙江諮議局議員性謙和措於言辭然常為人排解紛難鄉民兩大村爭水聚鬥他人唇焦舌敝不得解世釗一言釋之兩村皆聽約故人稱世釗啞勝人之喋喋云

國民

李鏡第
字霞城
鎮海人徙居南城

性寬和有容以鹽筴起家積而能散郡邑開公義所存無不與而於興學尤切心焉凡以學校名告募者必如景贊助之歲所蠲四五千金以上地方期會有召必赴且遵約到從不後時或議有所輸鏡第率先認為信故人望大孚民元以承歷屆省議會鏡第無不舉為議員生平沈默少言語議事遇有大利害關係必先期走詣同議士之善辭者備陳利病請為主張而已不居其名人亦感其誠無他用心靡不信之據以為言十六年共

同時董士奇字樹庠清諸生一應省試即棄業不赴曰是士君子立命之道耶為人和易然人與接者不敢以非禮犯每相諍曰童先生溫溫長者未嘗督過人癩吾輩畏之何也光緒末始行地方自治制士奇被推為鄉正鄉有興革惟士奇言是從精易理年四十九一日微不適徧召家人至誨以孝友任恤之道既已促家人食曰不食即日中汝食不下咽矣至時果卒

蔡和鏞字芳卿清諸生光緒末任鄉董有民望旋被選為省議會議員凡二任並歷充本縣自治委員縣參事水利局長款產會常務委員等職主持地方財政及公益事務幾二十年性樸誠勇於負責年六十三以勞歿人謂能綜覈縣財政不為奸吏所欺弄和鏞一人而已

寧波之有學校最學者曰益智中學堂為鏡第之族徵五者獨董其事後益智停辦其校舍移助工業學校工校費細持鏡第籌備始得維持

產黨人橫行甬上以鏡第常詆其隱私憾之欲加暴其身不遇遂毀其家鏡第頗感憤不自聊所營業亦日即疲曳負債日增而輕財如故又數年以變死後至貨屋償逋於此可以見其守

互策勉嘗主邑之城區自治砥道路浚河隄講教育謀救濟靡不畢力以赴費約事繁號稱其職云

不替鏡第又與慈谿錢保杭等發起效實學會鏡第為會長元年設立效實中學廿年以來成績冠冕兩浙論者謂鏡第創始之功不可沒云

國民

盧洪昶
字鴻滄

木戎氏子幼孤家貧有兩兄太平軍入甬伯被虜仲天亡母辛苦撫育至九歲而母亦病久未起無以為計不得已遣歸同里盧氏為養子已而盧氏家亦中落洪昶知非自力不能生存會鄰有招生徒赴杭習織工者自媒以往時年僅十四也羈杭數年窘如故乃轉徙上海無所就遂巡苟活者有年始謀得輪船小職以勤慎好學為主者識拔循資陞任為某輪副理中日戰事起洪昶所主輪被徵運輸軍實往來遼東半島大東溝之役海軍燬焉洪昶以計脫諸運艦於險材望大顯時盛宣懷提舉交通兼主漢陽鐵政委洪昶參與要務於是有萍鄉自煉焦炭之議蓋中國自做行新政以來能知開發資源進展事業者自洪昶始生平好義尚公有不足於心者排萬難以赴必成而後已宣統二府屬舊有丐戶墮民之族為人羣所賤視雖有才智不得自見於世洪昶閱之為奔走時貴之門代籲不平乞奏請解放一時顯宦高其義合詞上聞准旨解除丐籍得與齊民齒

洪昶所築湖舍曰卍字艸堂堂右山上構一圓閣以琉璃為頂四壁繪極樂國圖因即名其閣曰極樂閣
洪昶生性亮直好規諫朋游過失以是見疾於人辛亥革命或造蜚語斥洪昶右滿將不利於黨人方羣論諠

鄞縣通志人物編

方聞 民國

六一〇

洪昶又創辦學校三所以收教出籍子弟在寧波者二所曰育德在紹興者一所曰同仁其由校畢業者洪昶又各因其材或升學或資遣出洋學習農工各科或即令入商界期必各有成就一時輿誦比諸林肯之放黑奴然洪昶歷年所積貲傾矣晚年謝絕紛華習靜湖上築艸室於仁壽山下潛心內典年八十二自知死期無疾而終

譚時忽得寧波光復訊并悉為其子成章所發動成章事父謹動止惟命此舉必其父所授意人疑乃釋

人物類表第十 義行

宋聞子德 弟子聰 林暉 邊友誠 邊友益

元王昱 韓性 應本仁

明周得延 子敏和 敦和 陳處庭 廣陸 邱本原 李浩 潘本餘 沈志道 周德延 錢璉 胡西川

聞璋 董銳 子洌 翰 從子溪 孫夢龍 陸儵 葉良玉 子逢元

郭振陞 族振培

清史起揚 董德巍 父應遵 弟德嵩 史積蘭 施搏九 連德彰 徐桂林

朱孝銓 蔡筠 子鴻儀 鴻鑑 馮一桂 子信任 信健 林廷鰲 趙家薰 父立誠

施璿 陳聖佐

民國孫高潘 張守瀾 石人孝 徐原詳 嚴英 陳俊伯 周炳文

姜忠汾 秦際瀚 父運鈞 蔡體璠 傅宜耘 朱世恩

右自宋迄民國二十四年凡三十餘人皆好義樂施見稱鄉邑者夫積而能散曲禮稱之則知財非出於苟得積亦禮之所許願積

之所以期乎能散也積而不散是守也君子以為虜行夫財猶水也江河之積水非江河自潤也貴其能洩注四境而蘇槁壤也人羣之為槁壤者衆矣皆有待于江河而為江河者獨固其隄防慳其涓滴靳其灌溉一任芸芸者之焦渴以死豈江河之量乎哉自來維繫人羣而能使終古不敝者唯此互通之義果能散也義盡矣不必問其積自身積自先世積自旁屬與夫積之道如何要皆有合於逮羣之誼也故特表之為有財者勸述義行第十

代時	姓名	行	誼附	述備	注
宋	聞子德 字克新	其先益都人宣和末叔實通判明州子德與弟子聰侍父偕來因金人使道家焉實無嗣以子聰繼兄弟皆孝友仁厚又皆輕財樂施嘗開彈烏堰置硯通潮畜水以溉田鄉民因名為聞郎堰每遇飢者資粥病者資藥死者資棺闔邑以善人稱其兄弟	弟子聰字克讓		
宋	林暉 字公著	嘗任迪功郎韶州司戶恂恂孝謹輕財樂施大觀間陳瓘寓鄞暉獨厚之雖徙謫他所問遺常不絕建炎四年四明寇禍最酷挈家浮海獨免及歸州燬於兵暉未暇葺舍宇首捐錢數十萬修學宮又出己田半頃為養士費鄉人義之			

宋

邊友誠

字仁叟

雅志爲善發儲蓄散給親黨貧士登門禮而費遣之每日人不當爲財役好書尤喜讀論語若有所契合終身披覽目昏不輟晚年多疾或勸之修鍊答曰論語一書無非養生法何他爲平生少怒嘗曰怒未必人畏先自亂心也

子恢字汝實受業陸九淵勇於自立事關名教毫髮必計喜讀兵書曰知兵固儒者事紹熙元年進士授鎮江節度推官性孝居父喪不勝悲哀及大祥而恢亦卒

宋

邊友益

五歲而孤育於伯兄既長自以不及養親終身追念祭祀必誠必敬宗族有貧乏者月必饋之貸久不償置而不問邑有義舉類皆樂助不少靳與人無競惟恐傷和其隣始多桀暴有見陵者不與較嘗曰吾在此當使人人循理既久果皆敬服年七十六卒袁燮志其墓

元

王昱

字子明

好佛法自號平野居士元初徵辟不就性慈惠勤義鄉里鄞西南五十里有蕙江廣數十丈渡者患溺昱建橋二十四洞縣友如虹橫截急流行路賴之

元

韓性

字可善

性好周恤窮賈凡婚喪無以爲費必謁其門有逋不能償者爲代輸之歲大疫比閭中戒相過性率醫往視或輿致於家愈而遣之未嘗有矜色又置田爲義莊以收族人建義塾以教子弟浙西廉訪僉事浦江鄭浚嘗抵其家喜其爲人因遺以麀糶集遂取爲子孫法

父君屋別見

元

應本仁

字本立

以家世爲宋臣義不仕元隱居城南博學好禮愛人善施嘗慕范仲淹爲人建義莊創屋舍五十餘間割腴田五百餘畝收其歲入濟族黨貧乏與婚嫁喪葬之不能舉者又卽其中爲義塾延名師訓導里之子弟供膳服用悉有常制時其出納定其條約使後裔世守之

明

周得延
字昌齡

以躬耕樹藝起家有田三十餘頃性敦厚宗族雖相居去百里訪問周恤備至每歲飢賑給不少吝居家孝友教子孫俱有成規嘗應詔輸粟賜義門

子敦和字體道敏和字體仁亦皆孝友天至

明

陳處庭
字思正

當英宗北狩時徵發驛騷又歲艱民不聊生困庾無可發者處庭率先奮義出穀數千石備賑同里諸富者聞而興起有司嘉其行誼聞於朝特賜璽書勞禮旌為義民復其家

同時輸粟者有虞陸虞玖李浩潘本餘沈志道周德延任福邱木原朱茂春王勳俱以義民旌且賜勳冠帶其後竺法亦輸粟詔授宣義郎立坊旌表又胡西川助振則郡邑旌之

明

錢璣
字廷珍

幼好學負膽識父象為建陽典史鄧茂七犯所治象率民壯二千人擊卻之有冒其功者譏於監軍曹吉祥遂逮治璣侍象聽鞫鞫者謂之璣曰父子天性有父受枉而子不侍者乎鞫者即以父子之道為首題令作七藝璣立就鞫者歎曰象有子若此何必為此卑官事大白璣景泰五年進士積官至福建左布政使尋左遷甘肅行太僕卿孝宗初考績入京道病遽章乞休人皆高其勇退璣居梅江念瀕江田多淹沒歸里後與兄珪倡築長堤廣計二百八十丈被其利者三縣七鄉共一百二十六里民德之稱為錢公塘璣復築梅莊吟詠嘯傲於其間

明 聞璋

字廷實

家頗豐殖人貧之輒應或逋不償不為責已而復貸復應之或
嘗其過則曰彼誠厄於乏耳今餓且死忍弗賑之乎有以產業
售酬之倍其值以甲戶應里役所隸戶或貧弗及官輸輒代之
輸鄰有蒲運者故備也盜其禾羣備搜得之欲詣官璋曰數斛
穀乃足盡人命邪諭遲遣之遲卒感悟不復為盜居家孝友內
外雍俞處族衆尤謙謙執禮尊長或督過輒長跪請罪必得解
乃已閭里慕之咸謂篤行君子也

孫淵別見

明 董銳

字抑之
號裕庵

性孝友父母疾旬旬嘗藥叩天祈以身代遭內外艱哀毀慟號
幾絕季弟死其子瀚當繼而死者意在伯兄子沐難於言書方
寸紙置懷銳得之出示衆曰吾手足至情不以生死異豈為一
子計貲產遂成其志族兄以官逋被繫捐貲助其半有賈人假
館月餘而去者遺千金復至還之封識如故歲飢出粟煮糜又
捐二千金代貧民償逋郡守上之朝賜七品散官一夕有五十
人叩門將行刼銳飲之酒人予五十金語之曰人生宜自愛吾
豈不能置若等於法乎皆俯首謝去越五歲諸人各攜金踵門
曰日賴君惠經營孳息皆成家今以奉還一時傳為異事歲暮
至西陵得金於邸中因留不歸至明年二月有號慟而來者曰
吾父受主者令費金五百贈某偶以夜半登舟忘之今拷掠垂
斃吾來豈望金之猶存將碎首於此白吾父以不欺耳銳曰吾
為若留久矣金具在速歸拯爾父舉以還之城西苦徒涉捐資
造望京橋行人賴焉卒年六十七

子洵由歲貢官當陽巴陵教諭瀚字宗
理正德十一年舉人知費縣從子溪字
宗周嘉靖間樂安丞孫夢龍字道東副
貢生邦樂字子夔號慕愚嘉靖二十五
年舉人時夏言柄國言幼時隨父宦鄞
銳禮以上賓言心德之至是謂翰林全
元立曰董生若來詣者吾以大魁相處
元立以語邦樂竟勿往官終浮梁知縣
邦樂子光亨字惟嘉兩中鄉試乙榜萬
曆中授福寧州判未之任卒

明 陸儼

字文亨

父垞生五子季弟儼最少為儒生及父疾將終呼儼屬之曰使
儼不廢於業者必吾兒也儼稔頌受命與儼合居數十年家事

號簡庵

無細巨悉任勞動故僭得專志向學成進士後以僭官在外撫其子成立畢婚娶延師督課視己子無少異性又好施貧人貸與券不卻然時時忘之都御史孫燧死江西喪歸將葬邑人訟其墓購重值甚急其子貸弗得謁僭立出數百金與之以入義助邊賜秩宣義郎嘉靖八年卒年八十七

明 葉良玉

字芝田

少穎慧讀書甚敏年十三失怙家貧乃棄書託治生以養母性樂善好義憫先世尺籍從軍每逢僉補子姓亡去者衆良玉既捐貲以脫難又爲圖長策使闔族無追呼之擾及某病疫人無敢睨良玉獨時其湯藥扶持之疾瘳而身亦無恙年八十邑令欽其行誼旌之曰品高齒貴

子逢元字會一崇禎十六年貢生授泉州訓導轉政和教諭唐王入閩以論措餉與當局不合投劾歸

明 郭振陞

事親敬長夙稱孝悌好振人急遇貧士每罄所有資之鄰有鬻男者捐屋以代贖仁聲傳誦一時

郭振培崇禎間舉人從楊文贊入閩官監察御史死於兵蓋其族也

清順治間入祀鄉賢祠

清 史起揚

字見峯

兄弟三人兄蚤死弟出爲人後後貧不自支復與合鑿稍給始析去旣而弟客死武林聞訃慟哭而行攜其喪歸弟婦及二孤無依復與合鑿訖有成立有再從兄弟之子二人孤貧失業則攜至家使長者學稼幼者就塾後皆授之室一庭內外十數人視如一本寡姊老而失明養於家終其天年好周人急有告必應善無不爲子大成殿試第一人咸謂厚德報卒年七十七

清 董德巍

字奠高 號蓬廬

諸生性孝友父病爲壇祈天以身代四十餘日不懈益虔族人歲有常廩親戚鄰里賴以不凍餒者甚衆有陸某者爲營債所窘將鬻女德巍爲之代償東錢湖波路壯闊舟行甚艱欲築隄捍之未成而卒

父應導字王路諸生曾毀家輸餉爲錢肅樂司出納監國授以行人旋棄去奉父避亂性孝友尤輕財好義年七十七卒

清

史積蘭
字挺標

性孝友仲季早世撫其孤子俱成人任卹三黨凡寡居乏嗣者畢力周之復置產以贍閭邑窮孀又集同人為廣濟堂便利浮橋交通橋東舊有船埠聯船櫛比與橋下行船相觸礙潮急直趨往往撞擊傾覆積蘭出資購地離橋二十餘丈別築新埠遂無覆舟之患東錢湖民私利佃漁賂碑夫洩水稍早即涸積蘭條陳堰碑諸事宜勒石永禁並立水則以慎啓閉卒年七十四

弟德嵩字景高諸生力學砥行母喪絕而復甦者數父疾方應試武林聞信徒步歸兩晝夜疾行五百里抵家呼號籲天願以身代父卒哀毀如母時

清

施搏九
字圖遠

監生自少敦行至老不忘嘗仿古人立功過格以自程戴某家貧負欠以幼女償為贖歸嫁士族里有孤寡失依者六家咸使得所遇有稱貸者必與之土盜徐景範等擾境官捕之未獲率鄉人縛以獻邑令周鎬重其人稱為仁勇云

同時連德彰字志文家僅小康嘗躬自約省力行施濟其矜恤孤寡以保全名節人或有不知者歷五十餘年好義不怠嘉慶十年知府廣善手書崇善敦仁扁其堂

清

徐桂林
初名太茂

父為三子析產桂林以宅讓兄以田與弟自治生得餘贏復為兄償通弟粥其田贖歸益之祭田剏祠堂於大墩設義莊廩族孤寡祠左建敦本義學右建崇本書院置田買山為經費邑令

搏九曾孫福謙字綺峯貢生用文學教授鄉子弟稱一時老師云
施德邁字景皋搏九之族也用錢通起家嘗捐田六十餘畝為卹族資鄉里義之

與桂林同旌者朱孝鑲字錦齋監生樸誠坦率兄弟怡怡偕其季孝銓設義田三百餘畝歲給族人延師以課子弟規

以字行更
字安國

清

蔡
字峴
筠
苦

程璋與四小學桂林以田百畝歸柳河義學東津浮橋歲久愈
敗桂林造二大舟支於中而新其東壞岸後巡道李可瓊將
修雨無少間五月而放塗租千歲親督工役潮退則往昏夜
風礁常破舟溺人桂林表大而木其上三橋省狹小納淡有見聞
為害縣西南風棚水急而覆舟易桂林擇三橋最少者易地更
亦五其門礮港橋是也生平好義急公遇事能斷顧常謹慎持
重自言作事如滴水於荷蓋而手捧之稍解傾矣其操守可知
也道光十三年以義行旌

家貧小習賈偶得一金歸輕治具博親歡稍有餘積輒讓與兩
兄以濟其困後以貨殖致富建宗祠割田二千畝贍族規制完
備復建小學於郡城收教孤寒子弟每春秋試士無力治裝者
餽以廩他若恤嫠婦飯窮餓造杠砌路施藥裹棉衣類此者甚
衆光緒二年以義行旌

制秩然

子鴻儀字梅卿好讀書博通典籍性
喜舉子業絕意進取嘗以賞郎應北洋
大臣李文忠之招創製紗布實鴻儀始於
海中國設廠自製紗布實鴻儀始於
又會辦電報局亦創舉也皆稱其職
生平善繼先志父筠成之如沙田與工
斂所關者方議成之如沙田與工
而卒鴻儀因斥績成之如沙田與工
時濬治之費光緒壬午未之置田與工
產維持私儀均不虧先公義行之
謂何而忍廢之耶晚年謝事不
業在滬上隱居樂善好施尤關心
次子鴻鑑字榮卿任俠好義尤
居城中必子如橋意者日多至
輩不能通行人如橋意者日多至
巷月能通行人如橋意者日多至
字稱海樓藏書後盧氏抱極名貴
世鎮海樓藏書後盧氏抱極名貴
及鎮海樓藏書後盧氏抱極名貴
之年未三十而卒

清 馮一桂

原名仁國
字芾棠
號蘇亭

先世力田起家至一桂祖父世頗以雄資聞一桂又善經營其業益大性好施道光丁酉與其從父智源各捐腴田五十畝創立義莊曰敦本一族之教養資焉一桂盡心鄉之水利害興修永鎮塘以調節江河間蓄洩由是有聲郡邑寧紹台道段光清欲修治它山堰洪水灣諸工程以屬一桂一桂力承其役且出鉅資為倡工銳成後人思其功為附祀它山遺德廟及永鎮祠宣統間以義行旌

從父智源字德川性厚好義名亞一桂云仲子善任原名信任字景伊同治十二年舉人慷慨好客有小孟嘗之稱捐資賣地杭州創立鄞縣會館季子信健字子剛一字積甫繼父兄志汲汲務義於鄉尤輕財推惠族黨施濟靡勿至

太平軍陷郡城學校衙署多為摧毀友事定一桂創議修治尤著勞績修治尤益豐開其名徹全監修省中諸工程會疾不果行

清 林廷熬

字澹吾

諸生善治生業家隆隆起性慷慨有得輒散諸戚族鄰里之困乏者縣有公益事苟就商必舉贊先倡一時稱善人焉光緒十一年浙撫劉秉章開於朝以義行旌為人謹厚敦終始之誼母病躬侍三年無少懈弛尤見稱於時云

三子士堂字小瀛善繼父志英人陷郡之役創先助餉事平又出資善後年未三十卒士堂子鍾華字孟載同治間進士多文好古亦有義聲鍾嶠字仲貞與鍾華同榜舉人鍾嶠字叔原光緒乙亥舉人入資官淮南同知轉淮北歷保至道員鍾嶠字季常則以儉德著

清 趙家薰

幼慧善讀書同治乙丑補行辛酉壬戌舉人入賞官戶部員外郎會父老病謝職歸躬侍湯藥以是博涉方書求可以愈父病者父歿遂不復為進取計撫庶弟五人皆至成立性慷慨尚氣誼戚友緩急有告無勿應視郡邑事如家事勇于赴義散財無算

父立誠字樸齋本慈谿人洪楊之役故居盡燬遂遷縣西其時立誠已發跡滬市頗積資乃盡心於義舉無所吝惜同治間以輸饟功累賞連同知銜又以募創民承辦浙蘇各塘工有功詔以知府用分發江蘇生八子家薰其長也家薰弟家芬字誦清立誠第三子也厚重端謹不尚於行為文根據經史取法乎上盛炳緯督學江西錄取士子文卷常繕送就正然後刊布其見重於時如此中光緒甲午舉人先是曾以廩貢

清 施 鑿

字 媚 青
一名 錦 春

少孤依友西人某於滬性勤學遂通外國語用貿遷起業稍
稍有贏畜生平講羣德赴義不問上海甬人有旅滬同鄉會之
設鑿所創也章制規約皆鑿手訂歷年修改增削終莫能離其
成範年未五十而歿同鄉識與不識皆惋惜之祀於會所別室

就教職官武康八年頗有重名諸弟家
荃家蕃家藝皆別見

同時陳聖佐字蓉館有志逮羣佐施鑿
創同鄉會於海上主常務最久生平守
信明恕人多歸之其在鄉也一意教化
事尤注重於舊道德凡受其教育者多
有以自見雖浮湛市廛間不失儒者氣
象時以為難得

國民 孫高濬

字 廷 源

少孤貧依祖母成立學時計術於甬上江北岸既成乃即埠開
業會太平軍起邑多被燬獨甬北以通商口岸獲安避難者集
焉一時繁榮過都會高濬業遂益振不數年孫氏肆徧國中
性慷爽好施於鄉國公益義務尤樂飲助之其在滬也嘗督其子
鵬出私費收燬一市鴉片用具一日喪萬金無吝色海內外高
其誼遂有煙禁之議奉化方橋要津也比久無議建復之者高
濬獨力承造費七萬餘金閱七載而功始就稱四明第一橋生
平赴義勇為成就極多此其大者云

同時張守瀾字文川家貧好義自少抱
共濟之心會太平軍陷郡父死於難生
計甚窘遂輟學不竟所志然朝夕苟完
即節餘以食鄉里聞人之急未嘗不赴
歷數十年如一日高濬之建方橋也後
先奔走守瀾之勞最多年七十八卒

國民 石人孝

字 人 孝

幼孤貧羈上海執梓人業精思慮技大進為人又厚重竺摯
每役躬自料量如約施工不小遠規度人知其誠有大將作多
樂委致僑人尤信任人孝謂人孝無媮行故寬其直張之人孝
以是起業晚年業益壯人孝曰吾素貧賤惡用是多金為遂剖
家業公之鄉國宗族間置義田立學校修道路津梁贍災溲滯
凡有利於民生者靡不畢誠以輸及歿子僅足自贍云

國民 徐原詳

名 學 濤

自少奮於艱難為人經營商業立義樹信至老不衰辛勤所積
稍稍有餘贏乃一意務義於鄉鄉子弟有無貸就學者原詳聞
之輒袖金走訪使竟其業又設小學校於其家收教隣閭兒童

以字行

督家人供頓學師腆豐如待上賓或偶意教訓則長揖泣請故為徐氏師者無不人人感奮成材輒過他校生平講鄉政尤重水利家居董江鎮其上游曰后龍者依谿結村谿流常衝岸齧屋趾屋呀然擊水上每山洪暴發不沒者僅版瓦原詳過其地蹙然憂之乃懷巨金逆舟上既盡得其所為患又刺土人言一家良詣之以五百金獻詭其辭曰有某君憫是地暴流壞民屋非改流不可救願致金為倡苟不足原詳亦願從某君後助其成村人心動感泣遂相與共議遷流改隄之法鈞其輸壯者以力富者以財旬月而功集竟役原詳輸力獨多后龍人誦其德皆曰徐先生長者也原詳無子以從子某嗣既老剖所蓄產為若干分子女戚友閭黨共之而所設家學提備尤厚論者謂原詳商而有儒行其風誼不可及云

國民

嚴英
字康懋

父文周以贖江北浮橋有義聲於時臨歿屬英毋藉先蔭守死財英既長亦能樹業念父遺言慷慨務義鄉黨咸奮提扶備至邑有公益之舉靡不欣襄以期其成歲費不貲又捐金十萬版購良田四千餘畝建屋五十楹為嚴氏義莊不自多輒告人曰此先人之志也兩世勇於為義人尤美其善繼云

國民

周炳文
字炳文

少貧廢書用商自封殖辛勤門戶苟完而已世居梅壘地當南塘河上游瀕流結屋每暴洪過輒衝刷為害民國十年秋為暴尤烈炳文一家八口同夕被難時炳文與二少子在上海聞耗急歸二子相持大哭炳文止之曰毋徒為一家哭也吾誓必有以慰死者乃號於鄉籲於官告於四方曾其材若干萬議者曰食之炳文曰否材求當於用耳徒食胡以繼工振宜眾皆稱善

父文周別見
同時陳俊伯字子燾本名家子用計術隱於市客滬最久於所營業多億中性慈明善感掖助人羣無義不舉生平好讀書觀畫收藏宏富幾甲一邑所交多名流接待故舊具有厚意未嘗以勢地輕人故人亦不以市人輕之

長子楚華當梅壘災先一夕楚華適在鎮徵租突雷作雨寢大人傳山洪且下楚華心動欲急歸戚友共尼之楚華曰安有親在危難中得置而不赴耶昏夜走二十里比抵家災已成屋覆於水母及少弟諸婦諸子漂歿不可救楚華殉之

其年修築堤防道路津梁且備明年水又大至故所治者大半毀炳文又倡衆復之皆出己材先輸鄉之民乃皆稱炳文爲周善人善人曰毀復歲相見非本務也治本自疏河始因又督鄉人治三塘河凡五年用金二十萬版炳文輸力獨多其他鄉治所先有創必舉舉多不具述

少貧輟學習商上海用自力奮發佐人經營皆隆降起人樂賴之忠汾亦積有贏畜乃獨立營地產業直滬市拓張業大振性輕財好施凡鄉與族於義所當爲者靡不力舉之所居曰姜家壠忠汾尤極意建設自道路橋樑農田水利教育救濟以及一切養生送死諸鄉政一皆身任其重絕無劣貫前後所輸金四十餘萬而宗姪助助之費猶不與焉鄞縣志歲久失修忠汾以四萬金倡且有意善其繼志未成而歿邑人歎惜之

承父業以善繼稱性儉素自奉絕少豪華態精計術出納維謹然遇義所當爲亦必徇衆意潤色之民國九年歲歉穀踊貴官紳議辦平糶際瀚先後捐助不下數萬金郡邑貧民賴焉政府得報以嘉禾章獎之嗣又捐修鄞縣監獄得解多章一時慕義興起稱極盛云

家基貧年十二即隨父服賈上海生有大志能忍嗜習艱以赴事業性孝謹父病劇割股以療父歿事後母盡禮非尋常市人所能也既以儉劬起家不自多雖豐饒異遇無少改度積而能散尤其素願遂於其鄉立小學四日親仁創醫院一曰仁德他若恤孤振乏諸義舉苟有告者靡不負責力成之一鄉稱其仁

年七十爲佛教孤兒院募捐始削髮爲僧法名寂定號安心頭陀行誼詳方外門

國民 姜忠汾 字炳生

國民 秦際瀚 字珍蓀

國民 蔡體整 字仁初

國民 傅宜耘

姜家壠建設完備爲一邑之模範稱其地爲鄞縣自治模範區

分詳政教工程各志

父運鈞字有安幼孤嘗割股愈母疾及長服賈上海會上海初開埠百業萌芽運鈞乃審機殖貨遂致大有性謹敕自念創業非易常懷懷於保持之道著爲家訓故秦氏世多守成之賢云

朱世恩

少孤貧失學年十一從舅氏赴上海習工自知無學不能成業因以工餘讀書補所缺憾越數年學大進業亦益精生性善感慕義無窮積有餘盡心於公益事務而於學校醫院尤加力焉嘗獨力創辦世恩學校於上海倭人來侵抗戰役興又在上海設立世恩傷兵難民醫院繼又於同步設第二第三分院計先後捐貲達數萬元而面無德色人以爲難云

鄞縣通志人物編

義行民國

六二四

人物類表學術之部

人材之興也昔出科舉今由學校塗術既殊矣而民國之制度又與帝制時代不同無所謂仕宦無所謂齊民在職爲官去職爲學人而已故仕績等目皆不適於今時且國民自當人人知學而職務實爲其借逕忽而官忽而商忽而役人忽而役於人絕少終身之事業於此欲定一適當之分類誠未易得則不如各從其經歷之資而統之曰學術庶乎不學無術者無得依附其間矣述學術類目如左

第一 教化

以教育文化併志之故曰教化

第二 政法 經濟

爲政而不諳法與經濟則不足以成治術故併志爲一類

右二目就現代已故人物略依其所成就以志之非謂已盡學

術之類民國成立祇二十有六年既生存者不錄則可錄者亦
僅矣非鄞無其人也蓋有待云

人物類表第十一

學術一 教化

毛宗藩 張琴 顧清廉 施襄孟 范承祐 施國祺 吳寶忠

右四人皆良師資也其學足以起墮志而抑躁功其行足以振靡風而龔頑俗特著之以示範焉

代時	姓名	學	誼	附	述	備	注
國民	毛宗藩 字介臣 號馥棣	清貢生潛志好學孤高自賞不苟交納詩務峭刻文峻潔視俗所尚蔑如也中歲以往治象墩之學冥搜孤往能自得師吾國舊術如四元玉鑑等書皆有演艸既見譯籍用心益專於幾何經術時多新發明欲成一書以病未果歿後門人私謚曰貞介先生	父琅清同治乙丑補科舉人官石門教諭著有蜀紅吟館詩文艸稍後有張琴字嶧桐自號留叟清貢生科舉既廢歷任郡各中學教職善隸書旁及篆刻鄞鹽城搜得六朝甄五十餘撫搨而考索之曰留齋藏甄題跋通志藝文間采其說焉	父鴻康以廉稱其兄鴻慶鄉霸之尤也當同咸際句給官府橫行一鄉鄉人被殺害者甚衆人不敢誰何鴻康日切諫阻不聽乃別籍而居及敗鴻慶一家誅竄殆盡而鴻康以守正獨免	宗藩嘗襄辦那師範及慈谿慈湖等學校訓迪學生務循禮法違言或勸稍通變勿太拘宗藩曰吾不能染髮媚少年拂袖遂去其狷介如此	清廉在清未嘗游日本學師範數年大袖博帶不改其初人以爲難云	
國民	顧清廉 字葆性	清諸生性方嚴教授鄉邑間課弟子讀經開分習小學及先儒性理之書銳以師道自居弟子多敬憚之其教不守舊法務使學者易於領悟郡守喻兆藩重其人爲立學校於北郭成材甚衆奉化蔣中正其一也清末被舉爲諮議局議員激直好言入民國一意鄉治然使氣善罵多忤人卒貧病以終	父鴻康以廉稱其兄鴻慶鄉霸之尤也當同咸際句給官府橫行一鄉鄉人被殺害者甚衆人不敢誰何鴻康日切諫阻不聽乃別籍而居及敗鴻慶一家誅竄殆盡而鴻康以守正獨免	清廉在清未嘗游日本學師範數年大袖博帶不改其初人以爲難云			

國民

施襄孟
字象衡
原名統

自少好學尤精輿地為郡士冠性傲岸常使酒罵人其母憂之痛飭戒襄孟跪母前誓不再飲自是終身未嘗一近杯杓有強之者輒離席避去曾任寧台二屬中學教授幾二十年弟子著錄者逾千人著有地理大綱中外疆域沿革志歷史地圖浙江地理志藩屬圖志珠江流域圖解等書

國民

范承祜
字均之

自少承家教束身修學動迪有方性又端默喜讀書絕少時染隣閭戚好僉以君子呼之久且沒其名因取音近者自字曰均之既成立會政府有派遣高材生赴東留學師範之命鄞以承祜應承祜素治國故之學在東又從餘杭章太炎講貫所獲益富不僅形器象數之學蓋其奧窈也越五年始歸國歷掌郡國教化事務體孱柔又困於境居常感念家國事戚寡歡民元以還軍閥迭起為橫君子道消自知無所用於世積憤成疾遂謝世紛習靜西湖山寺中所往還講論惟老師宿儒數人於紹興馬浮最契病間嘗提舉浙江圖書館每得一書必加以平識正譌辨誣時有發見以流疾殞於湖上著作散失無存

同時施國祺字竹晨諸生性矜持作事有常善飲酒三爵而止終其身無改度主郡女子師範學校十年必規必矩不少苟將學生愛之如慈母憚之如嚴父所栽成尤衆云
吳寶忠字芝幢治史地之學任鄞慈二邑學校教師二十年以優良稱著有歷代治權分合系統表一卷中國山脈水系表十卷地理譯名異同考十二卷

人物類表第十二

學術二 政法 經濟

范賢方

徐家光
林斗南

章述浚

陳時夏

胡翔青

陳滋鎬

(以上政法)

郭外峯

馮良翰

姚傳駒

(以上經濟)

右六人皆以其學為國用而各有功效可稱者也當民國初建百務草創以言設施人材尚已顧其時北庭遺孽猶橫據勢地兵財大柄不屬於民黨袁世凱假途滅清以自帝段曹馮吳之屬爭樹異幟以逞權天下洶洶無有已時此有志用世之士所為徘徊瞻顧莫知所適也北用利誘而又劫以淫威南以義動而復屈於孤勢士生其時欲富貴則不得不附北附北則名不順欲立名則不得不歸南歸南則不能圖富貴孰利孰害何去何從苟非有堅定之志節凝固之精神則朝秦暮楚充塞道途矣甬士大都為民黨有主義以自守非勢利所能牽率故在昔

政途甚冷落一二公職所繫亦少顯聞郭外峯姚傳駒二氏一則綜覈度支負純潔之譽一則剖析名理擅制置之長方期佐參政柄為國家養命脈而不幸短命遽化未卒所圖惜哉成功之不易也

時代

姓名

事

實附

述

備

注

國民

范賢方
字仰喬

清光緒壬寅補科舉人萍鄉喻兆藩來守寧波資遣賢方等赴日本東京治法政之學始主開明專制後漸與同盟黨員接乃銳意革命辛亥義軍起賢方偕鄉邑人士籌設保安會未幾杭州光復保安會應之遂成立寧波軍政府賢方長司法部旋調省提舉省法院非所樂也一年云之與於反袁反曹之役嘗出亡日本廣州政府成立歸任國法院長性亢直好勝不甘居人下雖在官常鬱鬱不樂以疽發背卒於任

徐家光字修夫與賢方同年舉人同遣赴日本留學法政歸國後執律師業以善理民事有重名於時辛亥以來革命之役家光靡不參與性警敏深重不好尚人聲華內斂人多澹忘之
林斗南字瑞甫賢方妹婿也善治計學甬市錢業時有虛擡現帖之弊斗南輒出爭之頗見稱於時云

賢方亡命時以北政府緝捕嚴改名慕蓮

國民

章述浚
字許泉

清諸生善小學嘗從慈谿梅調鼎講論書法盡通其意遂以能書名嘗留學日本研求政治法律鐵路風潮起述浚被推為海外僑學代表回國與當道持論頗見節概辛亥武漢起義述浚適參鄞縣幕因勸知縣事江甯經說巡防營統領常榮清召郡邑士紳籌設保安會維持秩序及省會光復寧波即應之闔屬晏然述浚之功也民國既定任臨時省議員浙省單行法多述浚草擬旋簡任永嘉地方審判廳民庭推事長未幾司法改革乃奉身而退家蕭然無一月儲生平敢於任事未嘗以難辭人以是稱之

寧波光復後述浚曾被推為軍政府參事兼代理鄞縣知事日與府中人籌劃要計肆應羣倫不阿論者謂以神識凝定不棘鄉人任地方事不能廢私述浚有足稱焉

國民

陳時夏
字季衡
號于齋

清諸生自少卓犖不羣留學日本東京講究政治之學向博達好議論傾人人忌其材辨多心害之歸國後直宣統豫備立憲詔各行省設諮議局時夏被選為浙議員互推任副議長時鐵路國有議起民氣遙作時夏亦以議論過激見忤當道及武漢舉義時夏曰此其時矣願吾浙不可無主之者乃夜走滬上說湯壽潛挾之俱出兩浙遂一夕光復衆舉壽潛為都督時夏以浙代表赴武昌南京議事多所建白任參議院議員一年洪憲禍後再起為衆議院議員以拒賄選南下參與護法之役性嘗特高自標樹而芥視倫輩每議偶不當意則力抵排異己者往往踰常情以故奔走數年常為人倚無所就乃謝歸伴狂雨市間潦倒以終生平喜讀禮書謂已亂莫若禮法猶後也嘗銳意著作困於遇不克竟業創稿多身後無一傳者

同時胡翔青字叔田清諸生以材練客湯壽潛許頗見信重壽潛有所規畫必諮翔青而後決光復後譽益高浙督前後皆下交翔青翔青亦為盡心焉嘗被舉充衆議院議員拒曹錕賄選南下以黨別不得志遂歸不出營商業甬市識時觀變頗獲贏計蓋其材所鳴施無不可也

時夏翔青少同學長同游既老歸里又同與地方公事二人聲譽相頡頏時稱陳胡惟性氣不甚沈澹每立議各持己見相難不為下然是非利害因之而益出論者兩賢之

國民

陳滋鎬
字傲笙

清諸生光緒季游學日本畢業東京早稻田大學回國後歷破推為本縣自治會總董議長諸職民國元年北上累薦任甘肅山西高等審判廳庭長八年任司法部秘書十年任司法部修訂法律館總纂所議法平實當理期可行久無所苟曲尤見重於時既退棲海上任律師生性善感謹然諾法士中最為長者

翔青從子祖同字孟嘉英國伯明罕大學畢業得經濟碩士位回國後歷任交通銀行經理中央銀行國庫局長年四十九歿所事未盡所學時論惜之

滋鎬素不作狹斜遊官北平時有女優白氏者有豔聲豪貴競睚之及病久容落客亦爭棄無復過存窮且死滋鎬聞狀憫之詭姓名以二百金餽白病起徧訪無是人者知者以告白益感即日自脫籍歸滋鎬滋鎬素貧

國民	國民	
姚傳駒 字詠白	郭外峯 字外峯	
<p>自少穎異善屬文年十七成諸生恥所務非經世之學即棄去東渡日本求所謂經濟學者壹志研貫之既有所得銳欲有以自見會辛亥革命告成乃回國條陳所見於南京臨時政府主張改革幣制為理財先務時主財長者頗嘉傳駒能見其大即任為泉幣司司長兼幣制局鈔票處處長條目相立而和議成政府北遷及熊希齡秉國新會梁啟超方長財政深知傳駒才</p>	<p>性純潔廉厚佐人治商能負重夙精計術俄僑設道勝銀行於日本橫濱聘外峯王之十數年兢兢於業務無少缺失生平喜交接英馬國人留學或亡命於東京者外峯常為東道主賓朋往還無虛日而尤契同郡趙家藝家藝之創上海物品交易所也即薦外峯及馮良翰主辦常務逾十年雖甚困頓處之泊如不言去人高其風誼民國十九年外峯奉政府命督辦上海招商局時局務廢弛百弊叢生外峯至竭力整飭即糜去腐勿辭勞怨稍稍著成績矣廿一年鄂皖豫贛四省災區救濟處成立於漢口蔣委員長固請外峯任處長兼總理中國農民銀行外峯忠於職守勿苟曲是徇政府實惠始下逮災民而外峯亦積勞成疾體素胖廿三年夏中著毒旅死廬山病院</p>	
	<p>馮良翰字友笙清諸生少從仁和葉瀚遊瀚主吳興南潯公學良翰以高材生頗為瀚所契重性堅忍且喜事與公學當事不合被斥瀚右良翰遂同去之滬創某譯社已而歸甬襄辦中小各學辛亥革命光復寧波良翰有功焉曾被選為浙江省議員為學夙擅數計上海物品交易所成立與郭外峯同以聘入主常務稱盡職久勞成疾倏變起髮憤日深遂不治歿於上海寓所晚年專心許氏之學頗欲有所著述未成而病無所傳惟棋譜及數學遊戲二種刊行於世</p>	
<p>傳駒著有幣制改革論理財芻言等書頗自矜喜不肯輕視人嘗嘆曰並世幾人可與論此事有知我者自我求耳浪投何為哉</p>	<p>外峯歷主中外財政四十餘年常俸外不溢取一錢性又慷慨好周濟窮乏以故家儲不豐歿後其所畜僅足以活妻孥論者謂如外峯者庶克當廉潔之稱</p>	<p>謝之白曰妾所敬愛君者正唯君貧耳願與共淡薄都人士為發歌詠傳其事尤嘖嘖云</p>

有意委致之改革幣制之計劃將見諸施行而袁政府洪憲之禍作傳駒隨啓超謝職出京政策遂不得行袁氏死傳駒始召回任爲東三省中國銀行行長流通國幣抵制國外金票在東九年頗著成績政府以寶光嘉禾章獎之然自啓超謝政後繼之者多不學無術之徒利用故制爲掙克地憚於改革傳駒之政策既不見採用是鬱鬱寡歡雖曾一度浮湛財部非其志也二十四年冬養病湖上適軍事委員會委員長奉化蔣公來杭傳駒又以改革幣制策于之蔣公聽其說時傳駒方受閩省府之聘創辦福建省銀行翌日卽南下越數月蔣公檄傳駒兼辦江西省銀行而傳駒已病不能行又一月而歿歿後法幣之議起卽傳駒一生所主張改革幣制政策之一也其人亡其政舉論者惜之

上海图书馆藏书



A541 212 0018 6683B

